

Carta de un ...
...
...
Antonio ...
Monica ...





oisotton



214.5/100 16538 1.45

Falt

- 1°) Mizaldus (A.). Hortorum sive cultus et auxilia. Lutetia
1575, 102 p.
- 2°) Mizaldus (A.). Opusculu de Sena ... Lutetia,
1574, 18 p.
- 3°) Diocles - De morborum causis ... et remediis -
Lutetia, 1572, 27 p.
- 4°) Mizaldus. Artificialia method, comparandum horti-
fructuum ... Lutet., 1575, 83 p.
- 5°) Mizaldus (A.). Alexikepus seu auxiliaris et
medicus hortus. Lutetia, 1575, 107 p.

2068
REF **Hortorum Secreta,**

CVLTVS, ET AVXILIA,
amœnæ voluptatis, & inenar-
rabilis vtilitatis abunde ple-
na: rerûmque variarum
accessione nunc pri-
mùm aucta &
illustrata.

Autore ANTONIO MIZALDO
Monluciensi, Medico.



LVTETIÆ.

Apud Federicum Morellum, Re-
gium Typographum.

M. D. LXXV.

CVM PRIVILEGIO REGIS.

82
SVMMA PRIVILEGII.

REGIA sanctione cautum est, ne alius quispiam præter Federicum Morellum, Regium Lutetiæ Typographum, huncce Librum, cui titulus est, *Hortorum Secreta, culius, & auxilia*, Autore ANT. MIZALDO Monluciensi, Medico, intra quinquennium, absque manifesto eiusdem Mizaldi consensu, sub Regis dirione imprimat, aut vendat. Qui secus fecerit, libris, & pœna in sanctione æstimata mulctabitur. Concessum fuit Priuilegium Lutetiæ Parisiorum die quinta Octobris, 1570.

Per Regem in Consilio,

D E N Y S.



NOBILI ET ERVDITO VIRO
 EMONDO DE LAIGE, REGIS IN
 supremo Senatu Parisiensi Consiliario,
 & Cœnobiorum B. Mariæ de Fon-
 tenayo, necnon S. Memmij, &
 de Miserayo Abbati, AN-
 TON. MIZALDVS
 Monlucienſis,
 S.P.D.



LV TARCHVS scri-
 ptor grauis, atque omni
 iudicio πολυῖσως elegans,
 tradit, Clarissime Senator,
 idémque Abbas erudite,
 negociatorẽ quendã Chium
 vinum multum, primæq;
 bonitatis vendidisse: sibique acidum & in vap-
 pam deprauatum selegisse, ac in vsum quotidia-
 num reseruasse. Cuius seruus, qui ab eo fortè re-
 cesserat, interrogatus, qua impulsus causa domi-
 num reliquisset: Quia (respondit) cùm in mani-
 bus bona quamplurima & præstantissima habe-

ret, mala tamen & deteriora quæque bonis præferebat. Serui huius apophthegmate planè philosophico excitatus, ceu quodam classico, circumspèctè providendum mihi duxi, ne simili nota inurerer, similis infamia notarer qui sordidus iste negociator ὀνοπωλὴς. Quod ne hîc mihi contingeret, mala, scilicet, & malos, bonis: indoctos doctis, & ignobiles nobilibus præferendo: precium operæ facturum me putavi, si posthabita ignobilium & popularium fece (ceû vino quodam in vappam deprauato, &, ut loquitur Plautus, edentulo & infuscato) te vnum de multis, Vir ornatiss. seligerem in propugnatorem, patronum & susceptorem Hortensis huius historie nostræ. Quæ sicuti in tuo nomine foras prodit, & variè aucta ac locupletata, incredibilem, mira cum iucunditate & delectatione, fructum quibusvis pollicetur, ita anxie à te petit & postulat, ut tibi nuncupatam istam voluntatem, aut, si mauis, voluntariam & propensam nuncupationem hanc boni consulas. Quam ut audentiùs, ne dicam ardentius, aggrederer, tibi que ascriberem, ad id incendiij frigidam, ut aiunt, non mediocriter suffudit, rarus ille animi tui candor, & non vulgaris modestia, qua literarij nominis professores omnes libenter excipis, libentiùs audis, & libentissimè iuuas. Accedit ad hæc, natæ

tale solum, & patria: quæ, ut utrique nostrum
communis est, ita mutuum amorem conciliet
oportet. Nec temerè, mea quidem sententia,
habetur enim hæc velut parens & mater altera:
ob idque indigenas omnes, & αὐτοχθόνες, cen
fratres, nescio quâ inuicem dulcedine vincit, &
immemor. s non sinit esse sui. Quod latentis ne
scio quid energie illa habeat, à Luciano utcun
que adumbratum his verbis, τῆς πατρίδος καπνὸς
λαμπρότερος ὁφθαλμοῦ τῆς πατρὸς ἄλλοις πυρός. id
est, Patriæ fumus luculentior videtur aliorum
igni. Hinc sanè frequens fuit multis admiratio,
& iusta aduersum me obiurgatio, quòd te tan
tum Senitorem, tamque illustrem virum, &
celebre Borboniorum nostrorum ornamentum,
lucubrationum mearum in auratione & fructu
non dignarer, ac parum consultè tacitum relin
querem, meritoque honore priuarem. In quo,
re vera, culpam meam libèter agnosco & accuso:
tantum abest ut auertere aut prætexere, vel in
rem quampiam illam conuertere satagam: nisi
quòd verebar laudes tuas, ut cum Horatio loquar,
culpa deterere ingenij. Ut ut fuerit, quidquid
anteà imprudenter omissum & commissum fuit,
in posterum, si diuina fauerint numina, multo
cum fœnore resarcietur. Plura dicere consti
tueram, nisi voluntatem eam & propositum

EPISTOLA.

mihi inuidisset Heliodorus, tradens, longæ orationi comitem plerunque esse Vanitatem & fastidium. Fœliciter itaque Valebis, Senator inculpatissime, idémque Abbas vigilantissime:

Quem & mihi, & patriæ, doctisque omnibus, incolumem servare dignetur ille sine quo est omnis medicina

Venenum. Lutetiæ,

Idibus Augusti,

1574.





LECTORI PHILOKEPO,
HOC EST, HORTORVM ET
Hortensium studioſo.

NUNC demū expertus, verissimum esse fateor, Lector amice, quod Euripides scripsit in Tragœdia cui titulus Hippolytus coronatus, *Ἡπολύτης ἀνὰ δέντρον φρονιδὶς σοφώτερος*: mortalibus posteriores cogitationes prudentiores, melioresque esse solent. Quod hîc dictum & testa-

tum volui, vt intelligas secundam istam editionem Hortensium Secretorum nostrorum & auxiliorum, emendatorem & auctiorem, rerumque plurimarum iucunda varietate conditarum locupletiolem tibi prodire, quàm quæ ante annos aliquot ex nobis nata foras abiit, & communi omnium vtilitati exposita fuit. Nosti Horatianum illud,

Multa ferunt anni venientes commoda secum.
Et Quintiliani aliud: Multa limat ætas, deterit vsus plurima, & longè plura concoquunt anni. Cùm itaque Federicus Morellus, inter Parisienses Typographos accurata sua diligentia, impigra assiduitate, vigili industria, eximia eruditione, & perpolita emendatâque & correctâ impressione, vbique commendatus, & ob id merito suo Regius Typographus institutus, mihi opportunè significauisset, distracta vbique locorū esse Exemplaria omnia prioris editionis horum Librorum, proindèque ad secundam editionem se, operâsque suas typographicas accingere, petere, & rogare nunquid haberem quod in illis vel emendandum, vel illustrandum, aut locupletandum, ad-

AD LECTOREM.

dendūmue cuperem, maturè id peragerem. Hac significatione, ceu pulsato classico inuitatus, illico ad chartaceas machinulas meas conuolaui, schedulas & literarios codicillos omnes (in quibus legendo, audiendo, & lucubrando, egregium aliquid quotidie adnotare consueui) nulla mora excussi, omniumque maximè Commentariolos nostros Centonum rusticarum rerum diligenter volui ac reuolui. In quibus multa cū iucunda, tum vtilia, & iuuandæ humanæ vitæ sanequàm idonea reperi, quæ in tuum vsum his libris pluribus locis remiscui & interseui. Id quod faciliè tu ipse agnosces, si vtramque editionem inter legendum conferre voles. Agedum itaque, charissime Lector, ὁόν φασιν οἱ παῖδες, ομεινόνων ἔξ ὁρχῆς δειντέρων ἱπαναπολήσωμεν, vt est apud Platonem.

id est, quemadmodum ludentes dicere consue-

runt, secundis denuo melioribus repetamus,

& singula expendamus. Fruere salu-

briter & iucundè hisce labo-

ribus nostris, tuisque apud

Deum precibus co-

natus nostros,

dum meliora tibi meditamur,

iuuare perge.

*Hesperidum ingentes quorsum miraberis Hortos,
Cum tot opes vnus Hortulus iste ferat?*

SVMMA-



SVMMARIVM EORVM QVÆ IN
SINGVLIS CAPITIBVS HORVM
librorum explicantur. Prior nume-
rus folium: posterior ca-
put designabit.

LIBRO I. HÆC INSUNT.

- H**ORTORVM institutio, & eorundem priscus
vsus. fol. 1. cap. 1.
Quæ vtilitas expectanda ab hortis: ad hæc quis finis ac
scopus esse debeat culturæ illorum. f. 2. c. 2.
Modus & secretum ædificandæ viuæ sepiæ ac validæ:
quæ futura sit horti tutissimum & perenne muni-
mentum. f. 3. c. 3.
De hortarum situ, terra & aqua. 4. 4.
De hortensium stercore, & stercoratione. 5. 5.
De hortensium satione, & seminibus. 6. 6.
Auxilia & secreta pro hor:ensibus seminibus, & aliis:
tam ante sationem, quàm post: ne ab aliqua cùm in-
terna, tum externa afficiantur iniuria. 8. 7.
De hortensium sarritione, runcatione & rigatione: cum
prognostico fertilitatis, vel sterilitatis cuiusque semen-
tis. 10. 8.
Auxilia & secreta aduersus hortenses vermes, pulices,
erucas, blattas, & limaces: tam olera, quàm arbo-
res & fructus vitiantes. 11. 9.

INDEX.

- Auxilia & secreta aduersus hortenses talpas, formicas, culices, & muscas, tam olera, quàm fructus euertentes, lædentes, ac fædissimè deuasantes, & cõtra molestas ranarum coaxationes.* 14. 10.
- Auxilia & secreta aduersus serpentes hortorum, & alia quæuis repulia, tam homines, quàm olera, arbores & fructus venenantia* 16. 11.
- Remedium præsentissimum, & secretum, à quamplurimis summa auctoritate viris sæpenumero expertum cõtra virulentos serpentium morsus, etiam si percussus abfuerit.* 18. 12.
- Auxilia & secreta aduersus scorpiones, bufones, hortenses mures, mustelas, & grandiores aliquot bestias, tam olera, quàm fructus, corrumpentes & vastantes.* 18. 13.
- Auxilia & secreta aduersus grandinem, fulmina ac tempestates, arborum, plantarúmque flores & fructus, vti etiam segetem & vineas, miserè perdentia.* 20. 14.
- De rubigine, pruina, carbunculatione, & aliis cælestibus iniuriis, quæ arborum, frugum & vitium flores ac fructus perditè abolent.* 21. 15.

LIBRO II. HÆC SVMMATIM EXPLICANTVR.

Hortensia Olera.

- L**actucæ cultus, auxilia, vsus, & secreta quamplurima. 23. 1.
- Brassicæ cultus, auxilia, &c. 25. 2.
- Apj

INDEX.

<i>Apij cultus, auxilia, &c.</i>	27. 3.
<i>Betæ, portulacæ ac bliti, auxilia, cultus, secreta,</i> <i>& vsus.</i>	28. 4.
<i>Asparagorum hortensium, cultus, &c.</i>	29. 5.
<i>Rutæ hortensis cura, auxilia, &c.</i>	31. 6.
<i>Oxalidis ac spinaceorum, cultus, auxilia, vsus, & se-</i> <i>creta.</i>	32. 7.

Radices esculentæ.

<i>Porri auxilia, cultus & secreta.</i>	33. 8.
<i>Allij cultus, auxilia, &c.</i>	34. 9.
<i>Ceparum cultus, auxilia, &c.</i>	36. 10.
<i>Radicij, seu raphani cultus, &c.</i>	38. 11.

Herbacei fructus esculenti.

<i>Cucurbitarum cultus, auxilia, &c.</i>	40. 12.
<i>Cucumerum cultus, auxilia, &c.</i>	43. 13.
<i>Peponum, melonum & melopeponum cultus, auxilia,</i> <i>vsus & secreta.</i>	45. 14.
<i>Cinaræ, seu hortensis cardui, cultus, cura, vsus & se-</i> <i>creta.</i>	46. 15.

Flores & plantæ hortorum odo- rata, & contrâ.

<i>Rosarum cultus, auxilia, &c.</i>	47. 16.
<i>Lilij cura, auxilia, &c.</i>	50. 17.
<i>Violarum cultus, auxilia, &c.</i>	51. 18.
<i>Ocimi & amaranti cultus, &c.</i>	52. 19.

INDEX.

Saluiae, rorismarini, satureiae, hyssopi & faeniculi, cultus, &c.	54. 20.
Lauandulae, menthae, thymi, & solsequij, cultus, auxilia, &c.	56. 21.
Vettonicae coronariae, & sampsuchi seu maioranae, cultus, auxilia, &c.	58. 22.
Bellij, seu bellidis, & phlogij, hoc est violae flammiae & inodora, adhuc iridis, cultus, auxilia, &c.	59. 23.
Absinthij & abrotoni cura, auxilia, &c.	61. 24.
Fragariae, Frambaesij, & grossularij cultus, cura, auxilia, &c.	61. 25.

LIBRO III. HÆCTRACTANTVR ET EXPLICANTVR.

Hortensium arborum praecepta quaedam & auxilia in genere.	63. 1.
Arborum, ac stirpium hortensium, morbi, labores, & impedimenta aliquot.	66. 2.
Hortensium arborum aegrotantium, aut aliter laborantium, remedia quaedam & secreta vniuersalia.	68. 3.
Arboris Mali, eiusque pomi, cultus, &c.	69. 4.
Arboris Pyri, eiusque pomi, cultus, &c.	74. 5.
Arboris Cotonei, seu cydonij, & eius pomi, cultus, auxilia & secreta.	75. 6.
Arboris Pruni, eiusque pomi, cura, &c.	77. 7.
Arboris Cerasi, eiusque pomi, cultus, &c.	78. 8.
Arboris Mori, ac eius pomi, cura, &c.	79. 9.
Arboris Persicae, ac eius pomi, cultus, &c.	80. 10.
Arboris Messpili, & sorbi, pomi que earundem, cultus, auxilia, & secreta.	82. 11.
Arboris	

INDEX.

Arboris Nucis, seu Iuglandis, eiusque fructus, cura, auxilia, &c.	84. 12.
Arboris Amygdali, eiusque nucus, cultus, auxilia & secreta.	85. 13.
Arboris Panicæ, ac eius pomi, cultus, &c.	89. 14.
Arborum Currij, Aurantij & Limonij, earundemque pomi, cultus, &c.	93. 15.
Arboris fici, ac eius pomi, cultus, &c.	96. 16.
Oleæ sâtiuæ, ac eius baccarum, cultus, &c.	100. 17.

PLANTARVM ET ARBORVM QVÆ IN HOC OPERE CONTINENTVR, Catalogus serie alphabetica.

A Brotonum.	fol. 61.	Fœniculum	54.
Abfinthium.	61.	Fragaria.	61.
Allium.	34.	Frambœsia.	ecodem.
Alticocalus.	93.	Grossularius.	61.
Amarantus.	52.	Hyscopus.	54.
Amygdala.	85.	Iris.	59.
Apium.	27.	Lactuca.	23.
Asparagi.	29.	Lauandula.	56.
Aurantia.	93.	Lilium.	50.
Bellis.	59.	Limonia.	93.
Beta.	28.	Maiorana.	58.
Blitum.	ecodem.	Mala.	69.
Brassica.	25.	Melones.	45.
Cepa.	36.	Mentha.	56.
Cerasa.	78.	Mespila.	82.
Cinara.	46.	Mora.	79.
Citria.	93.	Nux & nuces.	84.
Cotonea.	76.	Ocimum.	52.
Cucumis.	43.	Olea.	100.
Cucurbita.	40.	Oxalis.	32.
Ficus.	96.	Pepo.	45.

INDEX.

Perfica.	80.	Rosmarinus.	54.
Petrofelinum.	27.	Ruta.	31.
Phlogium.	59.	Salvia.	54.
Poma.	69.	Satureia.	eodem.
Portulaca.	28.	Solsequium.	56.
Porrum.	33.	Sorba.	82.
Pruna.	77.	Spinacea.	32.
Punica.	89.	Thymus.	56.
Pyra.	74.	Veronica, seu æilietus.	58.
Raphanus.	38.	Violæ.	51.
Rosa.	47.		

Qui plureis plantas & arbores requireret, consulat Alexikepum, seu medicum Hortum nostrum.

OPVSCVLVM DE HORTENSIVM Arborum Insitione hæc habet.

<i>De Insitione quæ fit sub cortice & in trunco, ex Græcis Florentini Georgicus.</i>	<i>fol. 109. 1.</i>
<i>De Insitione quæ fit per inoculationem, ex græcis Didymi Geoponicis</i>	<i>110. 2.</i>
<i>Particularia de Insitione, ex Diophane Græco rerum agri scriptore.</i>	<i>111. 3.</i>
<i>De arborum generatione & insitione, ex secundo Georgicorum Virgilij</i>	<i>112. 4.</i>
<i>De Insitione, ex Iunio Columella.</i>	<i>113. 5.</i>
<i>De Insitione, ex Plinio.</i>	<i>115. 6.</i>
<i>De Insitione, ex Palladio: maximè earum arborum quas lib. 3. Horti nostri descripsimus.</i>	<i>118. 7.</i>
<i>De Insitione, ex Petro Crescentio.</i>	<i>120. 8.</i>
<i>De Insitione, ex Iouiano Pontano.</i>	<i>125. 9.</i>
<i>Insitionis ope & artificio multa ad stuporem vsque miranda fieri.</i>	<i>127. 10.</i>

OPVSCVLVM DENDRANATO-

MES, SEV SECTIONIS ARBORUM
in sua membra, summa-
tim hæc proponit.

- R** Adices, arboribus pro fundamento & pedibus
esse. fol. 129.
Truncum, arborum corpus esse, ibidem.
Ramos loco brachiorum haberi. ibidem.
Caules & surculos, manus ac digitos præ se ferre. ibid.
Cortices loco cutis esse. ibidem.
Humores sub cortice & partibus aliis, pro sanguine
haberi. ibidem.
Carnem cortici, ceu cuti subesse. ibidem.
Venas per caules & surculos reptare. ibidem.
Alburnum pro adipe in quibusdam esse. ibidem.
Pulpam & nervos arboribus adesse. ibidem.
Arborum carnes glandia quandoque habere. 130.
Arbores medullam gerere in ipso mediullio. ibidem.
Calorẽ proprium & congenitum habere arbores. ibid.
Vnde, & quomodo procedat in arboribus educatio,
& alimonia. ibidem.
Vnde tam multa germina in capitibus ramorũ. ibidem.
Vnde tot stolones in cruribus radicum arborũ. ibidem.
Dei summam sapientiam in arborum formatione elu-
cere. ibidem.
De prodigiosa & mirabili quarundam arborum am-
plitudine, & fructuoso prouentu. ibidem.
Pulchra & philosophica de Nuce & quercu. 131.
Deum Cpt. Max. omnia sustinere. ibidem.

COM-

COMMENTARIOLVS DE
Hominis symmetria hæc habet.

- H**ominis corpus harmonicum esse organum, omnibus suis mensuris absolutiss. fol. 131.
Faciem hominis tribus constare dimensionibus. ibidem.
Staturæ hominis partes esse nouem. ibidem.
Commensurationem singularum partium corporis, in longitudinem. 132.
Mensuram singulorum membrorum corporis in latitudinem ibidem.
Dimensionem singularum partium corporis in altitudinem. ibidem.

FINIS.



ANTONII MIZALDI
MONLVCIENSIS, MEDICI,
De Hortorum cultu, cura,
auxiliis, & secretis,
LIBER PRIMVS.

Hortorum institutio, & priscus vsus.

CAPVT I.



PICVRVS ille ocij, vt tradit Plinius, magister, primus hortos instituisse fertur Athenis: nam, antea, moris non fuerat, in oppidis rura habitare. Sanè, apud priscos Romuli nepotes, hortus nihil aliud fuit, quàm pauperis agellus, & rustici qualiscunque prouentus, victum innocentissimum, & frugalissimum porrigens, & mensam sine arte facilem, ac ne longiùs eundum esset, ilicò instructam, leuìque apparatu lautissimam exhibēs. Qui tum maximè placebat, quod igni non egeret, sumptibùsque macelli parceret, ac merces, cum herbaceas, tum arboreas, oppidatim venales, quouis tempore præberet: re semper expedita.

*Epictetus
primus hor-
torum insti-
tutor.*

*Prisca hor-
torum com-
moditas, &
vsus.*

& ad extemporaneum alimētum, præsentissimâ,
Quod Virgilius in Moreto, doctè, & eleganter
(vt omnia) expressisse mihi videtur, de Simulo,
exigui horti, cultore rustico, & laboris patien-
tissimo, hunc in modum scribens:

*Priscorum
hortorum
descriptio
pulcherri-
ma.*

*Non illi suspensa focum carnaria iuxta,
Durati sale terga suis, truncique, vacabant:
Hortus erat iunctus casulæ: quem vimina pauci,
Et calamo redimita leui, munibat arundo:
Exiguus spatio, variis sed fertilis herbis:
Non illi deérat, quod pauperis exigit usus:
Interdum locuples, à paupere, multa petebat.
Nec sumptus erat illud opus, sed regula curæ,
Si quando vacuum casulâ, pluriæ ve tenebant,
Festâ ve lux: si fortè labor cessabat aratri,
Horti opus illud erat, &c.*

Deinde subdit,

*Horti pri-
scorum pro-
uentus erat
populi.*

*Verùm, hic non domini, (quis enim contractior illo?)
Sed populi prouentus erat: notisque diebus
Venaleis olerum fasceis portabat in urbem:
Indè domum ceruice leuis, grauis ære redibat,
Vix vnquam urbani comitatus merce macelli.
Cæpa rubens, sectique famem domat area porri:
Quæque trahunt acri vultus nasturtia morsu.*

*Quomodo
ex agris in
oppida ve-
nerint hor-
ti.*

Haftenus Maro, de prisco, & rustico usu horto-
rum: qui in oppidis antè habitare non noue-
rant, quàm gulæ deliriæ, & ventris prodigia, Epi-
curo duce, ex agris, eò, vt diximus, cōmigrare il-
los impulissent. Nā, vsque adeò paulatim illece-
brofa inualuit voluptas, vt, absque vlla Orphei
lyra, vlla Amphionis testudine, arbores, fructus,
olera, flores, & rustica alia solatia, (vt Prolego-
mena

mena in Medicum Hortum nostrum abundè restantur) intra muros, etià à remotissimis agris, montibus, & syluis, deduxerit, feceritque, vt nequam in domo censeretur materfamilias, cui indiligens, & neglectus esset hortus. Verù enim uero, recisà longæ narrationis præfatione, tempestiuum est, vt instituti nostri fores aperiamus, & hortorum structuram, cultum, auxilia, ac secreta, fœliciter aggrediamur, & cuique dilucidè ac breuiter explicemus.

*Parascene
ad seriam
hortorum
narrationē.*

Quæ utilitas expectanda ab hortis. Adhæc, quis vsus, finis, ac scopus esse debeat culturae illorum.

CAPVT II.

ILLE utilissimum, ac iucundissimum hortum est habiturus, qui, & colere sciet, & poterit, ac volet. Neque enim scire, aut velle cuiquam satis fuerit, sine sumptibus quos exigunt opera: nec rursus faciendi, aut impendendi voluntas profuerit, absque arte, & scientia. Quia, caput est in omni negotio, nouisse quid agendum sit: quemadmodum, ex Varroniano Tremellio, appositè tradit Columella. Qui hæc tria, ad manū habuerit, & hortum seriò sibi construere voluerit, duo illi rursus spectanda erunt: utilitas nimirum, & voluptas: utilitas, fructum habet comitem: voluptas verò, delectationem, &, vt scribit Varro, iucunditatem. Erit itaque hortus construendus & colendus, imprimis, ad vsum vitæ necessarium, deindè, ad sanitatem, ac vireis, cùm corporis, tum animi, à morbis reficiendas, vt adnotauit

*Qualè exigat dominus
& colonus
hortus non
vulgaris.*

*Utilitas &
voluptas
hortos bene
cultos comi-
tantur.*

*Quis finis,
ascopus,
cultura hor-
tensium.*

Palladius, & sæculis aliquot ante eum, Florentinus, scholæ Græcorum geponicorum doctor eximius: postremò ad delectationem ex aspectu, & iucunditatem ex odoris fragrantia: omniumque maximè, vt & domino, & colono, dapibus, mensas exornet, inemptis. Quæ omnia, & multò plura, Virgilius, longè post Varronem, & sæculis aliquot antè Columellam & Palladium, in suo hortulo, elegantissimè hoc Iambico significauit:

*Hortus salubreis præbet corpori cibos:
Variòsque cultus sæpè cultori refert,
Olus suaue, multiplex herbæ genus:
Vuas nitentis, atque fetus arborum.
Non desit hortis & voluptas maxima,
Multisque commixta modis iucunditas.
Flores nitescent discolorè gramine,
Pinguntque terras gemmeis honoribus:
Opaca præbent arbores umbracula,
Prohibentque densis feruidum Solem comis:
Aues canoros garrulæ fundunt sonos,
Et semper aures cantibus mulcent suis.
Oblectat hortus, auocat, pascit, tenet:
Animoque mæsto demit languores graueis.
Membris vigorem reddit, visus capit:
Refert labori pleniorè gratiam:
Tribuit colenti multiforme gaudium.*

*Horti cul-
tissimi lau-
des, fructus,
& vsus.*

*Mira, et in-
explicabilis
horti com-
moditas.*

*Cur horti
propinqui
esse debeant.*

Hæc sunt, quæ docta, & melliflua Maronis mu-
sa, de fructu, vsu, & laudibus horti cecinit. Qui
vnus, si fieri potest, in propinquo esse debet, vt
dictorum commodorū particeps fiat dominus,
& frequenter ad illum veniat, seque frequentius
vêturum denunciet: non enim temerè dici solet,
frontem

frontem domini plus prodesse, quàm occipitiū. Nam sub hoc metu, & olitorē, & operas omneis, in officio continebit. Vt interim non omittam, quòd eius vestigium, hortum, vt postea dicemus, summè impinguabit, ac multò lætiorē, fœcundiorēque reddet.

Modus, & secretum, ædificandæ viuæ sepi, ac validæ, quæ futura sit horti tutissimum, & perenne munimentum. CAP. III.

QVONIAM extremæ demētix censetur esse, hortum habere ad vnguem excultum, probè consitum, & curiosè institutum, sed qui dies, ac noctes pateat, tam incurfibus, quàm iniuriis deprædantium hominum, & deuastantium quadrupedum, atque alitum: idcirco, de illius munitione, & sepimento, omnium primùm, hîc scribā. Quibus copia suppetit, hortos parietibus cingunt, ac vestiunt. Alij, macerias, luto, & lapide circa illos erigunt. Plerique, tenuis fortunæ homines, paleato vtuntur fimo, & limo: aut, saxa in ordinem congesta, illis coagmentant. Sunt, qui fossis, & aggeribus circumdant: quod summè vitandum est, nam horti humores ita subducuntur, nisi fortè locus palustris fuerit. Rustica turba, & plebeia, in syluis recisa spineta, vimineta, & arundineta, pro munimento illis adaptat. Quod Virgiliū adnotauisse, paulò antè docebamus, his verbis:

*Hortus erat iunctus casulæ, quem vimina pauca,
Et, calamo redimita leui, munibat arundo.*

Verumenimuerò, sepes, ad hunc modum instituta-

Hortus debere diligenter claudî, & muniri.

Varie hortorum munitiones, & sepimenta.

Virgilius in Moreto.

ta, fatigabili labore quotannis ferè est reparanda: appositisque adminiculis, subindè religanda, & instauranda. Quæ, si firmis, viuísque radicibus niteretur, colonum, magno tædio, impensâ, & sudore leuaret. Nam, præterquàm, quòd labi, aut euertere nesciret, nisi radicitus effodiatur, etiam, ne fulmine quidem, nec aquis, nec ferro, nec ventis, aut procellis (vti iam dicta munimenta) imò, verò, ne igni, qui cuncta solet edomare, aboleri quiret. Huius rationem, & structuram, Democritus, in suis Georgicis græcis, longè ante Columellam, & Palladium, facilè, & ingeniosè ostendit. Opportuno tempore (inquit) colligito rubi vastissimi, quem caninum vocât, necnò, paliuri semina maturissima: ad hæc oxyacanthæ fructus, & cum crui farina, vel alterius leguminis, ex aqua, ad mellis crassamentum, omnia macerato: iisque miscellaneis, puteales, vel nauticos funes, aut alios vetustate detritos, ac iam ferè putrescentes oblinito, & ita inducito, vt intra illorum fibras, & capillamenta, recepta semina seruari possint, vsque ad verni temporis initia. Quo aduentante, & blandiente, vbi sepes futura erit, duos fulcos, à se, duobus, tribusve pedibus separatos, sesquipedali altitudine institue: & prædictos funes, cū impressis feminibus, leui terrâ, ibi adobruere, & si opus fuerit, identidem irriga. Ita fiet, vt intra mensem, plus minus, tenella sepes surgat, ac procedat. Quæ adminiculis adiuuanda erit: quibus, inter se, per vacua sulcorum spatia, enata coniungentur spineta, futura horti, vel agri, validissimum munimentum, & aduersus externas iniurias, tutissimum

propu-

*Vina sepis,
ac valide,
facultas, &
cōmoditas.*

*Erigēda vi-
na sepis ra-
tio, ex De-
mocrito.*

*Pro paliuro,
quo carem?
atbispini se-
mina pote-
ris suppo-
nere.*

*Ingeniosum
muniendi
horti secre-
tum.*

propugnaculum. Columella, virgeam, & ligneam
sepem, spatio, quod fulcis interiacet, erigendam
præcipit: quam superfcédant vtriusque fulci sen-
tes, & habeant, priusquam roborentur, in quo
sefe recipiant, & conquiescant. Alij, vt Diopha-
nes, inter Græcos geoponicos celebris, & cum il-
lo, plerique alij, viam sepem, hunc in modum,
erigunt. Virgas rubi crassiores in segmēta, & par-
ticulas proscindunt, easque, scrobibus, palmari *Viue sepi*
altitudine apertis, sedulò obruunt, ac quotidie, *ædificandæ*
donec germen erumpat, & frondere conspician- *alia ratio;*
tur, fossione, ac rigatione, si tempus inuitet, nu-
triant, ac refocillant: & ita, sepem validam, tutam,
ac perennem. construunt, & ædificant.

De hortorum situ, aqua, & terra. Cap. II II I.

HORTI ab area, stabulis, & fœnario, longè
siti esse debēt, si quidem, id fieri potest. Nam, *Paleæ &*
palearum puluerem, ceu inimicū, agrè patien- *earum pul-*
tur, ac sustinent: imò, verò, ne paleas ipsas, quòd *uis sunt hor-*
olera lædant: quemadmodum scripsit Florenti- *tis inimicis-*
nus Græcus, in suis georgicæ doctrinæ præce- *sime.*
ptis, & institutionibus. Nam, hærendo, folia per-
forant, quæ perforata, statim aduruntur. Pro sunt
tamen radicibus, perindè atque stercus, sed ra-
mulis, & foliis, nocentissimæ iudicantur: adhæc,
arborū fœtibus, qui lignosi non sunt, omnium-
que maximè vitibus, & inter lignosos, amygda- *Horti, qua-*
lis: vt alibi scribemus. Horti positio optima, & *nam posi-*
laudabilis erit, si leniter inclinata, planicies, cur- *tie optima,*
sum fluentis aquæ, per discreta spatia exceperit. *& lauda-*
bilis.

In quam rem, si defuerit fons, eius loco, aut imprimendus erit puteus, aut, si id nequeas, cisterna, vt vocant, superiori parte construetur: vt illic aquas, conferente pluuiâ, hortus, per æstiuos ardores, excipiat. Quòd, si his omnibus facultatibus carueris, hortum, tribus, vel quatuor pedibus altiùs fodies, ad similitudinem pastini, vt loquitur Palladius: nam, ita cultus, siccitates negliget. In quo id quoque obseruabis, vt, quem humoris natura non adiuuat, per partes diuidas: & hyeme ad Meridiem, æstate verò ad Septentrionem, spatia colenda conuertas. Iam, quòd ad hortensem terram attinet, salsa, cane peius, & angue, vitari debet, perindè atque amara, si Virgilium audire velis.

*Secretum,
pro hortis
siticulosis.*

*Salsa terra,
& amara,
vitanda.*

*Salsa etenim tellus (inquit) et quæ perhibetur amara,
Frugibus infælix: ea nec mansuescit arando,
Nec Baccho genus, aut pomis sua nomina seruat;
Multaque degenerant, succos oblita priores.*

*Quanam
terra sit hor-
tis optima.*

Optima itaque hortis ea censetur esse terra, quæ neque æstate valdè resiccatur, neque argillofa est, neque arenosa, & aspera, neque hiatibus per æstus obnoxia, vt scripsit Didymus in suis agriculturæ Commentariis græcis. Nam, quæ æstate resiccari solet, sata omnia, & implantata perdit, aut eadem tenuia, & imbecilla parit: argillofa, nimium est tenax: arenosa, & aspera, contrà: idcirco neque nutrire, neque aquâ admittere solet. Terram, itaque, hortis accommodam deprehendes, si aqua lotam, ac dissolutam, limum multum habere videbis. In quo, si superauerit aquositas, ineptam, ac infœcundam iudicato. Si manu, ac digi-

*Terre hor-
tensis pro-
batio.*

tis

tis contrectando, valde glutinosam, aut tenacem repereris, ac si esset cera, prorsus inutilem cense-
to. Oportebit, autem, ante omnia, elapidatum es-
se horti solum, ut Plinio placet, adhuc, quammi-
nimè rimosum: ne Sol penetrans, plantarum ra-
dices exurat. Eligetur itaque, optimum, ac gene-
rosum solum, cui semina committas: vel ob id,
quòd nutrice, quàm matrem, sæpenuerò con-
ueniat, partui indulgentiorem esse. Caterùm, il-
lud nec dissimuladum duxi, nec prætereundum,
quòd hortensis terra, quæ fluminibus, aut perpe-
tuis aquis circumdatur, non semper est laudabi-
lis: nam, sata, & plantata quædam, aquâ facilè se-
nescunt, fructusque (siue herbacei fuerint illi, si-
ue arborei) insipidos, ac humidulos plerunque
gignunt. Erit, itaque, terra illa temperatæ vberta-
tis, & culturæ facilis, quæ nec madida est valdè,
nec sitiens: ad hæc, quàm recenter effossam alites
quærunt, & maximè corui, fossoris vestigia co-
mitantes. Si improba fuerit, quidam emendari
dixerunt, si super tenuem, pinguis iniiciatur, aut
gracili aridulæ-ve, humida, ac præpinguis miscea-
tur. Sed hæc operæ extrema est dementia. Quid
enim potest sperare, qui talem colit terram? Iu-
uabitur itaque optimo stercore: de quo nobis
nunc demum dicendum.

*Quenā ter-
ra laudabi-
lis, & gene-
rosa dici de-
beat.*

De hortensium stercore, & stercoreatione. Cap. V.

NON defuerunt apud priscos, qui stercorea-
tionem hortorum, ædibus plerunque vici-
norum, penitus damnauerint, quòd ea non mo-

*Stercoratio
à nonnullis
priscorum
damnata.*

dò aërem inficiat, sed etiam, hortensia quæuis in-
 fuauiora, & corruptibilia reddat. Et hac in re, ma-
 ximè laudant Hesiodum, qui, in rustico opere,
 sciens omiserit agrorum stercorationem, & hinc,
 salubritati locorum potius consuluerit, quàm
 fertilitati agrorum: sat, superque esse arbitratus,
 ex lupinorum, fabarû, pisorum, cicerum, & alio-
 rum foliis, caulibus, & siliquis, tempestiuè sub-
 uersis, agrum pinguescere, non, verò, putri ac pe-
 stilenti materiâ imbui: quæ, in fata, quibus quoti-
 die vescimur, plerunque transire solet, noxâ irre-
 parabili. Huius opinionem, quia, nec vereres, nec
 recentiores agricolæ sequuntur, aptam stercora-
 tionem vbique commendantes, idcirco, de illius
 naturâ, & vsu, hîc pauca scribere constitui: omni-
 ûmque primùm monere, quòd proba terra, mul-
 to stercore non indiget: arida, & tenuis, copiosis-
 simo: àrida tantùm, (inquit Marò) ne saturare fi-
 mo pingui pudeat sola. Quæ verò media est, me-
 diocri letatur. Addo, quòd, sicuti sterco bonum,
 terram bonam, meliorem, lætiorémque reddit,
 (vndè Latinis lætamen dictum) & malam, ac vi-
 tiosam, summè iuuat, ac emēdat: ita, prauum, mo-
 do cōtrario, deteriore facit. Præterea, terra non
 stercorata, alget: plurimùm, verò, stercorata, adu-
 ritur. Vndè, satius est, id sæpè facere, vt tradit Co-
 lumella, quàm supra modum. Oportet, autem,
 plantantem hortulanum, sterco ad radices sta-
 tim non iniicere, sed primùm, tenuem terram il-
 lis immittere, deinde sterco, quod rursus terra
 regendum erit. Ita, enim, neque comburentur
 plantæ, neque stercoraria caliditas ilicò exhala-
 bit.

*Antiqua a-
 grorum ster-
 coratio.*

*Stercoran-
 da terre mo-
 dus.*

*Quomodo
 iniiciendum
 sterco.*

bit. Quod ad præstantiam fimorū, & stercoreum
 attinet, Græcorum geoponici, quibus subscri- *Stercorum*
 bunt Latinorum plerique, columbinum præsta- *præstantia.*
 re aiunt, quòd sit multā caliditate præditum, ex *Columbi-*
 quo, rarius proiciendum cēsent, & veluti semen *num.*
 spargendum, vt terram possit fermentare, & non
 aceruatim ponendum, vt solet pecorum stercus,
 quemadmodum scribit M. Varro. Est etiam vo- *Volucrum.*
 lucrum laudatissimum, ob acrimoniam, præter-
 quā palustrium, & natantium, propter super-
 fluam, & excrementitiam humiditatem. Quan-
 quam & hoc postremum aliis remissum vtile ef-
 se potest, vt ex Quintiliorum Græcis georgicis
 testatus est idem Varro. Secūda laus, asinino de- *Asinum.*
 beretur, quòd natura fertilissimū sit, ac minimū
 herbarum procreet, omnibūsq; plantis sum-
 moperè proffit, & olera suauissima ac dulcissima
 reddat. Tertio loco habetur caprinū, acerrimum *Caprinum.*
 existēs: quod ouillum sequitur, pinguius tamen: *Ouillum.*
 post hoc, verò, bubulū: deindē suillum. illis mul- *Bubulum.*
 tō præstantius, nisi, ob multam caliditatem, fata *Suillum.*
 perureret, illisq; olidum nescio quid concilia-
 ret. Vilissimum omnium, & deterrimum, ex Græ-
 corum sententia, est equorū, & mulorū, si solū
 per se iniiciatur: acrioribus, tamē, vtiliter remisce- *Equinum.*
 tur. Verumenimverò, illud, præ omnibus, & oli-
 toribus & colonis summè est obseruandum, ne
 annuo stercore, si fieri potest, vtantur: nam, præ- *Recens ster-*
 terquā quòd nullius est utilitatis, bestiolas etiā *cus hortis*
 quamplurimas gignit: triennale valde bonum *inutile.*
 existimatur: longiori enim, tempore, quicquid
 habuit fœtidi, ac mali vaporauit: & si quid du-

*Oleribus
stercus opti-
mum cinis
tenuissimus*

rum inerat, remolliuit ætas. Vtut fuerit, stercus omnium optimum, herbis, ac oleribus censetur esse cinis tenuissimus, naturâ calidus. Nam, pulices hortenses, vermes, erucas, limaces, ac animalcula alia, stirpes depopulantiâ, occidit, vel abigit. Prædictorum, tamen, inopiâ, in vsum venire poterunt reliqua, ligonibus sæpenumerò transmutata, & confusa. Sed hîc te nolim ignorare, aquosum hortum, maiorem stercoreis copiam desiderare, siccum verò minorem. Quod si nullum stercoreis genus suppeteret, fabulosis locis cretam iniicere optimû erit: cretosus verò, ac nimium densus, fabulum. Atque ita, hortensia non solum læta excitabuntur, sed etiam pulcherrima euadent, quemadmodum adnotauit Columella, Romanorum hortorum cultor diligentiss., & doctissimus. Sit hoc Plinij postremû: Quocunque tempore, hortum, vel agrum stercoreare libuerit, valdè curandum est, vt ab occasu æquinoctiali spiraret ventus, sitque Luna decrescens ac sicca. Nam, obseruatione tali, mirû in modum augetur vberitas: sicuti, post Græcos, adnotauerunt Latinæ rustificationis doctores.

*Quid agen-
dum in ster-
coris penur-
ia.*

*Quenam
obseruanda
in stercore-
do orto.*

De hortensium satione, & seminibus. CAP. VI.

*Horto mul-
tùm confer-
re iter com-
modum.*

Antequàm de hortensiû satione aliquid scribâ, iuuat præmonere, multùm conferre hortu, iter olitori ferenti, vel plantanti, aut quiduis aliud facienti, opportunum, & præsentia domini accommodum. Qui libentiùs eò commeabit, & acta aut agenda obseruabit, si non reformidet

vexationem,erítque vestigium illius stercoreis loco, quemadmodum scripsit M. Cato, rerum agri priscus interpret & ad vnguē factus. His positis ad rem venio. Non sum nescius quosdam præcepisse, hortum, vel agrum non esse disseminandum, nisi cū terra pluuiis permaduerit. Quæ si tempestiuè, & opportunè descendant, non improbo. Si, quod nonnunquam euenit, tardè labantur, quantumuis sitienti horto, vel agro semen committi poterit, ex Columellæ sentētia. Quæ res in quibusdam prouinciis, vbi cœli status talis est, vsurpari solet. Nam, quod sicco solo ingestū est, perindē, ac si esset domi repositum, non corrumpitur. Atque, vbi venit imber multorum dierum sementis vno die surgit. Verū enim verò, ab aui-
bus, & formicis, interim periclitatur: nisi ante sationem, ei succurratur, illis auxiliis, quæ proximo capite exponemus. Vt vt fuerit, dabitur opera, vt hortus, vel ager, qui vere conseri debet, sub finem autumnī, ante gelicidia pastinetur. Et, qui
autumno, oleribus, aut herbis vestiēdus erit, æstatis initio conuertatur: vt hybernīs frigoribus, vel æstiuīs Solibus, (de magnis hortis loquor) gleba soluatur: ex Maronis præcepto, hunc in modum scribentis,

*Quando se-
minandus
hortus.*

*Hortensis
philosophia
pulcherri-
ma.*

-glebâsque iacenteis

Puluerulenta coquat maturis Solibus æstas.

Ad hæc, vt prauarum herbarum radices necen-
tur. Cūque sationis appetet tempus, quod vni-
cuique regioni suum est, ac proprium, runcandus
erit, ac prorsum exherbādus hortus: dein quo di-
ctum est modo, stercoreandus. His peractis, in a-

*Quanam
agenda an-
te sationem
hortensium.*

*Tēporis cle-
mentia sa-
tioni oppor-
tuna.*

*Frigidis tē-
poribus nec
arandū, nec
serendū.*

*Satorum
defensio.*

reas digeretur: quæ ita informandæ erunt, auto-
re Columellâ, vt runcantiū manus, ad dimidiam
latitudinis partem facilè peruenire possint: ne,
dum herbas inutiles illæ persequuntur, semina
pedibus interim proculcet olitor. Verùm, summè
adnitendum erit, vt sationi serenitas, & tempo-
ris clementia succedat. Nam, fauente cælo, tepē-
tibus locis, & à Sole illustratis, citissimè prorum-
punt ac pullulant semina: quibus ætas etiam nō-
nihil conferre solet. Quapropter, videndum erit,
vt scribit M. Varro, ne vetusta, exucta, mista, ru-
gosa, emaciata, languida, aut adulterina, vel abor-
tina fuerint semina: quin potiùs vegeta, plena,
recentia, ac succulenta. Quæ, dum proicientur,
vel serentur, boreales dies, ac valde frigidi, vita-
buntur. Nam in his, terram veluti horridulam, &
occlusam, semina ægrè recipere, ac fouere mani-
festū est: diebus serenis, ac temperatè calidis, con-
trà. Quod Virgilium, georgicæ disciplinæ docto-
rem eximium, sic præcepisse audies:

*Nec tibi tam prudens quisquam persuadeat autor,
Tellurem Borea rigidam spirante mouere:
Rura gelu tum claudit hyems: nec semina iacta
Concretam patitur radicem affigere terræ.*

Si verò timor fuerit ne frigoribus, pruinis, ardo-
ribusue perurantur, offendanturue, paleis conte-
gi poterunt: quibus transversæ virgæ imponen-
tur, & virgis arundines, aut sarmenta, ne à ventis
rapiantur, vel ab auibus deprædètur, ex Columel-
læ præcepto. Sunt apud Græcos rerum agri scri-
ptores, qui sementem, augeſcente Lunâ, à quarta
scilicet vsque ad plenam, facere consulant, diuin
illa

illa sub terra est. Alij securiorem viam excogitan-
 tes, sationem præcoccem non probant: quare in
 duo, & tria, & quatuor tempora, illam partiun-
 tur: futuri temporis incertitudinem, hoc modo
 vitare satagentes: & rusticanum Columellæ ada-
 gium, in memoriam reuocantes, Serere ne dubi-
 tes. adhæc Virgilij illud,

*Satio quã-
doque par-
tienda.*

Et dubitant homines serere, atque impendere curam!
 quod vnum, ad cerealiũ sationem potius detor-
 querem, quàm hortensium. Oportebit, itaque,
 eum, qui seriam sationem, & plantationem insti-
 tuit, videre, vt proba sint semina, terra apta, ster-
 cus bonum, & aqua prompta. Nam semina, quæ
 indè generabuntur, similia efficient: terra apta,
 sibi credita, optimè seruabit, ac fœcundabit: ster-
 cus succulentiorẽ reddet terram, adhæc laxio-
 rem, vt aquam facilius admittere possit, quæ ra-
 dicibus impertiatur: aqua, verò, quasi ex vbere,
 omnia alet, ac fouebit.

*Superiorum
compedium
breue.*

*Auxilia, & secreta pro hortensibus seminibus, tam ante
 sationem, quàm post: ne ab aliqua, cùm interna, tum
 externa afficiantur iniuria.* CAP. VII.

FRUSTRA sudabit hortensis colonus, & qui-
 uis alius, si fata à bestiolis lædantur, vel ab ali-
 tibus depopulentur, aut aliã quãuis iniuria affi-
 ciantur, siue intus illa contingat, siue foris fiat.
 Quod vt vitare possit, opportunè ad sequentia
 auxilia, & secreta, animum conuertet. Si semina
 terræ mādanda, succo semperuiui paulò ante sa-
 tionem madefacta fuerint, ab auibus, formicis,

*Secreta pul-
cherrima p
seruadis in
terra semi-
nibus absq;
ulla noxa.*

agrestibus, muribus, & aliis hortorum prædonibus, non solum illæsa seruabuntur, sed, quæ inde nascentur, etiam præstantiora euadent, de Africani experimento, vt in Græcis rerum agri Commentariis adnotatum, & à Latinis agriculturæ autoribus repetitum obseruauimus. Quod verissimum esse, tametsi docuit experientia, tamen, quia herbe huius larga vbique non potest esse copia, eius loco, fuligine, quæ supra focos inhæret, satis omnibus incolumitatem tueri etiam licebit, si collecta pridie quàm satio fiat, seminibus remisceatur: vel aqua macerationis eius semina ipsa conspergantur, vt totâ nocte succum trahant, & ebibant, quemadmodum scripsit Columella. Eadem à malis omnibus, & hortensibus incommodis tuta seruari tradunt Græci geoponici, & post illos, Plinius & Palladius, si equæ, aut asinæ caluaria, sed non virginis, intra hortum ponatur: vel in eius medio, affixa palo erigatur. Nam, quæcunque spectabit, sua præsentia fecundabit, & illæsa custodiet. Addit Plinius esse allium in aruis, alum nuncupatum, quod, aduersus improbitatem alitum semina eruentium, ac depopulantium, coctum (ne possit renasci) vtiliter obicitur: Hoc quæ deuorauere aues, stupentes manu capiuntur. Africanus ad eam rem modicum frumentum vel hordeum vino incoctum, aut infusum, veratro admiscet, ac foris per arcarum horti ambitum disseminat, fata quæuis ab auium iniuria hoc modo vindicans. Sed eas mortuas, vel inebriatas, arundini ex pedibus suspendi iubet. Nec omittit cancrorum fluuiatilium decoctum, quo si

Vt fata seruentur incolumia.

Auxilium aduersus mōstra hortensia.

Secretum ne semina alitibus depopuletur.

Res mira de cancrorū decocto.

quo si semina consperferis, ab alitibus (res mira) nunquam aggredientur: imò verò, quæ ex his nascentur, durabunt salua, & immunia ab omnibus bestiolarum iniuriis. Sunt qui planta sola decocti huius aspergine, felici successu, tantum perfundant. Quæ res, mihi, & amicis, plus millies fuit probata, sed certâ lunari periodo. Nonnulli contusa cyparissi folia, feminibus remiscunt, & subactæ, ac stercoreatæ terræ committunt, & ita, ab omni corrosione inde nascentia liberant. Alij, cerui, aut elephantis cornu siccum, & concisum, vel derafum, aut elimatum, feminibus intermiscunt: vel aquâ madefactionis illorum, spargeda semina imbuunt. Virgilius, nitro, aquâ diluto eadem irroranda, vel amurca tingenda consulit.

*Ut semina
ab omni
corrosione
liberentur.*

*Seminum me-
dicamenta
ex Virgil.*

*Semina (inquit) vidi equidē multos medicare serētes,
Et nitro prius, ac nigra perfundere amurca,
Grandior ut fœtus siliquis fallacibus esset:
Ut quauis igni exiguo properata maderent.*

Græcus Apuleius illa vino conspergit, atque ita minùs ægrotatura existimât. Quæ etiam iuuabuntur aquâ, & amurcâ respersa. Sunt Græcæ agriculturæ doctores aliquot, à Columella, Plinio & Palladio probati, & laudati, qui cucumeris syluestris radices, totâ diem, & noctem, aquâ macerât, eamque feminibus, repetita aspergine, suffundunt: & postridiè, pallio velata semina illa, terræ committunt: hinc arbitrantur, meliora euasura, & à malis omnibus certò eripienda. Idem Apuleius lentem modicam dum seruntur, illis remiscendâ censet: nam, aduersus ventorû molestias natura resistit. Vult prætereà, pro satorû in-

*Græcorum
& Latino-
rum agrico-
larû secretû
pro semini-
b⁹ pulcher-
rimum.*

*Rubetara-
na secretum
magnum.*

columitare, ante pastinationem, & fossionem, ranam Rubetam, Græcis Phrynon dictam, noctu, circa hortum, vel agrum deferri: postea in fictili vase inclusam, medio horto, vel aruo adobruui: & appetente sationis tempore, effodi, ac procul abici: ne ibi nascentia, amara, & insuauia euadant. Sed pulchrum erit huc proferre elegantissimos Columellæ versus, quibus medicamenta seminibus sanè quàm appositè præscribit.

*Columelle
medicamē-
ta pro semi-
nibus tueren-
dis.*

*Profuit interdum (ait) medicantem semina, pingui
Palladia sine fruge salu, conspergere amurca:
Innatâ vel laris nigra satiare fauilla:
Profuit & plantis latices infundere amaro
Marrubij, multoque sedi contingere succo.*

*Democriti
physicum
experimen-
tum ne à iu-
mentis aut
pecore ledâ-
tur sata.*

Ægyptiorum Græcorumque agricolarum scho-
la tradit, semina incorrofa, & à bestiis illæsa
permanere, quæ Luna semiplena terræ mandata
fuerint. Hic penè præterieram physicum, pro se-
minibus, & plantis, Democriti experimentum, à
Neapolitano Palladio diligenter adnotatū. Pa-
guos (inquit) seu marinos cancos, vel fluuiales,
non pauciores quàm decē, in vas aliquod, aquâ
plenum missos, tegito: & sub dio exponito, ut
diebus decem insolentur: postea semina, quæ vo-
les in terra illæsa permanere, aquâ illâ, ad dies o-
cto perfundito: idque octonis diebus peractis,
ut vult Palladius, repetito, donec, quæ optaueris,
solidè adolescant: experimentum miraberis. Nam,
ex feminibus illis quæcunque nascentur, non so-
lùm à se iumenta & pecora arcebunt, sed etiam
bestiolas quasuis. De quibus paulò post scribe-
mus,

mus, & sparsim de aliis feminum auxiliis, vt se proferet occasio, dicemus.

*De hortensium sarritione, runcatione, & rigatione:
cum prognostico fertilitatis, vel sterilitatis cuiusque
sementis.* CAP. VIII.

PERACTA ritè semente, sarritionis sequens debet esse cura, de qua inter autores agriculturę non admodum conuenit. Nam quidam negant eam quicquam proficere, quòd hortensium radices sarculo detegantur, & plerunque succidantur: atque si frigora incesserint, gelu prorsus enecentur. Ex quo satius esse putant runcatione & expurgatione tempestiuè vti. Pluribus tamen sarriri placet: sed neque eodem modo, neque iisdem temporibus: pro incolarum consuetudine, soli ingenio, & cœli statu. Vtut fuerit, his locis in quibus sarritio desiderabitur, ea non antè aggredietur, quàm hortensia proprias areolas vestire occæperint, & grandiusculum incremētum, pro cuiusque natura ac modulo, ritè admiserint. Sarritionem sequetur runcatio: in qua diligēter cauendum erit, ne germina, tenellós ve partus & flosculos iniurioso tactu aut transitu lædamus, vel tractemus. Quare illam suscipiemus aut antè, aut vbi defloruerint plantæ, vel vbi solidas radices egerint. Ad rigationem venio, quæ Solibus æstiuis, & maximè circa exortum Caniculę, summo perè solet prodesse ac probari: hora, inquam, matutina ac vespèra, vt vult Plinius: cui subscrit ratio, nimirum ne à Sole inferueat aqua, &

*Controuer-
sia inter a-
griculturę
autores de
sarritione,
& eius mo-
do ac tem-
pore.*

*De runcatione, &
quid in ea
obseruan-
dum.*

*Rigationis
opportuni
tempus, &
qualis de-
beat esse a-
qua.*

radices adurat. Sed ne tum quidem nimia debet esse rigationes, quoniã inebriatis radicibus nocent. Pro quibus haurienda non est aqua putei altissimi, ne nimia frigiditate & cruditate radices percellat. Quod si alterius præsens non adfuerit facultas, horis aliquot antè hauriẽda erit, & sub dio exponẽda, vt tepescat. Verumenimuerò, falsæ omnes aquæ summoperè hîc sunt fugiendæ, præterquàm in raphano, beta, ruta, & cunila: quibus falsa aqua peculiaris medicina solet esse, (vt tradit Plinius) in falsis aquis: quæ alioqui & suauitati & fertilitati conferunt: ceteris dulcium aquarum rigua profunt. Sed vtilissimè ex his, quæ suauissimè habentur. Minus vtilis esse solent stagnis haustæ, & quas elices inducunt, quoniam herbarum semina inuehunt: præcipuè tamen imbres plantas alunt, nam illis innascentes bestiolæ necantur. Rigationis modum stirpium ætas temperabit. Nouellæ enim plantæ minus sitiunt: & quæ assueuere, summè rigari desiderant, idque leniter ex clepsydra, vt æqualiter bibant radices, & non immergantur: nam ita animam terræ exhalatione vanescentem retinent. Ergo non vniuersim ingurgitabuntur plantæ, sed quomodo sitient, ita stillabitur aqua, velut ex vbere alens & non inundans. Sed in re pueris & virgunculis notissima, versatũ satis. Iam quod attinet ad prognosticon fertilitatis aut sterilitatis feminis cuiusque, tam sati quàm seminandi, hac via procedes ex Zoroastris & veterum Ægyptiorum experimẽto. Diebus viginti aut triginta ante Caniculæ exortum (qui in hac Gallica cœli

*Rigationis
modus &
formula.*

*Prognosticũ
fertilitatis,
vel sterilitatis
seminũ
quorũcun-
que.*

cœli inclinatione, ferè contingit circa decimam septimam diem Iulij) in quopiam loco diligenter subactò, de vnoquoque semine legitimo & recenti, probationis gratia, diuisis spatiis ac signatis, paululum seres: & si aëris vrgebit incendium, opportunè rigabis: vt proiectū in aridam commodiùs pullulet, & ante cosmicum dicti syderis exortū, tempestiuè se prodatur. Hoc peracto, sedulus obseruabis, exorto Procyone, quodnam è iactis seminibus incolumè, vegetū ac illæsum emerferit, & durauerit: atque illud fertile ac fecundum euasurum prædices: reliquū verò quod non prodiit, aut vietam, languidamque & flaccidam plantulā emisit, inutile ac sterile futurum tibi suadebis. Nam certo certius est, insanum & æstuans Caniculæ sydus, per illa sua canina incendia, *κρονόμπατα* Græcis nuncupata, quædam ex satis lædere, alia verò minimè. Ex quo noxæ, vel beneficij indicium per annum futurum vnicuique sementis generi, sydus natura aridum ac feruens præsentī exitio vel salute nunciabit ac præmittet. Hortensium morbos, sterilitatem & pestes alias tibi proponet cap. 2. lib. 3. sequentis.

Mira syderis Caniculæ vis insana.

Canicula sydus natura aridum ac feruens.

Auxilia & secreta aduersus hortenses vermes, pulices, erucas, blattas & limaces, tam olera quàm arbores & fructus vitiantes ac erodentes. CAP. IX.

NEMO est qui passim non videat (nisi fortasse talpa fuerit) hortēseis diuitias à variis bestiolis & animalculis, tam sub terra, quàm supra, variè infestari, & eam ob rem plerunque ægrota-

Hortensia variis iniuriis obnoxiasse.

re, atque nisi auxiliares manus opportunè adfuerint, paulatim tabescendo mori. Nam tãta, tãmque inexpugnabili acie pestifer ille exitialiũ bestiolarum exercitus nonnunquam grassatur & irrumpit, vt nullis admotis machinis, nullo igni, nullo ferro, ab hortis & agris, in quibus semel castrametatus fuerit, abigi possit ac diuelli. Rem itaque olitoribus & colonis gratissimam facturum me cogitavi, si aduersus istam deploratam pestem, classicum (quod dicunt) canerem, & alexipharmaca aliquot, partim mihi, partim amicis meis nota, & à priscis explorata in medium proferrem. A verbis itaque ad rem venio. Hortesia à noxiis vermibus, erucis & aliis repurgari scribit Africanus inter Græcorum agricolas summus, si eorũ latibula, nidi & conceptacula succensis bubulis stercorebus, secundo vento, fumigentur. Plinius amurcam puram sine sale illis spargit. Et si plantarum radicibus, ob fimi malitiam, inhæserint, diligentissimè sarrit. A pulicibus non lædentur, si naturali auxilio, erucam herbam, vel rutam pluribus locis admiscueris. Quòd brassicæ imprimis conuenire certum est, solitæ de omnibus oleribus, à pulicibus summè infestari, cum raphano, quem ostendemus sequentilibro, gentilem ac affinem illi esse. Anatolius in suis Georgicis præceptionibus Græcis, censet nōnihil erui fementi eam in rem addendum. Quod raphanis & rapis prodesse, antiquo experimento constat. Iuuat etiam acre acetum, succo hyoscyami contritum, & bestiolis illis respersum. Adhæc aquæ aspergillum, vt tradit Græcus Pamphilus, in qua

*Difficilis
quandoque
hortensium
bestiolarum
expugna-
tio.*

*Auxilia
aduersus
hortenses
& ermes.*

*Aduersus
hortenses
pulices re-
media.*

in qua gith, seu meláthium permaduerit. Verùm si ab aliis etiam animalculis femina lædi, aut vi-
 tiari noles, ante saturationē, fedi aut semperuiui suc-
 co, vt prius adnotauimus, illa imbues. Quæ etiā
 incorrofa seruabis, si in testudinis operculo semi-
 naueris, quemadmodum idem scripsit Anato-
 lius. Non omitam ex Palladio, quòd infesta ani-
 malcula non generabunt olera, si in eiusdem te-
 studinis corio, spargenda illorum semina sicca-
 ueris: vel mentam locis pluribus, maximè inter
 caules, conserueris. Quòd ad erucas & campas at-
 tinet (quæ multis magnum & molestum nego-
 tium facessunt, deplorata hortorū, & vinearum
 calamitate) nonnulli resperfo ficulneo cinere il-
 las persequuntur. Sunt qui in hortis scillam, vel,
 vt cum vulgo loquar, squillam areatim serāt, aut
 hinc inde suspendant. Alij fluuiatiles cāctos cla-
 uis, pluribus locis affigunt. Si verò obstinatè re-
 stiterint, & præscriptis ingeniis cedere nolint, hāc
 oppones machinam. Vrinam bubulam & amur-
 cam æqualiter mista, igni, donec ferueant, admo-
 uebis, & vbi refrixerint, illorum imbre olera ac
 arbores cōsperges: quod Anatolij est experimē-
 tum. Plinius virgis sanguineis quæ his sunt ob-
 noxia tangenda præcipit. Palladius fusticulos,
 vel, vt Ruellius legit, fasciculos alliaceos sine ca-
 pitibus, per omne horti spatiū comburit. Adhæc
 vespertilionum stercora, vt nidor è fumo pluri-
 bus locis excitetur. Quæ res præsentissimum ha-
 bet miraculum. Easdem tradit polyhistor ille Pli-
 nius, ab oleribus arceri, si cicer vnā seratur & illis
 remisceatur: aut cancri ramis arborum à corni-

*Seminum
secreta à se-
pervicibus
diferfa.*

*Varia ad-
uersus eru-
cas auxilia
& secreta.*

*Auxilium
factu et pa-
ratu facile
contra eru-
cas.*

Et resoluta sinus, resoluto mæsta capillo,
 Ter circum areolas, & sæpem ducitur horti.
 Quæ cum lustrauit gradiens (mirabile visu)
 Non aliter quàm decussa pluit arbore nimbus,
 Voluitur ad terram distorto corpore campe.

Haftenus Columella de expiandis & abigendis
 erucis. Quod equidem præstigiū referre puduif-
 set, nisi à multis expertum fuisset: scripssissetque
 doctiss. medicus Ioan. Langius illud in Norico-
 rum terris obseruatum & approbatū fuisse. Pli-
 nius tradit non solum hac arte erucas decidere,
 sed & vermiculos, scarabeosque, & noxia alia a-
 nimalia. Quod à Metrodoro Sceptio in Cappa-
 docia ob cantharidū multitudinem inuentū esse
 prodit. Sed cauendū, inquit, ne id oriēte Sole fa-
 ciant mulieres, nam ita aresceret sementis, & flo-
 rida horti amœnitas pessum iret, elanguente eius
 nitore & sensim tabescente: vsque adeo virosa &
 pestilens vligo illa, visu, nedum attactu, perni-
 ciosa esse solet: præsertim si inquinatæ fuerint.
 Nostrates hortensium coloni, arte admodum fa-
 cili easdem sic hodie passim expugnant. Vbi apri-
 cis locis illæ post pluuias inceserunt, matutinis
 horis frutices olerū, aut ramos arborum succu-
 tere solent: sic enim dum adhuc nocturno tor-
 pent frigore, facilè decidunt, nec amplius ad su-
 periora perreptant: præbentque occidenti viam.
 admodum pronam ac præsentem. Cæterum, si
 cuiuscunque generis animalcula oleribus & ar-
 boribus nocentia perdere voles (quæ Democri-
 tus in suis Georgicis præfocurides, Palladius La-
 tino aptoque vocabulo herbicidas, Ruellius

*Summe na-
 turae & ex-
 cutienda.*

*Rusticorum
 in expugnã-
 dis erucis ar-
 tificium pro-
 prium ac fa-
 cile.*

verò porricidas nuncupauit) Diophanem Græcū
 ausculta. Ventriculum veruecis (inquit) recenter
 mactati, & suis adhuc sordibus excrementiis ple-
 ni, diligenter tibi comparato: eūque spatio il-
 lo, quo bestiolis scater hortus, terra leuiter ado-
 bruito. Peracto biduo, ibi blattas & animalcula
 alia gregatim congeſta reperiēs: quæ vel aliò de-
 portabis, vel eo loco altiffimè defodies, ne refur-
 gant: id cū bis vel teriò feceris, genus omne
 quod nocebat extingues, ac verè perdes. Rustici
 apud nos paleis intortis arborū truncos armant,
 & crura coronāt. Qui verò ditiores ſunt, carpto
 bombace, lana, vel cānabinis ſtupis idem moliū-
 tur: quibus, ſumma arborum petentes erucæ im-
 plicantur, ac veluti obiectis laqueis & compedi-
 bus, vel proſtigantur, vel ſic à cœpta via acutū
 reuocantur. Quod ad limaces particulatim atti-
 net, ſi vel amurcam recentem, vel ex caminis fu-
 liginem illis reſperſeris, oleribus non minùs com-
 modabis, quàm ſi inter illa cicer conſeueris, ad
 hortenſium multa portenta, vt ſuperiùs ſcripſi-
 mus, vtile. Alia ex præcedentibus auxilia requi-
 res. Et ſi viridem ac floridum hortum habere vo-
 les, illius ſulcos, areas, & puluinos fœno græco
 ex aqua trito diligenter rigabis: aut aſini calua-
 riam, non virginis, vt antea monuimus, in medio
 illius eriges. Iulius Fronto tradit, olera omnia
 ſummè iuuari, ſi iuxta illa, eruca herba, ſata plan-
 tatæue fuerit. Sed intoleranda fiet hortenſi colo-
 no iniuria, ſi anſerum ſtercus muria ſolutum, ole-
 ribus reſpergatur, quòd illis ſummè noceat: quæ-
 admodum Democritus, Fronto & Damagron

in

*Rustica eru-
 carū muſci-
 pula.*

*Auxilia ad-
 uerſus lima-
 ces.*

*Vt hortus
 fiat florid⁹.*

*Quomodo
 oliteri fiat
 iniuria.*

in selectis Græcæ agriculturæ præceptionibus posteritatem admonuerunt.

Auxilia & secreta aduersus hortenses talpas, formicas, culices, muscas & ranas, tam olera quàm arbores & fructus euerntes, lædentes ac depopulantes. Cap. X.

QUIA talpæ in plerisque hortorum locis tumulando & fodiendo, proindeque terram seminibus onustam, vel plantis vestitam eueruendo ac euertendo, olitoribus, iusta causa, molestæ solent esse, ac illis negocium quandoque inexpugnabile facere, idcirco auxiliares machinas aduersus excæcatam illarum aciem, ex rusticis Græcorum & Latinorum armariis, huc proferre & adferre non grauabor. Paxamus, ut hinc auspicer, nucem, aut vasculum quodpiam angustum & solidum perforari iubet: ibique paleas & cedriam, vel (ut legit Palladius) ceram, quantum opus fuerit, cum sulphure includi: omnesque talparum aditus & spiraméta illis diligenter obstrui, ne per ea fumus penetraret. Ita tamen, ut vnum tantum os, & foramen relinquatur, quod amplum sit: in cuius ostiolo, dicta nux aut vasculum intus accensum, sic collocabitur, ut ab vna parte flatum possit accipere, qui cedriæ & sulphuris nidorem in talpæ tumulum diffundat. Eo artificio impletis fumo cuniculis, talpas omnes vel protinus fugere, vel enecari deprehendes. Sunt qui veratrum albū aut cynocrambes corticem tustum, cribratūque, & cū polenta & ouis

Talpæ cursorioribus molestæ.

Ingeniosa Græcorum machina ad talpas expugnandas.

Varia abigendarum aut necandorum talparum artificia.

*Talparum
fuga & re-
natio.*

mistum, ac vino & lacte subactū, in offas & pa-
stillos cogunt, ac eos talparum cauernis immit-
tūt. Albertus, allio, cepa, vel porro talpina ostio-
la claudit: putatque tetri odoris iaculatione tal-
pas intus expirare, vel solum vertere. Plerique ad
has abigendas feles in hortis educant, ac muste-
las cicurant, vt suo venatu pestem hanc arceant,
cuniculorum faucibus ac spiraculis admotę. Alij
foramina earundem rubrica & succo cucumeris
sylvestris implent ac saturant: vel captam vnā
cum accenso sulphure in ollam proiciunt, pu-
tantes eò conuenire alias omneis. Non desunt
qui illarum ostiolis laqueos setaceos adhibent.
Alia aduersus talpas propugnacula reperies in
medica nostra Quadrupedū Historia: quo loco
de talpis medicę scribimus. Sunt qui Ricinum
plantam, quę vulgò Palma Christi nuncupatur,
in hortis passim implantent, ad arcendam talpa-
rum iniuriam, quod facili paruoque labore ex-
plorabis. Rusticis satis est virgam, aut foliaceum
sambuci ramū defixisse. Plinius sola amurca ne-
cat. Qui de formicis posteritatis memorię hęc
etiam mandauit. Sunt arborum pestes (inquit)
formicę: quas plerique abigunt rubrica & pice
liquida perunctis caudicibus: necnō & pisce iux-
ta suspenso, quem Palladius post Gręcos geo-
ponicos coracinum, Ruellius graculum nomi-
nat: quod Plinius omisit. Nam ita in locū vnum
congregantur, & facilè disperduntur. Alij lupi-
no cum oleo trito, arborum ac plantarum radi-
ces, vel (vt legūt nonnulli) caudices illinunt. Plu-
rimi sola amurca necāt. Palladius contra illarum
agmina

*Aduersus
formicas
auxilia va-
ria Et pro-
pugnacula.*

agmina hoc monstrat propugnaculum. Si formicæ, inquit, habent in horto foramina, cor noctuæ admoueto: si foris veniūt, omne horti spatium cinere, aut cretę candore vel oleo obfigato. Et paulò pòst: Formicas abiges si origanum & sulphur trita, ad illarum foramina resperferis: aut vacuas cochlearum testas cremaueris, & co cinere myrmecias, formicariá ve antra affatim faturaueris. In quo styracem omisit à Paxamo Græco, ex quo hæc transcripsit, additam. Paxami verba sic habent: Si captas formicas in medio horti vsseris, reliquas fugabis. Adhęc, si circa formicarias cauernulas cedriá obleueris, non egredientur, expellenturque de suis sedibus, si cochlearum testacea operimenta cum styrace incenderis, vel contusa per formicarum agmen resperferis. Quod penitus perdetur, si succum cyrenaicum oleo dissolutum affuderis. Addit prætereà formicam nec plantas cōtingere, nec in arbores reptare, si lupinis amaris cum amurca tritis aut coctis, illarum cauliculos vel truncos sedulò obleueris. Idem præstabis, si albam lanam aut stupas, vel bombacem, vt de erucis paulò antè scripsimus, iisdem truncis cauliculisue circundederis: aut creta, vel rubrica, origanóue, assuetas illarum vias circumscripseris: nam sic plantas formicæ non attingunt, sed ne arborem quidem ita vestitam ascendunt. Quin & vas mellarium ita circūscriptum nequaquam ab illis contingi tradunt, etiam si operculo caruerit: licet mellis, dulciūque escharum admodum sint cupidæ formicæ. Palladius rubrica, butyro & pice liquida mi-

*Palladius
mirus formi-
carum ex-
pugnator.*

*Formicariá
fuga.*

*Vt formica
arborem nō
conscendat.*

*Formicæ
dulciū escha-
rum appe-
tentes.*

sta, arbores ac plantas inungit. Addo quòd si rari
dici arboris vel plantæ vaccinum fel illinatur, ibi
non accedent formicæ, vt scripsit Rases medicus
Arabs. Non defunt ex Græcis qui arborum &
vitium truncis densam hæderam alligent: eoque
machinamento stabulantes sub eius vmbra for-
micas, veluti obsides retinent & mactant. Pleri-
que taurino felle cum amurcâ & pice idem mo-
liuntur. Sed Plinium repeto, qui ex Sabino Ty-
ro in libro Cepuricôn seu hortensium, quem
Mæcenati dicauit, præstâtissimum aduersus for-
micas remedium esse ait, limum marinum, aut ci-
nerem obturandis illarum foraminibus. At om-
nium efficacissimè heliotropio herba necantur.
Quidam aquâ diluto latere crudo, eis inimicam
putant. Alij alas vespertilionis, ceu præsentissi-
mum amuletum eis opponunt. Verùm de for-
micis hæc in præsentiarum abundè satis. Culices
fugantur aceti & origani decocto, si respergas,
quæadmodum in suis Georgicis adnotauit De-
mocritus. Adhæc rutæ madefactæ aspersione: &
sulphuris, aut cumini, aut bubuli stercoreis, aut
bdellij suffitu, & conizæ decocto. Plinius galba-
no accenso abigi tradit: & Palladius amurca re-
cente, vel respersa ex caminis fuligine. Muscas
Berytius Græcus hoc flagello procul arcere do-
cuit. Si veratrum (inquit) addito auripigmento
cum lacte maceraueris, & illius rore ac imbre lo-
cum à muscis obsessum resperferis, omnes vel fu-
gabis, vel perimes. Quod etiâ præstabit alumen
cum origano & lacte tritum: nam his miscella-
neis quæcunque illita fuerint, à muscis non con-
tingentur.

*Autoris mi-
ra diligentia
inquire
dis auxiliis
aduersus
formicas.*

*Quomodo
abigantur
culices.*

*Muscarum
fug. & fla-
gellum.*

tingentur. Prodest etiam laurus cum nigro veratro tusa, & in lacte, aut aqua mulsa macerata: *Aspergillio muscas abigens, vel perimens.* eius enim aspergine, ceu quodam toxico necantur, aut nunquam redituræ, aliò confestim euolant. Aduersus ranas quæ æstiuis noctibus colonis diurno labore fractis, imò verò magnatibus, delicatis & aulicis garrula coaxatione molestæ solent esse, hoc Africani Græci habeto auxilium & secretum. Ranae tacebunt (inquit) ac vociferari desinent, si lucernam accensam ante illas poneris, aut de arbore ita suspēderis, ut ab eius lumine, ac si Sol esset, illustrari possint. Res mihi & aliis multis plus millies experta. Hieronymus Cardanus tradit fel capræ sepultum ranas congregare. Quod hîc postremum erit.

Auxilium aduersus ranarum garrulitatem.

Auxilia & secreta aduersus serpentes hortorum, & alia quæuis reptilia, tam homines, quàm olera, arbores & fructus venenantia. Cap. XI.

FLORENTINVS rerum agri interpretis apud Græcos summus & diligens, scribit, serpentes in hortis, aut alibi, nequaquam stabulatu-
Ne serpentes in hortis stabulētur. ros, si absynthium, aut artemisiā, abrotanumve per ambitum plantaueris, vel in angulis commodè disposueris. Qui si alicubi versari fuerint assueti, suffitu radicis lilij, aut cornu cerui, vel ungulæ caprinæ actutum abigi tradit. Palladius omni au-
Serpentes quomodo necentur. steritate eosdem fugari, nocētēque spiritus, graueolentis fumi innocentia exagitari scribit. Democritus mori penitus affirmat, si querna folia super iniiciantur: aut si quis ieiunus in illorum os

expuerit. Apuleius arundine semel duntaxat percussos obstupefcere contendit : ſæpius verò, roborari. Tarētinus Græcæ agricolationis peritus, eum à ſerpente affici poſſe negat, qui ſucco raphani oblitus fuerit, aut raphanum ipſum guſtauerit, vel ſecū detulerit. Quod Athenæus & Galenus cum plerisque aliis, malo medico ſeu citrio aſcribunt, & pulcherrima hiſtoria confirmant: quam libro tertio per occaſionem tibi profereamus ac proponemus. Sed ſerpenticidam Florentinum rurfus audire moleſtum non erit. Serpentes, inquit, nunquam accedent vbi cerui adeps iacuerit: aut centaureæ radix, aut gagates lapis, aut aquilæ, vel miluij ſtercus: fugabiturque omne reptile ſi nigellam, pyrethrum, galbanū, cerui cornu, hyſſopum, ſulphur, peucedanū & caprarum ungulas miſcueris, deinde triueris & acetum acerrimum fuderis: compoſitisque horum miſcellaneorum ſphæruſis, fumum ac vaporem excitaues. Nam diſfuſo per aërem rerum iſtarum nido-
re, reptile quoduis, ac ſi flagello ageretur, procul fugere vel expirare animaduertes. Quidam prodiderunt punicæ ramum, vt ſuo dicemus loco, venenata omnia, nedum ſerpentes, fugare. Quapropter ſtragulis conſultò imponi ſolet iis ædibus in quibus verſari ſolent ſerpentes, & venenofa quæuis animalcula. Quorum agmina in vnum locum, ceu piſces in ſagenam aut verriculum, idem Florentinus coge-
bat, dolio à ſalfamētis inueterato, & circa hortum, agrū, aut locum alium ſerpentibus ac venenatis beſtiolis obnoxium, deſoſſo. Nam in id reptile omne confeſtim accede-

Miraraphani natura.

Vt locus qui-uis ſu à ſerpente tutus

Rami punice vis magua.

Quomodo cogantur in vnu ſerpentes.

accedebat, accedensque vltro illabebatur. Plinius de silere loquens hæc tradit, Serpentes & hunc fruticem refugiunt: baculumque rustici ob id ex eo gerunt & circumferunt. Cæterum, experimento certissimo probatum & cōfirmatum est, vstis & accensis coriis quæ veteramentorum sunt, serpentes efficaciter fugari: neque eos modò qui in hortis, agris aut domibus oberrât, sed qui in hominum corpora ingrediuntur, dum per æstatem alto somno oppressi, aperto ore in campestribus obdormiunt. Quod Marcus Gatinaria medicus celebris memorat accidisse cuidam homini suo tempore. Cui cùm frustra adhibita essent innumera medicamenta & præsidia alioquin efficacissima, de omnibus præsentissimum & mirabilissimum fuit veteramentorum fumus & nidor ex infundibulo haustus, & ore exceptus. Nam cū primùm immanis fera (erat enim Vipera prægrâdis) fumi nidorem præsensit, visa est à circumstantibus egredi per anum, magna omnium admiratione & incredibili stupore. Quod hîc scriptum & adnotatum volui, cœu secretum magnum & paratu facile, multisque profuturum. Solet etiam eam in rem lac decoqui, & eius fumus ac nidor ore aperto traïci. Nam vbi serpens illum senserit, actutum per os egreditur, vt lacte fruatur, cuius est appetentissimus. Hîc non omittâ, quòd serpentes ignem valde oderunt: non solum quia oculos illorum heberat, sed quòd natura ignis veneno aduersatur. Oderunt etiam validum odorem iaculantia, qualia sunt allia & cepæ. Amant sabinam, hederam ac fœniculum: sicuti bufones

*Pulcherri-
ma historia
pro fugâdis
serpētibus à
corpore.*

*Quenâ sint
serpentibus
inimica &
amica.*

saluiam (vt in nostris Memorabilium Centuriis ostēdimus) & viperæ erucam. Omniū pessimè & infensissimè auersantur ac oderunt fraxinum : adeò vt ne matutinas quidem occidentalēsve umbras eius, quàm sunt longissimæ, attingant, sed procul fugiant. Quin experti prodimus, inquit Plinius, quòd si gyro ex fraxinea fronde claudatur ignis & serpens, in ignem potiùs quàm fraxinum statim fugiet ille: mira naturæ benignitate, quæ prius quàm serpentes prodeant, sicuti flores fraxinum permittit, ita ante cōditos, folia nequaquam deponere sinit. Virgilius omnis eruditionis parens, cedro vel galbano incensis illos persequitur & exagitat.

*Disce (inquit) & odoratam stabulis incendere cedrū,
Galbaneosque agitare graues nidore chelydros.*

Ferè hīc præterieram quòd filicis folia serpētem non recipiunt : vnde serpentigenis locis filicem seuisse, aut strauisse multis vtile fuit. In his obliuiscendum non est, quòd serpentes sambuci flores summè refugiant. Qui etiam tineas, blattas & erucas perimere tradūtur. Addo quòd si folia filicis comburantur, etiam solo nidore serpentes fugabunt, ac longè sedes mutare cogent. Nescio sanè an hīc etiam adnotare debeam, quod apud Albertum legi, aristolochiam scilicet rotundam cum campestri rana, & scriptorij atramenti parte aliqua diligenter tritam, facere vt serpētes ceu mortui ilicò subsistant, si ex iis miscellaneis aliquid scribatur, & corā illis proiciatur. Sed iam tempestiuum est, vt ad remedia demorforum à serpentibus veniamus, eaque prompta & paratu faci-

*Notanda fra-
xini & ser-
pentis anti-
pathia.*

*De filice &
aristolochia
contra ser-
pentes.*

*Remedia
aduersus
serpentis
morsum.*

facilia proponamus . Si itaque à serpente quif-
 piam demorsus fuerit , nisi febricitet , bibat suc-
 cū è foliis fraxini , vino albo generoso exceptū:
 si febricitet, solum succum hauriat, foliisque ip-
 sis morsum tegat:miraculum à multis fœlici suc-
 cessu probatum & expertum demirabitur . Nec
 temerè,nam certam & abstrusam contra serpen-
 tes antipathiam habet fraxinus:sicuti paulò ante
 ex Plinio ostēsū fuit,& nobis alibi adnotatū.

*Remedium præsentissimum & secretum, à quampluri-
 mis summa autoritate viris sæpenumerò expertum
 contra virulentos serpentium morsus , etiam si per-
 cussus absuerit.* Cap. XII.

Hoc loco mihi monendus est lector, me in
 hoc opusculo nostro, vt in reliquis hacte-
 nus à nobis publicæ vtilitati propositis candidè
 factum fuit, nihil omissurū aut dissimulaturum
 quod reipublicæ & posteritati profuturum a-
 gnoscā. Hic itaque sedulò proponam, quonam
 modo virulentos serpentium morsus, quiuis
 (etiam percussis absentibus) certo & tuto expe-
 rimento,eoque factu & paratu sanè quàm facili,
 ex tēpore sanare possit . Quod excellentissimum
 & singulare secretum præstantissimo medico &
 philosopho Andreæ Mathiolo æquè libenter
 acceptum fero, atque ille ingenuè profitetur se
 illud à quodam in agro Romano heremita acce-
 pisse. Sic itaque res habet . Cū quis à serpente
 fuerit morsus, si præsens aderit, quæ mox dicen-
 tur in eo fiant . Si verò per nuncium id significa-

uerit, percontaberis ex eo, num medicamentum loco percussi velit haurire. Quod se facturum si respondet, iube ut dextrum pedem calceo denu- datum solo sistat. Tum demum cultello lineam circumducito totius pedis vestigio. Quod ubi feceris, iube pedem auferri, & intra signatę lineę spatium, cuspide cultelli hæc verba inscribito, CARO CARVZE, SANVM REDVCE, REPVTA SANVM, E MANVEL, PARA- CLETVS. Mox terram eodem gladio abradi- to, ita vt omnes literarum characteres abolean- tur: Abrasum puluerem fictili paruo aqua pleno excipe, ibique tantisper dimitte donec terra sub- fidat. Postea nuncij interula aquam percolato, & cruce signatam illi bibendam præbeto. Miran- dum sanè quòd eadem hora ictus sanabitur, qua nuncius potionem sumpserit: vt & mihi, qui hæc scribo, & viris fide & veritate eximiis, absque vl- lo fucò & mendacio compertum, expertumque fuit, & ob id à me hoc loco publicæ vtilitati can- didè impertitum.

Auxilia & secreta aduersus scorpiones, bufones, hor- tenses mures, mustelas, & grandiores bestias, tam olera quàm fructus corrumpentes & vastantes.

CAPVT XIII.

QUOD ad scorpiones attinet, si locum in quo versantur furculo aut ramulo veri he- liotropij circumscripseris, negat Plinius illos hinc egredi posse. Si verò herba ipsa imponatur, aut respergatur, protinus emori tradit. Idè fieri aiunt

*Scorpionis
fuga & in-
teritus.*

tactu

tactu radicis herbæ quam scorpioïdem dicunt :
 imò verò à scorpione minimè lædi, qui herbam
 gestabit. Afri promittunt ad manipulum ocimi
 cum cancris decem marinis vel fluuialibus tri-
 tum, à proximo omnes cōuenire. Tradunt iidem
 quòd si à scorpione quispiam percussus asino in-
 fideat spectans ad eius caudam, perniciosum ses-
 foris virus in asinum transire. indicium erit, si de-
 flauerit & pepederit asinus. Sed hæc quia vanita-
 tem olent, ad scorpionum fugam & exitium ca-
 lamum conuertamus. Diophanes in suis de agri-
 cultura græcis Commentariis tradit, cum plerif-
 que aliis, raphanum scorpiis impositum, præsen-
 tem mortem illis adferre. Adhæc cum qui rapha-
 ni succo manus diligenter obleuerit, citra peri-
 culum scorprios & venenata quæque posse tra-
 ctare. Addit prætereà sandaracham cum butyro
 vel adipe caprino suffitā, eosdem & reptile omne
 abigere : insuper scorpium vnum concrematum
 reliquos fugare. Quo loco non mittam ex Ta-
 rentino Græco, quòd qui sideritum, vel scorpioï-
 dem herbam tenuerit, scorprios innocenter tra-
 ctare poterit. Plutarchus ex Zoroastre nucem
 auellanam lectulorum pedibus alligat, ne scor-
 pius illos conscendat. De ictorum remediis hæc
 à me in præsentiarum habebis. Si quis scorpium
 à quo fuit percussus, vel alium in oleo coquat,
 eoque plagam inungat, valdè iuuabitur. Idem
 continget, si pungentem super locum interimat
 ac proterat : sed periculosus erit ictus, si quis eo
 die quo punctus fuit ocimum esitauerit. Floren-
 tinus succum fici recentis in plagam efficaciter

*Mirū si ve-
rum.*

*Memorabi-
lia in scor-
piones ale-
xipharma-
ca.*

*Remedia
edrii qui à
scorpio fue-
runt icti.*

*Pulchra &
notata di-
gna.*

stillari tradit . Plinius asserit scorpj cinerē ex vi-
no potum , si febris absit , summo esse remedio :
perinde atque vermium ignitorū puluisculum ,
verminātibus hominibus , animalibus , ac alitibus
& à rabido cane morsis pilos eiusdē vstos ac pro-
pinatos , vt ex eodem boue lora , quod dicunt , su-
mantur : & venenata sint ipsis venenis remedia .
Bufones iisdē rebus fugari & necari scribūt Græ-
cæ & Latine agriculturæ professores , quibus ser-
pētes . Quare pro auxiliis aduersus illos , recurre
ad xi. caput præcedens . Mures iacta semina nullo
modo persequi tradit Apuleius , si bubulo felle
macerata fuerint antè quàm spargantur . Neca-
buntur si foliis rhododaphnes illorū aditus clau-
feris . Non desunt ex Græcis qui syluestris cucu-
meris , aut hyoscyami , vel amygdalarum amara-
rum & veratri nigri pares porciones cōtusas po-
lentæ immisceant , ac oleo subigāt , agrestiumque
murium aut domesticorum cauernis & cunicu-
lis apponant . Plinius abigi scribit cinere mustelæ
aut felis aqua diluto , & feminibus resperfo . Ve-
rùm , quæ inde nascentur , virus taliū animalium
redolere valde periclitantur : ob id bubulo felle
semina imbui & tingi , melius erit . Mustellas vel
occides , vel fugabis , vt adnotauit Africanus , si sa-
lem ammoniacum & frumentum , seu (vt alij le-
gunt) fermentum commaceraueris : & ad locum
vbi frequenter discurrunt , proieceris . Alij , captā
vnam , cauda & testiculis amputatis , viam di-
mittunt : putantque eo spectaculo & mutilatio-
ne reliquas emigraturas : cuius rei facilis experiē-
tia , fidem in posterum firmam tibi faciet . De grā-
dioribus

*Auxilia
aduersus a-
grestes mu-
res , necnon
domesticos .*

*Auxilia
aduersus
mustellas ,
earundemq;
expulsio &
interitus .*

dioribus bestiis abigendis hæc paucis accipito. Nunquam sata illæ contingent, si imbre veteris urinae in qua stercus caninū maduerit, areæ hor-
torum spargantur. Idem futurum promittit De-
mocratius, ut antea docuimus, si fluuiales cancos
quamplurimos, vel marinos nō pauciores quā
decem, fictili vasculo cum aqua immisos te-
gas, & sub dio statuas, ut decem diebus à Sole va-
porentur: postea quæcunque illæsa volueris esse,
cū ab aëre, tum ab animalibus, aqua illa diebus
alternis debes perfundere, donec solidius adole-
scant. Sūt de prisco illo Africanæ primū, dein-
de Græcæ agriculturæ collegio, qui pæoniam aut
personatam herbam vrentis, vel per hortū aut
agrum circumferenteis, bestias & infesta quæuis
animalia, occulto amuleto persequuntur. Quæ si
frondes pastu malefico depascantur, Plinius in
naturæ historia primus & vltimus, prudenter cō-
sulit, folia fimo boum diluto aspergenda esse,
quoties imber interuenerit: quoniam ita ablui-
tur virus medicaminis, mira quædam excogitan-
te solertia humana. Verū de his plura alibi scri-
benda nobis referuamus.

*Ne grādio-
res bestie
sata lādāt
vel contin-
gant.*

*Africani &
Graci agri-
cola soler-
tes.*

*Ne anima-
lia frondes
pascant.*

*Auxilia & secreta aduersus grandinem, fulmina ac
tempestates, arborum, plantarūque, flores & fru-
ctus, vti etiam Cereris & Bacchi dona, misere per-
dentes. Cap. XIII.*

DE grandine, quæ plerunque dilapidat homi-
nūque, bouūque labores, hæc paucis ha-
beto. Si voles illi ingruenti occurrere, vituli ma-

*Aduersus
ingruentem
grandinem
auxilia &
secreta.*

rini pellem, vel hyenæ, aut crocodili, per horti vel agri spatia circumferes, & in eorum ingressu suspendes: quemadmodum scripsit Philostratus in suis rerum rusticarum græcis Commentariis. Alij grandinem instare animaduertentes, oblato ingenti speculo imaginem nubis accipiunt: eoque remedio nubem, seu sibi obiecta despiciat, vel (vt legit Palladius) displiceat, seu tanquam geminata alteri cedat, extemplo auertunt & amoliuntur. Plerique alij hac superstitione imbuuntur, vt plurimum domorum clauibus de funiculo pendentibus, omne horti spatium in orbem cingant: existimantes grandinem sine damno hac arte aliò cum sua nube migraturam. Sunt, eodem Philostrato autore, qui dextra manu testudinem palustrem supinam ferentes, hortum vel agrum perambularent: & reuersi vnde exierant, eadem figura, illam humi statuunt, ac glebas curuaturæ dorsi eius obiciant, ne inuerti possit, sed supina permaneat, nubemque grandine pregnantem recta intueatur. Quod quidam fieri præcipiunt hora diei, vel noctis sexta. Non defuerunt apud priscos qui eam in rem omne horti vel agri spatium alba vite cingerent: aut noctuam alis patentibus extensam in agro, hortove suffigeret. Quæ duo etiam ad fulmina grandinem plurimum comitantia, incomparabilis ille rerum agri doctor Iunius Columella transtulit, ad hunc modum in suo horto loquens:

Mira testudinis antipathia cum nube grandinem parauiente.

Auxilia aduersus fulmen ex Columella.

*Vt quæ Iouis magni prohiberet fulmina Tarchon.
Sæpè suas sedes præcinxit vitibus albis.
Hinc Amythaonius docuit quæ plurima Chiron,*

Noctur-

*Nocturnas crucibus volucres suspendit: & altis
Culminibus vetuit feralia carmina flere.*

Sed hoc loco auxilium quod nostrates præsentissimum habent aduersus tonitrua, fulmina, & nubes grandinem horrendam parturientes, silentio nō dissimulabo. quodnam illud, inquires? popularum & campanarum tinnitus, aut bombardarum aliorumve pyrobolorum instrumentorum longè latèque reboantes crepitus, vt clamor ear cælo: quemadmodum in nostris aëriis Ephemeridibus, & populari Astrologia scripsimus. Verum his plebeculæ dimissis, Plinium in explicanda naturæ historia ad miraculū vsque summum, si placet, auscultemus: & ex illo discamus, nō solum hortos & agros, sed etiam homines & animalia nequaquam à fulmine tangi, quæ tergoce fluuialis equi, quem Hippopotamum nuncupāt, circumsepta fuerint. Quin & noxiæ non erunt tēpestates, vt Archibius ad Antiochū Syriæ regem scripsit, si obserata fictili nouo rubeta, in medio horti vel agri defodiatur. Per cuius ambitū plerique etiam laurum multam, eam in rem plantāt. Alij aquilæ pennas, aut vituli marini pellem in medio horti, vel per quatuor eius angulos suspēdunt. Nam hæc tria, arcana quadam & planè memorabili antipathia fulminibus obsistere, & ab his nullo modo attingi, aut afflari, posteritatis memoriæ mandatum est: & multorum experimen-

*Populare
auxiliū ad-
uersus toni-
trua, fulmē
& grandinem.*

*Vt horto
vel agro no-
xia nō sint
tēpestates.*

*Laurum, a-
quilæ & vi-
tulum ma-
rinum à ful-
mine non
contingi.*

modum metuebat, tutus esset. Iste erit capitis huius colophon: Bulbus non sui corporis exiguitate fulminis impetum euadit, sed aduersam & fulminis ictum retorquentem naturam possidet: quam Græci antipathen vocât, vt adnotauit Plinius, & nos alibi docuimus.

De rubigine, pruina, carbunculatione, & aliis cælestibus iniuriis, quæ arborum, frugumque, & vinearum flores ac fructus miserè perdunt & abolent.

CAPVT XV.

POSTREMVM caput hoc summum negotium mihi facit: neque aliam ob rem, quàm quòd cum cælo & aëre, cominus & eminus hîc mihi agendum esse proponat, si de rebus in quibus versatur, seriò philosophari satagam. Quidquid itaque illud est quod hîc tractandum sese offert, ad Opusculum transferetur quod paratum habemus, De causis sterilitatis, & præsagiis inopiæ alimètorum, ac status anni cuiusuis prognosticis. Eam ob rem, paucis quæ sequuntur contentus eris. Si instanti aut suspectæ, vel quouis modo præuisæ pruinae, carbunculationi, aut rubigini maturæ obuiam ire voles paleas multas, si adsunt, aut horti, vel agri euulsas herbas, frutices, & spineta, pluribus locis combures: maximè qua parte ventus spirabit: ita enim impendens malum auerti scripsit Diophanes in suis rerum agri præceptis. Berytius in Græca geoponicôn schola celebris, vbi in aëre id iniuriæ congregari animaduertebat, bouis cornu sinistrum, cum bubulo

*Auxilia
aduersus
instantē ru-
biginem &
pruinam.*

bulo stercore ilico incendebat, & fumum multum per horti vel agri ambitum excitabat, ventoque opponebat. Apuleius fumum trium cancrorum vistorum cum bubulo, vel caprino stercore, aut paleis, auxilium præsentissimum esse scripsit. Quod si anticipauerit rubigo, damnum hoc modo refarcies, vt tradit Berytius. Cucumerum syluestrium, aut colocynthidis radices vel folia contunde, & aqua macera: indéque à rubigine prehensa ante Solis exortum irrota ac resperge. Idem assequeris ficulneo, aut querno cinere, aqua infuso, & quo dictum est modo, asperso. Proderit, eodem Apuleio teste, ramos lauri multos per hortum vel agrum defigere vel plantare: nam in illos, sicuti ille plurifariam obseruauit, rubiginis noxa omnis transit & abit. Quæ frequentissima solet esse in roscido tractu, conuallibusque, ac locis perflatum nescientibus. Sed hîc eximium illum hortorum magistrum Iunium Columellam de amolienda rubigine scribentem audire, nec graue nec molestum erit.

*Auxilia
aduersus ra-
biginē qua
anticipa-
uit.*

*Noxâ rubi-
ginis in lau-
ros transire.*

*Hinc mala rubigo (inquit) virides ne torreat herbas,
sanguine lactentis catuli placatur & extis.*

** Columella
de rubigine
pellenda.*

*Hinc caput Arcadici nudum cute fertur aselli
Tyrrhenus fixisse Tages in limite ruris.*

Haftenus de rubigine frugibus inimica. Aduersus carbunculum qui vitibus & floribus peculiaris esse solet, Plinius tres cancris viuos cremari iubet, vitibus aut arboribus appensos. Græci contra pruinam (quod antea omiseram) in horto vel agro fabas intus & extra per ambitum serunt. Hæc à me habebis in præsentiarum pro ritè in-

*Auxilia
aduersus
carbunculū
& pruinā.*

stituēdo horto, & ab iniuriis tam externis quàm internis vindicando ac repurgando, vt læta ibi adolescant fata quæuis & plantata. Quæ nisi à veteribus rerum agri scriptoribus, Afris, Græcis, & Latinis, ingēti studio, & indefesso labore quæ- sita, probata & obseruata fuisse intellexissem, manum tabulæ huic, quod dicunt, nunquam ad- mouissem: imò verò, nisi partem bonam cum a- micis meis, rerum agri apprimè studiosis, expe- riundo in rem contulissem, ne verbulum quidem hîc adnotare fategissem.

*Authoris mi-
nus candor,
Et modestia
tara.*



ANTONII MIZALDI

MONLVCIENSIS, MEDICI,

De Hortorum cura, cultu,
auxiliis & secretis,

LIBER SECVNDVS.



XCVR SO vtcunque instituti mei primo curriculo, secundum nunc demû fœliciter ingredior. In quo cultû, auxilia, & curæ quæ debentur potioribus hortorû oleribus, & selectarum plantarum fructibus, tam extra quàm intra terram educatis, esculentisq; radi- cibus, nec non floribus, & odoratis herbis, bre- uiter

*Authoris
propositum
& institu-
tum.*

uiter ac dilucidè perstringere satagam, proferám-
que ex fœcundissimis Africanorum, Græcorum
& Latinorum rei rusticæ professorum thesauris,
nostrisque & amicorum quotidianis observa-
tionibus, hortensium secreta, vitæ humanæ vti-
lissima, & cuique iucundissima. Quod vt dictum
ita factū agnoscas, ab ea planta, eoque olere fun-
damenta mihi pono, quo in hortis, tam vrbani
quàm rusticis, nihil notius, frequentius, ac fami-
liarius esse solet. A Lactuca, inquam, quæ priscis
vsque adeò placuit, & tanta, tamque sedula cura
exulta fuit, vt ab ea Lactucinos in Valeria fami-
lia Romæ appellari, nihil puduerit. Illa, illa est,
re vera, qua Diuus Augustus, adnotante Plinio,
in ancipiti ægritudine, prudentia Antonij Musæ
medici præstantissimi, seruatus fuit, ex quo sta-
tuam collato ære iuxta signum Æsculapij, Sue-
tonio teste, promeruit. Sed omisso lactucæ enco-
mio, ad rem, si placet, accedamus.

*Brenitæ
perspicuita-
ti sancta,
aurore famâ
liaris.*

*Augustus
Imp. lactu-
câ in ægri-
tudine ser-
uatus.*

HORTENSIA OLERA.

Lactucæ cultus, auxilia, cōmoditas, & secreta. Cap. I.

LACTUCA hortensis (de qua hîc potissimùm
Lagimus) dicta est, quòd lactis copia exuberet.
Amat solum subactum, pingue, humidum vel ir-
riguum & stercoratū, quarto aut quinto, vt vult
Plinius, à satione die plurimùm erumpens, mo-
dò vetus & exuccum non fuerit eius semē, & so-
lum infœcundum. Anno toto feri potest, si lo-
cum nacta fuerit qualem ei præscripsimus. In la-

*Vnde dicta
lactuca, &
quoniam gau-
deat solo.*

*Quomodo
lata fiat la-
ctuca.*

titudinem sese diffundet, si vel rarior pangatur, vel cum caulem faciet, eo leniter inciso, gleba aut testa prematur, quod minus in scapum erumpat. Nam eo pondusculo velut coercita, cum non possit in altum surgere, in latum perreptare, effundique cogitur. Auctores sunt Florentinus Græcus in suis Georgicis, & post illum Columella: adhuc Plinius & Palladius. Illa eadem candida fiet, si fluminis, vel littoris arena frequenter spargatur in medium, & collectis foliis alligetur. Quod Plinius duntaxat illi ascribere videtur, quæ feminis est albi: cuius ea est natura, ut hyemem de omnibus maximè perferat. Si vitio loci, temporis aut feminis dure scat, vulsa & denuò posita teneritudinem consequetur. Sessilem facies, quæ nec caulem promat, sed conuolutis foliis in globum extuberet, vel in orbem circumagatur (pomaram nostrates nuncupant) si translatae radix, ubi in palmi altitudinem adoleuerit, ablaqueata, bubulo fimo recenti oblinatur, & congesto aggere irrigetur: dumque ad incrementum venerit erumpens germen, ferri acie præscindatur: & ei fictilis testa, non picata, imponatur, ne longitudinis sed latitudinis augmentum capeßat: ut tradit idem Florentinus, rerum agri apud Græcos interpretes ad vnguem factus. Suauiores habebis lactucas, si coercitis caulibus, restibili pullularu prodire compuleris. Coercebis autem ac cohibebis, si cum iam aliquod incrementum acceperint lactucæ, testulam, ut dictum est, aliudue pondusculum adhibueris. Odoratas nasci idem pollicetur Florentinus, si illarum semen citrij semi-

*Quomodo
candida fiat
lactuca, &
tenera.*

*Quomodo
sessilis fiat
lactuca, seu
pomata.*

*Quomodo
suavis fiat
lactuca.*

*Quomodo
odorata fiat
lactuca.*

mini imponatur, & ita terræ committatur. Quā rem etiam præstabit lactucarium semen diebus aliquot in aqua odorata præmaceratum. Sed hoc loco mihi peropportune in mētem venit, memorabile Aristoxeni Cyreni commentum. Is, ut prodit Plinius, à patria desciscens philosophia, & helluonum voluptati subscribens, natus in hortis lactucas, vesperi vino mulso rigabat: eoque potu donec satis ebibissent, satiabat: ut postridie cum illuxisset, placentas virides à terra missas se habere veditaret. Dignum Epicureo homine inuentum, nedum philosopho: quo omisso institutum sequamur. Tenerioris folij euadet lactuca, si radix, ut diximus, optimo fimo illinatur, & fluuiali aqua opportunè irrigetur: vel biduo antè quàm vellatur, eius coma illigetur. Si & forma & sapore multiplici variòque illam nasci cupiueris, Didymumque Græcum audire volueris, id facile absolues, si caprini, vel ouilli stercoreis baccā, seu pilulam aut sphæram, subula subtiliter excauaueris, & in eam semen lactucæ, nasturtij, ocimi, crucæ, & radicis seu raphani, ut habet Palladius, immiseris: eamque baccam fimo inuolutam, terra optimè culta, breui scrobe demerferis, & substrato molli latamine, leniter aqua rigaueris. Raphanus enim in radicem niteatur, cætera verò semina in summo proficient, lactuca pariter emergente, & seruat singulorum sapore. Sunt qui duobus, tribusue harum pecudum stercoreis contusis, antè dicta semina permiscant, & trito linteolo deligata obruunt, reliquam, ut suprà, adhibentes curam. Plerique La-

*Philosophi
helluonis
pulchra hi-
storia.*

*Ut fiat la-
ctuca tene-
rior.*

*Quomodo
fiat lactuca
sapore &
formamul-
tiplici.*

*Aliud arti-
ficium pul-
cherrimum.*

rinorum geoponicorum rem eandem aliter assequuntur. Auulsæ lactucæ folia carpunt quæ radicibus iuncta sunt, & in eisdem gradibus furculo punctis, præter raphanum, ut est apud Palladium, vel apium, ut placet Ruellio, semina superscripta deponunt, ac fimo linunt: faciuntque ut sic obruta iterum lactuca, inclusorum seminum caulibus ambiatur & collustretur. Inuentæ sunt lactucæ usque adeo in latitudinem luxuriantes, ut ex his olitoria ostiola facta fuisse prodant antiqui: adfirmatque Theophrastus, eas nonnullos usurpassè in hortorum valuas. Si lactucam ad hybernos usus habere voles, sic illam condientem Columellam auscultabis. Caules lactucæ ab imo depurgatos, eatenus qua tenera folia videntur, in alueolo salire conuenit: diemque vnum & noctem sinere, dum muriam remittat: Deinde muria eluere oportet, & expressos in cratibus pandere, dum resiccescant: tum substernere anethum aridum & fœniculum: dein fasciculos lactucarum vasis reponere, iusque superfundere, quod sit acetum duarum partium, atque vnius muriæ: postea arido spissamento fœniculi sic comprimere, ut ius supernatet. Quod ut fiat, is qui huic officio præerit, sepenumero ius diffundere debebit, nec pati sitire salgama: sed extrinsecus munda spogia vasa detergere, & aqua fontana quam recentissima perfrigerare. Haftenus Columella. Plinius lactucas seruari etiam in alienos menses, vel (ut legendum puto) hybernos, oxymelite repertum esse tradit. Erunt hæc pro lactucis in præsentiarum satis. Quorum medica præsidia qui scire volet, ut etiam aliarum

*Lactucæ
prodigiosæ
latitudinis.*

*Lactucæ
conditura ad
hybernos
usus.*

*Columellæ
solertia &
ingenium
maximum.*

rum hortensium plantarum, & arborum ac fructuum, legat Alexikepum nostrum, hoc est auxiliarem & medicum Hortum: illic inueniet quod placuisse queat.

Brassicae cultus, auxilia ac secreta. Cap. II.

TAMETSI Marcus Cato oleribus omnibus brassicam anteposuerit, & Plinius hortorum principatum eidem ascripserit, nihilominus de illa secundo loco hinc agemus: quam Latinorum

Brassica antiquis celebrata.

plerique, ab insigni trunco & brachiatis virgis, caulem dixerunt. Huic ea inest natura, ut nullam cœli conditionem respuat: unde toto anno terre credi potest. Quam pinguem & bene subactam desiderat, non argillosam, glareosam aut arenosam: nisi fortasse perennis vnda succurrerit. Austro obuersa latior euadit, Septentrioni, contra: quanquam & sapore & robore ibidem vincit: estque per gelicia & pruinas gravior ac tenerior. Cliuis delectatur, & stercore gaudet, sarcularumque proficit, ut adnotat Palladius. Cum sex erit foliorum, aut quinque, transferenda est: ita tamen ut radix liquida fimo prius illinatur.

Qua terra brassicis accommoda.

Quod fiet die tepido, si hyems erit: si æstas, cum Sol ad vesperam inclinabit. Græcorum antiquissimi brassicam in tres tantum species diuiserunt, crispam, quam selinoïdea nuncuparunt, à similitudine foliorum apij. Lean, latis foliis à caule excurrentibus, unde cauloden quidam vocauerunt. Et eam quæ propriè crambe appellatur, foliis tenuioribus & simplicibus, densissimisque. Vastior

Quando transferenda brassica.

Tres brassicae species.

*Quomodo
fiat vasta
brassica.*

cuadet, si terra continenter operiatur. Marcus Varro Nestoris sapientissimi carmina quæ in Alexikepo, hoc est, auxiliari horto, scripta reliquerat, interpretatus, brassicam falsis locis feri iubet cum trium foliorum fuerit, nitro aut falsa terra cribro excreta, & illi pruinæ vel niuis cadētis modo respersa: ita ad coquendum habiliorem tradens, virore seruato. Quod in Græcis Paxami Georgicis confirmatum reperiō. Sunt qui cinere vtantur nitri loco: ob id quod crucas, à quibus summè infestatur brassica, perimat. Tradit Columella illam in coctura celerius madescere, & viridem colorem absque nitro seruare, si radix tribus algæ tæniolis inuoluta pangatur. Plinius algam duntaxat pediculo subdit, dum transfertur: eamque in rem Apiciana videtur coctura, oleo & sale macerata brassica priusquam decoquatur: sed dum coquitur parum salis admittit, ob nitrosam & falsam substantiam. Cæterum & sapore & magnitudine præcipuam reddes, si omnium primùm in pastinato seras, dein si terram fugientes cauliculos feces, & à terra proceritate luxuriosa attollentes se, exaggerando terram aliam, accumules, ita ne plus quam cacumen emineat. Sæpius sarrita & stercoreta melius conualescit, pleniorisque incrementi cauliculum facit & cymam. Toto anno secatur, quia toto, vt diximus, feri potest: semini tamē destinata, secari non debet. Cymosum eius cacumen acetariis summè probatur, subferuefactum & oleo ac sale suffusum. Plinius, incomparabilis ille rerum naturæ perscrutator, tradit, vasa in quibus aquæ feruent, indura-

*Quomodo
fiat brassica
habilis ad
coquendum
virore ser-
uato.*

*Quomodo
fiat brassica
sapore &
magnitudi-
ne insignis.*

induratis crustis intus obfessa, intantum vt eas
auellere non liceat, brassica in his decocta statim
ac facillè abscedere. Tradit insuper Athenæus (vt
brassicæ miracula aliquot paucis perstringamus)
vineas in quibus nascuntur brassicæ, languidius
vinū creare: vsque ad illis pernicialia sunt cum

*Crusta quo-
modo abscedant à ra-
sis.*

vitibus odia. Hinc nimirū Theophrastus viuam
vitem oleris huius odore fugari rectissimè ad-
monuit. Et Plinius, vinum in dolio sapore huius
& odore corrumpi, sed betæ foliis demersis resti-
tui. Quo argumento Androcydes, sapientia cla-
rus, vt idem scribit Plinius, brassicā contra ebrie-
tatem maximè pollere dixit. Ex quo factum pu-
to, vt Ægyptij qui vini magnoperè sunt aman-
tes, omnibus esculentis brassicam coctam, in ci-
batu præmittant, ad inhibendam vini noxam. Sa-
nè hic non arbitror dissimulandum quòd brassi-
ca tantoperè à Catone celebrata, non admodum
probatum à plerisque antiquorum: qui pulmen-
taria damnabant quæ egerent alio pulmentario.

*Brassica o-
dia perni-
cialia sum-
vite & vi-
no.*

Id erat oleo parcere, inquit Plinius. Nam gari de-
siderium etiam in summa exprobratione erat.
Hoc loco ingens & non vulgare naturæ miracu-
lum mihi tacendū non est, nempe hoc olus quo
vitem fugari diximus, cyclamino & origano ad-
uersum, perarescere, naturali & occulto odio,
quo plantæ illæ brassicam nō minùs prosequun-
tur, quàm vitem brassica, & contrà. Vnde rectè
scripsisse mihi videtur Paxamus, ex Græcis geo-
ponicis vnus, quòd si feruescenti & ebullienti
brassicæ paululum vini quis guttatim instillaue-
rit, nō amplius coquetur illa, sed suis viribus de-

*Brassica cō-
tra ebrieta-
tem summè
efficax.*

*Vinū bras-
sica cocturā
impedire.*

functa, mutato colore corrumpetur. Quibus ex rebus. appositè colliges, eos qui vinū multum bibere volunt, & potādi certamine victores coronari cupiunt, crudam brassicam cibis antepone-
 nere debere, ne temulentia tententur. Quod se
 præsente factum fuisse à quodam docto & phi-
 losopho homine testatur Gulielmus Gratarolus
 medicus præstantissimus, in Opusculo de tuenda
 literatorum valetudine. Nam dum is in cōuiuio
 discumberet, probatis & acceptis inuitantium
 omnium poculis, perstrenuè potauit, quòd fo-
 liolum crudi caulis rubescentis præsumpsisset,
 ex quo vinum suas vires exerere minùs potuit.
 Sed philosophantem ea in re M. Catonem, ho-
 minum, vt scribit Plinius, summum in omni vfu,
 hīc audire pulchrū erit. Si voles, inquit, in con-
 uiuium multum bibere, cœnaréque libenter, cru-
 dam brassicam ante cœnam esto quantum vo-
 les ex aceto: & item vbi cœnaueris, esto quinque
 foliola, reddent te quasi nihil ederis ac biberis:
 bibésque quantum voles: mirabili oleris huius
 cum vino antipathia, vt dictum est: & adnotauit
 Agrius apud M. Varronē. Addo ex Paxami græ-
 cis georgicis, quòd si brassica viti vicina fuerit,
 luxuriantes eius palmites potius repandi curua-
 buntur, quàm recti ad illam propiùs accedant,
 intestinæ discordiæ non immemores. Porro, sci-
 tu indignum non est quod Athenæus comme-
 morat, Athenis olim brassicam pro cibo parari
 solitam puerperis mulieribus, amuleti cuiusdam
 vice. Penè præterieram quod apud Suidam legi,
 nimirum crambem seu brassicam in suis conui-
 uiis

*Brassica po-
 culis certā-
 tes corona-
 re facit.*

*Brassica pu-
 erperarum
 cibus.*

uiis priscos adhibuisse, sed recoctā, adeò vt nau-
 scam adferret, abirétque in hoc fastidij prouer-
 bium, *δὲς κρεμύβη θάνατον*. Fit ex cinere brassicæ
 aqua diluto, sal: nam habet nitrosam, vt diximus,
 substantiam, cuius beneficio, si modicè coqua-
 tur, aluum sumpto iusculo, vt in Horto nostro
 medico scribimus, soluit. Hoc de multis sit po-
 stremum, Semen brassicæ vetus in raphanum de-
 generat. Ex quo nescio an factū hîc fuerit, quòd
 antiqua Græcia brassicam raphanum appellarit,
 & hunc cum illa confuderit. Autores sunt cum
 Aristotele, Theophrastus, Iulius Pollux, & alij.
 Hęc de brassica satis erūt, vt aliis suū demus locū.

*Brassicam
 cum rapha-
 no confudit
 vetus Græ-
 cia.*

Apij cultus, auxilia & secreta. Cap. III.

APIVM hortense & satium, Græcis Seli-
 non, vulgo Petroselinum, & nostratibus
 Persilium dici consuevit, perpetua vires fron-
 de, & ex veteri semine (si Theophrasto credis) ce-
 leriter emergens. Nam è recenti, hortésium om-
 nium tardissimè prouenit: nimirum quadragesi-
 mō die à satū, & quinquagesimo, maiore ex par-
 te, vt scribit Plinius. Sæpius parit, semelque satū,
 pluribus annis restibili fertilitate erumpit. Locis
 tam frigidis quàm calidis, & terra quali volueris,
 vt tradit Palladius, gaudet: dum modò iugis adsit
 humor, cuius rigatu facilè animetur, vnde nullū
 cælum & solum respuit. Semine & planta, Co-
 lumella autore, optimè seritur: & secūdum fon-
 teis ac riuulos commodissimè ponitur. Si magnū
 & folij latissimi illud habere volueris, & Floren-

*Apium quo
 semine cele-
 riter emer-
 gat.*

*Quenam
 terra apio
 idonea.*

*Quomodo
 fiat apium
 folij latissi-
 mi.*

tinum Græcum auscultaueris, accipies feminis
apij quantum tribus digitis summis prehédi po-
test, & rariore linteolo includes: deinde fimo &
terra, breui fossa obrues: hoc faciens, magnum &
latum tibi parabis. Nam ita omnium seminum
germen, capitis vnus soliditate neſtetur, vt scri-
psit Palladius, & ante cum Columella. Sed longè
maximum nascetur, vt tradit Florentinus, si radi-
cibus circumfossis, paleas adieceris, ac rigaueris.
Crispum fiet si semen in pila ante sationem pau-
lum pulsaueris, exspoliatumque, vt vult Colu-
mella, terræ mandaueris. Aut, si super nascentis
areas cylindrum, vel pondera aliqua volutaueris:
aut iam natum pedibus proculcaueris. Florenti-
no subscribunt Iunius Columella, Plinius & Pal-
ladius. Qui apium mare & fœmina distingui vo-
lunt, vt mas foliis constet nigrioribus, & radice
breuiori: Fœmina verò crispioribus atque duris,
caule crasso, sapore acri & feruido. Sed neutrum
Chrysippus medicus, & Dionysius apud Pliniū
cibis admittendum censent (licet eiusdem Plinij
temporibus, vt hodie, per iura largis portioni-
bus innataret, peculiarémque gratiam condimē-
tis accerferet) quoniam epulis feralibus dicatum
sit, & ob id nefastū habeatur. Vel, vt Plutarchus
scribit, quod apio sepulchra coronentur. Vnde
vetus illud prouerbiū, Apio indiget: de eo qui
profligata & desperata sit valetudine. Caule fœ-
minini vermiculos innasci tradunt: creduntque
eos in sexū utroque sterileſcere, qui ederint: ad-
hæc, in puerperiis comitiales fieri qui ab eo cibo
vbera hauserint. Innocentiorē tamen esse ma-
re

*Quomodo
maximum
fiat apium*

*Quomodo
crispum fiat
apium.*

*Apium mas
et fœmina.*

*Cur apium
olim cibus
interdictū
& nefastū
habebatur.*

*Comitiales
quomodo fa-
ciat apium.*

rem affirmant: eaque causa est, ne inter nefastos frutices damnetur. Hæc Plinius, fretus veterum sententia & testimoniis. Quibus ex rebus mirandum non arbitror, si recentiores medici ex Aui-cennæ consilio epilepticis, apio interdiciant: quod illorum paroxysmos & accessiones irriter: adhuc, si Græci infantulorum nutricibus & grauidis, puerperisque apium in cibo prohibeant. Quamquam alia etiam subesse potest causa, nimirum quod fœmininos fonticulos impediat, & lactis prouentum extinguat, vefcentesque ad libidinem promoueat. Sed in his versatum satis, & fortasse plus quam oportuit: obliuiscabar enim hæc ferè ad verbum in nostro Alexikepo & medico hortato translata esse. Finem itaque sum facturus huic de apio historiae, vbi scripsero, coquos suis obsoniis acetum, & cellarios vino grauem odorem apio in faccis eximere: quemadmodum adnotauit Plinius vbique magnus.

*Apio quinã
abstinere
debeant.*

Betæ, Portulacæ, ac Eliti, cura, auxilia & secreta.

Cap. I I I I.

BETA pauperum mensis familiaris, madidum solum & putre expetit. Quæ vbi foliorum quinque fuerit, æstate differri debet, si riguus est hortus, vt scribit Columella: si verò siccaneus, autumnò, cum pluuiæ incellerint. Amat frequenter effodi, & multo stercore satiari. Cui latitudo maior accersetur, vt affirmat Sotion in Græcorum georgicis, si priusquam in caulem exierit, pondusculum apponatur lapidis lati, aut testæ, vel rei

*Betæ solum,
& quando
transferris
debeat.*

*Quomodo
fiat beta la-
ta & am-
pla.*

*Quomodo
fiat beta cã-
dida.*

alterius. Nam eo onere coërcita, in foliorum am-
plitudinem se diffundet. Eadem cãdior euadet,
si fimo bubulo recenti, eius radices oblinantur.
Quæ si in prunis tostæ fuerint, māducati allij te-
trum odorem ac virus extinguunt, si superedan-
tur, quemadmodum scripsit Græcus Menander.
Est hoc mirum in betæ semine, quòd non totum
eodem anno gignat: sed aliquid sequēte, aliquid
tertio: celeriusq; proueniat vetere quàm recenti,
sicuti rectè adnotauit Plinius. Nec omittendum
quòd cùm à brassica vini sapor, vt antea monui-
mus, in dolio corrūpatur, odore betæ, foliis de-
mersis reparatur. Addam quòd si acetum subito
fieri voles, tusam betæ radicem in vinū coniicito
per horas treis, in acetū degenerabit. Quod si in
pristinum statum redire voles, brassicæ radicem
indidisse satis erit.

*Portulaca
pauperum
ac diuitum
mensis sa-
miliaris.*

*Portulaca
conditura
optima, &
facili metho-
do expressa.*

Portulaca quò diligentius colitur, cò latius va-
gatur, & carnosiore folio constat. Vna est ex hor-
tēsis quæ omniū ferè iusculis innatat, & pau-
perū ac diuitū mensas oxelæo & sale excepta in-
choat, imò verò hyeme primas dapes apud mul-
tos, cōdita illustrat. Fieri autē solet eius cōditura
hunc in modum. Crassissimi quique cauliculi ex-
emptis radicibus leguntur (nam graciles, facilius
tabescunt madefacti) & aquâ ab arenulis emun-
dantur, decutitūq; sordes si quæ inhēsit: ac tan-
tis per in vmbra siccantur, donec aliquantulum
flaccescant: alioqui ob humoris copiam marci-
di, aut rancidi euadunt. Posthæc acerbarum vua-
rum succo (omphaciū vocant) imbuti, substrato
viridis fœniculi spissamento, fictilibus vasis, aut
dolio.

doliolis cōponuntur, & sufficienti sale resperſo, interiectoq; rursū fœniculo, vas portulaca impletur: & iterū spissamento fœniculi contegitur, quod miscellaneam deprimat. His peractis ius quod est temperatum duabus partibus aceti, & vna omphacij infunditur: ita vt ad summū fidelia, aut vasis labrum perueniat. Ea postremò cōditura, penore siccissimo, & à Sole auerso diligenter seruatur: ne situ loci mucorē contrahat. Quē etiam vitabis si portulaca nō enatet, sed suo iusculo semper sit immersa. Dum vsus exiget, aqua tepida, aut vino exemptum salgama eluetur, & superfuso oleo apponetur mensæ, ad excitādam conuiuarum appetentiam, & restinguendū ventriculi, vel iecoris æstus, si quis aderit.

*Conduere
loco humi-
do reposita
mucorem
contrahunt
& vitian-
tur.*

Blitum duorū est generum, rubrum seu nigrū, & album: rubro caulis & folia rubescunt, vt coccineo colore infecta videantur, etsi temporis tractu purpureſcant, ac tandem nigrescant: ex quo etiam blitum nigrum quibusdam dicitur. Album betaceis constat frondibus & foliis, absque vlla acrimonia fatuis. Vtrunque ex eorum est genere quē in horto celerrimè proueniūt, vt tradit Plinius. Seritur solo qualicunque, sed culto: quod cū semel enatum fuerit, ipsum se per multa secula feminis deiectione reparare solet: adeò vt si abolere velis, vix possis. Vnde semel satum, pluribus annis restibili fertilitate prouenit, nec run-
cari, nec farculari flagitans, quemadmodum scripsit Palladius. Sed hīc non arbitror tacendum, quòd prisci betam cum blito confuderunt: ex quo eam Martialis fatuam, seu insipidam hoc

*Bliti rubri
& nigri de-
scriptio.*

*Blitum se-
mel satum,
vix aboleri
potest.*

disticho appellauit:

Vt sapiant fatuae fabrorum prandia betæ,

O quàm sæpè petet vina, pipérque coquus!

Nam re vera sapore est nitroso, & non fatuo aut insipido, vt blitum.

Asparagorum hortensium cura, auxilia & secreta.

Caput V.

*Asparagi so-
lum & sa-
tio.*

ASPARAGVS altilis & satius, gaudet solo pingui, humido & subactò. Seritur, vt Didymus tradit in suis Græcis georgicis, verno tempore, fossulis trium digitorum, in quibus bina, ternæve grana, semipedis spatio discreta, ponuntur. Quæ nullo cultu vexari debent anno primo: sola rûcatione, herbarumque extirpatione contenta. Sed de asparagorum satione & generatione satius fuerit audire consentientes præceptiones M. Catonis, Columellæ, Plinij, ac Palladij. Semen, inquiunt, quantum tres digiti prehendere possunt, pingui & stercoreata terra, singulis scrobiculis ad lineam directis, imprimatur & leuiter obruatur. Post quadragesimum diem radiculae sic inter se implicabuntur, vt in vnitatem coisse videantur: spongas prisci olitores nuncuparunt. Si sicca fuerint loca quibus dicta semina cõmittere satagis, fimo macerata imis sulcorum partibus ita erunt disponenda, ac si in alueolis manerent. Contrario fiet modo in vliginosis: nã in summo porcæ dorso collocanda erunt, ne nimio lædantur humore: qui suo transitu tantum rigare debet, & non mora inebriare. Sic consita femina, anno primo asparagum dabunt: quem infringi oportebit. Si enim ab imo tentes euellere,

*Vera aspa-
ragorum sa-
tio antiquis
probata.*

*De locis qui-
bus cõmit-
tenda sunt
asparagorũ
semina.*

lere, tenellis adhuc, inualidisque existentibus radiculis, tota spongiola sequetur. Quæ per bienium in suo seminario stercore & assidua runcatione nutrienda est. Reliquis annis non erit decerpendus asparagus, sed radicitus vellendus: ut suæ germinationis oculos aperiat. Nam nisi ita fiat, stirpes præfractæ, spongiarum oculos augebunt, & quasi excæcabunt, nec patientur asparagum emittere. Illum seruabis de quo sumpturus es semina: postea scopas eius & scorpiones incendes: deinde circa hyemem spongiis cinerem, ac stercus adicies, quod M. Cato ouillum esse debere scribit. Est & alter ferendi modus per spongas, quas post biennium in apricum & bene stercoreatum locum transferri conuenit. Fiunt sulci pedali mensura inter se distantes, non amplius drantalibus altitudinis: in quibus spongiolæ ita deprimuntur, ut faciliè superposita terra germinet. Vere autem priusquam emergere cœperint, bicorni ferramento (quod capreolum vocant) terra commouenda erit, ut stylus facilius emicet, & relaxata humo radix plenior fiat crassitudinis. Idem M. Cato sarri ac runcari iubet, sed ita ne sarriendo vexentur radices, aut runcando: alioqui infirmæ conculcantur. Cæterum, per hyemem teneris strametis asparagorum sylvula operienda erit, ne rigore peruratur. Quæ vere nouo aperietur, & stercore saturabitur, ac exhilarabitur. Didymus in Græcorum geponicis tradit, & post illum Plinius, asparagos plurimos nasci tufis agrestium arietum cornibus, vel in particulas sectis, aut derafis, & sulcatim defossis, nec non cre-

*Quomodo
risè tracta-
ri debeant
asparagi.*

*Quomodo
ferendi aspa-
ragi per spon-
gas.*

*Quomodo
runcandi et
sarriendi
asparagi.*

*Quomodo
absq; semi-
ne nascatur
asparagi.*

brō irrigatis. Quod licet Dioscoridi non placeat, verissimum nihilominus esse, experiundo fateberis. Non desunt qui longè mirabilius tradant, nimirum quod integra arietum cornua, nō confusa, nec in particulas secta, si perforétur & pangantur, asparagos producent. Quos si tibi in animo fuerit toto anno edules inuenire, vbi fructū legeris, vt idē scribit Didymus, radices quę summo cespite vagantur, circumfodiens aperies. Sic enim tractata plantula, nihil cunctabitur novos cauliculos & asparagos proferre: qui aqua & iure pingui leuiter decocti, salēque & oleo, aut butyro conspersi, addito aceti momento, summa cum voluptate manducabuntur. Sed hoc loco dissimulandum non arbitror, quod modicam coctionem postulant asparagi: nam diutius percocti, in tabem abeunt. Ex quo Imperator Drusus, celerem rei successum demonstrare volens, dicere solebat, citius fieri quàm asparagi coquantur. His pisciculos in cōuiuiis circundare moris fuit veteribus, vt testatur Iuuenalis in hunc scribens modum,

*Quæ fertur domino squilla, & quibus vndique septa
Asparagis?*

Ad condituram venio. Cauliculi sale conspersi & in alueis compositi, biduo sub vmbra sinūtur desudare: deinde suo iure proluuntur, modò satis humoris remiserint: si minus, muria lauantur, & imposito pondere exprimuntur. Postea in vase, aceti partes duas & vnā muriaē continente, demerguntur: indito fœniculi aridi spissamento, vt & cauliculi deprimi possint, & ius vsque in summum

*Quomodo
toto anno e-
dules inue-
niantur a
sparagi.*

*Asparagos
modicam
coctionem
postulare.*

*Asparagorū
conditura,
& repositio
in hyemem.*

summum fidelis labrum peruenire. Hic non omittam quod Græci herbarum & fruticum germina ante florem erumpentia, asparagos, nomine largè sumpto, nuncuparunt: quasi ex incultis virgultis natos: hinc Martialis illud,

Mollis in æquorea quæ creuit spina Rauenna,

Non erit incultus gratior asparagis.

Sed nos de hortenſi asparago, vt de plantis reliquis, hîc scribimus.

Rutæ hortenſis cura, auxilia, & secreta. Cap. VI.

ET si planta hæc ad esculenta olera parum attinere videatur, scribam nihilominus de illa, vel ob id quod nulli sint hodie horti tam vr bani, quàm agrestes, qui eius fruticem perpetuò virētem, ac grauiter olentem non agnoscant. Itaque de illius cura & cultu hunc in modum præcipit Columella. Rutam autumnō semine satam differe oportet Martio mense in apricum, & cinerem aggerare, runcarique donec conualeſcat, ne herbis suffocetur. Quod suæ Italiæ, non septentrionali nostræ Galliæ scriptū voluit. Vt vt fuerit, fata semel velata manu runcari debet: quam nisi contexeris, pernicioſa nascentur vlculcula, quemadmodum post Dioscoridem Plinius adnotauit. si tamen per ignorantiam nuda manu runcaueris, & prurigo atque tumor incesſerit, oleo subinde perunges. Id quod de floreſcente syluestri & montana ruta multi intelligendū censent. Loca desiderat altiora, vnde humor elabatur, vt tradit Palladius. Cuius semina si ponas adhuc

*Cura
&
cultus rutæ
hortenſis.*

Rutæ periculosa runcatio.

*Quomodo
serenda ru-
ta.*

*Ruta ami-
cissimus ci-
nis: sed fer-
ro tange nõ
vult.*

*Ruta men-
struata mu-
lieris conta-
gionem valde
refugit.*

*Ruta in fa-
ba aut bul-
bo seritur,
ut graeco-
lentiam de-
ponat.*

*Vbiñ op-
tima nasca-
tur ruta,*

clausa folliculis, manu debebis singulatim affi-
gere: si iam minuta sunt & exclusa, sparsim iacta-
bis, ac rastro obducta operies. Caules eius qui ex
feminibus inclusis emergent, fortiores erunt, sed
serò nascentur. Planta hæc humorem odit ac fi-
mum, solo cinere contenta, estque hyemis impa-
tiens: quapropter apricis locis & siccaneis feri
debet, cupitq; per frigora cinere contegi, vt na-
turali eius calore gelicidiis resistat. Si falsis aquis
irroretur, lætior profiliet, vt scripsit Theophra-
stus: sed ferro tãgenda non est, nisi perniciem illi
accersere voles. Seritur non solum semine, vt di-
ximus, sed etiam furculo, & seipsa. Nam incurua-
to rami eius cacumine, cum terram attigerit, sta-
tim radicatur. Tota planta translata, plerunque
moritur: & ramuli cum aliqua parte corticis re-
uulsi verno tempore, pro plantis solent confur-
gere. Annis pluribus frutex iste innoxius perdu-
rat, nisi mulier quæ in menstruis est, illum conti-
gerit, aut excoluerit: nam paulatim arefcit, sicuti
adnotauit Florentinus, rei rusticæ apud Græcos
consultissimus, & post illum Latinæ agriculturæ
doctores diligentissimi, Columella, Plinius, &
Palladius. Sunt qui pertusæ fabæ, aut perforato
bulbo, eius ramulos pangunt, atq; ita adobruunt,
alieno vigore, succo & odore seruandos ac enu-
triendos. Alij maledictis inter serendum prose-
quuntur, maximè in terra soluti lateris: quod cum
Plinio prodesse affirmat Palladius. Sed melius &
fertilius, iisdem autoribus, furtiua prouenit: ac
sub fici arboris vmbra libentiùs acquiescit. Eam-
que ob rem Theophrastus optimam rutam ac pro-
batissi-

batissimam putauit, quæ ficulneo cortici defixa, terra obruitur. Quod Plutarchus in Sympotiacis agnouit, hūc in modum scribens: Ruta quæ sub ficu profilit, aut illi adnascitur, suauior habetur & sapore melior. A quo non longè recessit Dioscorides, eam cibis commendans, quæ propè arborem fici crescit, & quamcunque aliam ferculis abdicans. Hinc illa nimirum rutæ cum fico sympathia & amicitia à Plinio celebrata: & eiusdem rursum cum cicuta mirabilis antipathia: probabili argumento, quòd rutam colligentes, cicutæ succo manus armant, ne perniciosus vlcibus, vt paulò antè monuimus, ab ea infestentur. Mustela cum serpente dimicatura in murium venatu, vt idem tradit Plinius, rutam, ceu alexipharmacō quodpiam, prius edit. Ex quo rutam fascinationis amuletum esse, appositissimè scripsit Aristoteles: falsòque putauit Pythagoras, oculis nocere, vel ob id quòd scalptores & pictores, oculorum causa, in cibo illa fœliciter vtantur, vt docuit Plinius: non omittens, serpentes huius nidore abigi, & procul ab illa stabulari. Hæc postrema sint. Feles ab auariis arceri traditur, pulvis gallinaceorum succo rutæ perfusus: aut illa, vt multis placet, vnde quaque armatis. Quod facili experiētia probabis: perinde atque id quod Democritus prodit, nimirum culices abigi, & ne accedant impediri, si rutæ virentis ramo, eius decoctum per domum sparseris. quod multi etiam ad pulices detorquēt: vnde tritum illud, Cocta facit ruta de pulicibus loca tuta. Sed & illud memorabile est, quod scribit Arnoldus Villanouanus:

Ruta cum fico summa amicitia.

Ruta cum cicuta odiū & inimicitia: adhuc cum serpēte.

Rutam oculis nequaquam nocere.

Quomodo felis ab auariis arceatur.

Quomodo culices & pulices abigantur.

Ruta, vel chelidonia albo aceto pauco: aut vino, vel rosacea aqua excepta & calefacta, vapidum fumum exhalat, qui si vase vitreo superposito guttatim colligatur, utilis est ad oculorum morbos. Sed de his fusius in nostro Alexikepo.

Oxalidis ac spinaceorum cura, auxilia & secreta. Cap. VII.

Oxalis duplex, & vnde dicta.

Viua oxalis & eius descriptio ac pictura pulcherrima.

Oxalis v-sua & commodities.

Oxalis omnium mensis familiaris.

OXalis, ozella Gallis dicta, ab acido succo nomen habet: vnde apud multos acetosa etiā dici solet. Duorum est generum, maior nimirum & minor. Semē vtrique idem, præterquam quod maius maiori, minus verò minori inest. Rumex fatius Latinis, & Lapathon (nomine à Græcis mutuato) appellari solet. Licet multa sint lapathorum genera & differentia, de quibus hoc loco agere non constitui. Tam viua est oxalis ut semel sata nunquam vitietur in terra, maximè iuxta aquas. Huic caulis est subteres humiliter fruticans, & folia habens in cacumine acuta, sed minùs quàm oxylapathum. Semen rubrum in mucronem acuminatur, & foliaceo vestitur involucro. Planta hæc iuribus affatim innatare, & in acetariis singularem gratiā habere solet. Quin & carnibus intingendis iucundum succi viridis accremētum subministrat: nec aliud in obsoniis maiorem sibi vendicat autoritatem. Omnes ferè quod gratum acorem palato repræsentet planta ea, acetosam, ut diximus, nuncuparunt: quo per æstatem nihil iucundius, & diuitū ac pauperum inensis frequentius esse consuevit, ad promovendam

uendam appetentiam. Spinacea veteribus incognita fuisse demirandum est, cum & pauperum & diuitum menfas adeò onerent, vt etiam verna ieiunia faturent. Non sum nescius quosdam illa Chrysolachanon dixisse; alios Scutlomalachon, (quasi dicas maluaceam betam) alios verò triplicis Hispaniensis nomine donasse: quàm verè & rectè, iudicent eruditi. Spinacea Latinis dicta puto, quòd tam glabræ & mollis herbæ semen in spinas occalescat: quæ nomenclatura postmodum in recentiorem Græciam venit. Planta hæc vernalibus ieiuniis est aptissima: ideòque per Ichthyophagiam seu quadragesimam frequens esse solet. Nullum solum respuit, quocunque loco lætissimè proueniens. Seritur nobis Februario mense & Martio: exítque septem diebus à saturo: folio primùm triangulo & molli, mox intubaceo, & plerunque qua hæret pediculo, lacinia- to: inertis sapore, exigua radice, tenuibus capillamentis fibrata, caule cubitali & nonnūquam altiore, intus cauo, floribus in vertice rotundis & racematim coëuntibus ac semine spinulis horridulo, necnon minacibus aculeis armato. In huius genere fœmina quidem floret, sed semine steriles- cit. Olus hoc purgatum & elotum, abiectis radicis capillamentis citra aquam elixari postulat: nam magnam vim humoris inter coquendū effundit: aspernatúrque ius alienū, proprio contentum: aliter si coquas, narium & genitalem illius succum perdis, ac temerè inebrias. Abactò lentore post elixationem, quibusdam ligneo gladio, aut aliter, percutitur & subinde versatur:

*Spinacea
veteribus
incognita.*

*Spinacea
vnde nuncupata.*

*Spinaceorū
cura, cultus,
satio, & historia.*

*Spinaceorū
preparatio
& conditura.*

*Summè nota-
anda de-
catulis,* postea in manuales globos & sphæulas herba-
ceas (expressa penitus sanie) redigitur, & patinis
in oleo optimo vel butyro frigitur, addito om-
phacio & piperis tusi momêto, vt magis palatû
titillet. Sed hîc olitorem, non coquum agimus.

RADICES ESCULENTÆ.

Porricura, auxilia & secreta. Cap. VIII.

*Porri satio
& locus.*

*Genera duo
porrorum.*

*Scellium por-
rum quomo-
do fiat, &
excolatur.*

*Capitatum
porrû quo-
modo fiat.*

RADICES hortorum esculentas descriptu-
rus, porrum imprimis expediam: quod feri
debet loco læto, & maximè campestri, vt scripsit
Palladius: adhæc area plana, altè pastinata, diu
subacta, & ritè stercoreata. Huius genera duo si-
gnauit antiquitas: capitatum, quod in caput, vt
cepa, extuberat: & scellium, longum ac rectum:
cui frondens coma solo tenus amputari solet,
vnde nomen. Postremum qui comparare volet,
post duos menses quàm satum est illud in sua a-
rea secare debet. Durabit autem, Columella au-
tore, diutiùs, multoque melius euadet, si trans-
feratur: & quoties secabitur, aqua iuuetur ac ster-
core. Verùm vsus docuit, sicuti ille idem scribit,
vt translatum, eodem more quo capitatum, mo-
dicis spatiis, hoc est, inter quaternos digitos,
depangatur, & vbi conualuerit, desecetur. Ri-
gari autem & stercoreari, ac farriri toties debet,
quoties demetitur: éstque farculandus sæpenu-
merò locus vbi alitur, adhæc herbis extrican-
dus. Si capitatum facere voles, antequam trans-
latum deponas, diligenter tibi erit obseruandum,

vt radículas omneis amputes, & fibrarum parteis
 fuinmas detondeas: deinde testulas, vel conchas,
 quasi sedes singulis subiectas, supponas, & ita
 obruas, vt fiant latioris incrementi capita: quo
 státo Sotion Græcus rigari prohibet. Palladius
 post Plinium, vbi porrû digiti crassitudinem est
 adeptum, præciliis foliis à media parte, & trunca-
 tis radiculis, ne delumbatæ alant & distrahant,
 tum demum transfert, ac fimo liquido oblitum,
 quaternis vel quinis digitis separat: atque vbi ra-
 dices egerit, modicè comprehensum, sarculo al-
 leuat: vt suspensum à terra, quod spatij vacuum
 subter inuenerit, capitis vastitate cogatur imple-
 re. Et, vt paucis rem istam cōcludam, si sectium
 voles habere, spissiùs seres: si capitatû, rariùs: affi-
 duâq; sarritione exhilarabis, ac liquido stercore
 faturabis. Fiet autem incrementû multò maius,
 vt post Columellam scripsit Palladius, imò verò
 ante vtrunque Græcus Sotion, si raris linteolis,
 aut detritis panniculis, complura grana immise-
 ris, deinde stercore ac terra obrueris, statimque
 rigaueris. Totus enim seminum vnitus acervus,
 in magnum ac prodigiosum porrû euadet. Quod
 etiam in aliis plantarum feminibus experiri po-
 teris. Res eadem continget, si porraceo capiti se-
 men rapi, absque ferro immittas, & ita pangas:
 nam sic multùm fertur increfcere, de Græcorum
 & Palladij sententia. Non desunt, qui dum trans-
 fertur, eius capiti, ligneo stylo vel arundine, aut
 aliter citra ferrum puncto & aperto, cucurbitæ
 semen, loco rapi, intrudant. Alij semina, quanta
 capi possunt tribus digitis, fimo oblita & præ-

*Modus al-
 ter vt fiat
 porrûm ca-
 pitatum.*

*Quomodo
 fiat magnû
 & prodig-
 iosum por-
 rum.*

*Modi varij
 vt porrûm
 excrescat in
 caput.*

*Porri cultu-
ra ex Sotio-
ne Græco.*

*Porri com-
mans odor
quomodo
vitetur.*

*Semen por-
ri efficere ne
vinum a-
cescat.*

tenui calamo clausa, terræ committunt. Quæ res superioribus planè consentit. Laudat, probâtque idem Sotion Græcus, statim atque satum fuerit porrum, puluinos arearum eius, & sulcos pedibus proculcari: triduûmque, ac si negligeretur, minimè rigari: quarto verò die, aquæ aspergine iuuari. nam ita perbellè adolescere tradit. Cæterùm, si inter ferendum aut plantandum, arenam terræ miscueris, plenissimum habebis ac vberissimum. Addit ille idem Sotion, quòd qui cuminû prægustauerit, fædum porri odorem nunquam expirabit, etiam si larga manu porrum manducauerit: nam eius esu, grauis halitus extinguitur. Vnum hîc restat, ex Petro Crescentio cognoscendum, nimirum quòd semen porri in vinum proiectum, efficit ne vinum acescat: imò verò vt acetum in vinum redeat, hoc est, acorem omnem exuat. Facilis est experiëntia, quæ his finem faciet, vbi monuero porrum duodeuigesimo die à satu plerunque prodire, & bimatum duntaxat perferre: ab eo tempore, sementescere ac emori.

Alij cura, auxilia, & secreta. Cap. IX.

AL L I V M inter ruris pulmētaria celebratum, terra gaudet maximè alba, fossa & subacta sine stercore. Cuius cohærentium spicarum diuortia liratim feri debent, arearum puluinis impacta, quominus aquis infestentur. Liras autem similes porcis facies, quas in agris rustici concinant, vt vitent vliginem: sed multò minores esse debent. In quarum dorso nuclei palmari spatio distan-

distantes, non altè depangentur, nec castellatim,
 vt multi faciūt, grumulis imponentur. Qui cūm *Quando sar-*
 ternas fibras, seu folia tria emiserint, sarriri debēt: *riendum al-*
 nam grandescunt, quo sæpius id factum fuerit, *lium.*
 maiusque incrementum accipiunt. Plinius semi- *Semine al-*
 ne etiam prouenire scribit, sed tardè. Primo enim *lia tardè*
 anno porri crassitudine caput efficitur: sequenti *prouenire.*
 diuiditur: tertio consummatur: pulchriusque ta- *Quomodo*
 le existimant quidam. Si vastum & capitatum fa- *fiat vastum*
 cere voles, antequàm vllum emittat cauliculum, *& capita-*
 viridem omnem eius comam intorquebis, ac hu- *tum allium.*
 mi prosternes. Palladius, scapū, vbi pro dire cœ-
 perit, in terram depressum obruit: atque ita cauet
 ne in frondem luxuriet: deinde proculcat, vt suc-
 cus ad spicas reuertatur, & vastum caput faciat.
 Quod vnum etiam Plinius prior adnotauit. So- *Quomodo*
 tion in rusticis Græcorum obseruationibus, ad- *allia virus*
 hæc Palladius & aliquot alij tradunt, quòd si al- *odori de-*
 lia terræ committantur, & ex eadem eruantur, *ponant.*
 Luna sub horizonte latète, virus odoris exuent,
 & mandentium halitum nullo modo vitiabunt.
 Quod paulò aliter Plinius interpretatur: tradens
 allia in eam rem feri debere, cūm Luna sub terra
 fuerit: & colligi, dum Soli coniungitur. Pollice-
 tur ille idem Græcus Sotion, allia dulcescere, si *Quomodo*
 in plantando oliuarum nuclei illis commiscean- *dulcescant*
 tur & conferantur: aut fractæ leniter spicæ, terræ *allia.*
 tradantur: vel in pangendo, olearum fraces adhi-
 beantur. Prodit & Didymus adnotantē Ruellio,
 vel potius Sotion, vt meus habet Græcus codex,
 tædium halitus à manducatis alliis conciliatum,
 aboleri, si cruda faba illis superedatur. Alij, betæ

*Quomodo
radium à
manducatis
allii concio-
liatum citò
aboleatur.*

*Quomodo
allia diuisif-
simè seruen-
tur.*

*Allia sapo-
ris austerio-
ris.*

*Lac allia
redolens cū
suis caseis.*

*Mirabilis
historia, &
summè no-
tanda.*

radicem in prunis tostam supermanducasse, satis
superque esse putant: eo siquidem remedio virus
mentiri & regi, Menáder è Græcis apud Plinium
pollicetur. Nostrates apio viridi fastidium illud
deponūt. Antiquorum plerique promittunt, al-
lia diutissimè duratura, & vsui meliora futura, si
vel paleis condātur, aut fumo suspensa exponan-
tur. Sunt qui illorū capita aqua salsa tepida pau-
lis per intingant, siccent, & ita recondant. Sed hoc
& illo modo, in satum plerunque sterilia euadunt.
Aliis satis est super prunas sicasse, ne germinent.
Plinius saporis austerioris illa esse tradit, quæ
plures habuerint nucleos: additque nullam odo-
ris fœditatem coctis inesse, perinde etiam atque
cepis. Nec omittit præsumēda esse allia albū elle-
borum effossuris, nisi periclitari velint. Est allium
syluestre, quod ophioscorodon Græci nuncu-
pant in aruis sponte nascens, quo pecudum lac,
quæ comam eius depastæ fuerint, allia subolet:
Quid, inquam, lac? imò verò casei qui ex eo coa-
luerint, odoris grauitatem illam præ se ferunt, ru-
ra allium agreste & serpentinum vocant. Quod
decoctum, ne renasci possit, aduersus improbita-
tem alitum semina depascentium, tutò proici li-
bro superiore admonuimus, scribentes à Plinio
alum appellari. Sed mirabile quippiam occurrit
hoc loco non tacendum: nimirum quòd muste-
læ & sciuri tentato allio dentibus, vix audent in
posterum mordere, cicurésque hoc modo fiunt.
Est & illud memorabilius & multò mirabilius
quod Volaterranus prodit, suo tempore inuen-
tum fuisse rusticum ore aperto in agris per mes-
ses

ses & fœnifecia dormiētem : qui cū serpentem per hiantes fauces imprudenter admisisset, se se statim commanducatis alliis, ceu præsenti amuleto, curauit. Virus tamen ac mortem, vxori (res mira) in coitu stillauit ac trās fudit. Sed hoc etiam in alio memorabile est, quod si cum falsugine coquatur, curculiones leguminum efficaciter interimit, modò horreorum parietes & pauimenta his miscellaneis imbuantur. Hic etiam mihi silentio dissimulanda non est celebris illa magnetis & alij discordia, quam Græci antipathiam nuncupāt, sicuti alibi docuimus, ostendimúsque tantū inter has res furdas & sensu carentes odium inesse, vt magnes ferrum negligat, nedum alliciat, si alio confricetur: quemadmodum Plutarchus adnotauit, & post illum Claudius Ptolemæus. Quæ res, cū sæpenuerò & mihi, & amicis meis aliter probata & explorata fuisset, eò me duxit, vt faciliè crediderim viros illos eximios, & in primis Ptolemæū, nequaquam de communi opinione id dixisse, quin potius de suo Ægyptiaco alio rem eam intellexisse. Quod Dioscorides paruum esse scripsit, adhæc dulci, singularique capite ad purpuram vergente. Non desunt qui id ophioscorodo tribuant, quod Antonius Microphonus Biturix, amicus noster, qui rerum experimenta diligenter persequitur, se probauisse nuper ad me scripsit. Illud postremum esto, alia arborū ramis appēsa, accedentes ad fructuum deprædationem auiculas longè arcere solent, vt in Græcorū georgicis à Democrito adnotatum legi.

Alij cū magnetete celebris discordia.

Summè notanda Et animaduertenda.

*Cepæ cur
vniões vo
centur.*

*Quæ terra
seredis cepis
accõmoda.*

*Quotẽpore,
& quomo-
do feri de-
beant cepæ.*

*Quomodo
magnæ &
capitata e-
uadant ce-
pæ.*

*Quomodo
tenuis & a-
crior fiat ce-
pæ, & con-
trâ.*

CEPAS corpus habere pluribus cartilagineis tunicis compactum, & reuolutum, nemo est qui ignoret. Veteres rustici, vt testatur Columella, vniões nuncuparunt: quia vno & singulari constant capite, multis, vt allium, bulbis nequam coagmentato. Quod nomen apud nostrates Gallos, velut triuiale hæctenus vsurpatur. Terram desiderant pinguem, vt scribit Palladius, vehementer subactam, irriguam & stercoreatam, nec non rubram, vt Sotioni Græco geoponico placet. Quæ prius proscindi debet, vt hyemis frigoribus & gelicidiis putrescat, sicuti tradit Columella: deinde stercoreari, & mox bidentibus æqualiter perfodi, ac in areas disponi, omnibus herbis euulsis, & earum radicibus deletis. Quo facto, Martio mense, placido & sereno die, austro vel euro flante, semina ritè spargentur: satureia illis intermixta, vt vult Plinius, quoniam sic melius proueniunt. Sotion Græcus admonet eum qui cepas plantaturus est, caudas & extremitates, fibrâsque omneis, & comam omnem auferre debere, vt magnæ & capitatæ euadant. Alij folia tantum radice tenus vellunt: nam ita succum ad inferiora transmittunt. Sed rariùs hoc modo poni debent, Palladio autore: & runcari ac sarculari, si nõ sæpius, saltem quater, vt tradit Plinius. Qui etiam præcipit ter solum fodi debere, antequam serantur. Si Luna minuente seris, tenues & aciores habebis: si crescente, robustas & saporis humecti, domito accremento. Cæterum, illud nec ignoran-

ignorandum, nec prætereundum cenſeo, quòd in omni ceparum genere, oblonga acrior eſſe ſolet quàm rotunda; & ruſa, quàm candida: ad hæc ſicca, quàm viridis, & cruda quàm cocta: necnon recens, quàm ſale condita, aut elixa. Lōgè autem maiores habebis, ſi cū translationi locus eſt, deponantur in terra viginti diebus antè ſubacta, & tantisper reſiccata, dum omnis humor exhauriatur, ex ſententia Sotionis Græci. Qui idem fieri etiam pollicetur, ſi detractis tunicis, nuda ceparum capita terræ committantur. Sunt qui affirmant illarū ſemina ab auibus nequaquam attingi, ex quo negant terra obrui debere. Quod Ruellius malè ex Palladio collegiſſe videtur: nā anetho id aſcribit, & non cepis. Quarū ſemina, ſi ritè voles excipere, & opportunè legere, cū videntes illæ caulem agere cœperint, humilibus cæteriolis, vt docet Columella, ſtylorum rigorem conſeruabis, ſcapoſque levibus adminiculis in modum iugatarum vitium præfulcies: alioquin thalli ventis agitati proſternentur, deturbatiſque ſcaporum cacuminibus, totum ſemen excurietur. Quod non antè legendum eſt, quàm nigrum colorem præ ſe ferat: ſicuti poſt Græcos, & Columellā tradidit Palladius. Incorruptè autem diu vigeant cepæ, vt adnotauit idem Sotion, ſi in calidam aquam, vel, vt Plinio placet, ſalfam & tepidam immergantur, deinde inſolentur donec penitus ſicceſcant, hordeaceiſque paleis recondantur, ac ita reponantur, vt nulla ex parte ſeſe contingant. Noſtrates fumo & foculo expoſitas ſuſpendunt, ac idem aſſequuntur. Quod priſcis,

*Quomodo
maximæ
ampliſſima
ſint cepæ.*

Semina ceparū ab auibus non attingi: & quando legenda ſint.

*Quomodo
incorrupte
ſeruantur
cepæ.*

*Quomodo
ceparum ca-
put in por-
tētoſam ma-
gnitudinem
extuberes.*

vt multa alia, acceptum ferre debent. Si cepas ad portentofam magnitudinem in caput extubera-
re voles, ſemen illarum ſeminibus cucurbitæ in-
cludes, & cum ſimo optimo terræ diligēter ſub-
actæ committes. In eandem magnitudinem etiā
luxuriabunt, ſi effoſſa in circuitu terra, illorum
capitula, attollendo, erexeris: ita tamen ne eradi-
centur, vt in porro ſcripſimus. Idem etiam obti-
nebis, ſi caput cepæ perforaueris, & in illud cu-
curbitulæ ſemen immiſeris, ac terræ vtrūque re-
miſeris. Sed hoc loco non putauī omittendum,
quòd ſi ceparū ſemina opportunè ſeminaueris,
in caput quidē creſcēt, ſed minùs ſeminis reddēt.
Si verò capitula ſeueris, inareſcēt cepeta, vel vt a-
liis placet, capita, & in caulē rotūdabūtur. His ad-
do, quòd ſolo erutæ & humi iacētes cepæ, aut la-
quearibus appēſe, diutius in aëre viuūt: imò verò,
ſi Ariſtoteli credimus, ſolſtitio, vt pulegiū, & alia
pleraq; ibidē florent: quaſi ancipitis ſint vite, mo-
dò ex terra, modò ex aëre nutrimentū capeſſen-
tes. Sed facilè extra terrā germinant, & humoris
illectu geſtiunt: verūm actō coliculo flacceſcūt.
Quibus Plinius nuces aduerſari, & cepaceum ſa-
porem lenire ſcripſit. Audio multos iuxta coro-
narias herbas, cepas & allia ſerere, ad excitandam
conciliandāque odoris ſuauitatem: idque ex
Plinij & veterum conſilio non vſquequaque
aſpernando. Verumenimverò, hoc loco valdè
admirandum occurrit, quòd cepa ſola olerum o-
mnium, vt tradit Plutarchus, Lunæ damna non
ſentit: habētque augendi & minuendi vires illi
contrarias. Nam reuireſcit & regerminat dece-
dente

*Cepas diu
in aëre vi-
uere, & ibi-
dē quando-
que florere.*

*Nuces ad-
uerſari ce-
pis, & cur
iuxta coro-
narias her-
bas ſerātur.*

dente ac fenefcente Luna: inarefcit verò ac mar-
 ceſcit eadem adoleſcente. Ex quo Peluſiotæ Æ-
 gyptij ſacerdotes cēpas religioſè cibis abdicabāt.
 Cū ergo fruges, herbæ, arbores & animalia ſy-
 deris huius damna & incrementa ſentiant, ſola
 cepa viciffitudines nouit aduerſas. Huius condi-
 turam ad hyemē ſic parabat Columella. Cepam,
 vel aſcaloniam (quibus communia ſunt omnia)
 quæ non fructificauit, nec ſoboles habuit adhæ-
 rentes, eligebat, & in ſole priùs ſiccata, deinde
 in vmbra refrigerata, ſubſtrato thymo vel cu-
 nila, in fidelia componebat: & infuſo iure, quod
 erat aceti partium trium, & vnius murię, faſcicu-
 lum cunilæ ſuperponebat, ita vt cepa deprime-
 retur. Quæ cū ius ebiberat, ſimili miſtura vas
 replebat, & loco idoneo, vſui ſeruandum repo-
 nebat. Hoc, licet puerile, non omitam, quia à
 Cardano viro docto adnotatum. Literæ ſucco
 ceparum deductæ & formatæ planè inuiſibiles
 ſunt: quæ tum demum ſe prodent, cū papyrus
 aut res alia inſcripta, excalſacta fuerit & igni ad-
 mota.

*Cepa olerū
 ſola, Luna
 viciffitudi-
 nes nouit
 aduerſas.*

*Ceparū cō-
 ditura ad
 hyemem.*

Radiciſ ſeu raphani cura, auxilia, & ſecreta.

Caput XI.

SATIVVS raphanus, altiliſve radix, notior eſt
 quàm vt hīc à me explicari debeat: nam pleri-
 que omnes, cū diuites, tum pauperes, urbani &
 agreſtes, dum cibi faſtidio vrgentur, edendi ap-
 petentiam ea radice excitant: illam in taleolas vel
 orbiculos digerentes, & aqua ac ſale imbuentes.

*Raphanū
 lapſam ap-
 petentiā eri-
 gere, & eius
 uſus.*

*Raphani
 cultus &
 terra.*

Cuius talis debet esse cura, Columella autore, vt terra stercoreata & subacta eius semen obruatur: atque vbi incrementum aliquod radix admiserit, subinde exaggeranda est terra. Nam si nudetur, ac Soli & aëri exponatur radix, dura fiet & fungosa, vt tradit Plinius, qui terram solutā & humidam illi præscribit. Palladius tophum ac glaream reformidare dicit, & cœli statu nebuloso gaudere: prætereà quòd feri debet spatiis grandibus & altè fossis post nouam pluuiam, nisi fortè humidus ac rigationi aptus fuerit locus. Quod fatum est, statim debet operiri leui sarculo, nec est ingerendum aut iniiciendum lætamen (quamquam aliter Columella) sed paleæ, vt postea dicemus. Vulgus Gallicum Rauen, & Reforum aut Raphum nuncupare solet. Sæuiente hyeme rarior est apud nos huius cultura: nam frigoribus est impatientissimus raphanus, qui violatus gelidiis aut flaccescit, aut emoritur. Plinius tamen frigore adeò gaudere scribit, vt quandoque visus sit in Germania raphanus qui infantium puerorum magnitudinem æquauerit. Aristomachus hyeme folia detrahi iubet, eaque ne lacunæ stagnent accumulare: nam ita in æstatem grandescet radix. Vt vt fuerit, certum est frigoribus crescere ac dulcescere, vti rapa, siquidem durare possit: frigus enim incrementum in radices non folia conuertit: & si illas tum lignescere apud multos, Theophrastus prodit. Raphanus iucundior esse solet, ac palato gratior detractis foliis antè quàm decaulescat planta, vt Plinius adnotauit. Folium autem quò leuius erit, eò suauiore & mitio-

*Quomodo
& quando
feri debeat
raphanus.*

*Raphani
Gallica no-
mina.*

*Frigoris im-
patientissim⁹
raphanus.*

*Frigore ra-
phan⁹ dul-
cescere.*

mitiorem præbebit radicem: quæ falsugine amaritudinem, si quæ insit, prorsus exuet. Ex quo falsis ali scripsit Plinius, talibusque aquis irrigari præcepit. Ægyptij nitro conspergunt, vt sit suauitate commédabilior radix: quæ cortice & cartilagine constat: adhæc sapore in multis acuto,

*Raphanum
falsis aquis
gaudere, &
illis amari-
tudinem
exuere.*

sed tamen grato: cuius pars cum extra terram emerfit, dura fit, vt diximus, & fungosa, nisi circumobruatur. Fœminini generis esse existimantur raphani qui minus sunt acres, & folia habent leuiora ac iucundè virentia, vt scripsit Palladius.

Si dulces habere cupis, ex Florentini consilio, semina mulso, vel passarum vuarum succo, aut faccharata aqua biduò præmacerare debes, & siccata terræ committere.

*Quomodo
fiant dulces
raphani.*

Si maiores fieri peroptas, sublatiis foliis omnibus solo caule tenui dimisso, terra sæpè operies, vt idem admonet Palladius.

*Quomodo
fiat maiores
raphani.*

Quod similiter fieri pollicetur Plinius, si palo adactò fiat cauernula quæ palea insternatur sex digitorum altitudine, deinde semen raphani simo & terra leuiter in illa contegatur: nam ad scrobis magnitudinem excrescet. Verum enim uero quia ab agrestibus pulicibus infestantur plurimum raphani, ne illis noceant remedium est,

*Raphanum
ab agrestibus
pulicibus infestatum,
cum apto
remedio.*

autore Theophrasto, eruum interficere. Ne verò nascantur, nulla suo sæculo reperta fuisse auxilia arbitratur: quæ nos libro primo ex antiquis plurima attulimus. Cæterum hîc prætereundum non duxi, quòd raphanis amaritudo inest pro corticis crassitudine, vt tradit Plinius: qui etiam dentibus nocere scribit, quòd illos atterant. Sed hoc loco in mentem mihi venit secretum multo argento

*Raphanum
dentibus nocere, & corrupta vena
emendare.*

ænopolis comparandum, quod gratis ac libenter illis impertiam. Si raphani particulæ filo traiectæ, vt eximi possint, dolio vini immergantur, fœtorem omnem ac graueolentiam (si quæ insit) adhæc acorem in se recipient ac contrahent. Sed ne ibi tabescant & virium trahât, confestim eximere oportebit: & si opus fuerit, recêtes immittere. Quod monuisse, multis profuturum mihi polliceor: tametsi ad nostrum vinorum Enchiridion & secreta id transferri poterat. Est sanè miraculum summè admirabile, quòd raphano pernicialia sint cum vitibus odia, à Plinio, Galeno, Athenæo, & Palladio diligenter adnotata: eaque adeò infensa (vt in brassica ostendimus) quòd si iuxtà serantur, ad sensum diffugere videantur, occulta nescio qua naturarum discordia: imò verò si permutatis scrobibus pangantur, nullo modo comprehendant. Ex quo Androcides medicinam cōtra ebrietatem esse dixit raphanū, quem vetus Græcia apertè cum brassica confudit, sicuti in historia brassicæ ostēdimus. Vnde mirum esse non debet, si inuicem communia habeant multa. Fuit sanè apud priscos in tãto honore raphanus, vt Moschion Græcus de eius laudibus vnum scripserit volumen. In quo illum cæteris cibis in Græcia vsque adeò prælatum fuisse tradit, vt Delphis in templo Apollinis ex auro dicaretur, beta ex argento, & rapum ex plumbo. Quod quatuor versiculis Eobanus Hessus doctè, vt omnia, adnotauit, de raphano ad hūc scribens modum.

Æ fabula narratur sacros ab Apolline Delphos,

Omni-

*Pulchra &
notatu di-
gna.*

*Raphano
esse odium
perneciale
cum vite.*

*Raphanum
in summo
honore fuisse
apud pri-
scos.*

Omnibus hunc alijs præposuisse cibis.

Ex auro ut raphanum sacrarent, pondere betam

Argenti, plumbum rapa fuisse putant.

Sed ne obsecro omittamus quòd ebora perbel-
lè expolire fertur, & falis cumulos in aqueã sal-
fuginem transmutare & redigere, si illis consepe-
liatur. Festinans ad finem penè omiseram (quod
initiò dictum oportuerat) raphanum transplan-
tatione acrimoniam deponere, & summam gra-
tiam in cortice habere, modò recēs fuerit & non
inueteratus: idcirco multi exemplo parum imi-
tabili, illum edendo temerè à corpore deradunt.
Ceterum, ne quid dissimulem quod vel legerim,
vel audiuerim, vel obseruauerim, non tacebo
quòd ex raphano acetum sic fieri posse ostendit
Perrus Crescentius in suo de Agricultura opere.
Radices raphani, inquit, siccato & in puluerem
redigito, deinde in vas quod vinum habeat infun-
dito, misceto, ac dies aliquot quiescere finito, tū
dum eximito, & acetum tibi comparabis ra-
phanatū, ad renum calculos atterendos & detur-
bādos, aliāque multa summoperè vtile. Sed hæc
extra olitorium institutum nostrum, quò fit, vt
alia persequar.

*Raphanum
ebora poli-
re, & salem
eliquare.*

*Acetum ra-
phanatum
nephreticis
calculosis
summè vti-
le.*

HERBACEI FRUCTVS

ESCVLENTI.

Cucurbitarum cultus, auxilia, & secreta. Cap. XII.

DE internis fœtibus hortorum, nimirum ra-
dicibus, hætenus sit scriptum: nunc demum

Cucurbitarum differētia, & natura.

Cucurbita sublimitatis auidæ.

Quenā terra cucurbitis apta, & quòd humore iuuetur.

Quomodo fiant longæ cucurbitæ: adhæc vasa & crassa.

agendum de his qui supra terram iacēt, vel haud ita procul, & cartilagineo generi ascribuntur. In quorum censu quia cucurbitæ primas sibi vendicant, idcirco de illis primo loco dicemus: quas nemo non videt aut in longum prorogari, aut in breue crassamentum, collo prominulo, cogi, vel in orbem intumescere. Priores suum nomen retinent, postremæ citruli aut turcicæ cucurbitæ dici solent: erumpuntque omnes plurimum post sextū, septimūve diem à satū: reptātibus flagellis & capreolis dum adolescunt, ceu cirrhis quibusdam & capillamentis, altè scandunt, naturā sublimitatis auidā, sed absque adminiculis stare nequeunt, leui vmbra cameras, testudines ac pergulas opacantes, dependente ex tenui pediculo fructu ponderis plerunque enormis. Amant solum pingue, humidum, stercoreatum & solutum, vt scribit Palladius. Quibus si copia aquæ adfuerit, minorem curam desiderāt: nam humore plurimum iuuantur: licet reperiantur, quæ sine multa rigatione conualescant, & hinc iucūdiore gustus fructum præbeant. Si sicco fuerint commissæ solo, fictilia aquæ plena iuxtā ponenda erunt: inditis fasciis, quæ perpetim humorem stillent. Quod auxilium maximè proderit per æstus & squallores. Seminis parum habent longiores & tenuiores, atque ob id cibis gratiores esse solent, & esculentæ merci, cucurbitariōve foro aptiores. Quas si tibi comparare voles, ex Columellæ, Plinij & Palladij consilio, hac via procedes. Semina de collo cucurbitæ sumpta, recto cacumine ferēs, stercoreabis ac rigabis. Si vastioris incrementi

menti optas, de medio ventre extractum semen, inuerso cacumine telluri deponere. Tales, ubi inauerint, cadorum vices supplebunt ad vina, olea aut grana condenda: quod alio capaciore plus ceteris intumeant. Quare peregrè proficiscentes, illis carne, semine, & chartilagineis membranulis prius exinanitis, vrceorum loco uti solent: vinum vel aquam infundentes, quibus se ab excruciente siti, & itineris molestia, opportunè vindicet, collapsasque ex fatigatione vires actutum reparent. Si latas & amplas habere tibi cordi fuerit, semina quæ in fundo latent, inuersis cacuminibus terræ mandabis. Quæ si à pulicibus infestentur, curabis origani ramulos iuxta pangendo. Nam vel insidentes enecabunt, vel novos creari non patientur, sicuti Græca Quintilliorum testantur Georgica. Ex quibus etiam quæ sequuntur tibi libenter deprompsimus. Nascetur absque ullo semine cucurbita, uti etiam cucumis, si spargendum semen, triduum antè, sesamino oleo, vel sabino, ut legit Palladius, maceretur: aut herbe succo imbuatur, quæ culex vulgo, & culix Plinio, Græcis verò (quantum coniectare licet) conyza nuncupatur. Idem fiet, si vitium more, sarmentum primum aut virgultum ita defodiatur, ut solum eius caput exertum promineat: quod ubi adoleuerit, repetendum erit, & tertio, si opus fuerit, faciendum. Danda tamen erit opera, ut quæ adnascantur propagines, super terram extantes resercentur: seruato duntaxat eo sarmento & virgulto quod postremum fuit. Ita curatæ cucurbitæ, cum cucumeribus, fructus absque intestinis semini-

*Cadi viato
rij ex cucur
bitis.*

*Quomodo
lata & am-
ple fiât cu-
curbita: Et
à pulicibus
liberentur.*

*Quomodo
nascatur cu-
curbita abs-
que ullo se-
mine, Et
itè cucumis.*

*Quomodo
fiat præcox
cucurbita,
& item cu-
cumis.*

*Artificioſa
inuentio.*

*Quomodo
formæ va-
riæ & cha-
racteres cu-
curbite aut
cumeri im-
primantur.*

bus creabûr, ſolis cartilaginibus contētæ. Quòd ſi huius, & illius, præmaturos ac præcoces fructus habere voles, ex eorundem Quintilliorum doctrina, ineunte vere terram cribro excretam, fiſtilibus aut cophinis inutilibus impones, miſtoque ſtercore, modicum præbebis humorem: deinde calidis diebus & inſolatis, vel imbrem leuem ſpargētibus, ſub dio ſtatues, & Solis occaſu ad tectum referes: idque tandiu facies dum frigora, tempeſtates & gelicidia diſcutiētur. Poſteà cùm primùm opportunitas vocabit, totos cophinos & fiſtilia labro tenuis in terram ſubaſtam & excultam demittes, ac reliquam diligentia impendes: & ita cucurbitæ ac cucumeris præcozem fructum habebis. Res eadem faciliùs & minore cùm temporis, tum laboris, impendio fiet, ſi luxuriantes cucurbitarum, vel cucumerum viticulas putaueris: nam ſic fœtus ſuos celeriùs edent. Si formas varias & characteres diuerſos in cucurbita vel cucumere repræſentari deſideras, florem vel primum vtriuſque rudimentum, vti erit in ſua vite, in effigiato, vt voles, intus fiſtili aut cōceptaculo alio claudes ac deligabis. Nam qualem vultum impreſſa figura præſtabit, talem cucurbita vel cucumis præſeferet. Tam enim nouæ formæ vtrunque eſt auidum, vt vaſis cui indideris, æmula facie imaginem repræſentet: quemadmodum in Quintilliorum Georgicis adnotatum reperi. Quod Gargilio Martiali cur aſcribat Palladius, non video. Itaque qua cogentur forma cucurbita & cucumis, eadem creſcent: vt ſcribit Hippocr. noſter in lib. de ſeminis genitalis natu-

ra:plerūque sub draconis intorti imagine, vt tradit Plinius. Si longas & angustas tibi fieri contēdis, nuper editos in lucem cucurbitinos partus cum viticularum capitibus fistulæ aut arundini inferere, cui prius omnes nodos perforaueris, ibi in prodigiosam longitudinem procedere animaduertes. Nam quod latitudini per teretem fistulæ angustiam demetur, paria faciendo, longitudine pensabitur: adeo vt libertate pensili concessa, Plinio visa sit cucurbita nouem pedum longitudinem coæquasse. Nec ignorandū quod quæ postea nascentur ex istarum semine, longitudinem eandem absque vllō mangonio & artificio retinebunt. Similes omnino efficies, si in patens vasculum, aquam quinque vel sex digitorum interuallo, pendētibz cucurbitis subieceris. Nam ante posterum diem ad aquam, veluti adrepentes, descendisse, & sese in tantum extendisse obseruabis. Destitutis verò sua aqua vasis, decuruabuntur, ac inflectentur: vsque adeo humore gaudent, & siccitates refugiūt. Secus de oleo sentiendum: nam illud tam insensē oderunt, vt scribit Plinius, quod si loco aquæ illis subiiciatur, aut apponatur, in contrariam partem vergant. Si minū id possunt, sese intorquent, & velut indignatæ, in modum hami recuruant: quod nocte vna deprehenditur. Cæterum, summè cauendum est, sicuti Columella, post Florentinum Græcum, admonet, ne ad cucurbitariū, cucumerariūve, mulier accedat, vel quam minimè admittatur: nam contactu eius languescunt virentium incrementa. Quæ si in mēstruis fuerit, visu quoq; suo tenel-

*Quomodo
fiant longe
& angustæ
cucurbitæ.*

*Cucurbita
longa pedes
nouem.*

*Modus ali⁹
comparandi
longas & an
gustas cucur
bitas.*

*Oleū cucur
bitis summè
inimicum.*

*Mulieres ad
cucurbita-
ria accedere
non debere,
nec item ad
cucumera-
ria.*

los fœtus necabit : aut infuaves, vel tabidos reddet. Seminibus destinatæ cucurbitæ, ad hyemem usque in sua vite pēdere debent, vt tradit Pallad. ex qua sublata, vel Sole, vel fumo siccabuntur: alioquin semina marcore putri confecta vitiabuntur. Diu recentes durabunt & cucurbitę & cucumeres, si in albi vini fecem non peruersam, picatis doliis demergantur & operiantur. In muria itidem incolumes perennant. Sed illis vita, vigôrque longo tempore permanebit, vt Quintilliorum Georgica fidem faciunt, si in cadis paucum acetū continentibus, ita sublimes pendeāt, vt acetum nullo modo contingant. Verū, oppicanda erunt vasa quæ huic negotio destinabuntur, ne foras acetum vaporet, natura alioquin penetrabile, ob partium tenuitatem. Hoc itaque artificio recentes cucurbitas hyems tota opportunè tibi ministrabit. Quas si voles, etiam serua- bis, si dum tenerescunt incideris, & seruēfactam aquam affuderis, totāque noctem, sub dio perfrigeraueris, & postea in acri muria cōposueris, sic in alios prouentus egregiè custodies. Hoc loco mihi in mentem sanè quàm opportunè venit, quod Athenæus refert: demiratos conuiuas suos, quòd Ianuario mense virides cucurbitæ in escam oblatae fuissent, peculiaris succi non immemores, & natiuum saporem retinētes. Quod olitorum studio, qui artem hanc percallebant, referendum omnino putabant. Erant autem, vt scribit, à salgamariis qui hortenses condituras profrentur, asseruata. Quem modum longè ante Athenæum, Nicander & alij plerique docue- runt,

*Quomodo
diu recentes
durabūt cu-
curbite &
cucumeres.*

*Oppicanda
esse vasa a-
cetum conti-
nentia.*

*Pulchra hi-
storiade hye-
malibus A-
thenæi cu-
curbis.*

runt, iubentes cucurbitas in aëre prius siccatas, & funiculo transfixas, fumo appendi, vt refertas iis ollas, per hyemem ociosa seruitia sorberent. Hodie per hyernos menseis omnes, laquearibus & tabulatis edium appensæ, virides & cibus non ingrata, à nostratibus vbique custodiuntur, maxime quæ citruli nuncupantur, vulgaribus longè duriores, & proinde corruptionis labem tam facile & repente nec agnoscentes, nec sentientes. Purgatorias facies & deiectorias, vt alia pleraq; si illarum semen noctem ac diem, cum rhabbaro, agarico, scammonia, colocynthide aut aliis purgantibus medicamentis simplicibus, præmaceraueris, deinde, qua dictum est formula, seminaueris. Et cum insipida sit cucurbita, quo voles sapore & odore illam facile imbuere potes, si semina antequàm terræ committantur, in eo præmaceres: hunc enim, vbi adoleuerit, ad vnguem referet: non dico cruda, sed etiam cocta: perinde atque cucumis. Fiet idem prorsus absque vlla arte, si dum coquitur, quem volueris saporem, colorem, aut odorem iniicias. Nam & cucurbita & cucumis ex eorum sunt genere, quæ Græci ἀποία vocant, hoc est, qualitatis omnis expertia. Latini insipida & fatua nuncupant, quemadmodum in beta adnotauimus. Hic ferè omiseram, quod cucurbitæ vni fructuum omnium qui extra terram sunt, cortex maturitate in lignum transit: præterea, quod cucurbita in ossium humanorum cineribus plantata, & oleo rigata, nono die fructum profert, vt autor est Hermes. Qui, quia vana multa tradit, idcirco rerum plurimarum fidem

*Quomodo
seruetur ho-
die apud
nos cucur-
bite.*

*Quomodo
fiat purga-
toria cucur-
bitæ & fru-
ctus alijs.*

*Cucurbita
& nō cu-
cumis quo-
modo sapo-
rē & odorē
quemvis su-
scipiant.*

mihi suspectam relinquit : adde quòd incertum facit experientia certum.

Cucumerum cura, auxilia, & secreta. Cap. XIII.

*Antiquos
cucurbitas
cum cucu-
meribus cõ-
fuisse.*

*Pulchra &
notata di-
gna.*

*Quomodo
seminandi*

ANTE QVAM hîc de cucumeribus qui carti-
laginei sunt generis aliquid scribam, pauca
præfabor. Proximo capite secreta multa cucur-
bitis & cucumeribus communia, in medium at-
tuli, Aphros & Græcos geoponicos sequutus.
Qui, quantum equidem sentio, cucurbitas cum
cucumeribus quadam naturæ cognatione con-
fuderunt, vti etiam Plinius. Hinc Euthydemus
Atheniensis, libro quem de oleribus condidit,
cucurbitam vocavit Indicû cucumerem. Et Me-
nodorus Erasistrati sectator duplicem eam fecit.
Vnam Indicam, quæ (vt loquitur) cucumis est: &
alteram, quæ vulgaris est cucurbita. Sic Hellef-
pontij cucurbitas longas, cucumeres vocarunt:
rotundas verò, cucurbitas. Addo, quòd ventro-
sum illud instrumentum, quo corporibus affixo,
vel spiritu, vel leni scarificatu sanguis elici solet,
Græci medici sicyn & sicyn à cucumere, Latini
verò diminuta voce à cucurbita, cucurbitulam
dixerunt: vulgus ventosam nominat, aptius for-
tasse ventrosam. Ex his liquidò cõstat, rerum no-
mina & proprietates plerunque ab autoribus
confundi. Quapropter mirari defines, si multa
cucurbitis & cucumeribus ex cognatione, pri-
scos sequuti, communia fecerimus: quæ hîc non
sumus scripturi, formidantes tedium ex iteratio-
ne gignere. His positis, ad rem venio. Cucume-
res,

res, Palladio autore, fulcis rarè factis feminandi sunt: altitudine sesquipedali, latitudine verò pedum trium. Sed inter fulcos spatiū pedum octo relinquendum est, vt liberè possint euagari. Sarculo & runcatione non indigent, quòd herbis plurimùm iuuentur. Serpunt sarmentis, ac vitibus prælongis, vitis modo, sese in ramos diffundunt: quos ob caulis infirmitatem humi dispergunt, nisi adminiculum propiùs obiciatur, cui caduci incumbant. Die sexto vel septimo post satum emicant, quibus si copia aquæ adfuerit, minorem curam desiderant: nam humore plurimùm iuantur, perinde atque cucurbitæ, sicuti nunc nuper scripsimus: hyemem tamen & frigora summè perhorrent. Quorum semina si biduo ante sationem, lacte ouillo, vt vult Palladius, vel mulso, vt Plinius, aut aqua mellita, vel saccharata præmacerentur, dulces reddent cucumeres, adhæc teneros, candidos, & iucundissimos, cum sapore, tum aspectu, vt adnotauit Columella, & ante eum Florentinus Græcus: necnon, post vtrunque, Plinius ac Palladius: quibus omnibus subscribit experientia. Præcoces & præmaturus, imò verò anno toto qui volet habere, præcedens cucurbitarum caput consulat: & quod ibi fuit omissum de fistilibus & cophinis, vasisque alijs, præsentī admonitione refarciat: nimirum, quòd rotulæ illis subiici possunt, vt minore labore pèsiles ipsorum horti, cùm opus fuerit, foras producantur, & rursus intra tecta reducātur. Possunt etiam specularibus vestiri, vt spirantibus ventis, & vigente frigido cœli statu, Soli absque iniuria

*trac-
di cucu-
meres.*

*Infirma &
caduca cu-
cumerū na-
tura.*

*Quomodo
fiant dulces
cucumeres
& iucun-
dissimi.*

*Quomodo
præcoces, &
præmaturi
fiant.*

*Pulchrum
artificium.*

exponi queant. Hac ratione, toto ferè anno Tiberio Catari cucumis præbebatur, mira volup-
tate illi expetitus: quemadmodum post Columellam, posteritatis memorię mandauit Plinius, quem nullo non die ei contigisse scribit. Sed leuiore negotio ac labore, id etiam cõfici apud Ægyptiæ gentis Dolum Mendesium, autor est Columella. Aprico, inquit, & stercoreoso loco, alternis ordinibus ferulas, alternis verò rubos confita habere oportet: & confecto æquinoctio paululum infra terram secare: ligneoque stylo laxatis, vel rubi, vel ferulæ, medullis, sterCUS immittere: atque ita semina cucumeris inferere, quæ scilicet incremento suo, rubis & ferulis cõcant. Nam ita non sua, sed quasi materna radice alëtur: nascenturque fructus, qui inter frigora etiam vigeant. Rem eandem tradit Plinius, admonēs Columellam suum hîc commentum prodidisse: & si autorem producat. Sed Plinium ipsum audire præstabit: Columella, inquit, suum tradit commetum, vt toto anno contingāt cucumeres: fruticem rubi quàm vastissimum in apricum locum iubet transferre & recidere, duûm digitorû relicta stirpe circa vernum æquinoctium, ita in medulla rubi, semine cucumeris insito, terra minuta, fimôq; circûaggeratas resistere frigori radices. Vt vt fuerit, Plinio cum Columella hac in re malè conuenire vides. Nam ille circa æquinoctium vernum id fieri iubet: hic verò circa autumnale, vt interpretatus est, & ex Columella transcripsit Palladius: sed in his distingue solum & cælum. Si longos & teneros habere desideras, adhęc sine semine, &

*Alia via est
modus accelerandorū
cucumerū.*

*Summè ad
uertendā, &
obseruandā.*

ne, & qua volueris effigie formatos, necnon recentes tota hyeme, ad præcedens caput recurre. Vnum tamen ibi omisſum hîc non tacebo, nempe quòd præſci ſalgamarij cucurbitas & cucumeres ſale, aceto, fœniculo & ſampſucho cõdire ſolebant. Sunt qui virides ſeruari dicunt, trito ſinapi cum aceto. Plinius in ſcrobe, opaco loco arena ſubſtrato illos componit, fœnõque ſicco & terra operit. Athenæus plenilunio in hortis maxime glifcere, & manifeſtum incremētum capere tradit: necnon more echinorum marinorum impleri: quod aquei humoris ſummum eſt argumentum. Athenæo ſuffragatur Plinius, additque quoties cœlum tonat, velut timore perterritos conuerti & tabeſcere. Sed memorabile illud eſt, quòd à mulis cucumeres ſummoperè expetuntur, mira oleris huius voluptate illecti, cuius odorem vel eminus ſentiunt. Quare munienda ſunt cucumeraria, ne illi erumpentes ea depopulētur, ac proterāt. Memorabilius & illud, quòd in Grecis Quintilliorum georgicis legi, & à multis non infœliciter probatum audiui: quid illud, inquires? Si febricitanti infanti qui adhuc lacte nutritur, paris longitudinis cucumeres dormienti apponantur, & quaſi condormiſcāt, ſtatim ſanabitur: nam febrilis calor omnis in illos tranſibit. Penè omiſeram quòd ſi parum aquoſos habere libuerit cucumeres, vbi ſcrobem foderis in quem illos depositurus es, dimidium altitudinis eius, paleis aut ſarmētis implere debes, & terra aggeſta, abſque irrigatione reliquum abſoluere. Megarenſes eteſus ventis ſpirātibus, cucurbitis, cucumeribus

*Quomodo
olim cõdie-
bantur cu-
cumeres.*

*Cucumeres
lunari d. ſua
uro ſubici.*

*Munienda
cucumera-
ria aduer-
ſus mulos.*

*Notãda pro
febricitan-
tibus infan-
tulis.*

*Quomodo
parãdi ſint
cucumeres
parum a-
quoſi.*

*Quomodo
fiat purga-
torij cucu-
meris.*

*Cucumis
terræ filius
& Iuveni-
tas.*

& peponibus puluerem sarculo concitabant, vt fructus molliores & sine rigatione dulciores fierent. Si radices agrestis cucumeris tufas, aut rhabarbarum, agaricum, cnicum, vel quid simile in potabili aqua per triduum maceraueris, & diebus quinque plātulas cucumerarias huius liquoris haustu satiaueris, ventris purgationem ab his sollicitabis. Quæ validior erit, si dum radices sua fundunt germina, circumfossis & ablaqueatis tenuibus fibris, ellebori aut alterius purgantis medicamenti simplicis portionem adieceris. Hoc postremum esto: Matron suis carminibus, vt est apud Plinium, cucumerem terræ filium nominauit: & Heraclides Tarentinus, hedygeon, quasi terræ suauitatem.

Peponum, Melonum, ac Melopeponum cura, auxilia, & secreta. Cap. XIII.

Pepones cucumerum generi olim ascripti.

Forma peponum, melopeponum, & melonum.

PAUCA de peponibus & aliis hinc scribam, quod cucumerum generi, priscis rei rusticæ doctoribus Græcis & Latinis contribuantur, & proinde multa illis affinia agnoscant. Ex quo cucumeres in pepones, & melopepones degenerasse visum est. Qui duo postremi figura tantum & quantitate inter se dissident. Nam cum magnitudine excessere, pepones vocantur: dum verò rotundi, formam & effigiem mali referunt, facta ex pepone & malo nomenclatura, melopepones sunt vocati. Vnde Palladius totum hoc genus, melones à malorum figura, ac si dicas pomæos aut cotoneos nuncupauit. Qui pendere non solent, vt scripsit Plinius, sed humi rotundari: maturitatem præ se ferentes

ferentes, cùm pediculus à corpore secernitur, & suavis odor ab umbilico nares ferit. Omnes rariùs sunt ferendi, ita vt semina inter se pedibus duobus distent, locis subactis, & areis diligenter pastinatis: libertate enim gaudet, qua vtrò citròque vagari possint: herbis prætereà impensè iuvantur, vt cucumeres: quare sarculatione ac runcatione parum indigent. Vite prælonga serpunt, flagellis hinc inde reprantibus: suntq; fructu cartilagineo (de peponibus loquor) orbiculatim striato, prominulis pulvinorum toris, strigis, in vertice & umbilico coëuntibus, ac ibidè stellatim decussatis: adhæc cute sunt aspera, & velut lentiginibus occupata, sed carne intus suavi, & seminibus in vterq; liratim digestis: Quæ si mulso, vel lacte per triduum macerentur, & exsiccata, solo credatur, longè maiorem suavitatem contraherent. pepones qui inde nascentur, ac palato gratiores erunt. Odorati fiēt, si semina diebus multis inter rosæ folia deponantur, & mixtim cum illis plantentur: aut rosacea aqua vel alio odorato liquore imbuantur, & vt dictum est, terræ committantur. Autor est Florentinus in suis de agricultura Græcis præceptionibus, & post illum Palladius. Hic non est omittendū, quod à felibus pepones, vt etiam melones, summè expetuntur & avidè, quare à peponariis & melonariis sunt arcēdi. Reliqua ex cucurbitarū & cucumerum secretis erūt petenda: cū quibus multa, vt præmonuimus, cōmunia agnoscunt fructus isti. Quare si præcoces, si amplos, si effigiatos, si absque vllō semine tibi comparare cupis, præcedēs cucurbitarum caput,

Quomodo
ferēdi pepo-
nes.

Pulchra pe-
ponum de-
scriptio &
historia.

Quomodo
suavissimi
siant pepo-
nes.

Quomodo
odorati fiāt
pepones, à
quibus ar-
cendi feles.

Autori mo-
lestia repeti-
tio.

fi videtur, consule. Penè præterieram quòd melonis aut peponis frustulum ollæ iniectum celerrimè carniùm cocturam iuuare fertur: non secus quàm vrticæ vel sinapis semen, aut fici furculus, vt suis dicemus locis.

Cinara seu hortensis cardui cura, auxilia, & secreta. Cap. XV.

*Quomodo
carduus ex
agris in hor-
tos trāsine-
rit.*

*Cinara pul-
cherrima
descriptio.*

*Vnde cina-
ra nobis al-
ticocalus di-
citur.*

CINARAM esse è carduorum genere, nemo nescit herbarius. Ex quò altilis & hortensis carduus etiam dici solet. Nam cultus mangonio, domita feritate in hortis mansueuit, ac in his habitare didicit: nescio qua gulæ audacia, quæ terræ portenta in ganeam & luxū vertit, à quadrupedibus plerunque neglecta: vsque adeò ventris & Veneris desiderii obsonantur homines. Est itaq; cinara, seu altilis carduus, plāta nemini hodie nō cognita: quæ compactilibus spicis squammatim coagmentatis constat. In quibus orbiculata, aut pyramidalis facies exterior virescit, interior verò niueo cādore nitescit. Tota structili nucleorum ferie, pineam nucem videtur exprimere: vnde & strobilus plerisq; dicitur. Nulli sunt hodie horti, qui hac plāta longè & latè non pubescant ac syluescant: adeò vt opipara nulla sit mensa absque echinato hoc cibo, modò anni tempus illū concedat. Vulgus Gallorū alticocalum nuncupat, ab articulo Arabū al, & cocalos, qui Hippocrati, Galeno teste, nucleus est pineæ nucis: cuius imaginem refert cinara; vt paulò antè diximus. Terram stercoreatam & solutā diligit: quamuis in pingui solo

solo melius possit prouenire, vt tradit Palladius. *Terra cinara apta, & quomodo feri debeat.*
 Qui etiam præcipit semina cinaræ crescente Luna in paratis arcis, spatio semipedis discreta, non altè imprimi: sed tribus digitis comprehensa, donec ad primos articulos terra procedat, demergi ac leuiter obrui, rigarique frequenter, si æstus interueniat. Nam ita teneriorem fructû ac pleniorrem educabûnt, vt Varroni Græco visum est. Cum verò plantæ adoleuerint, herbis assiduè liberari ac expurgari debebunt: multo que cinere, si Columellam audire volumus, stercoreari. Nam id genus stercoreis, huic oleri aptissimum esse tradit: à quo cinaram dictam fuisse, multis placet. Cauendum autem erit, ne semina inuersa pangantur: sic enim debiles, incuruas ac pumilas creabunt cinaras, vt Palladius asserit. *Cinaram cinere gaudere, à quo nomen habere fertur.*
 Qui ex Afrorum & Græcorum placitis etiam tradit, nullis spinis illas horrescere, quæ seminû cacumina ante sationem fracta, vel lapidis attritu retusa habuerint. Quod etiam multi affirmant contingere, si in lactucæ radicem decorticatam & delibratam, tenuésque in particulas concisam, singula semina, singulis indita particulis obruantur, & quo dictû est modo, plantentur. Suaues & odoratas habebis, si semina in odorato liquore aliquo, aut succo triduum præmaceraueris, & siccata terræ commiseris: nam saporem eum referent, cuius humorem combiberint. Vnde laurum redolebûnt, si illa cum lauri foliis maceraueris, aut in lauream baccam intruferis, & ita plantaueris. Simile erit experimentum in reliquis. Dulces prouenient, si semina in lacte, melle, aut aqua saccharata, vel vino a-

Quomodo fiat cinara nullis horre scens spinis.

Quomodo fiant odorata cinara.

Quomodo fiant cinara dulces.

romatite maduerint, & ficcata tellurem intrauerint. Nonnulli sub autumnii finem, vel hyeme incunte coliculos & folia humo obruunt, ut candorem asciscant, & amaritudinem exuant, sintque inter hybernos cibos gratiores: nostrates (nisi fallor) cardas solent appellare. Cæterum, hoc loco tacendum non existimo, quod singulis annis stolones à codice sunt euellendi: ne matres fatigentur, & soboles per alia spacia distribuuntur. Tanta enim est huius plantæ fecunditas, ut propages colibus auulsas & humi depactas, comprehendere narrent, sæpeq; anno eodem & collem & echinum producere. Græcæ agriculturæ magistri, mucrone falcis diducta terra, cum aliqua parte radicis illos eruunt, ac solo bene subacta, & vetere fimo saturato committunt: iugiterque, ubi æstus fuerit, irrigant: donec plantaria solida sibi iecerint fundamenta. Ex horum sylua quotquot ad semina seruare voluerimus, pullis omnibus liberabimus, ut loquitur Palladius, ac testa, aut cortice supertegemus. Nam semina vel Sole vel imbribus vitari solent, suoque effecta ingenio perire. Quæ si vel exucta Solibus, vel imbrium aspergine rancida solo credantur, suo cardueta decoquent olitori. Qui hîc mihi monendus est, cinaræ radices à muribus summè expeti: quarum voluptate semel illecti, turmatim, vel è longinquo accurrunt: sicuti in suis agriculturæ selectis præceptionibus adnotauit Varro Græcus: sed non absque auxilio & remedio. Tradit enim insultantem illorum aciem, lana radicibus obuoluta arceri, aut stercore suillo, vel cinere

Summa & indicibilis cinaræ fecunditas.

Quomodo seruanda & paranda cinaræ semina.

Radices cinaræ à muribus valde expeti, & quomodo ab illis arceantur.

re ficulneo eisdem apposito. Sunt etiam talpæ illis mirum in modum infensæ ac inimicæ: adeò ut crebrò illarum defossu & cuniculatione, cardue-
 ta ac cinareta ruinâ irreparabilem senferint. Prodest eam in rem medijs carduetis catos frequentes habere ac educare, aut mustellas ibidem man-
 fuefacere. Sunt qui in solido & sicco solo cinaras pangant, ne terra ab hisce infestis animalibus facilè perforetur. Auxilia qui volet alia, sese conferrat ad ea quæ primo libro scripsimus. Hîc omis-
 sum nolim, quòd cinaræ folia qui ederint, quidquid lingua attigerint (etiam horis aliquot post) illis amarum censebitur. Qua ex re insignes vires ad multa, non secus quàm carduus benedictus, habere fertur cinara, tam in foliis, quàm fructu & semine: in quam rem consule Alexikepû, hoc est, medicû & auxiliarem Hortum nostrum. Postremû id esto. Cinaræ folia lectulis resperfa, vel eorum lignis attrita, cimices procul abigunt, vel enecât. Res & factu & paratu facilis, ac grata admodum quamplurimis, qui huiuscemodi olida & molesta animalcula ferre non possunt.

Talpa carduetis infensa, quomodo expugnentur.

FLORES AC PLANTÆ hortorum odoratæ, & contrâ.

Rosarum cura, auxilia, & secreta, Cap. XVI.

DE odoratis floribus nunc demum agendum: in quorum albo quia rosæ floris ac odoris raro priuilegio nobilitatur, & aspectu perquam iucundo ac vario hortorum ornamenta censen-

Rosæ hortorum ornamenta.

tur, idcirco de illis primo loco dicendū mihi proposui. Rosarum multa habentur genera, in quibus frequentissimæ nobis sunt, albicantes, puniceæ, & quæ ex albo rufescunt, vulgò incarnatæ nuncupatæ. Præstantissimæ sunt, quæ puniceo colore rubent: proxima laus iis quæ in rufum cædicant. Vilissimæ omnium iudicantur albicantes. In quarum tamen genere odoratissimas excipimus, quæ moschatae & Damascenæ dici solent, diuitum hortis hodie familiares. Seri nolunt cuiuscunque sint generis, pinguibus aut argillofis locis, nec item riguis, contentæ raris: propriæque ruderatum amant agrum, vt scribit Plinius, voluntque virgulto pangi, scrobibus breuissimis, aut sulco, vt tradit Pallad. Quâquam semine etiâ

*Locus & a-
ger rosarum cõ-
modus.*

*Quid semē
in rosa.*

*Quomodo
tractari de-
beāt rosaria*

*Rosaria op-
timè proue-
nire sitione,
recisione, et
trāslatione.*

prouenire possunt, sed tardissimè. Quod vnum nequaquam esse putabis medium in rosa flosculum coloris aurei, sed quòd baccæ nutriunt in breuissimi pyri similitudinem tornatæ: quas per ætatē seminibus turgentes, quis non videt? quis, nisi fortassè alter fuerit Tyreliæ, non obseruat, coralli modo per autumnū horrentia spinis rosaria variè illustrare? Fodi debēt altiùs rosæta quàm fruges, & leuiùs quàm vites: idq; annis omnibus, non ommissa interputatione: quæ Martio mense aggredienda est, pro cœli & soli conditione: hoc enim modo excultum rosetum, longo perennabit tempore. Quod si antiquatum fuerit, eadem etiam anni tempestate circumsodietur, aridâque superfluitas omnis præcideretur: & quæ rara erūt, ducta virgarum propagine reparabuntur, ex Palladij consilio. Plinius vstione ac recisione, rosaria

ria quæque summè proficere scribit, adhæc trāslatione, ocyllimèque prouenire tradit furculis quaternûm digitorum longitudine, & ampliore. Sût qui integras plantas cum suis radicibus trāsferant. Alij palmares taleolas cum iisdem radicibus, sobolis modo, cubitali interuallo deponût, & crebris irrigationibus ac stercore iuuant: nec non ad maiorem odoris fragrantiam, intertextas rosas coronas iis simul adobruunt. Quòd si plantarum indigus fueris, & volueris à paucis virgultis copiosa gigni rosaria, ex Plinij & Palladij sententia, gemmanteis furculos quaternûm, vt diximus, digitorum, paulòve longiores, cum suis sarmentulis excidere debebis, & in modum propaginis sternere, ac stercoreatu rigationibûsque tueri. Vbi annum attigerint, pedis spatio inter se disiunctos trāsferes, & luxuriantem materiam omnem excludes, ac crebris defossionibus exhilarabis. Vita rosæ non recisæ, nec adustæ, ad quinquennium durat, alioquin iuuenescit: ad cuius fragrantiam & iucunditatem, cœlum plurimùm conferre creditur. Vnde serenis diebus collecta, odoratior esse solet: adhæc quæ nascitur in siccis, ruderatis & gracilibus locis. Si odoratissimam facere voles, ex Græci Didymi consilio, hinc-inde allia conferes: nam quæ ex frigidityte languescunt, calore exacui solent: Si præcocem, duobus palmis in gyrum effodies, & calida aqua manè ac vesperti irrigabis. Sed id non antè aggrediendû multi arbitrantur, quàm germinare calix incēperit: quem eo artificio nonnulli euocare solent. Si mensibus omnibus rosam tibi comparaturus es, autore eo-

*Quomodo
ex paucis
virgultis co-
piosa fiant
rosaria.*

*Rosæ vita
quinquen-
nium.*

*Quomodo
odorata &
præcox fiat
rosa.*

*Quomodo
mensibus om-
nibus rosæ
cōparetur.*

dem Didymo, mensibus omnibus plantare, ster-
corare, & rigare debes. Verum id locum habere
non potest in borealibus nostris regionibus: se-
cus in calidis & temperatis. Præcoces rosas aliter
tibi parabis, si cophinis aut fictilibus plantaueris,
& eadem cura tractaueris, quæ præcoces cucur-
bitas ac cucumeres, ut suo diximus loco. Cæte-
rum, nondum patefactas seruabis, ut scribit Pallad.
si in fissam viridem cannâ calices immiseris, eam-
que leniter papyro, aut cortice circum ligaueris,
& eo tempore excideris quo virides rosas habe-
re volueris. Alij rudi olla conditas, & bene muni-
tas sub dio obruunt, & sic custodiunt. Vita & vi-
gor iisdem permanebit, si amurca ita immergan-
tur, ut humor extet. Quidam ex Didymi præscri-
pto, hordeum, dum adhuc in herba est, cum suis
radicibus euulsum, in fictile non picatum demit-
tunt: ibique rosas priusquam dehiscant, diligen-
ter operiunt: viridesque quandiu volunt, ac si es-
sent in rosario parente, custodiunt. Plerique vi-
rentem hordei segetem pauimento sternunt, &
rosas in ea condunt. Florentinus inter Græcos
geponicos ubique admirabilis, tradit rosam in
mali corticem posse inoculari, & malorum tem-
pore sese proferre. Quæ res in aliis arboribus suum
etiam locum fortasse agnoscet: perinde atque in
veterano brassicæ caule & ilice, in quem si rosa
inferatur, viridis euadet, sed inodora, ut scribit
Albertus. Quæ res facilem viam præbet experi-
ti, cum his quæ de punicea rosa circumferuntur,
nimirum quod candida fiet, si sulphuris fumo im-
buatur, dum in folia dehiscens cœperit euolui.

Sed

*Rosa præ-
cox.*

*Quomodo
virides ser-
uentur rosa
ac recentes.*

*Modi varij
seruandæ
rosarum.*

*Quomodo
fiat rosa se-
rotina, aut
viridis.*

*Quomodo
ex punicea
rosa fiat cân-
dida.*

Sed de rosis hæc fatis: quarum frutex rectè & appositè Cupidini dicatur: quem tota facie videtur repræsentare, quemadmodum scripsit Philostratus. Nam rosa semper recens ac iuuenis apparet in suo rosario, ne non blanda, vt Cupido: aureis præterea comatur capillis, vt ille: spinas pro iaculis gestans, pro facibus fulgorem, & pro alis folia. Addo, quòd sicuti rosam absque vulnere paucissimi assequuntur, ita Cupidine absque corporis, vel animi, aut fortunarum vulnere & iactura, paucissimi potiuntur, nimirum quos æquius amavit Iupiter. Sed hæc extra hortensem philosophiam: ad quam potiùs refero, quòd flores tam rosacei quàm alij, in Sole, aut clibano, sublato pane adhuc valente, siccati, colorem, odorem ac vires magis retinent, quàm in vmbra expositi, modò metam moræ non excedant. Idem de foliis & radicibus odoratis existimare licebit.

Rose ad Cupidinem collatio perpulchra.

Quomodo optimè seruentur flores

Lilij cura, auxilia, & secreta. Cap. XVII.

LILIVM rosis nobilitate proximum esse scripsit Plinius, medióque earum prouentu incipere: cui florum excelitas de omnibus maior inest, interdum cubitorum trium: sed languida semper ceruice, & non sufficiente capitis oneri. Flos eius emaculato candore, & eximio odore, calathi effigiè præsefert: foliis ab angustia in latitudinem paulatim sese laxantibus, extrinsecus striatis, resupinis per ambitum labris, & emicantibus ex fundo calathi luteis staminibus, tenui filo crocatis. A quibusdam ob nobilitatem flos re-

Lilij flores omnes excelitate superat.

gius nuncupatur, & Iunonis rosa: nam ex eius lacte natus fertur, vt hoc tetrasticho doctè expressit Conrardus Gesnerus.

*Dum puer Alcides diuæ vagus vbera suxit
Iunonis, dulci pressa sopore fuit:
Ambrosiûmque alto lac distillauit olympo
In terras, fusum lilia pulchra dedit.*

*Quomodo
fiant purpurea lilia.*

*Multa sibi
Plinius ascribit, quæ
sunt antiquorum.*

Fœcunditas mira & penè inexplicabilis est in lilio: nam vna radix bulbos sæpenumero quinquaginta emittit. Quos Palladius circa veris initia ponendos, & cùm opportunum & tempestiuum fuerit, exactè sarriendos præcipit: idque summa diligentia, ne oculos circa radicem nascētes, minorēsq; bulbos sauciemus. Qui à matre subducti, atq; in alios ordines digesti, noua lilietta formare solent. Purpurea lilia monstrificis, vt Plinius loquitur, hominum ingeniis, sic fiūt. Iulio mense scapi arefcentes colliguntur, & in fumo lilia suspenduntur: dein nudantibus se nodulis in fœce nigri vini, vel Græci, mēse Martio macerantur vt colorem imbibant: atque ita in scrobiculis ferūtur, heminis fœcis circumfufis. Quod inuentum non Plinio, sed Anatolio Græcorum geoponico eximio ascribendū censeo. Cuius verba è Græco in Latinū conuersa hunc habent sensum: Si lilia facere velis purpurea, dū florēt, cauliculos eorū decē, aut duodecim, cū scapis in fasces vel scopas colligato, & in fumo suspēdito, vt radículas bulborum similitudine inibi iaciant & remittant. Cūmq; plātandi tempus appetiuerit, in fœce nigri vini macerato, donec colorē purpureum contraxerint, & eo intinctu affatim saturati fue-

ti fuerint. Mox scrobiculis fœce largiùs affusa de-
 pone, & purpureos liliorum flores habebis. Eos-
 dem rubros fieri affirmat Florentinus Græcus, si
 inter cortices aut micæ cinnabaris infundantur:
 hac tamen obseruatione, vt bulbi nullo modo
 vulnerentur. Qui si alium quemuis colorem ebi-
 berint, par erit eũ lilia referre. Mirũque est ita
 tingi aliquid, vt nascatur infectum. Priscis illis
 Græcorum & Latinorum obseruationibus suf-
 fragatur Hieronymus Cardanus, tradens nodos
 plantæ lilij camino suspēsos absque foliis, & in-
 de siccatos, si fœce rubentis vini obruantur, & in
 fimo cum eadem fœce sepeliantur, flores edere
 purpureos. Est sanè lilio tanta viuacitas, vt sur-
 culi eius suspensi, etiam radicem mittant. Cæte-
 rùm viridia ac recentia toto anno durabunt lilia,
 si cùm patentia nondum dehiscunt, & clausa fi-
 lent, fictilibus nouis non picatis decerpta impo-
 nantur, ac operculo diligenter muniantur. Dum
 verò in vsum depromere voles, ad Solem profe-
 res, cuius caloricum ac vitalem teporem simul-
 atque senserint, statim expandētur ac dilatabun-
 tur: quod secretũ Anatolius posteritati scriptum
 voluit. Nec omisit, quòd vicissim & variis tẽpo-
 ribus flores pariēt lilia, si bulbos eorum ita seue-
 ris, vt ex iis aliquot duodecim digitorum altitu-
 dine obruantur: alij octo tantũ, alij quatuor
 duntaxat. Nam ita diuersis diebus ac temporibus
 suos dabunt flores. Quod etiam de aliis floribus
 fieri posse, ille idem pollicetur.

*Quomodo
fiant rubra
lilia.*

*Quomodo
fiant liliorũ
flores pur-
purei.*

*Quomodo
viridia &
recentia ser-
uentur lilia
anno toto.*

*Quomodo
lilia vicis-
sim & di-
uersis tẽpo-
ribus flores
producent.*

ANTONII MIZALDI
Violarum cura, auxilia, & secreta.
 Caput XVIII.

VIOLIS honor fuit summus apud antiquos post rosam & lilium. Quarum genus omne hodie in hortis ac fenestris frequentissimum ubique visitur, in figlinis aut ligneis vasis, à mulierculis studiose excultum. Flores cum varietate coloris, tum suauitate odoris, tantam cum oculis & naribus ineunt gratiam, ut in coronamenta, cum cæteris, omnium maximè veniant. Itaque atiles violas hîc paucis perstringemus: quas qui factururus erit, ex Columellæ consilio terram stercorata & repastinatâ, minimùm altè pedem, in pulvinos redigat, atque ita plâtas hornotinas factis scrobiculis pedalibus, circa ver in illis disponat. Semen duobus temporibus in areis feri potest, vere & autumnò: sed postremû nobis ineptum habetur, qui cælum tenemus frigidum. Colitur viola eo modo quo cætera olera: runcatur, sarritur, & dum tempus inuitat rigatur. Quæ nigra est versicolor spectatur. Quòd sic in Rustico pulchrè expressit Politianus:

Violis maximam inesse gratiam in colore & odore.

Violarum cultura & satio.

Non omnis fert omnia tellus.

Nigra viola multicolor.

Nigraque non vno viola est contenta colore:

Albet enim, rubet, & pallorem ducit amanti.

Omnes cubitali altitudine prosiliunt, floribus quadrifoliis, ut est apud Plinium: nec vnius coloris, sed multorum: nam alij purpurei sunt, alij niuei, & alij lutei. Albæ vita trimatu peragitur: ab eo senectam sentiens plerunque degenerat. Gallic genera omnia innotescunt, partim violetæ nomine, partim garyophylli odore. In quorû censu non

su non modò prædictæ continentur violæ, albæ, inquam, cœruleæ, pallidæ, variegatæ & luteæ, sed etiam purpureæ, quas Martias nuncupamus, ver
 plerunque nobis aperientes, odoris suauissimi, & coloris sanè quàm iucûdi. Si omnes omnium colores vnam violarum plantulam referre cupis, singularum semina confusa, in tenuem cānulam, aut detritum linteolum include, & terræ optimè subactæ ac stercoreatæ, vt fieri solet, expone. Experimento id mihi sæpenuerò probatum fuit summa cum voluptate, & pari admiratione. Sed hîc tacendum non est, quòd spectatissimus violarum flos, nisi quotânis situm loci mutare condiscat, in humilem ac degenerem flosculum, minûsque odoratum deficere solet. Poterunt toto anno florere violæ, si dum ad semen festinant capuli eis truncentur.

*Viola mar-
tia.*

*Quomodo
vna viola-
rum planta
omnium co-
lores refe-
rat.*

Ocimi & Amaranti cura, auxilia, & secreta.

Caput XIX.

HORTORVM plantas alias odoratas & co-
ronarias, tã edules quàm non edules cû fru-
ticibus pergo describere. In quibus primùm sese
offert hortense ocimû (nam aliud est pabulare o-
cimum & segetarium) quod vsqueadeò notum
est, vt perraræ vbique sint ædium fenestræ quæ
illo longè latèque non redoleant. Huius tria vi-
suntur genera: vnum foliis amaranto maioribus:
alterum, foliis & ramulis multò minoribus: ter-
tium minutis & angustis: quod ab odoris fragrã-
tia & suauitate Italî basilico gentile nuncupari

*Ocimû du-
plex.*

*Ocimi hor-
tensis gene-
ra tria.*

vulgò solet : & à Serapione garyophyllatum ab
Ocimum un- insigni odore. Vnde etiam ozimum rectè dici ac
de dicatur scribi posse contédunt multi, vt sit ab ózo, quod
garyophyl- est redoleo. Recentiores Græci qui de re herba-
latu, ozimū ria scripserunt, Psellum sequuti, Basilicum id est
& basilicu. regium appellant, quod nomen apud nos passim
 vsu patur. Sic fortasse dictū quòd in solis regum
 hortis aleretur olim: vel quòd regibus ob odoris
 præstantiam dignum esset. Teporem hæc planta
 desiderat: cuius semen vbi obrutum erit, paucula
 vel cylindro, aut aliter, sedulò inculcari debet.
 Nam si ei terrā suspēsam relinquis, ad corruptio-
 nē inuitas, vt scripsit Columella. Satorū omniū
 celerrimè prouenit: putantque maturius erūpe-
 re si inter initia feruenti aqua fuerit conspersum.
 Quidam aceto perfundi iubent, si hyeme incli-
 nate feratur: nam illius imbre rigatum, citiùs na-
 sci creditur. Plinius ei tantum aquā meridianam
 dandam præcipit: cum cæteris aleribus horæ ri-
 gandi sint matutina atq; vespera, vt libro primo
 admonuimus. Vbi ad palmi altitudinem venerit,
 rectè præciditur: licet ferro cum ruta, mentha &
 cunila, tangi diligenter vetuerit Sabinus Tyro, li-
 bro Cepuricon, seu hortésium, quem Mecænari
 dicauit. Sub canis exortum ac si morbum sen-
 tiret, aut astrobolian expallescere deprehéditur.
 De quo rem miram narrat apud Palladium Gar-
 gilius Martialis (qui à Seruio in Georgicis Virgi-
 lianis librum de re hortensi scripsisse traditur) ni-
 mirum quòd modò purpureos flores, modò al-
 bos, modò roseos parit. Sed maiore admiratione
 dignum arbitror quod scribit Plutarchus, succi-
 num

Quomodo
 ferendum et
 tractandum
 ocimum.

Ocimum a-
 qua feruen-
 ti & aceto
 gaudere.

Ocimum fer-
 ro tangi re-
 cusat.

num solos ocimi furculos à se abigere, cum leuissima quæque, & quicquidias omnes, attritu exal-
factum, repentè moueat, & ad se pelliciat. Est &
prodigio non minore dignum quod Theophrastus prodidit, ocimū lētius prouenire, si cum maledictis ac probris seratur. Quod etiam Plinius
affirmat, & fortasse Persius hoc senariolo testatum voluit,

Ocimi furculos succinum abigere, reliquos trahere.

Res miræ et notanda.

Cum bene discincto cantauerit ocima vernæ.

Refert ille idem Plinius Chrysippum medicum grauitè ocimum increpuisse, & ob id hominibus fugiendum præcepisse, quòd capræ illud aspernentur. Quæ cum cæteris pabulis omnibus auuidissimè vescantur, ab hoc vno etiam famelicæ diligenter abstinent. Quod & à Sotione geoponico Græco adnotatum fuisse inuenio. Qui etiam vltra hæc asserit, insanos fieri qui ocimo vuntur: additque eum qui mādūcauerit, si eo die à scorpione feriat, feruari non posse. In quem & Chrysippum pugnare videtur Plinius, scribēs capras libenter ocimum esse, nec cuiquam mentem motam qui illud manducauerit: quin & terrestrium scorpionum ictibus ex vino & pauco aceto sumptum salubriter mederi. Dioscorides ex Afrorum placitis aliud videtur proferre: nimirum eos qui ocimum ederint, si à scorpione feriantur, nullo conflictari dolore. Has controuersias nonnulli componere satagentes, omnia ad tertium ocimi genus referenda censent: & ad incompositum, profusumq; illius vsum & esum. Ut ut fuerit, experiundo veritas elucescet, alio-

Capras etiam in fame aspernari.

Sotionis & Chrysippi sententia à Plinio impugnata.

Ocimū scorpionibus aduersari.

quin obscura. Quam tamen arbitror te in dubio malle relinquere, quàm periculum temerè subire. Autor est ille idem Sotion, commansum ocimum & in Sole positum, scorpiones gignere: vel vt legunt Dioscorides & Plinius, vermiculos aut vermes, qui fortasse in scorpiones tandem transfunt. Quod sanè mirum est, cùm dixerimus illud scorpionibus aduersari. Subdit idem Sotion fœminis ocimū tanta antipathia pugnare, vt si pul-
tario aut patinæ inscia muliere integrū ocimum cum radice supponatur, futurum vt cibo nunquam manus admoueat priusquam subductum sit: ex quo misodulon vocari credit. Diodorus in Empyricis pediculos creare tradit, si quis eo largiùs vtatur, ob excrementitiam humoris superfluitatem quo imbuatur. Quinetiam volūt nonnulli, vt scribit Plinius, ad huius manipulū cum decem cancris marinis vel fluuiatilibus tritum, scorpiones à proximo omnes conuenire. Ceterum, Galenus non cēset eos audiendos, qui promittunt ocimi trituram fictili nouo inditam & operculo vestitam, intra paucos dies scorpiones gignere, maximè si olla ad Solem quotidie incalēscat. Sit pro capitis huius colophone quod apud Theophrastum legi, nimirū ocimum quandoque degenerare in serpillum, aut sisymbrium, vt vult Palladius: præsertim si loco satum fuerit Soli exposito, aut transplantatū. Quæ res etiam vetustate illi solet contingere. Hieronymus Cardanus scribit, ocimum prima Luna tritum, & in nouam ollam inditum, sub plenilunio ab altero capite flores emittere: quòd si duplicato tempore sub

Ocimum
quomodo
scorpiones
gignat.

Ocimum fœ-
minis aduer-
sari, & pe-
diculos cre-
are.

Ocimū scor-
piones con-
gregare.

Ocimi dege-
neratio.

Mira siqui-
dem vera

re sub terra defodiatur, strisiones generabit, nescio an scorpiones scriptum oportuit.

Amarantus pedali altitudine crescit, caule ferulaceo & subrubente, foliis ocimo longioribus, spica purpurea veriùs quàm flore, prorsus inodora, sed qua nihil aspectu gratius ac iucundius dari possit. Nam Tyrias purpuras suo rutilati & flammeo nitore vincit: adhæc coccum quoduis, siue saturatum fuerit, siue dilutum. Ex quo Gallis Passerulutum vulgò nuncupari solet, quia cum holoserico coccineo, quod Carmesinum dicunt, de coloris præstantia certare videtur. Itali Fiorvelutto appellant. Spica purpurea Plinio veriùs dicitur quàm flos, solo colore commendabilis, absque vlllo, vt monuimus, odore. Gaudet decerpi, & quo frequētius legitur, hoc lætiùs renascitur: mirumque illud est, cùm defecere cuncti flores, madefactus aqua reuiuiscit, & hybernas coronas pulcherrimè nec̃tit. Qua ratione in fictilibus feri solet à virgūculis, nomine Amaranti donatus, quòd non marcescat: ita Græcam nomenclaturam vsurpante Latio. Puellæ, furni tepore siccatum illū ad coronarios hyemis vsus recòdere non cunctantur. Philostratus ex Amaranto sepulturas coronari solitas affirmat: idque Thessalos instituisse primos ad tumulum Achillis. Sed hæc de Amarato satis, qui licet ad odoratas horutorū plantas non attineat, his nihilominus illum ascribendum duxi, ob floris præstantiam coronamenti sanè quàm aptam & vbique receptam.

*Pulchra descriptio
& pictura amaranti.*

*Amaranti
mira venustas.*

*Vnde dictus
amarantus,
& eius v-
sus.*

Saluic, Rorismarini, Satureiæ, Hyssopi, & Fæniculi, cura, & auxilia. Cap. XX.

*Saluia hisp.
via & pi-
ctura.*

TAM nota est hortensis Saluia, vt nulli prorsus hodie reperiatur horti in quibus illa passim non spectetur. Frutex est oblongus, furculosus, quadrangulares habens & candidas virgas, folia longiuscula, scabra, hirsuta, albicantia, & vehementer odorata, sed utcunque virosa: purpureo in spica flore, qui aquilini rostri falcata speciem præ se fert. Ea quæ folio est leuiore, contractiore & minùs squalente, nobis Franca saluia, & saluia minor nuncupatur. Quæ verò solidiore constat & scabriore, adhæc latiore ac si cultum senferit, vulgaris saulgia dicitur, & saluia maior. Scratur in hortis semine & furculo: cuius fruticem olitores lixiuij cinere muniunt, testantes lætiores sic prouenire. Apricum amat locum, quanquam frigora non abhorret. Vnde hybernis temporibus & viuere & iucundè virere percipitur, etiam si minimè operta fuerit. Quæ tempestate, olerum premente penuria, iuribus passim innatat.

*Quomodo
seratur &
colatur sal-
uia, frigerũ
patientissi-
ma.*

*Rorismari-
ni historia
& pictura.*

*Rorismari-
ni vsus.*

Libanotis, quam officinæ & rura Roremmarinum appellant, & qua coronas vbique nectimus, folium fert tenue in exilibus virgis, crebrũ, oblongum, & gracile, pinnatum, herbaceum infra, canum verò supra: hoc est, intus candicans, & extrà viride ac striatum: flore cœruleo, cui odor suauis inest, resinam aut thus utcunque spirans, vnde illi nomen libanotis. Frutex est topiarius, & idem, vt diximus, coronarius: quo Narbonensis

sis Prouinciæ tractus adeò scatet, vt ibi lignum aliud ferè non vratur. Apud nos areas hortorum topiario opere eleganter conueſtit: ita vt nullum non animal ſuffragante olitoris mangonio conſingat. Democritus in ſuis Georgicis Græcis ſerendū præcepit viuiradice & ramis auulſis: ſic vt in terram depaſti humentur. Planta hæc nullum ſolum reſpuit, quæ tam iucundum ac gratum iaculatur odorem, vt quos animus defecerit, illico recreare poſſit.

*Quomodo
ſerendus roſ-
marinus.*

Satureia, Gallis ſarrieta & thymbra dicta, in aſperis gracilibuſque locis naſcitur. Frutex eſt pedali altitudine, ſurculofiſ vtrinque coliculis ſti-
patus: odore, ſaporéque gratiſſimo: & floſculis per interualla ex purpura candicantibus, quibus valdè oblectantur apes. Paulus duo genera fecit, ſylueſtre ad eadē quæ thymus pollēs: & ſatium quod viribus ignauius eſt, ſed vſui cibario & gratius & aptius: quapropter in hortis frequens eſſe ſolet ad condienda obſonia: illud medicinis com-
modus, hoc cibus vtilius. Non ſum neſcius Co-
lumellam ſentire thymbra à ſatureia non nihil diſcrepare, noſtratēque cunilam cum ſatureia confundere, vel pro ea potiùs vſurpare. Quod viderint eruditi: nam noſtrum hîc non eſt iſtas componere lites.

*Satureia
deſcriptio.*

*Satureia ge-
nera duo.*

*Satureia
& cunila
Columella
eadem.*

Hyſſopus planta eſt frutiçoſa, altitudine peda-
li, folio cunilæ, floribus purpureis thyrfos ſpicæ
veſtientibus. Quæ Gallis vel hoc nomine nota
eſſe ſolet, quòd in vſum condimentarium veniat,
& recentibus fabis dum elixantur, aut friguntur,
iucundè remiſceri ſoleat. Locum deſiderat neque

*Hyſſopi hi-
ſtoria &
vſus.*

Gelu ac ni- pinguem, neque stercoreatum, sed apricum. Seri-
nes hyssopū tur femine & plantulis, quæ vbi prehenderunt,
sustinere. viuaciores esse solent, quàm vt hyemem ac niues
 reformident.

Fœniculi
pictura ele
gans.

Quis locus
fœniculo a-
ptus, & cur
à serpētibus
sit nobilita-
tum.

Fœniculi v-
sus non sper
nendus.

Fœniculum hodie omnibus hortis valde in-
 notescit: ferulacei generis est, in eam altitudinem
 plerūque assurgens, vt hominis proceritatem ex-
 superet. Caule constat geniculato, fungosa intus
 medulla, & leui exterius cortice. Estque planta
 tota odorata, muscarium gerens in summo rotū-
 dum, amplum, luteum & in orbem radiatim cir-
 cinatum, in quo semen nudum dependet absque
 cuticula aut folliculis. Locum amat apricum &
 modicè saxosum. Radix ei candida, odorata &
 esculenta. Plantam hanc serpentes nobilitauerūt:
 nam gustatu eius senectam exuere traduntur, &
 oculorum aciem succo reficere, aperto ac inciso
 caudice. Vnde intellectum est, vt scribit Plinius,
 oculorum quoque caliginem præcipuè eo rele-
 uari. Nostrates folia fœniculi virentia panibus
 & placentis quandoque substernunt in clibano,
 ad odoris & incrustationis gratiā. Adhæc pisces
 iis infarciunt, præsertim marinos, ad conciliandam
 saporis suauitatem, & fallendam marinæ auræ
 graucolentiam, delicatulis palatis plerūque mo-
 lestam. Fœniculum, vt autor est Cōrardus Gesne-
 rus, dulce est futurum si terrâ circa radicem effos-
 sâ fimum bubulum ei iniiciatur.

Lauandulæ,

*Lauandulæ, Menthæ, Thymi, & Solsequij, cura
& auxilia. Cap. XXI.*

LAUANDULA, quæ & pseudonardus dicitur, duorum generū apud nos esse solet, Vnū altiùs adolefcens & maiorem odorem spirans: quod quia non minùs placet quàm nardus, idcirco apud nos spicæ nomen sibi arrogauit, ex quo aspicum vulgò nuncupatur. Alterum tum amplitudine, tum odore est minus, quod quia balneis & hominum lauacris expetitur, elotâque omnia, si permisceatur, odoris suauitate commendat, lauanda & lauādula nominari solet. Illud mas, hoc fœmina multis esse creditur. Frutex est vbique nascens, folio crasso, carnosio & angusto, cui color languidus ad candidum vergens, frequentibus spicis in aristas sparsim purpurascens, & alicubi albicantibus illustratus. Gaudet apricis & petrosis locis, tanta suauitatis fragrantia præstās, vt omnes flores quibus remiscetur, odoris iucunditate prouocet. Qua dote vestibis inseritur, & scriniis commendatur. Vterque frutex perpetua coma canescit: cuius spicata cacumina, & tōsiles vertices manipulatim in scopas & muscaria concinnatos vendere solent rustici ad varios odorū vsus, vbi Solem aliquandiu sustinuerint. Hodie bigis & clitellis asinariis per æstatem Lutetiæ venales vicatim proclamantur, & passim comporantur. Narbonensis Prouincia vtroque genere est fœlix, tam campis, quàm montibus. Falluntur insigniter qui pro nardo Celtica vsurpant lauandulā: nam longè alia est plāta, vt alibi scribemus.

*Lauandula
vnde dicitur,
& eius
pictura.*

*Loca lauandula
accommoda:
vbi de eius
odore.*

*Lauandula
spicata muscaria,
&
eorum vsus.*

*Lauandula
alia est à
nardo Celtica.*

*Mentha pi-
etura &
descriptio.*

Mentha nomē in Gallia retinet, & à plerisque Romana cognominatur, præsertim quæ est hortensis: cauliculos gerit lentè punicanteis & odoratos, flagellis lanugine pubescentibus, folio si- fymbrij, sed longiore & molli, æstate herbaceo, hyeme subflauo, & vbique odorato: cui purpureus flos circa cauliculorum fastigia spicatur.

*Mentha sa-
tio & vsus.*

Iuxta fontes rectè ponitur, cuius si fortè semina defecerint, licet de noualibus syluestre mentha- strum colligere, & inuersis cacuminibus depone- re: nam ita feritatē exuet, ac edomabitur. Plan- ta hæc semel sata pluribus annis restibili fertilita- te durat, grato mensis odore cū in iuscūlis, tum acetariis & plerisque condimentis. Hanc ferro non expedit tangere, vt alibi docuimus. Apricū

*Mentha lo-
cus aptus.*

locum amat, sed non valde pinguem, nec sterco- ratum: feritūque planta, vel radicibus, æstate vi- rens, hyeme verò flauescens. Galenus duplicem fecit: vnā hedyosmū, ac si odoratam mētham dicas. Alteram inodoram, quam calamintham,

*Mētha du-
plex.*

alij menthastrum appellant. Hæc fera est & syl- uestris, illa mitis & satiuā: quæ cultus mangonio humorem sibi asciscit, ex quo Venerem stimula- re traditur: quod est omnium commune quæ se- micocto humore ac spirituoso & flatuoso par- ticipant. Quæ res problematicum hoc Aristote- lis adagium soluet, cur mētha belli tempore nec

*Cur mētha
belli tēpore
nec edi, nec
feri debeat.*

edi, nec feri debeat. Hoc enim cibo largè vescen- tes in libidinem ruunt, quæ corpus & vires fran- git, ac animos eneruat. Rectè itaque Dioscoridi mentha Veneris auiditates cōcire traditur. Quæ res antiquos mouit, vt flagrante bello militibus

mentham

menthā interdixerit. Vsu enim Veneris fortissimi
 quique, ceu effœminati ac molles, facilè torpe-
 scunt. De menthastro, seu syluestri mētha, quam *Menthastri*
 nonnulli syluestre pulegiū vocant, hīc nihil scri- *vires in eli-*
 bam, nisi quòd foliis eius manducatis & imposi- *phantiam.*
 tis, Plinius elephātiā sanari affirmat. Quod ma-
 gni Pompeij ætate fortuito cuiusdam experimē-
 to facie illita, compertum fuisse scribit. Sed id ad
 nostrum Alexikepum pertinet.

Thymus & si magis conuenire videatur curā-
 tibus aluearia quàm hortos, nihilominus de illo
 hīc scripturi sumus, quòd cōdimentorum & co-
 ronarum causa, etiam in hortis studiosè colatur.
 Duo sunt eius genera. Vnum candidum lignosa *Thymi duo*
 radice in collibus nascens, quòd præstantissimū *genera.*
 est. Alterum tam specie, quàm flore nigrū, quod
 Aëtius cibus damnauit: nam intus receptum faci-
 lè computrescit, & biliosos humores creat. Qui *Hortensis*
 triuialis est, surculosus frutex & dodrantalis esse *thymi pi-*
 spectatur, odore suauissimo, multis foliis iisque *ctura.*
 immortalibus comatus: flosculos gerens ex pur-
 pura candicantes, & capitella complicatarū for-
 micarum specie. Vulgus Gallorum Thym nūcu-
 pat: plerique maioranam Anglicam. Gracili solo
 & petroso letius prouenit: vnde neq; pinguem, *Locus thy-*
 neque stercoratum, sed apriçū desiderat locum, *mo accōmo-*
 Semine & planta profilit, imò verò & flore satō *dus: adhæ-*
 nascitur, vt perhibet Theophrastus. Apiarij eo *eius satio.*
 largè florescente prouentum mellis vberrium
 certo sperant augurio. Nam flores apibus ami-
 cissimos creat, qui colorem & odorem melli ad-
 dunt. Hinc Virgil.

Thymus a-
pibus gra-
tissimus.

-redoléntque thymo fragrantia mella.

Hic non omittendum, ex eodem Theophrasto, quòd destruitur peritque flos thymi, si imber incesserit.

*Hortēse sol-
sequium nō
esse helio-
tropium.*

Solsequium, officinis Calédula, & vulgo Sol-
fia nūcupatum, falsò à multis heliotropium esse
existimatur, siue maius illud fuerit, siue minus.

*Solsequij pi-
ctura pul-
chra.*

Non quòd Solem nō sequatur, vt mox dicemus,
sed quòd pictura ei planè repugnet. Nostratibus
itaque Solfia nominatur, quasi solsequiam di-
cas. Fruticosa est planta, cauliculo dodrantali, fo-
lio longiusculo, flore specioso, crocato & odoris

*Cur solse-
quij calen-
dula dica-
tur, Et ru-
sticorum ho-
relogium.*

non ingrati: ex quo in coronamenta passim ve-
nire solet. Nascitur potissimùm in cultis: adhibe-
túrque & condimentis & acetariis. Semen haud
dubiè scorpionem imitatur, maximè quâ conti-
netur in vagina. Vnde scorioïdem quidam esse
putarūt, sed ineptè, meo indicio, cum notæ scor-
pioïdis illi non subscribant. Calendula apud her-
barios dicitur, quòd singulis ferè mēsum calen-
dis florere, vel (vt aliis placet) fruticare deprehen-
datur. Rusticorum horologium quibusdam nū-
cupari solet, quòd matutinas meridianas, ac ve-
spertinas horas de circūactu illis indicet. Alij So-
lis spōsam dixerunt, & solarem herbā, quòd eius
flores Solē ab ortu per meridiem in occasum se-
quantur, & notabili conuersione comitentur: ita
vt quacūque cœli parte sedem teneat ille, in eam
conuersi flores spectent: eoque, etiam nubilo aë-
re, dirigantur: ac si spiritu eius recrearentur, vige-
rent & agerentur: tantus syderis amor est: noctu
cuius desiderio, quasi mœrentes, contrahuntur, &
meri-

*Mirus solse-
quij amor
erga Solem.*

meridie sese vndique explicant, ac si spōsum obuiis vlnis amplecti fatagerent. Sed de his abūdē scriptum in nostris Naturæ Arcanis, & alibi.

Vettonicæ coronariæ, & Sampsuchi seu Maioranæ cura, auxilia, & secreta. Cap. XXII.

VETTONICAM coronariā (quæ inter flores superiùs erat describenda) Gallorum vulgus à floris figura, ocellum seu oilhettū: vel ab odore, garyophylleam, nominare solet. Hæc tantam cum mulierculis iniuit gratiam, sui odoris iucunditate, & coloris præstantia, vt perpaucæ reperiātur apud nos, quæ in suis hortis, aut fictilibus vasis, fenestratim illam, cura admodū diligenti, non foueant. Florem omnium speciosissimum profert, caryophyllorum odoratu, sed lōgè suauissimo. Quorum alius cocco rutilat, alius saturata nitet purpura, alius niueo blanditur colore, alius verò vermiculato & vario applaudit aspectu. Omnibus teres, longiusculūque calix conceditur, orbiculo superiore denticulatus, à quo folia prodeunt lentè fimbriata, in quibusdā frequentiore coma stipata, in aliis rariore, sed profundioribus incisuris crenata. Quæ cū fuerint prorsus explicata, radiatum orbem circinant per extrema ferratum, geminis vtrunque emicantibus stamineis apiculis. Non desunt qui sibi persuadeant, olitores radicibus caryophyllum adegisse, vel factis stylo foraminibus inseruisse, quò iucundum odorem illum flores alliciant, & caryophyllorum suauitatem naribus expirent. Sic ex flore

Vettonica mulierculis gratissima.

Pulcherrima vettonicæ descriptio.

Quomodo conciliatus odor vettonicæ.

*Quomodo
et quando
seratur vet-
tonica.*

*Vettonica
priscis inco-
gnita, quæ
ne rosas qui-
dem cedit.*

*Quomodo
vettonica
hyeme efflo-
rescit.*

minùs odoro, quàm odoratissimus prodiit, hu-
mano artificio nouitatis semper studiofo. Apud
nos femine rariùs feritur: quin olitores ineunte
vere & autumno, sobolè à radice copiofà eruūt,
& patulis fiçtilibus, aut cadis, ligneisve fitulis pã-
gunt in terra, putri fimo saturata. Et cum hyemis
gelicidia premunt, sub tecto locis à frigoribus
tutis recondunt. Cùm verò serenat cœlum, fer-
uidùsque Sol illucescit, in apertum reuocant: &
sub dio illic apricari sinunt. Si incesferit pluui-
a, aliquantisper madescere permittunt, & cœlestem
imbrem haurire. Sed mirum est, quòd tam ce-
lebris flos, tamque iucundus, à veteribus silen-
tio inuolutus fuerit: qui pulchritudine, va-
rietate, amplitudine & odore, rosa inferior
non videtur: imò verò cum ea de principatu
certat, illi nec colore cedens purpureo, candi-
do, vermiculato, nec etiam odore, nisi quòd
à longinquo plus olet recens rosa: cui decerptæ
longiffima mora dies esse solet: vettonicæ in
quatrimum, & amplius, vita vigórque perseue-
rat. Folia insunt nonnullis quaterna, quinã ve, a-
liis rosæ modo numerosa. Prodigij simile est
quod hîc referam. Si ad calendas Octobris, vet-
tonicæ, violarum & similium plantulas cum ra-
dicibus, in vinaceis quibus cortices sint exempti
sepeliueris, aut in fimo equino identidem repa-
rato, flores pulcherrimos tibi edent sub brumam
atque ita in fragis, melonibus, & aliis experiri
poteris. Sed à frigore externo seruari debent:
plurimum verò sic cum fœtibus suis emoriūtur.
Autor Hieronymus Cardanus. Hinc sanè admi-
rari

rari defino, quod solebam adolescens, dum vettonicā in vinariis cellis & subterraneis locis, fructificare per hyemem, & fauente loci tepore flores parere obseruabam. Olitores in hortis multo letamine paleato illam munire solent, ac circūuestire, vt ab iniuria gelantis, nigentis, aut grandinātis cœli asseratur. Nam apricis plurimūm gaudet, ac Solis illustratione summè exhilaratur. Est admiratione dignum, quòd hæc planta vno anno florem parit candidum, altero purpureum, tertio colorum varietate promiscuum. Et quod multò mirabilius dici possit, vidimus ramū eundem, niueum, purpureum, ac vermiculatum florem expromere. Quod cultus studio, aut soli cōmutantis vbertate, fieri solet. Quanquam multos id assecutos vidi, defixis in ouillam aut caprinam baccam, vel cannulam fragilem, detritūm vel linteolū, diuersis vettonicæ feminibus arte compositis, & terra ac stercore diligenter opertis. Nā semina illa in vnam coalescunt radicem, quæ ramos florum varietate illustres emittit. Hoc loco non arbitror prætereundū quòd vettonicæ flos, vnguibus detractis, acetum iucūdo sapore commendat, modò in Sole vitreis, vasis maceretur.

Sampsuchus seu amaracus vulgò maiorana dici solet, nomine à Latinis mutuato: fortasse quòd maiore cura ac diligentia seratur, colatūque, quàm cæteræ plantæ. Vel quòd odoris maiore aliis gratia commendetur, & perpetua vireat coma. Seritur vtroque genere, nimirum semine & ramo: estque magnoperè viuax planta, & cultura nonnunquam arborescens. Diocles medicus

*Quomodo
hyeme ser-
uanda vet-
tonica.*

*Quomodo
colēda vet-
tonica, quæ
vno ramo
flores diuer-
sos emittat.*

*Acetum ex
vettonica.*

*Cur sampsu-
chus maio-
rana dica-
tur: & vnde.*

*Cōtrouersia
de sampsu-
cho & a-
maraco.*

*Priscos me-
dicos cū par-
thenio con-
fudisse ama-
racum.*

& Sicala gens amaracum appellauerunt, quod Ægyptus & Syria sampsuchum. Video sanè inter vtrumque à Poëtis & Oratoribus, Dioscoride item & Plinio, nullum, nisi appellationis nomine, discrimen positum fuisse: licet in contraria sint sententia Claudius Galenus & Paulus Ægineta, multique recentiorum medicorum, qui longè aliter de amaraco sentiunt. Sed doctorum testimonio constat, hos & eorum sequaceis, amaracum pro parthenio vsurpasse: quod & leucáthen & amaracum appellari tradit Plinius. Sed lapsus is multò est euidentior, quàm vt refelli desideret: siquidem sampsuchus iucundo placet odore, illorum verò amaracus siue parthenium magno- perè viroso fastiditur. Vnde mulieres in vuluæ strangulatu illud salubriter odorari solent: ex quo matricariæ nomen ei indiderunt. Hic nō licet omittere, quòd mures radicibus maioranæ valdè insidiantur, ceu medicamentū & auxilium ab his deposcentes.

Bellij seu Bellidis, & Phlogij, hoc est violæ flammeæ & inodora, adhæc Iridis, cura, auxilia, & secreta.

Caput XXIII.

*Tria esse ge-
nera belli-
dis.*

ET si duæ plantulæ sequentes, & earumdem flores in censu odoratorum ritè adnumerari non possint, scribam nihilominus de illis, vel ob id quòd in coronamenta veniant, & hortorum areas mira elegantia vestiant. Itaque Bellis seu Bellius trium generum esse conspicitur. Primum in hortis seritur, de quo hîc potissimùm agemus.

Reli-

Reliqua in pratis & campestribus nascuntur: de quibus nihil à me expectabis, qui hortētia & non campestria tracto. Venio ad rem. Bellius hortensis herbula est foliis longiusculis solo procūbentibus, in cacumine subrotundis & ad rotæ modū radiantibus, crassiusculis, per ambitum minutim ferratis, è quorum medio cauliculi prodeunt villosi ac flexibiles, flores anno ferè toto gestantes in cacuminibus versicolores ac inodoros, qui barbulis multis circinantur. Ex quibus alij punicei spectantur, alij emaculato candore placent, à quo Gallis margaritæ nomen adipiscuntur: alij verò mixtis coloribus applaudunt. Bellides omnes nostratibus Borboniis Pasquetæ appellatur, quòd circa Pascha (vt opinor) oriri incipiant, vel quòd oculos grato colore pascant.

Pictura bellidū pulchra & elegans historia.

Bellidū colores varij.

Autoris mirum ingenium.

Phlogion (quibusdam Trinitatis herba dictū) violæ inodoræ genus illud esse mihi videtur, quod Gallicū vulgus Penſeam vocat, folio mercurialis herbæ per ambitum crenato, cauliculo triangulo intus cauo, leniter striato, & ex interuallis geniculatim foliato, prodeuntibus ex alarum sinu pediculis longis, in quorum capitellis emicant violę figura purpurearū seu martiarum, tribus flosculis summa parte latis, atrāq; purpura saturatis, & duobus infernè luteis ac angustis, lineolis quinque rutilo ignis fulgore radiantibus exaratis: à quibus phlogij seu flammulæ nomen illis, vt reor inditum fuit. Vere statim post purpuream violam se prodit plantę huius flosculus, estque coronis aptus, odore, vt diximus, nullo, sed colore vbique commendato: qui plurimū

Viola inodora descriptio.

Pulchra & notatu digna.

Viola inodora flos togans.

durat, nam in autumnum prorogatur: imò verò repidioribus locis vbi cœlum arridet clementiùs etiã hyeme spectari solet. Venio ad tertiam plantam, flore pulchram & radice odoratam.

*Iris pictura
& unde
glaiutum
dicatur.*

IRIS cuiq; notissima est, foliis cõstans gladioli, sed maioribus, pinguioribus & latioribus. Unde quibuscũdã Galliæ partibus glaiutũ, ac si diceres gladiolũ, nuncupari solet: quòd folium in gladij speciem mucronatum habeat. Caule nititur recto & semipedali ex cuius fastigiis singulis inter se paribus, flores exeũt labiorum mutuo inflexu recurui, & coloris varij: nimirum candiduli, pal-

*Hortensi:
iris color-
res. & un-
de cœleste
lulum dica-
tur.*

lenti, lutei, purpurei & cœrulei. A qua varietate cœlestem arcum exprimente, nomen cœlestis lili apud herbularios sibi adoptavit: ac si rudimẽta quædam arcus cœlestis versicolore linearum discursu, in sui calathi cõcauo, ob oculos spectãtiũ ponere fatageret. Rura alicubi flammam vocant: propter easdem, vt arbitror, causas, quas suprà in phlogio, seu flammea viola protulimus: quæ mihi specimen videtur esse naturę irin effingere condiscẽris. Radices fundit geniculatas, so-

*Iris flamma
quibuscũdam
dicta.*

*Pulchra &
notanda de
radicibus i-
ridis.*

lidas & summè odoratas: quas sub veris exitum terra erutas, plerique in orbiculatas taleolas dissecant, & siccatas in vmbra, filóq; transfutas penfiles recondunt: aut lixiuio macerant ad exhauriendam & absorbendam succi vim, quo tinearũ iniuriis sunt opportune, dein siccatas includunt: nam teredines nõ siccæ modò, verũ & in terra virides celerrimè sentiunt. Pleriq; ita curatas armariis imponunt, vt odore perquàm iucundo vestes & lineam supellectilem commendent.

*Radices i-
ridis arma-
riis & re-
bus illorum
odorem cõ-
ciliare.*

Absinthij

Absinthij, & Abrotoni cura, auxilia, & secreta,
Cap. XXIIII.

SICUT in hoc mundi theatro rerum omnium
 sparsa illa, iucundis tristia, & dulcibus amara
 remiscet, ita ego in hac hortensium historia, sua-
 uibus insuauia miscebo, & gratis ingrata: nimi-
 rum absinthij & abrotoni plantas, quæ tam odo-
 re, quàm sapore iniucundo, nulli placent. Absin-
 thij genera tria esse constat, vnum vulgare, Gallis
 Aluina vocatum, ac si diceres aloïna, ab insigni a-
 marore aloes, quem præ se fert. Nostrates Bor-
 bonij Fortû, à forti & vehementi odore ac sapo-
 re nuncupant. Huic Ponticum Galeno maximè
 simile esse traditur, à Ponto nomen habens, vbi
 pecora illo pinguescere, & ob id sine felle inueni-
 ri autor est Plinius. Veteres huius folia paruulis
 dabant in fico, vt amaritudinem fallerent: aut il-
 litis melle vasculi labris, eorum decoctum pro-
 pinarent: quod Lucretius his versibus elegan-
 ter expressit,

Ac veluti pueris absinthia tetra medentes
Cùm dare conantur, prius oras pocula circum
Intingunt mellis dulci flauoque liquore.

Alterum genus Seriphium vocant seu marinum,
 cuius semine medici vermibus & lumbricis cor-
 poris necem moliuntur: & ob id, semen contra
 lumbricos nuncupant. Gallicum vulgus barbo-
 tinam, & mortem vermium: quas appellationes
 officinæ egregiè norunt. Tertium Santonicum
 dicitur gentili regionis vocabulo: quod vt reli-
 quis minus est, ita amarore multò mitius. Ho-

*Absinthij ge-
 nera tria, & vnde alui-
 na seu fortû
 duantur.*

*Notanda
 de absinthij
 exhibitione*

*Semē cōtra
 lumbricos &
 barbotina.*

die in plurimis hortorum areis passim feri solet: imò verò de coma acetariis remisceri, summo vetriculi & hepatis commodo ac beneficio.

*Abrotoni
genera duo.*

Abrotonum duorum generum esse conspicitur, vnum mas, alterum fœmina: vtrique amaritudo absinthij inest. Fœmina Dioscoridi quadã arboris specie fruticat, & ob id multis Cypressus appellatur, foliis circa ramulos minutim concisis candicans, & auri fulgore corymbis in fastigio rutilans, cui odor cum quadam grauitate subiundus adesse solet, & sapor amarus. Mas foliis constat non vsqueadeò albicantibus, estque illius frutex furculosior. Galli Latinos imitati vtrunq; abronũ, duabus literis extritis nuncupant: adhæc custodem vestiarij, quòd armariis sparsum vestes à tincis vindicet. Alsiosum est admodũ tam hoc quàm illud: quare frigus multũ reformidat, Solẽque nimio læditur, suo se cacumine propagans. Theophrastus radice vel auulso ramulo, potiùs quàm seminio, germinare prodidit. Sed mirari licet cùm calida dote sit præditum, cur frigus tantopere horreat, & æstum non ferat. Idem Theophrastus rationem in infirmitate collocat: nam viribus tam contra frigus, quàm contra æstum, longè est impar.

*Abrotoni
vestes à tincis
vindicare.*

*Abrotonum
nec frigus
nec æstum
ferre.*

Fragariæ, Frambæsi, & Grossularij vel Grosellarij, cura, auxilia, & secreta. Cap. XXV.

*Historia
descriptio
fragariæ
pulcherrima.*

DV M fœtus hortenses qui supra terram extant percurrebamus, fragaria describenda erat: quia verò tunc nobis, nescio quo fato, excidit memo-

memoriâ, hoc loco restituenda venit. Herbula est fraga gerês (vnde nomê habet) & foliis tribus cōstans, quę humi sine caule spargūtur, multis à radice lanuginosis pediculis exeuntibus, quorū alij flore cādido coronantur, alij trigemino, vt diximus, comantur folio per ambitū serrato atq; venoso: qui fructū gerūt exiguis moris haud absimilē, callosum, tenerum, rubentē (dum maturuit) & ex albo nonnunquā pallentē, ac gustu & odore suauissimū, Gallorum vulgo Fresa nuncupatum. Spōtē nascitur in opacis, quasi aliarum plātarum vmbra gaudeat, & in hortis cultura tam grandis euadit, vt mora quę in rubo nascuntur suo globulo æquare cernatur: hinc morum terrestre Virgilianus Seruius fortasse appellauit. Sūt ex fragis quę diligentia & cura coloni è rubris in candida degenerarunt.

Fructus fragaræ pictura elegans.

Vnde magnus euadit fragariæ fructus.

Frambœsia quibusdam Idæus rubus esse putatur. Frutex est pumilus & humilis, spinis prorsus viduus, cui morum rubens appendet (vbi maturuit) Gallis Frambœsia appellatum, quod germano sapore, palato mirum in modum placet & applaudit. Vnde, cū vinum generosum à sapore laudare volumus, olere frambœsiam aut fragum vernaculo sermone nostro dicimus.

Pulchra Genotatu digna.

Grossularius vel Grosellarius, quantum mihi licet coniectare, veteribus silentio fuit obuolutus: quanquam non defuerunt qui Rhamnum esse dixerint, alij oxyacantham, sed temerè. Frutex est aculeatus, folio apij ferè, acinis candidis & in maturitate dulcibus, qui frequens hodie in hortis esse solet: cuius bacca non ingrata displi-

Grossularij pictura pulchra.

*De grossula
rij bacca no
tatu digna.*

cet acerbitate, magnamque in it cum palato gratiam: quare diuitum ac pauperum iuribus innatare solet, & in dulciarios panes ac farcimina passim transire: vere præsertim dum vuæ acerbæ locum supplet, quo nomine grauidis summè expetitur. Vulgus Gallicum, Grossularium vel grossellarium, & eius fructum Grosellam seu grossulam nominat, quod grossulorum fici quandam præ se ferat imaginē. Bacca maturitate in cibum dulcescit, ac nonnullorum mensis inter postremos cibos apponi solet.

Vnde grossularij & grossulae nomen.

Groselle rubra pulcherrima descriptio.

Est in hortis alter frutex nullis planè spinis horridus, folio vitis pusillæ & iuuenis, rubentem vuulam ferens sapore subacido, cuius acini racematim congesti pendent, fastidium cibi discutientes, & more punici mali abeuntem appetentiam reuocantes. Nostratibus grossula seu grosella rubra, vel transmarina vulgò dici solet.

Sunt qui putent à Mauritanis Riben appellari. Frutex iste in vsum topiarium venit, sepitq; eleganter hortorum puluinos
& areas.

*



ANTONII MIZALDI
MONLVCIENSIS, MEDICI,
De Hortorum cura, cultu,
auxiliis, & secretis,

LIBER TERTIVS.



AMQVE alios vocor ad cultus, a-
liumve laborem

Hortorum: neque enim simplex genus,
vna ve stirpis

Hortensis soboles, ratio ac tantum
vna colendi.

Proximo libro hortensia olera, edules item ra-
dices, & herbaceos fructus, cum odoratis plantis
& floribus, pro nostræ Mineræ captu & modu-
lo utcunque expediimus. Superest vt simili me-
thodo & diligētia frugiferas hortorum arbores,
vitæ humanæ accommodas, earumdemque fru-
ctus hoc libro persequamur: siue molli tunica ve-
stiantur illi, quos Græci geoponici oporas, Lati-
ni poma nuncuparunt: siue dura & forinsecus li-
gnosa, quos itidem illi acrodrya, nostri verò nu-
ces appellare solent. Opus sanè varium & impe-
ditum, sed legi tamen & cognosci dignissimum:
si minus scribentis ope, saltem sui contemplatio-
ne & indicibili voluptate, quæ comitem habet

*Epilogus si-
prioris li-
bri, cum pa-
rasceue ad
frugiferarū
arborum
historiam.*

*Latinis
quid poma
& nuces.*

*Autoris se-
pus & insli-
tutis in hoc
libro.*

utilitatem pari commoditati iunctam. Vt itaque
tabulæ (quod dicunt) manum admoueam, omni-
um primùm de cura, studio, & auxiliis quæ arbo-
ribus in genere congruunt, pro mea tenuitate
scribam: hinc mihi gradum facturus ad ea quæ
seorsum & particulatim unicuiq; arbori debentur,
& propria sunt.

*Hortensium arborum præcepta quædam & auxi-
lia generalia. Cap. I.*

*Arborum vo-
ta cõmunia*

*Quas com-
moditates
adferat ni-
ues & fri-
gora arbo-
ribus.*

*Quando a-
que utiles
arboribus.*

QU I S Q U I S ille fuit qui scripsit hyemes fe-
renas agricolis optādas esse, næ pro ar-
boribus tam hortensibus & fructiferis, quàm a-
liis, vota non fecit, quemadmodū tradit Plinius:
nam communia arborum vota esse solent, niues
diuturnas sedere. Causa, nō solū quia animam
terræ vanescentem exhalatione, includunt &
comprimunt, retróq; agunt in radices: sed etiam
quòd liquorem sensim præbent purum ac lenis-
simum, quando aquarum cœlestium spuma esse
dicuntur niues. Ergo humor ex his non uniuer-
sim ingurgitās diluēnsque, sed quomodo sititur
stillans, velut ex vbere alit omnia, nequaquā in-
undans. Sunt itaq; niues & tēpestiua frigora ar-
boribus & frugibus summè vtilia, sicuti (Deo o-
pitulante) ostēfuri sumus in nostro Opusculo de
signis, causis, & præfagiis caritatis & sterilitatis
annonæ. Niues itaque tam arborum quàm fru-
gum firmitati plurimū conferunt, nam sic o-
ptimè germināt. Quòd ad aquas attinet, oppor-
tunæ sunt quæ germinationem præcedunt: tum
demum

demum cùm educant poma arbores: nec protinus, sed iam valido fœtu. Quæ fructus suos diutius continent, longiorésque desiderant cibos, his ferotinæ aquæ vtilis esse solent. Cæterum, generis cuiusque arboribus diuerso modo desiderantur, aliis alio tempore maturantibus: quapropter iisdem imbribus quasdam lædi videas, alias iuuari, etiam in eodem genere. Sicut in pyris alio die hyberna quærunt pluuias, alio verò præcocia. Sunt qui nocturnos imbreis diurnis præferant, quòd eos Sol statim non diripiat. Sed quomodo radicibus arborum admittenda sit aqua, & ibidem retinenda, audiendus est Virgilius.

*Aut lapidem bibulum (inquit) aut squalenteis infode
conchas:*

Inter enim labentur aquæ, tenuisque subibit

Halitus, atque animos tollent sata.

Aquas arboribus diuerso modo desiderari.

Vt arbores aquam admittant, ex Virgilio.

Si diutius humidi blandiuntur austri, defatiscen-
tes fiunt arbores, ac magis etiam in flore. Si cùm
defloruere protinus sequantur imbres, in totum
poma depereunt, adeò vt amygdalæ & pyri, si
omnino nubilum fuit cœlum, austrinúsvē flatus,
suos amittant fructus, eodem Plinio autore. Qui
etiam admonet arborem post collectos fructus
purgari debere, amputata omni superfluitate, &
ablatis truncorum propaginibus, vt leuior sit,
adhæc habitior: & si nouella est, rector. Quæ si
delicatiores erit, blandè tractari debet: nam rudi
contactu facilè obtorpescit. Iam quod ad po-
sitionem & sationem attinet, raris interuallis po-
nendæ sunt arbores ac plantandæ: vt cùm creue-

Imbres arborib⁹ cùm defloruere inimici.

Arbores à superfluitatibus purgari debere.

*De arborū
translatio-
ne.*

*Secreta pro
arborum
trāspōsiti-
one et plan-
tatione.*

*Forma scro-
bi ad trāf-
ferēdas ar-
bores: & de
illarum dis-
positione.*

*Notanda et
aduerēda.*

rint, spatium habeant, quo ramos extendant. Nam si spissè posueris, vt loquitur Columella, nec infrà serere quid poteris, nec ipsæ fructuosæ erunt, nisi interuulseris. Dum transferre volueris, antè quàm id aggrediaris, sedulò tibi notandum erit quibus ventis expositę erant, vt simili situ illas componas & implantes. Quod dum facis, in imū vsque scrobē, sarmentorum fasciculos crassitudine brachij debes demittere, ita vt supra terrā paululum extent. Nam æstate paruo labore aquā radicibus per illos subministrare poteris. Sed optimū erit annum antè quàm plātare voles, scrobem fodere, vt terra Sole & pluuiis opportunè maceretur, & quod positum est citò comprehendat. Quòd si eodem anno & scrobem facere, & arbores serere voles: minimū antè menses duos scrobem fodies, postea stramentis incensis, vt vult Columella, calefacies. Quem si latiore patentiorēque feceris, lætiores, vberiorēsque fructus percipies. Scrobem verò clibano similem aperies: cuius imum summo patētius sit, vt laxiūs radices vagentur, ac minus frigoris hyeme, minúsque æstate calidi vaporis per os angustum penetret. Generatim autem sic arbusculas & arbores dispones, ne imbecilla à valentiore prematur: quia nec viribus nec magnitudine par esse potest, imparique temporis spatio adolefcit. Addam ex M. Varrone quòd arbores ex ordine plantari debent, vt eas ex omnibus partibus Sol & Luna coquant. Porro summe cauendum est, ne post rigidas tempestates, & violentas cœli iniurias, arbores ferro vulneres, vel

vel amputes : præsertim quæ fructiferæ sunt.
Quod pulchrè his versibus expressit Iouianus Pontanus.

Nā memini (inquit) cū nullæ arteis, non arma, doliq;
Vim cæli aduersum ferrent, perire comantes
Syluæ, ac obriguere gelu nemora omnia, cuncti
Horti dum furit scythicus aquilonibus aer,
Et caua consuetos tenuerunt flumina cursus:
Quod quando (auertat deus ipse) rigentibus euris
Contigerit, neu tu gladio, neu cæde securi
Arenteus hortos: sed calce, sed imbre madenti
Affer opem. hoc fac sæpè hyeme, hoc fac vere tepenti:
Crede mihi non te fallet labor: inde repente
Pullulat ab radice aut summo stipite læta
Arbos, diffundens gemmas, & germine frondens.

Cauendum præterea ne vna arbor, alterius stilli-
cidium quatiente vento excipiat: præsertim si di-
uersi fuerint generis. Adhæc ne æstate radices cō-
tra Solem nudentur, aut ab eo feriantur: & ne
hominis manu cacumina duriter tractentur, aut
à pecoribus, capris maximè, prærodantur: nam in
posterum capere incrementum nequeunt, maxi-
mè si tenellæ fuerint. Sed de translatione hîc pau-
cis agendū nobis restat ex Columella & Plinio.
Arbusculæ omnes, priusquam transferantur, ru-
bricæ sunt notandæ: vt cū ponentur, easdem
cæli parteis aspiciant, quas in suo seminario vi-
debant: alioquin frigore, vel calore laborabunt
ab his partibus quas præter consuetudinem sub
alio tractu expositas habuerint. Erit ergo plaga
cæli in translatis similis retinenda, vt prius adno-
tauimus, ne aquiloniæ partes meridianis oppo-

Secretū pul-
cherrimum
pro arbori-
bus gelu ta-
ctis.

Rerū arbo-
rearū præ-
cepta pul-
cherrima.

Translatæ ar-
bores suum
propriū ser-
uare debēt.

fitæ Solibus findantur: aut algeant meridianæ, æquilonibus obuersæ: quemadmodum scripsit M. Cato, & post illum Virgil. Latinæ agriculturæ doctor elegantissimus, his versibus:

Quinetiam cæli regionem in cortice signant:

Vt quo quæque modo steterit, qua parte calores

Austrinos tulerit, quæ terga obueterit axi,

Restituant, ad eam tenebris consuescere multum est.

Plerique arborem nec minorem bima, nec maiorem trima transferri præcipiunt, censentque non negligendum ne radices mora inarescant: néve à septentrionibus, aut ab ea parte cæli vsq; ad exortum brumalem, vento flante effodiantur

Radici in arboribus summa ratio habenda.

arbores: aut iis ventis radices exponantur: nam ita emoriuntur, ignaris causæ agricolis. Proderit etiam, quàm plurimum terræ in qua vixerint arbores, radicibus cohærere, ac totas cespite circumligari. ob id Cato in corbibus transferri iubet. Rigari debebunt quoties cælestis imbris negabitur profusio, & ingens æstus perseverabit: nam ita maioris incrementi fructus dabunt, ac vegetiores, lætioresque euadent. Amant

Arborum rigatio.

Arborum ablaqueatio.

nonnullæ circumfodi, & ablaqueari: quod si non præstetur, aut sterilescunt, aut à sua natura degenerant. Sunt quæ tam siccis quàm humidis locis musco infestentur: quem nisi ferramento deraferis & abstraxeris, nec fructum nec lætam frondem emittent: debent itaque diligenter emuscari, nisi quid aliud peculiare præpedierit. De morbis & laboribus arborum scribendum aliquid superest.

Arborum emuscatio.

Arbo-

Arborum ac stirpium hortensium morbi, labores & impedimenta aliquot. Cap. II.

LABORANT, impediuntur & ægrotant arbores, vt stirpes aliæ, modis multis. Quædã in ipsa seminum projectione: aliæ in pullulatu & germinatione: multæ in flore: nonnullæ in gestatione, partu & educatione, vel aliter, vt postea dicemus. Idque vel à syderatione, carbunculatione, rubigine, pruina, nebula, grandine, imbre, frigore, flatu, coloni imperitia, soli vitio, æstu, vulnere, erosione, cruditate, obesitate, tabe, repletione, peste, vermiculatione, atrophia, siccitate, fornicatione, & aliis. Sunt itaque arborum ac plantarum, siue domesticæ illæ fuerint, siue agrestes, iniuriæ diuersæ, morbi multiplices, ac incommoda varia. Quorum primas tenent syderatio, carbunculatio & rubigo: de quibus in fine libri primi nonnulla scripsimus, fusiùs de his philosophaturi in nostro opusculo De causis & signis sterilitatis annonæ. Vermiculantur inter stirpes aliæ magis, aliæ minùs, quod aues caui & marci corticis sono experiuntur. Sunt quæ vermiculis omnis generis infestantur, vt puerorum & adultorum corpora: ex quibus plerunque contingit atrophia, tabes & mors. Laborant nonnullæ plethora seu plenitudine: quæ sæpenumero comitem habet cruditatē ob redundātis humoris copiam. Nonnunquam etiā fame, ob eiusdem inopiam & paucitatem: adhæc obesitate, vt nimio adipe animalia, ob immodici alimenti luxuriantem prouentum: & interdum tabe ac marcore,

Variis modis arbores ac stirpes laborare.

Iniuriæ arborū diuersæ.

Arborū vermiculatio.

Plenitudo, fames, obesitas & tabes arborum.

*Arborū vul-
nera, debili-
tates & a-
lia.*

*Arborū cla-
us & fun-
gi.*

*Arborū sca-
bies & im-
petigo.*

Pulchra.

*Arborū pe-
stis & lues.*

*Arborū arti-
culatio, seu
articularis
morbus.*

ob eiusdem parsimoniam, defectum vel prauitatem: aut cum macie corticis ex ægritudine astringente se, vitalia arborum plus iusto comprimuntur. Aliis contingunt vulnera, contusiones, fracturæ, luxationes, partium debilitates: quæ societate nominum, cum hominum morbis & miseriis quoque conueniunt. Hinc trunca dicimus arborum & herbarum corpora, & germinum oculos exustos, & multa alia sorte simili. Sunt etiam quæ clauum patiuntur, seu fungum, à superassato, aut addensato & lapidescente succo: quales sunt in hominum & animalium corporibus tophi ac nodi. Scabies arborum omnium communis est affectus: quæ lentis roribus & nebulis post exortas Vergilias gigni solet. Particularis quarundam est impetigo. Verum ut in hominibus neruorum extrema cruciatus sæpè obsident, ita & in arboribus: aut enim in pedes, hoc est radices, vis morbi erumpit, aut in articulos, hoc est, cacuminum digitos, qui longissimè à toto corpore exeunt. Priuati generum morbi sunt pestis, seu lues quædam: quæ sicuti inter certa & peculiaria duntaxat animalia nonnunquam grassatur, ita inter certas & priuatas arbores plerumque locum habet. Vnde modò pyri, modò pomi, modò cerasi, nunc nuces, aliàs pruni, quandoque perfici, aut amygdali de aliis arboribus solæ laborare, sterile scire, ægrotare, aut vexari & languere obseruantur. Est & articulatio illis perinde atque vitibus, morbus grauis ac perniciosus, vi tempestatū germinibus ablati, & in supinum, ut scribit Theophrastus, excisis: vel culturæ seu

colen-

colēdi imperitia læsis. Quæ omnes iniuriæ in articulis sentiuntur, ex quo articularis morbi, seu articulationis nomen. Aegrotant & plerunq; languent colentium culpa, quando ictu iniurioso à colono verberantur, aut intempestiuè cæduntur, vel ineptè defrondantur: adhæc quando olitor aut arator imprudens radices laxat, corpûsve defquâmat: vt interim ab hebetiore ferro cõtusio- nem, ac parum apti instrumenti vsum, ipsiusque coloni imperitam audaciam hîc reticeam, quibus causis æstum ac frigora difficiliùs tolerant: nam iniuria omnis extrinsecus adueniens, in vl- cus facilè penetrat. Pessimû est inter omnia, cùm deflorescentem arborem percussit grando: aut imber inuasit, vel validus vêtus perflauit, aut frigida nebula vel pruina descēdit. Quæ postrema omnium perniciosissima esse solet: quoniam lapsa semel & admissa, obstinatè hæret, vt alibi do- cuimus. Debilitas in multis sterilitatem adfert, sed non necem, vt si quis cacumen aut germen auferat: sic enim sterilescunt stirpes, licet non e- moriantur. Aliquando fructus tantùm laborant, salua & incolumi arbore: maximè si necessariis & opportunis temporibus, imbres, repores, vel sa- lutares afflatus defuerint, aut intempestiua fri- gora, ardorêsvē negotium fecerint: nam ita deci- dunt fructus, vel emaciantur, aut flaccescunt, vel deteriores fiunt. Est & aranea cõmune arborum vitium & malum, quando renellum fœtum ve- luti telæ quædam inuoluunt & absument. Sunt culicum genera aliquibus molesta, qui nasci vi- dentur ex dulci humore corticibus subdito. Eru-

*Arborû ini-
uria, à co-
lono.*

*Arborû la-
bores ac im-
pedimenta
à cælo &
aëre.*

*Arborû de-
bilitas.*

*Arborû vi-
tiû aranea.*

*Arborum
mala et in-
iuria à be-
stiolis.*

*Arboribus
inimica et
mortalifera.*

*Decacumi-
natio, erosio
ac depastio.*

*Radicum
amputatio
omnibus ar-
borib⁹ mors
esse solet.*

*Notanda de
extremis ar-
borum exi-
tis.*

cas, vermes, pulices agrestes, formicas, canthari-
des, limaces & bestiolas alias hîc prudēs omitto:
Quarum ea est natura, vt detonsam, corrosam,
caluam & depastam arborem aut plantam turpi
facie, quēadmodū scripsit Theophrastus, & mor-
ribundæ simili relinquunt. Quæ lues ab humido
& lento tepore gigni maximè solet. Pix, oleum,
& adeps, nouellis arboribus ac plâtis inimica esse
censentur: éstq; cortex in orbē detractus omni-
bus mors, excepto subere & andrachne: nisi cor-
pus arboris simul lædatur, aut profundè incida-
tur. Similem rationem in multis habet decacu-
minatio, quæ aut mortem, aut tabem conciliat.
Similem quoque quorūdam animalium erosio,
delinctus ac depastio: nam oleâ si lambat capra,
sterilescere autor est M. Varro, vt suo loco dice-
mus. Sunt quæ hac iniuria moriuntur, aliæ dete-
rioriores tantūm fiūt. His addo quòd arborum ple-
ræque fissâ stirpe, aut trunco sæpenuerò labo-
rant, & quandoque intereunt, exceptis malo, fi-
co & punica. Radicibus amputatis, omnibus &
arboribus & plantis mors instat certissima. Cæ-
terū denſitate & alimenti rapina, vt loquitur
Plinius, nonnunquam etiam ægrotant, ac tãdem
deficiunt. Sic vinciens & præstringens hedera
necat, nec prodest viscum, cytisus, & quod Græci
halimon vocant. Lēdunt quēdam & vicissim læ-
duntur vicinia & succi mixtura, vt laurus & ra-
phanus vitem. Hoc de omnibus postremum sit,
Nitrum, alumē, calida aqua, marina item, & fabę
ac earum putamina, nec non alia multa, libris su-
perioribus scripta, & tum demum scribenda, ar-
boribus

boribus ac herbis vltima plerunque solent esse exitia. Superest vt iam dictis arborum morbis, laboribus ac impedimentis, certa remedia, auxilia & præsidia, si non omni, saltem bona ex parte proferamus, ab antiquis scripta & obseruata, nobis verò ac amicis nostris cognita, & in multis probata.

*Authoris
summa deli-
gentia &
iunã i pro-
na voluntas.*

*Hortensium arborum ægrotantium, aut aliter laboran-
tium, remedia quædam, & secreta vniuersalia.*

Caput III.

DIDYMVS in Græcis agriculturæ Pandetis tradit, quòd si ægra fuerit arbor quæuis, illius radicibus affundi debet amurca aqua remista æqualiter. Plinius summum præsidium esse dicit, fæcem vini, aut aquam lupini decocti circumfundere, vel lupinum ipsum circa radices ferere. Si emaciata fuerit & languida, habitior fiet, si radices circumfossas, & item truncum, vertere vrina humana, eaque virili, vel pecorum lotio imbueris: Illæsam, & à vitiis arborariis immunem habebis arborem quamuis, si bubulo, taurino ve felle, radices illius perfuderis, aut fabarum, vel aliorum leguminum paleis circumpositis, acerbisve frumenti respersis, easdem radices vestiueris, & regeſta terra adiueris. Si Caniculæ æſtu fatigatur arbor, & ob id ſyderari periclitatur, trium fontium singulos sextarios poſt Solis occaſum radicibus iube influere, ſed ita ne remedium Luna deprehendat. Vel herbam ſymphoniacam (quæ Apuleio eadem eſt cum Apollinari

*Remedium
arboris ægro-
tantis.*

*Arbor ema-
ciata & læ-
guida quo-
modo cure-
tur.*

*Vt arbor
ſit illæſa.*

*Contra Ca-
niculæ æſtū
& ſydera-
tionem.*

*Remedium
syderata ar-
boris.*

*Ne aues ar-
borem impe-
tant.*

*Præfidi ar-
boris infru-
giferæ.*

*Remedia a-
lia arborū
parum fru-
giferarum.*

*Auxilia ar-
borum ha-
bentū fru-
ctus suos*

& hyoscyamo) circa truncum arboris, coronæ modo, intorque. Vel ex ea iuxta imum caudicem cubile facito. Si fuerit syderata arbor, & veluti ta-
be ægrotans, vnguento delibutam quasi reuiu-
scere obseruabis, vt scripsit Græcus Democritus
in suis rei rusticæ Commētariis. In quibus etiam
admonet, arborem ab alitibus non impeti, quæ
alliorum fasciculum suspensum habuerit: aut fal-
ce putatoria allio perliu, expurgata fuerit. Si flo-
rum largo prouentu luxuriando nullū ferat fru-
ctum, querno vel fagineo palo radicum forami-
ni impacto, & terra occultato, velut inita sæcun-
dabitur. Proderunt & fabacæ paleæ, trunco ad
radices circumiectæ quemadmodum scripsit Zo-
roastres in suis de Agricultura præceptionibus
Græcis, in quibus superstitiosa nescio quæ pro
eadem re adfert, ridenda potius quàm docenda.
Columella arborem terebrare præcipit, & in fo-
ramen viridem oleastri taleam demitti: nam ita
arbor velut inita sæcundo semine fertilior eua-
det. M. Cato amurcam æquis partibus cum aqua
remiscendam censet, deinde arbori circumfun-
dendam. Quæ si maxima erit, commisti ampho-
ra vna fatis erit: si minor, pro ratione fundendum
erit. Si arbores etiam feraces fuerint, hac miscel-
lanea meliores quoq; fient. Africanus inter Græ-
cos geoponicos celebris, portulacā & tithyma-
lum probè contusa & mista, arborum truncis il-
linebat, vt sæcundiores adolescerent: hisque co-
lumbinum simum nonnunquam addebat. Quæ
si, veluti ægrotantes, fructum defluum habebāt,
nec retinere poterant, Sotion Græcorum hortu-
lanus

lanus diligens & peritus, Lolium quod zizanio-
rum nomine venit, cū radicibus euulsū in co-
ronæ figuram efformabat & arboris trunco cir-
cundabat, vel marinos caneros paguros nuncu-
pato eidem circunligabat, aut plumbea corona
amplexabatur. Prætereà, radicem ablaqueabat,
eāque perforabat, & cuneum ex corno immit-
tebat, terra circumaggesta. Quidam nudatas ra-
dices aliquot crassiores ac maiores findūt, & fis-
suræ filicis fragmentum immittunt, deinde ligāt
& accumulata terra rursus adobruunt. Palladius
rubrica aut amurca insulsa, aquæ remissa arborē
illinit. Vel cancrum fluuialem cum rutæ ramo,
aut lupinorum fasciculum eidem suspendit. Hæ
sunt antiquorum obseruationes, quæ defluos
arborum fructus continere possunt. Quibus si
flores etiam decidere percipiantur, aut folia, hūc
in modum auxiliaberis ex Quintilliorum Græcis
georgicis. Circunfossis radicibus, palarum faba-
cearum aqua temperatarū & maceratarum men-
suram magnam magnæ arbori, paruam verò par-
uæ circumpones, & ita defluuiū laborantem cu-
rabis. Si à vermibus infestabitur arbor, de Florē-
tini consilio sic illam defendes: Lemniam terram
quam sigillatam vocant, & origanum cum aqua
tere, eaque miscellanea radices illine, aut scillam
in circuitu plāta. Si verò piceos paxillos circa ar-
borem defixeris, tabescent vermes ac decident. A
quibus etiam suillum stercus vino dilutum illa-
sam seruabit, sicuti scripsit in suis Græcis georgi-
cis Didymus, modò illud circa arborem frequē-
ter iniiciatur. Quod etiam præstare potest, co-

*Remedia
eam in rens
alia.*

*Arbor que
deciduos ha-
bet flores,
vel folia.*

*Arbor que
à vermibus
infestatur.*

*Ne vermes
producat
arbor.*

lumbinum stercus, nudatis radicibus circūpositum. Adhæc taurinum fel, iisdem frequenter ingestum: nam ita neque citò senescet arbor, neque vermes facilè producet. Palladius fæces veteris vini per triduū affundit. Auxilia aduersus arboreas formicas, erucas, muscas, & bestiolas alias, larga & liberali manu tibi protulimus libro primo, quem vbi voles, & quoties opus erit, consulere poteris. Superest, vt reliqua suo ordine particulatim expediam.

*Multa ex
primo libro
huc profe-
renda.*

Arboris mali, eiusque pomi, cura, auxilia, & secreta.

Caput IIII.

MALVS arbor, lippis, quod dicunt, & tonso-
ribus, cognita, pingue ac latum solum de-
siderat: & cui humorem non tam rigatio, quàm
natura suppeditet, vt scribit Palladius. Quod si
arenosum, vel argillosum fuerit, rigationibus iu-
uabitur. Potest etiã in macro & arido solo pro-
uenire, sed ex eo poma dabit vermiculosa & ca-
duca, in frigido itidem & humecto, si cœli tepor
adfuerit. Stercus ouillum non tantum exigit, sed
& libenter assumit, etiam si pulueres cineris mi-
sceantur. Aptissima est ei putatio, vt arida & ma-
lè nata tollantur, cum illi vita sit alioquin breuif-
sima: sed vt citò cadit, ita velociter crescit: quæ
quò annosior fuerit, eò deteriorem, minorèmq;
ac vermiculosiorem fructum feret. Siccitatibus
vespere rigari appetit quotidie, vnde quod potu
indigeat hæc arbor, hinc illius fœtus poma dici
putat Marcus Terentius Varro in suis de Agri-
cultura

*Maius qua-
le solum de-
sideret.*

*Poma ver-
miculosa.*

*Putatio ma-
lis aptissi-
ma.*

*Rigatio a-
state malis
utilis.*

cultura præceptionibus & Commentariis. Tentatur quandoq; syderatione & vredine, his præfertim locis quæ à venti flatu silent: sed omnium maximè vermiculatione sentit, hoc est vermium erosionem. A quibus immunis erit, si, vt præcedenti capite scribebamus, scilla circûposita fuerit. Quos si hæreditarios habuerit, felle bubulo, vel fuillo stercore misto humanæ urinæ, & radicibus affuso extinguuntur, sicuti ante Palladium Anatolius Græcus in suis rusticæ disciplinæ præceptis diligenter adnotauit. Nec temerè, mea sententia, nam hæc arbor mirû in modum lotio recreatur, cuius rigatu crebrò inuari certum est. Si verò negotiû exhibere perrexerint, cortex æreo clauo, vel scalprio, vt Palladius legit, fodicandus erit atque vellicandus, donec mucrone vermes tacti radantur & deturbentur: sed vlceratum locum bubulo stercore obducere licebit. Porro, si generosissimæ quæque malorum plantulæ, taurino felle radicibus admoto, ita serobibus imponantur, vt cacumen tantùm super terram extet, à vermibus immunes prorsus erûnt, cùm fructibus qui inde nascentur, eodem Anatolio autore. Qui etiam morbos quo suis ægotatis mali curat stercore asinino aqua macerato, & sex diebus, occiduo Sole, ad radices irrigato, idque frequenter, & per interualla, donec germen erumpat. Si fructum multum eam parere cupis, & sobolem numerosam proferre, sectum plumbei tubi seu canalis os patulum, sic vt circulum ducat, caudici altitudine pedis à terra circunducito, & cùm mala cœperint adolescere, vel arbor ipsa florescere,

Syderatione & vredine tentatur malus.

Remedia aduersus vermiculationem.

Pulchra machina pro abigendis vermibus ab arbore mali.

Remedia ægotatis mali.

Vt malus sobolem profertur numerosam.

torquem illum & circulum eximito, idque quotannis facito, vt fœcunditatem arbor recipiat.

Ne pomifera arbor rumpatur pondere grauata.

Cæterum, quia pomiferis arboribus, vti etiam aliis, frequenter vfu euenire solet, vt degrauatæ fœtuum pondere, laborare videantur, adeò vt nonnunquam rumpantur incuruati rami (sicuti hoc disticho adnotauit Ouidius,

Aspice curuatos pomorum pondere ramos,

Vt sua, quod peperit, vix ferat arbor onus.)

furcis suppositis oneri impares fulciendæ erunt. Quod in nucis historia non prætermisit idem Ouidius:

Pomâque læsissent matrem (inquit) nisi subdita ramo

Longa laboranti furca tulisset opem.

Vt malum aut pomum aliud imaginem quâuis referat.

Africanus Græcus in suis georgicis scriptum reliquit modum, quo vel humanam, vel animalis, aut rei alterius, imaginem induet malum in sua adhuc arbore pendens, vel pomum aliud quoduis. Gypso (inquit) aut figulari luto quamcunque voles insculptam imaginem tege: & in duas partibus apto instrumēto, ea industria seca, vt iterum illæ ritè coniungi possint ac committi. Deinde in figlina excoque: cūque malum ad dimidium peculiaris incrementi peruenerit, hisce formulis include, validisq; vinculis firmiter obstringe, ne fictiles typi diuellantur auctu obuoluti mali. Quod vbi capacitatem illorum expleuerit, tales animalium figuras repræsentabit, quorum & habitum & imaginem ibidem mentiri visum tibi fuit. Quæ res in effigiandis malis non solum locum habebit, sed etiam in pyris, cotoneis, persicis, citriis, punicis, aurantiis, limoniis & reliquis pomorum

pomorum generibus. Quod hîc semel dictû ve- Autor im-
mota ubique
repetitio.
lim, ne dum per varias pomorum classes spatia-
bor, illud identidem molestè repetere cogar. Ve-
rû enim uerò oportet vasi & fictilibus typis per-
spirationem aliquam relinquere, hoc est forami-
nula imprimere, quibus aërē admittant & emit-
tant, alioquin putrefactioni facilis parabitur via, Vt dulcia
fiant mala,
adhuc impu-
tria.
licet multi aliter sentiant. Si dulcia mala fieri de-
sideras, stercus caprinum vrina humana dissolu-
tum cum veteris vini fêce radicibus infunde. Si
imputria habere voles, felle viridis lacertæ inun-
gatur caudex: erit & hoc aduersus formicas re-
medium præstantissimum. Si caduca fuerint ma-
la, fissæ radici lapis impactus illa retinebit. Quæ
si ramos spissius onerabunt, vt disrumpi pericli-
tentur, interlègenda erunt, quæ vitiosa videbun-
tur: vt generosa copiosiore alimento gaudentia,
maiori incremento luxurient, vitiosis alimonia
amplius non surripientibus: aut furcis adiuuan-
da erit arbor, vt antea diximus. Quæ si imbres
metuet, Solis exortum spectare debebit, Plinio
autore, vt eos Sol statim diripiat ac resiccet.

*Vt mala nō
sint caduca,
& onere nō
rumpatur
arbor.*

*Si tibi sit curæ grandæ educere fœtus,
Et patulas implere manus: age, decute ramis
Crescentem sobolem, è multis vt pauca supersint
Poma. sed & maiora loco, & magis auspice nota.
Vberiore etenim succo lætabitur hæres
Fraterni lactus, vacua dominator in aula.*

*Vt grandes
fœtus produ-
cat arbor
mala.*

Quod vnum deinceps ad reliqua pomorum &
nucum genera, prudenter etiam accommodare
tibi licebit, vt à crebris repetitionibus, quas sem-
per habui molestas, opportunè me liberares. Si ru-

*Vt rubra
fiant mala.*

*Pulchra &
notata di-
gna.*

*Quando
matura dici
debeant ma-
la: & quo
tempore de-
cerpenda.*

*Quomodo
servanda &
reponenda
mala.*

*Loca apta
servandis
malis.*

bra poma nasci desideras, arbor vrinæ humanæ rigatu fatietur, quemadmodum scripsit Berytius in suis de rebus agri præceptis. Non desunt qui rosas puniceo colore rubentis sub arbore mali vndique ferant, & ita rubra mala fieri promittât. Alij palos in terram defigunt, hisque pomiferos ramos citra vulnus incuruatos alligant: & iuxta illos vasa vel scrobiculos factos aqua implent: satagentes vt meridie solaris radius in aquam illa- bens calidum vaporem euocet, qui refractu in fructus resiliens, ex calore rubrum colorem eis cõ- ciliet. Qui re vera absque vlllo mangonio & artificio his partibus maximè solet inesse, quæ Phœbum recta intuentur & meliore diei parte illum excipiunt. Nonnullis sanguineus color peculiaris inest, tracta origine ex mori insitu. De malorum nomenclatura, omnibus ferè nationibus varia, variòque insitionum adulterio, hîc nihil à me expectabis. Omnia seminis nigrore maturitatem fatentur: suntque legenda circa autumnale æquinoctium: pro cœli, soli, & arboris cuiusque natura: nec ante x v. Lunam, vt scribit Plinius: idque cauta manu, ne contusione, aut vulnere aliquo lædatur: separatis cadiuis, putrescentibus ac vermiculosis, à præstantibus & generosis. Seruabuntur optimè tabulatis extra fumum & graueolentiam in loco frigido & septentrionalibus fenestris aperto: quæ sereno die patenteis lucem accipere debent, exclusis austris: nam aquilonibus multò nocentiores fructibus esse solent: à quibus poma quæque rugis deturpari certum est. Seruatur præterea in frigido & arido loco supra paleas,

paleas, vt scribit M. Varro. Ideo qui oporothecas faciunt, ad aquilonem vt fenestras habeant & aëre perflentur summè curare debent. Plinius foliis ficulneis singula, præterquam cadiua & vitata conuolui iubet: cistisq; vitilibus condi, vel creta figlinarum illini. Apuleius Græcus in suis geoponicôn præceptis, adhæc Columella, Plinius, Palladius, & alij rei agrariæ doctores, eam in rem multa posteritatis memoriæ diligenter mandauerunt. Ex quorum Commentariis sequentia tibi libentissimè selegimus. In olla fictili cera interius inducta, & bene operta, multi innocenter poma custodiunt. Sūt qui creta aut figulina terra singula incrustent, siccant, ac ita reponant. Seruantur etiam integra, vegeta & longo tempore incolumia, substratis nucum foliis non caducis: quibus & odori & colori perquàm bellè confutitur. Quod melius ceder si foliis ipsis conuoluātur, & foliatis nucum frondibus tegantur. Multi arculas singulis pomis assignant. Alij in tabulis supposita palea disponunt, & stramentis superiori parte operiunt: ac ita componunt vt limites peruij spiritum æqualem accipiant. Palladius in locis obicuris, vbi ventus non sit, stramentis prius in crate subiectis, cumulatim secreta disponit, & cumulos frequenti diuisione separat. Custodiuntur etiam virigineis foliis singillatim obuoluta, & luto vel argilla candida illita, ac Soli quoad crustam duret, commissā: talia enim permanent, qualia concluduntur. Aliter canistris vel vimineis cistis componuntur, & mundo tomento vestiuntur. Sunt qui solos pediculos figlina

*Modi varij
custodiēdo -
rum & re-
ponendū
malorum.*

*Modus faci-
lis & popu-
laris.*

*Ingeniosus
modus &
paratu fa-
cilis.*

*Pulchri in-
uentum.*

*Vt malata-
lia inueniā-
tur, qualia
fuerint con-
dita & re-
posita.*

*Mala à vi-
no seruata,
& vinum
seruata.*

*Vt mala nō
putrescant,
& incolu-
mia diu cu-
stodiantur.*

*Pomigenus
omne opti-
me seruari
melle.*

terra muniant. Plerique in puteo vel cisterna fi-
ctilia vasa mergunt: quibus diligenter picatis &
clausis, mala committuntur. Nonnulli pediculis
feruenti pice demersis, supra tabulatum ex ordi-
ne disponunt. Hyberna feminibus, præsertim
hordei, vt vuarum conduntur. Seruatur etiam opti-
mè hoc modo: Accipe vas fictile non picatum &
in fundo perforatum, quod ad fauces vsque in-
columibus & generosis pomis manu collectis
exple, & pyxacantha, vel myachata, vt Græci ha-
bent codices, aut re quauis alia, vasis spiracula dili-
genter obtura, & in qua volueris arbore suspen-
de, ac per totam hyemem ibi esse permitte: ta-
lia inuentientur, qualia fuerint condita. Quod ex-
perientia certa fatetur se didicisse Apuleius Græ-
cus: tradens ea etiam durare musti doliis immer-
sa, clausa & à fæce seruata. Quo etiam modo vi-
num ipsum, viniq; suauitatem miraculo quo-
dam conseruant. Sed id ad mala cydonia propriè
attinere, vt pleraque alia hîc scripta, suo dicemus
loco. Conduntur & ollis fictilibus in vini dolium
demersis, ita vt ei innatent, & dolium oblinatur.
Non putrescent si herba virentis satyrii illita fue-
rint cacumina. Palladius Neapolitanus rotunda
mala quæ orbiculata dicuntur, sine cura toto an-
no seruari posse ait. Plerique scobem populi, vel
abietis inter poma diffundunt: quæ sic ponenda
esse constat, vt flosculi sursum, & pediculi deor-
sum spectent: nec ante usum necessarium attingantur.
Sed illud in totum præcipiendum duxi,
nullum esse pomi genus, quod non possit melle
seruari. Itaque cum sit hæc res interdum ægrota-
tibus

tibus salutaris, censeo vel pauca poma in melle custodiri, sed separata generatim: nam si commisceas, alterum genus ab altero corrumpetur. Sūt alia custodiendi secreta, quæ in cydoniis seu cotoneis malis exprimentur, adhæc in pyris, & omnium maximè in punicis, citriis & aliis. Quod tātis per dum expectas, ex Plutarcho admonere superuacaneum esse non putaui, mala gestantibus dorsuariis iumentis tam grauias esse (etiam si pauca portent) ut oneri, viribus alioquin non impari, succumbant, ac sudando deficient: solo odore, ut Latinus putat Apuleius, adeò illa offendente, ut animo linquntur. Quod ad cydonia summè odorata an potiùs referendum sit, faciat experientia fidem. Remedium præsentissimum est oblatu panis: quem si vorarint, ut scribit Plinius, sese protinus recolligunt. Vitabitur id periculi si aliquot prius edenda, vel conspicienda odorandaque illis exhibeantur. Ex acerbis & syluestribus malis præstantissimum omphacium prælo vel trusatilibus molis exprimi potest: adhæc acetum in hunc modum. Per triduum mala in cumulo seruantur, deinde mittuntur in cadum, cui fontana aut pluuias aqua miscetur: ac opertum vas per triginta dies finitur, & subinde quantum fuerit aceti sublatū ad vsus, tantū redditur aquæ ad reparationem. Vinū quoque factitare sic solent multi ex generosis & domesticis malis, quod citream vulgò nuncupant. Eadem prælo, vel trusatilibus molis, tortium ius exprimitur: deinde rursus secundarium, frâcibus & retrimentis in aqua maceratis, ita ut pomea lora dici possit: non

*Iumenta dor-
suaria por-
tantes maius
sudare &
succubere.*

*Quomodo
ex malis
fiat ompha-
cium &
acetum.*

*Quomodo
fiat vinum
ex generosis
malis.*

Notanda diligenter & observanda.

An vino insit aqua experimētū pulchrū.

parui momenti ad restringendam sitim rusticorum per messes & fœnifecia . Quod mirum esse non debet: nam pomis, pyrisque inest vini proprietates, quemadmodum scripsit Plinius, similiterque agris medentes cauent: ac vino & aqua coquuntur, atque pulmentarij vicem implent. Priusquam hinc abeam, alienū à nostro instituto non erit memorare, quòd multi sequenti experimento deprehendunt, an aquis vinum fuerit infuscatum, ut Plautino utar vocabulo . Malum in vas iniiciūt, aut pyrum sylvestre, & si quidem super natauerit, vinum esse purum significat: si verò mergatur, aquam habere . Sed hoc ad nostra vinorum secreta transferendum erat.

Arboris Pyri, eiusque pomi, cura, auxilia, & secreta. Cap. V.

Quibus locis gaudeat pyrus.

Quibus modis proueniat pyrus.

PYRVS frigidis, humidis ac vberibus locis summè gaudet, quemadmodum scribit Diophanes, rei agrariæ apud Græcos doctor insignis. Gaudet etiam planis, in quibus lætior educatur. Palladius tale solū ei destinat, quale vinetis conuenit: nimirum lætum & non impeditum. Prouenit hæc arbor semine, plāta, & insitione. Quod tamen interest, sicuti post Plinium idem adnotat Palladius. Nam si quis pyrorum semen spargat, nasci quidem necesse est, natura originem suam refouente: cuius æternitati nulla tarditas potest adferre fastidium. Sed homini, cui, Hippocrate teste, vita brevis esse solet, hoc expectare lōgum est: cū & serò ita veniant fructus, & à generis sui

fui nobilitate decedant. Quæ sua planta feritur
 arbor, dulcedinem ac teneritatem retinet, diu ta-
 men seruata non durat. Quæ infitione compara-
 tur, moram ætatis sustinet. Crebris fossionibus,
 & humore frequenti pyrum gaudere, autor est
 Palladius: nam ita vegetior euadit, ac melius pro-
 ficcit: vsque adeò, vt tempore quo florere consue-
 uit nihil de prolato flore depereat, si eam tunc
 fossor adiuerit. Primos fructus, Plinio autore,
 facilè perdit, si cùm defloruerit, vel in florem de-
 fatiscit, protinus sequantur imbres, aut nubilum
 fiat, austrinumve cælum. Iuuabis plurimùm si
 interiecto anno qualelibet lætamen ei adiungas.
 Sed bubulum spissa & graua poma, vt loquitur
 Palladius, creare solet. Sūt qui cinerem misceant,
 hinc existimantes pyris argutiores sapes con-
 trahi. Non duxi omittendum, quòd pyro vita bre-
 uior esse solet, quàm pyraestro: quæ pyrus fieri re-
 cusat, & si ex vitiata pyro bene nascatur, vt tradit
 Theophrastus. Si sterilis fuerit pyrus & langui-
 da, fecundabitur eo artificio quod superius ex-
 pressimus. Plerique vbi adoleuerit arbuscula, altè
 solent ablaqueare, ex Columellæ præcepto, &
 iuxta radicem trūcum findere, ac fissuræ cuneum
 tædæ pineæ, aut ex fago vel quercu, vt vult Palla-
 dius, adigere, atque ita obruere. Si lapidosos fru-
 ctus emittit, iubet Quintilliorum agricultura ar-
 borem ad imas vsque radices deregere, & quicquid
 lapidosum inuenietur, secerni ac excludi: altera
 terra cribro excreta, alterius loco suffusa, & addi-
 to stercore reposita. Quod summè proderit, si ri-
 gare nō cessaueris. Si dulciora & copiosiora pyra

*Pyrus sata
 quid distet
 ab insua.*

*Summè notā-
 da pro flo-
 rēte & de-
 florēte pyro.*

*De stercore
 pyris apto.*

*Remedium
 sterilis pyri.*

*Ne lapido-
 sos fructus
 pariat py-
 rus.*

*Ut pyrus co-
piofus &
dulcẽ ferat
fructum.*

*Remedium
agrotantis
pyri in flore
aut à vermi-
bus infesta-
ta.*

*Pyra quo-
modo fiant
rubicunda
& effigia-
ta*

*Quando et
quomodo le-
geda ac cu-
stodienda
pyra.*

arborem tibi exhibere voles, trunco proximè ra-
dicem terebrato, cuneum ex fago, vel quercu, vt
longè antè Palladium scripsit Græcus Diophan-
nes, defiges, aut vini fæcem nudatis radicibus in-
stillabis. Si dum floret ægrotabit, curabis fæce vi-
ni veteris affusa radicibus ablaqueatis, per tri-
dum, regesta tum demum terra. Si à vermibus
infestentur arbor & fructus, radicibus felle bu-
bulo, vel taurino, frequenter imbutis & perun-
ctis, moriètur omnes, ac in posterum gigni pro-
hibebuntur. Sunt alia arboris huius auxilia & se-
creta, ex præcedentibus capitibus, & sequètibz
cruenda, ne sim repetendo molestus. Moro insi-
ta, rubicûda pyra feret, vt Tarentinus tradit. Mo-
dum effigiandi pyri in quas volueris formas, re-
quires ex præcedenti capite & sequentibus. Sed
de parente arbore satis: superest vt eius sobo-
lem aggrediamur: quæ hodie apud nos vsque-
adè creuit, & tot insitionum adulteratis con-
iugiis tam fœcunda ac multiplex euasit, vt sin-
gillatim persequi, sanè quàm difficile putem.
Quò fit, vt ad pyrorum condituram, reposi-
tionem & custodiam me conferre cogar. Le-
genda sunt pyra eo modo quo mala, eâque me-
thodo, nimirum die sereno, & blanda manu ne
vulnerentur, caducis & vitiatz, à sanis & integris
seclusis, decrescente Luna, & vegeto Solis calore.
Quod vbi factum erit, in picato vase diligenter
includètur: cuius os deorsum reclinabitur, atque
breui scrobe eo loco obruetur circa quem peren-
nis aqua decurret. Hoc Palladij est consilium &
præceptû. Democritus optimè seruari affirmat,
si

si illitis pice furculis vel pediculis suspendantur. *Varij modi reponendo-
rum pyrorum*
 Alij sapa, vel passò, aut dulci vino mersa, vasis ple-
 nis custodiunt. Sunt qui inter scobes obruant.
 Plèrique siccatis frondibus iuglandis inuoluta
 reponunt. Nonnulli in vinaceis discreta, ne se con-
 tingant, sepeliunt. Rustici inter paleas aut fru-
 menta seruant. Alij statim lecta cum tenacibus
 suis, vt loquitur Palladius, picatis vrceis condunt, *Notanda pro
custodiendis
pyris.*
 & oribus vasculorum gypso vel pice clausis, sub
 diuo obruta, sabulove tegunt. Seruantur omniũ
 optimè, vt reliqui fructus, melle: modò non se
 contingant. Fit vinum è pyris, perinde atque ex
 malis, quod nostrates pyraceum nuncupant. *Vinum py-
raceum.*
 Cuius modum require ex præcedenti capite, & alia
 pleraque huic pyrorum historiæ valde affinia &
 consentanea.

*Arboris Cotoneæ seu Cydoniæ, ac eius pomi cura, auxi-
lia, & secreta. Caput VI.*

ARBOREM hanc à M. Catone Cotoneam
 Appellatam fuisse tradunt, ac si diceres Ca-
 toneam, cum à Græcis longè antè Cydonia vo-
 caretur, à Cydone Cretæ oppido, vnde primùm
 aduecta fuit. Amat locum frigidũ & humectum,
 vt tradit Palladius. Quæ si in tepido statuatur,
 rigatione opus habet. Sunt qui scribāt illam sta-
 tum mediocris situs inter naturam frigoris & ca-
 loris libenter ferre, & in locis tam planis, quàm
 decliuibus facilè educari, quanquam inclinata &
 deuexa magis desiderat. Dum ponitur, si minor
 est, stercore iuuari debet: si maior, cinere vel cre-

*Cotonea ar-
bor vnde di-
cta.*

*Locus arbo-
ris cotoneæ
aptus.*

Stercus & rigatio cotoneæ, ad hæc fœsio.

Cotoneorū figura variæ.

Quomodo effigiata fiant cotoneæ

Remedium pro ægra aut sterili arbore cotonei, vel aliter laborante.

Autori molestia repetita.

tæ puluere, semel toto anno radicibus immisso. Rigāda est, Paxamo autore, quoties cœlestis negatur infusio. Nam sic poma sua citò matura & maiora dabit. Licebit etiam idoneis temporibus illam circūfodere, aliàs sterilefcet, aut ingenium mutabit. Sic verò in suo cotoneo disponetur, ne altera, quatiente vento, stillicidium alterius tangat, & combibat. Pomi illius figura simpliciter exprimi nequit, quoniam cotoneorum alia incisuris crispantur, colore ad aurum vergente: ex quo Græcis chrysomela, & Virgilio aurea mala, vt multis placet, dicta sunt. Alia cādidiore videntur, odoris præstantissimi. Alia struthea nuncupantur, serotino prouentu maiora, & nescio quid odoratius reliquis vibrātia. Habentur prætereà syluestria, parua & in sepibus plurimū nascētia. Quotquot sunt, tenui lanugine omnia pubescunt, & fragranti odore caput feriunt. Democritus in suis Georgicis græcis promittit cotonea cuiusque animantis effigiem repræsentatura, si in formatis fictilibus, aut insculptis vasculis adoleſcant, ea methodo quam in malorū historia præscripsimus. Si ægra fuerit arbor cotoneorum, amurca æqualiter aquæ remissa, radicibus affundatur. Aut calx viua cum creta & aqua temperetur, arborisque trūco illinatur. Si sterilis fuerit, infæcunda, vermiculosa, lapidosa, aut aliter laborans, recurre ad ea quæ superiùs tam generali, quàm particulari præcepto scripsimus. Nā pudet toties eandem, quod dicūt, incudem tundere. Ad condituram itaq; & repositionem, custodiāque cotoneorum venio. Quam ex pri-

fcis

scis Græcorum geoponicis, & Latinis rei rusticæ doctores, M. Varrone, Columella, Plinio, Palladio & aliis excerptam sic habere, & ausculta. Imprimis cotonea quàm maturissima & integerrima, sine macula, sereno cælo, ac decrecente Luna colligere debes: & in lagena noua, quæ sit patentissimi oris, deterfa qua canescunt lanugine, laxè ac leniter componere, ne collidi possint. Deinde cùm ad fauces vsque fuerint composita, vimineis surculis aut circulis sic erunt arctanda, vt modicè premantur, ne cùm humore fuerint imbuta, sustollantur. Tum quàm optimo & liquidissimo melle vas vsque ad summum ita replebitur, vt pomum quoduis ibi submersum videatur. Sed summopere tibi cauendum erit, ne immaturum illud & crudum reponas, alioquin ita indurescet, vt vsui esse non possit. Audio nonnullos cotonea osseo aut ligneo cultro (quod ferrum metuant) aperire priusquàm melli seruanda committant, adhuc semina eximere, à quibus pomum vitari putant. Res ridenda potius quàm audienda. Nã ea mellis est natura, vt vitia coërceat, nec serpere patiatur. Qua ex causa etiam exanimus corpus hominis per annos plures innoxium seruauit. Hæc ratio non solum cotonea custodit, sed etiam liquorem mellei & cotonei saporis exhibet, qui sine noxa potest interdum dari febricitantibus, & melomeli nuncupatur. Democritus lecta cotonea doliis musti ad fæcem vsque mergebat, atq; ita claudebat, vinum hinc odoratus reddi promittens. Alij in nouam ollam dolio vini innatantem illa recondunt, & dolium oblinunt.

*Quomodo
legenda &
seruanda co-
tonea.*

*Pulchra &
notatu di-
gna.*

*Admonitio
non asper-
nanda.*

*Mel putre-
dini resiste-
re, & vitia
quæque co-
ercere.*

*Varij modi
custodiendo-
rum co-
tonum.*

Sunt qui foliis fici obuoluta custodiāt. Plerique stupis, tomentove mundo vestita, in cistis concinnant & disponunt. Multi in scobe, vel milio, hordeo, aut auena, longo tempore incorrupta seruant. Sed in ea domo nec sunt condenda, nec reponenda vbi reliqui fructus fugaces, vel alij quique tenelli custodiri solent. Nam illos suo acerrimo odore vitiant ac labefactant, omniumq; maximè vuas in vicino situ iacentes. M. Cato in loco frigido & arido supra paleas rectè seruari putat, quemadmodū de malis diximus, quorum custodia cū cotoneis annuit & conspirat in multis. Non desunt qui fici, aut nucis foliis innoluta feruent. Alij creta figulina illinunt, siccataque in Sole, suspendunt, & dum vsus postulauerit, creatam diluunt. Plerique arculis ligneis separatim includunt, & in tabulato, siccissimo ac frigidissimo loco, vbi neque fumus, neque teter sit odor collocāt, ita vt flosculi sursum, pediculi verò deorsum spectent, nec alterum ab altero corrumpatur: deinde scobe populnea, vel abiegna interposita, luto paleato opercula munita superponunt, ne introire possit spiritus. Hæc ex antiquorum penu deprompta fusiùs persequi volumus, quòd aliorum pomorum custodiis maxima ex parte accommodari possint. Sed penè hîc præterieram cydonitem, seu cydoniatum, quod fieri solet decoctis cotoneis ex saccharo simpliciter, vel additis caryophyllis & cinnamomo, deinde expressis & asseruatis. Fit etiā vinum ex his tuis, & torculari, vel molis trusatilibus expressum, cui non nihil mellis addi debet, alioquin celeriter acore vitatur.

*Summè nota
sanda Et/
abseruanda.*

*Alij modi
seruandorū
cotoneorū*

*Quomodo
fiat cydonia-
tum.*

*Vinum cy-
doniatum.*

Arboris Pruni ac eius pomi cura, auxilia, & secreta. Cap. VII.

PRUNVS læto & humido solo gaudet, optimèque adolescit tepido cœlo: cum tamen & frigidum possit sustinere, quemadmodum scripsit Palladius. Si in locis glarcolis & lapidosis iuuetur lætamine, caduca pruna & vermiculosa nō gignet. Seri potest ossiculo in putri & subactō solo, modò duobus palmis altè obruatur. Ponitur etiam planta sumpta ex caudice, radicibus firmo oblitis. Iuuatur frequenti humore, & assidua fossione. Sed quæ Damascena vocatur, sicca terra & aëre calido lætatur, vt scribit Pamphilus Græcus in suis georgicis. Si læguida fuerit & minus ferax, amurca æqualiter cum aqua temperata radicibus infundi debet. Vel bubulum lotium solum, aut humanū, idque vetus, mistum æquis partibus cum aqua. Vel cineres è furno, maximè sarmentorū, vt ex Græcorū geponicis testatum voluit Palladius. Eadem arbor si à vermibus aut formicis infestatur, rubrica & pice liquida illini debet. Quod modestiùs tentandum erit, ne idem efficiat remedium, quod venenum. Alia auxilia ex superioribus tibi petenda, hîc mihi sunt tacenda, vt reliquis ex ordine suum concedam locum. Ab arbore itaque, ad fructum descendo, quem absque ossiculis tibi comparabis, si tenellam arborem ad binos pedes recisam vsque ad radicem findas, abraſaque & excauata scalpro vtriusque partis medulla, confestim seiunctas parteis vinculo constringas, superiorémque partem ac diui-

*Quo solo
gaudeat pru-
nus, et quo-
modo poma
vermiculo-
sa non gi-
gnat.*

*Quomodo
serenda pru-
na.*

*Remedium
languide
pruni, &
minus fera-
cis.*

*Remedium
contra ver-
mes & for-
micas pru-
nū infestā-
tes.*

*Vt nascan-
tur pruna
sine ossicu-
lis.*

furas laterum fimo, vel argilla, ceráve obducas, ac charta madida munias: elapso anno obfirmata cicatrice omnia coaluisse perspicias. Hanc deinde arborē furculis qui fructū non tulerūt inferes, & sine ossiculis poma proferet, siue illa fuerint pruna, siue cerasia, persica, mespila, palmulæ, lapidosæve corna. Prunorū differentiæ apud nos esse solēt innumeræ, & ferè inexplicabiles. Nā ex his alia reperiuntur herbaceo colore perfusa: alia rubro, semirubro, eburneo, luteo, purpureo, nigro, cæruleo, ac variegato. Quædā prætereà videtur magna, quædā parua, & quædā mediocria. Dulcia nonnulla, alia acida, vinosa, dura, mollia, rotūda, ouata, & oblonga. Quæ omnia post Catonē cœpisse scribit Plinius. Habetur & nucibus insita, quæ faciē, & succū adoptionis repræsentant, ab utroque parente nuci pruna appellata. Prima omniū laus Damascenis tradi solet, à Damasco Syriæ monte, ut scribit Galenus, oriundis & cognominatis. Seruantur optimè, ut tradit Pamphilus Græcus, cadis vino dulci, vel nouo expletis, modò in his fluitarint, & vasa diligenter operta fuerint. Secūdas parteis sibi vendicant, quæ pruni dactyla vocantur, à digiti longitudine, ut puto dicta: ouata pomi specie, & carne suauis, nec non insitionis magonio nusquā non nascētia. Quæ ex omni genere seruari debent, ea integra & sine vitio aut vermiculo, die serena legenda sunt, & in picata fidelia reponenda defruto aut passo plena, ut pomū omne demergatur: cui operculum diligenter gypsatum superaddetur. Siccantur etiam in Sole per crates, sicciore loco disposita, ut scribit Palladius.

*Prunorum
differentiæ
varia.*

*Nuci pruna
insuione
comparata.*

*Quomodo
optimè ser-
uetur pru-
na, & qui-
bus laus tri-
buatur.*

*Quæ serua-
ri debēt pru-
na, quomo-
do legenda
& reponē-
da.*

dius. Sunt qui in aqua marina, vel feruente muria, recenter lecta demergant, & inde sublata, aut in furno tepido, aut in Sole resiccant.

Arboris Cerasi, ac eius pomi, cura, auxilia, & secreta. Cap. VIII.

CERASVS frigidis & humidis locis delectatur, vt tradit Florentinus in suis Græcorum georgicôn placitis. Cui astipulatur Palladius, scribens cam frigidum cœli statum amare, & solum positionis humectæ. Plinius, septentrione, & frigidis aquosisque montibus gaudere testatur, adhæc scrobes altas amare, & spatia largiora, necnō assiduas fossiones. Vultque ramos illius putres, marcescentes ac siccos amputari: adhæc quos densius arctatos protulerit, nimirum vt rareſcat. In qua sententia etiam Palladius totus esse videtur, adfirmans præter hæc cerasum tanta esse ad comprehendendum facilitate, vt virgulta (necdum sparsa ossicula) in vitibus pro adminiculis posita, in arborem prosiliisse viderit: non omit- tens trunco ac nouellis ramis illius lanuginem quandoque innasce, quæ si obstinatè adhæserit, totum corpus arboris putrefacit, quare debet sedulo deradi priusquam inseratur trunco, alioquin officiet. Porro finum vsque aded horret oditque, vt admoto eo degenerare palam conspiciatur. Valde autem proficit ac iuuatur, si sui ipsius putamina falce concisa circum radices sepeliantur, ibique marcescant: quemadmodum adnotat And. Matthiolus commentariis suis do-

Quibus locis, quòve cœli statu gaudeat cerasus.

Quomodo tractanda arbor cerasi.

Ceraso summa facilitas ad comprehendendum.

Cerasum finem non gaudere, & quomodo stercoranda.

*Nulla arbor
sua fo-
bole tam pro-
pagat, quàm
Cerasus.*

*Quid Cera-
sus Francis
proprie ap-
pelletur, &
eius pictura*

*Cerasi fru-
ctus morosis
palatis gra-
tissimus.*

*Gradus ma-
turationis
cerasiorum.*

etissimis in Dioscoridem. Sanè nulla est arborum quæ suam sobolem & propagationem magis adaugeat. Nam eius humore & salivâ, seu fœcundo quodam spermate, grauida facta terra, in campis, montibus & sylvis adeò numerosas plântas concipit, procreat & parit, ut nihil numerosius, frequentius atque admirabilius occurrat. Speciosissimos sativiarum omnium fructus profert diuersorum generum, quò fit ut diuersa quoque sortiantur nomina: quæ hîc explicare non admodû laboro, contentus docere, quòd Francis Cerasij nomen fructus ille proprium sibi fecit, qui mediocri arbore nascitur (interdum pumila, quasi frutice, chamæcerasum rectè dixeris) pediculo breui, rotundulo pomò, pulcherrimè & iucundissimè inter virentia folia (carbunculi modo) rubente, dum maturuit: cui caro multa, mollis & succosa inest, officulum in meditullio claudens. Solet vsus eius maximè placere grato acore, vnde morosa ægrotantium palata mirè recreat, & prægnantium malaciis, antequam maturescat, summè expetitur. Quòd ad gradus maturationis attinet, primùm virent cerasia, mox albescunt, inde pellucido rubore illustrantur. Sunt quæ ab vno latere rubent, altero albescent. Quædam etiam nigricant. Alia maculis quibusdam interspersis distinguuntur. Vnde rectè Ovidius:

Quæque sibi vario distinguit poma colore,

Audiat hæc cerasus, stipēs inanis erit.

Florentinus rusticæ disciplinæ apud Græcos doctor insignis, tradit arborem cerasij fructum bonum

num & dulcem nunquam exhibituram, nisi fuerit alteri arbori insita. Quæ si humore nimio cō-
cepto putrescere obseruabitur, ex Palladij consilio, foramen in trunco excuari debet, quo ille possit educi. Si formicas patitur, succum portulacæ licebit affundere, cum aceti parte media mistum, aut fœcibus vini truncum florentis arboris illinere. Præcoces fructus dabit, si ante florum exortum, calx viua radicibus circumponatur, aut aqua calida sapiùs infundatur, sed postea paruo temporis tractu inarescit. Optimum est huius arboris poma interuelli, vt quæ relinquentur turgescant. Si quis, vt Florentinus tradit, Ceraso nigram vitem inferat, verno tempore vuas proferet. Si exossata habere cupis cerasia, hoc est ossiculis carentia, ex Gargilij Martialis sententia, vt Palladius adnotauit, teneram adhuc arborem ad binos pedes recides, & vsque ad radicem fines, abraq; ferro partis vtriusque medulla, illicò seiunctas partes vinculo perstringes, & summitatem ac diuisuras laterû fimo oblines: post annum ducta cicatrice dum diuortia coalescent: eidem arbori furculos qui adhuc fructum non tulerûnt inferes, & hinc sine ossibus poma recipies. Sed melius erit audire loquentem ea de re Democritum, rei agrariæ apud Græcos consultissimum. Si tenellum (inquit) cerasi caudicem radice tenuis scindas, nō vulnerata parte ima, medullamque ferramento ad eam rem apto eruas: deinde lacrymam cyrenaicam infundas aqua dilutam, donec sapæ consistetiam referat, & humente charta dictum caudicem, non neglecto admi-

*Remedium
putrescentis
cerasi.*

*Quomodo
fiant præco-
cia cerasia.*

*Quomodo
fiant cerasia
ossiculis ca-
rentia.*

*Vt Cerasia
prodeant e-
nucleata,
ex Demo-
crito.*

niculo, liges ac fulcias, ne lacryma effluere possit, ac rursus octauo die eadem lacryma perfundas, ut germina excitet: hoc faciens enucleatum fructum habebis, non dicam cerasi, sed alterius arboris pomum osculatum ferentis. Secreta alia & auxilia sunt de superioribus eruenda. Hic non omittam quod cerasus lauro conuenienter inferitur, sicuti in nostro Insitionum opusculo docuimus. Nam hinc quandam odoris gratiam sibi conciliat fructus, qui inter redolentia ac viridissima lauri folia speciosissimus spectatur, & à vermicibus minus infestatur. Quod ad condituram & custodiam attinet, ratio à Florentino Græco sic est tradita. Cerasia ante Solis exortum arbore sua decerpta mittuntur in vas cuius fundo substrata sit satureia, iterumque alternis sternitur satureia, deinde cerasia, usquedum vas oppletum fuerit: cui nonnihil aceti dulcis, vel, ut placet Ruellio, acidi mellis aliquantum dulcescentis, superfunditur, vase diligenter operculato. Seruantur etiam interpositis arundinum foliis alternatim, ut nunc dictum est, in cado digestis. Multi æstuante & candenti Sole, usque ad rugas siccant: vel blando & temperato ignis aut clibani calore, eoque modo optimè seruant, ad sanorum & ægrotantium usum.

Cerasum lauro conuenienter inferi.

Cerasiorum conditura et custodia.

Modi alij custodiendi cerasiorum.

Arboris Mori, ac eius pomi, cura, auxilia, & secreta.

Caput IX.

MORVS amat loca calida & sabulosa, Palladio autore, fossionibusque & stercore plurimum

rimùm delectatur, non in profundum, sed ad radicem vsque superficiem, vt Berytius Græcus geoponicus tradit. Assiduo humore non admodum gaudet, cui putria, arida & superflua, post triennium sunt putanda. Semine prouenit si lecta granula deponantur, sed rigari continuò desiderant. Seritur meliùs taleis & cuminumibus sesquipedalibus, vtraque parte laxigatis, & fimo oblitis. Plantę eius trāslatę scrobes altiores desiderant, & interualla maiora, ne altera vmbri alterius prematur. Vitibus summè est amica, vrbana- rum omnium nouissima, & serotino germinatu flo- rescens, nec nisi exacto frigore: ob id dicta arborum sapientissima, vt Plinius scribit: licet nomen fatuæ & stolidæ à Græcis adepta fuissè videatur. Folia eius vrina madefacta pilum coriis detrahūt, illis- que aluntur vermiculi qui mirabili naturę artificio & spectaculo sanequàm iucundo, sericum vellus nobis conficiunt. Sed hīc Mori Plinianum miraculum nobis tacendū non est. Morus, inquit, laurus & hedera mutuo attritu ignē facillè concipiunt: quod exploratorū vsus in castris, pastorūque industria reperit. Quoniā ad excutiendum ignem non semper lapidis occasio est, teritur lignum ligno, & arido fomite excipitur scintilla, sed nihil hedera præstantius quæ teratur lauro, laurūque terat. hætenus Plinius. Nonnulli scripserunt arborem Mori feraciorem & proceriorem fieri, si forato prorsus trunco, cunei inserantur terebinthi hinc, inde lentisci. Eadem, vt Berytius tradit, si populo albæ inseratur, vel inoculetur, candida

Quomodo tractanda & curāda arbor Mori.

Quomodo ritè proueniat morus.

Morus viti- bus summè amica.

Pulchra & notatu valde digna.

Mori lignū attritu ignē concipere.

Quomodo fiat feracior morus, & candidos ferat fructus.

*Quomodo
reponenda
& seruan-
da mora.*

mora proferet. Quæ Italia tam copiosa habet, quàm nos nigra, pomo cartilagineo constantia. Quod vnum exortu candidum est, dum pubescit, rubrum, vbi maturuit adeò nigrum, vt manus sanguineo tingat colore, qui moris acerbis optimè eluitur. De repositione & diuturnitate, Berytius hæc posteritatis memoriæ mandauit. Mora in vitreo vase diligenter condita plurimo tempore durant, proprio ipsorum iusculo & vino demersa, ac diligenter operata, modò non fuerint nimium matura, victa, & flaccida, seu languida.

*Arboris Persicæ ac eius pomi cura, auxilia, &
secreta. Cap. X.*

*Quibus lo-
cis proue-
niat Persica
malus.*

*Frigida lo-
ca & ven-
tosa persicis
exosa.*

*Quomodo
ponenda
persicorum
ossa.
Quâdo &
quomodo
transferen-
da persua
arbor.*

PERSICIS scatent Gallica rura, & maximè vineta. Proueniunt locis qualibuscunque: sed frondibus, pomis, & durabilitate præcellunt, si calidum cælum, arenosumque solum, nec non aridum fortiantur, quemadmodum scripsit Palladius, & ante illum Plinius. Frigidis locis & maximè ventosis, nisi obiectu aliquo defendantur, citò interit hæc arbor: quæ plurimum lætatur suorum foliorum stercoratione, & opportuna ablaqueatione. Ossa in pastinatis arcis sunt ponenda, binis à se pedibus separata, vt cum ibi plâtæ creuerint, commodè transferri possint. Nec debent altius duobus aut tribus digitis obrui, cacumine deorsum verso. Dum tenera erunt germina, sæpè herbis circumfossa liberari cupiunt, transferrique post bimatum scrobe breui. Sed à se non longè statuen-

statuendæ erunt arbusculæ, vt à calore Solis se inuicem excusent ac defendât. Quæ si irrigentur poma ferent maiora: nam assiduo potu hæc arbor inebriari desiderat, maximè per æstatem: nec alia est quæ coloniam frequenter mutare libentiùs sustineat. Habitu multò lætior euadet, vt Florentinus in suis testatus est Georgicis, si simulatque poma persica ederimus, illorum ossa ponamus & conferamus, carnis parte aliqua in eis relicta. Verùm, cùm arbor hæc celerem sentiat fenectam, pruno aut amygdalo amaræ inferendam esse præcipiunt Græci. Quæ si languida videbitur, veteris vini fæces aquæ mistas oportebit infundere: & frequenti aggestione cumulare, versperutinóque humore iuuare, ac obiectis umbraculis defendere, si ardore Solis siccata contabescat. In quam rem etiam proderit serpentis spoliū appendere. Si vermibus infestatur, cinere amurcæ misto extinguentur: vel bouis vrina cum aceti tertia parte confusa. Si à pruinis periclitatur, stercus illi ingeratur: vel vini fæces cum aqua permixtæ: vel, quod magis prodest, aqua in qua faba fuerit incocta. Contra vitia omnia proficit spartum alligatū, vel suspensa ramis sparteæ. Poma persica sine ossibus tibi comparabis, vt in suis Georgicis tradit Africanus, si in perforatum infernè truncum, excisa medulla, salicis vel corni palum adegeris. Vt persica admirandæ magnitudinis tibi compares, amygdalas item ac nuces & similia, accipies tres vel quatuor nucleos ex illis, quos ita coaptabis vt corpus vnum constituere videantur. Hos iunctos, & si opus fuerit, colliga-

Vt lætior euadat mal' Persica.

Remediū languida & tabescentis persica.

Ne à vermibus infestetur, aut à pruinis periclitetur.

Vt persica sine ossibus producantur

Modus ingensius vt fiant persica eximia magnitudinis.

tos, in vas aliquod terra stercoreata plenum im-
mittes plantabis ac sepelies: sed ita vt vas illud
foramen habeat in operculo per quod nucleorū
germen exire cogatur. Sic fiet vt nuclei illi in vnā
coalescant arborē, quæ suo tēpore fructus exi-
miæ magnitudinis ac pulchritudinis edet ac pro-
feret. Sūt qui nucleos nō in vas, sed fistulam aut
tubulū terra saturum mittant. Si id multò leuius
& facilius tibi comparare voles, diligenter inter-
legenda erunt persica illa quæ parua & languida
apparebunt, nimiaque vbertate matrem onera-
bunt: vt arboris succus ad reliquorum nutriti-
ta conuertatur. Sic enim saluæ copia in paucio-
res fœtus se conferens, illos altili saginabit incre-
mento, ac maiores reddet. Si rugosa nascantur
persica aut putrida, iubet Palladius circa inum
truncum corticem recidi: & cū inde modicus
effluerit humor, argilla vel paleato luto plagam
contegi. Si caduca & deflua fuerint persica, nu-
datis radicibus, cunci lentiseci vel terebinthi adi-
gantur: aut arbori terebratæ in medio, palus sali-
cis imprimatur. Si inscripta & figurata nasci cu-
pis, ex Democriti consilio id assequēris, si excisa
aut derafa carne pomi, os triduo in aqua made-
scat: & aperto sensim ligno, nucleus exclusus æ-
neo stylo cortice tenus, quibus placebit literis
aut figuris non profundè exaretur: deinde in suū
alucolum remittatur, & commissis carinulis, fi-
mo, charta, aut foliis inuoluatur, & seratur, rige-
rūque si opus erit: quidquid enim in eo nucleo
scripseris, aut figuraueris, enatum inde pomum
illud repræsentabit. Quod si voles rubrum ha-
bere,

*Via alia &
modus sa-
cilior.*

*Ne sint ru-
gosa persica
aut putrida*

*Ne caduca
& deflua
sint persica.*

*Quomodo
inscripta et
figurata na-
scentur per-
sica.*

*Vt rubra
nascentur
persica.*

bere, idipsum, eodem affirmate Democrito, obtinebis, rosis purpureis sub arbore confitis. Vel si in ossium internos sinus, post septem dies, quando patefieri incipiunt (nam totidem diebus obruta ossa sponte fatiscunt) cinnabarim vel minium infundas: & strictim obligata ossa illa, ut cohæreant simul cum suis nucleis, adhibita omni cura sepelias: sic rubra intus & in cute sua dabunt arbores persica. Si alium quemvis infuderis colorem, saporem aut odorem, in similem nata progenies degenerabit. Hic penè præteribam persicorum genera: quæ tria vulgo observari solent. Vnum populare, cuique notum: quod sub æstatis finem consuevit maturescere, citius, tardius, pro cæli & soli natura. Alterum ex re duracinum dicitur, quod caro ossi tam pertinaciter hæreat, ut auelli nequeat: Pressum vulgus nuncupat, quia interiori ligno caro, ceu agglutinata apprimitur. In quo etiam genere inveniuntur, quæ sanguinea pulpa, & succo manus inficiant: adhæc, quæ cotoneorum more, intus & extra valde flavescant. Tertium genus præcox & antepersicum appellatur, olim Armeniacum, initio æstatis maturefcens, & cætera persica longè præueniens: ex quo nomen habet: dicique solet à nostratibus Abriocum. Alia sunt genera olitorio mangonio, & infitionis adulterio prognata, quæ hic prudens omitto. Popularibus primi generis, Plinij seculo nihil fuit fugacius, nam longissima decerptis erat bidui mora, & ob id cgebant se venundari, ut scribit. Duracina, Palladio autore, muria & oxymelite condita, vel aceto mulso, optimè servan-

*Notanda
quia pul-
chra.*

*Persicorum
genera tria.*

*Persica san-
guinea &
flava.*

*Præcocia,
antepersica
& armen-
iaca.*

*Popularib⁹
persicu ni-
hil fugacius*

*Quomodo
custodienda
persica.*

tur. Eadem detractis ossibus, prunorum more, in Sole vel clibano siccantur. Sæpè etiam ossibus exemptis, melle condiuntur, sapore grato ac iucundo. Seruantur præterea si umbilicus eorum, gutta picis calentis oppleatur, & ita sapæ innatare cogatur, vase diligenter clauso. Quæ omnia etiam præcocibus, & aliis carne duriorè & minùs aquea constantibus, qualia sunt Parisiensibus Corbelliana, facilè accommodari poterunt: iis præterea quæ loco sicco & lapidoso nascuntur.

Advertenda quia pulchra.

Corbelliana persica.

Arborum Mespili & Sorbi, pomique earundem, cura, auxilia, & secreta. Cap. XI.

Mespilorum genera duo.

Vnde magnitudo in mespilis.

Quibus locus gaudeat mespilis.

MESPILVS Gallis nunc Meslierus, nunc Neflierus vulgò dici solet. Cuius duo obferuantur genera. Vnum, quod rarioribus spinis horret, in dumetis, nemoribus, & viuis sepius, quasi sylvestre nascens. Huic pomum paruum inesse solet, & per initia tam acerbum, vt vix edendo esse possit, nisi hyemis frigorebus mollescat. Alterum grandiore pomo sese profert, ita vt magnitudine mala sæpenumero peræquet, absque vllis spinis: quòd crebro insitu & cultu in hortis habitasse, & feritatem deposuisse dubium non est. Locis calidis gaudet, sed tamen irriguis, vt tradit Palladius. Frigidis etiam prouenit, sabulone pingui, aut glareosa terra cui arena permista sit, vel argilla cum saxis. Putari amat, necnon circumsodi, & parco humore inter siccitates refocillari. Nostrates ligno huius ad

vena-

venabula & aurigarum flagella vti plurimùm solent. Vermibus in senecta crebrò infestatur mespili arbor, qui prægrandes, & quàm ceteris arboribus diuersi cernuntur: purgandi æreo stylo, vt Palladius admonet, atque amurca, vel humana vrina vetere, aut viua calce perfundendi, sed parcius, propter arboris noxam. In quam rem plurimùm etiam proderit decocti lupini aqua. Si labuntur poma, frustum de eius radice præcisum, in media truci parte figatur. Si molestæ sunt formicæ, rubrica cum aceto & cinere temperata necabuntur. Arbori huic pomum rotundum esse solet, ac viride dum pubescit, fuluū verò ac molle dum maturuit, fundo in latitudinem resimo & barbatulo, coronæ modo, quod Politianus in Rustico sic expressit, *Regumque altas imitata coronas, Mespila*. Inest illorum pomo astringens ingenium. Galenus communi vocabulo tricocum, quasi triossum, aut trigranum ab aliquibus appellatum dicit: quoniam tria intus grana, siue lignea ossicula, seminis loco plurimùm continet. Quod ad custodiam attinet, in parète arbore diu durare possunt mespila, vel in vrceolis picatis, vt habet Palladius, aut in ordinem suspena. Vel, vt quidam volunt, posca aut sapa condita. Die serena legi debent circa meridiem, & paleis obrui discretæ, ne vicissim contactus ea vitiet. Si cum pediculis semimatura legantur, & salsa aqua per dies quinque macerentur, postea sapæ infundatur vt enatent, perbellè seruantur. Quod facere si nequeas, etiam melle, si minus matura collegeris, rectè custodies. Per gelicidia acerbitate domita,

*Quomodo
à vermibus
expurganda
sit mespilus.*

*Ne labantur
poma mespili,
& molestæ
sint formicæ.*

*Pulchra descriptio
fructus mespili*

*Quomodo
custodienda
mespila.*

*Notatu digna
quia
pulchra.*

in passo vel mulso à plerisque decoquantur, addito cinnamomi momento. Sed cùm hîc hortulanum agam non Apicium, isthæc cocis curanda relinquo.

Quenam loca Sorbis apta.

SORBUS, Gallis Cormierus, vel Sorbierus dici solet. Amat loca humida, montana, & frigidis proxima; vt scribit Palladius. Quod ex Theophrasto translatum esse videtur, qui sorbum viuacem esse prodit solo aliofo & humecto: vnde paulatim sterilefcere tradunt, si ad feruentia loca deuenerit. Nascitur semine, radice & auulsione.

Notanda pro educatione Sorborum.

Quæ si transférèda est, robustior esse debet. Scrobem altiore desiderat, & spatia longiora: vt (quod illi maximè prodest) à vêtis frequentibus agitata grandescat, quemadmodum tradit Palladius.

Quomodo à vermibus liberetur sorbus.

Vermibus rufis & pilosis summè est obnoxia per senectam, qui medullæ interna sectantes, arborem ad interitum tabémque perducunt. A quibus libera euadèt, si aliquot ex iis sine arboris iniuria detracti, vicino concrementur incendio, nam ita vel fugere, vel perire creduntur. Si minus ferax fuerit arbor, tedæ cuneus radicibus inferendus est. Vel circa partem vltimam fossa facta, cumulo ingesti cineris adæquanda. Ante trimatum non censetur esse fœcunda: cuius fructus cùm largè proueniunt, vuæ modo fæcti, congestique visuntur, ex vno petiolo faui speciem præbentes.

Vt ferax & fœcunda fiat sorbus.

Pomorû sorbi differentie quatuor

Hos vermiculus etiamnû crudos, acerbissimósque exest, vt scribit Plinius: qui pomorû sorbi differentias quatuor statuit, vni rotunditatem mali ascribens: alteri turbinationem pyri: tertio oualem formam: quartum torminale nuncupat, remedio

medio tantum probabile. Seruantur hoc modo:
 Lecta duriora ac posita, ubi mitescere cœperint, *Quomodo*
 fictilibus vrceolis vsque ad plenum clauduntur, *seruanda*
 gypso desuper tectis: postea scrobe bipedanea *forba.*
 loco sicco & aprico merguntur, ore peruerso, vt
 loquitur Palladius, & terra spissius calcata. M. Ca *Alij modi*
 to in sapa diu posse seruari tradit. Cui subscribit *custodiē o-*
 M. Varro, addens in arido ubicunque posita, fa- *rum sorbo-*
 cilè per se durare. Quæ etiam dissecta, nonnulli *rum.*
 in Sole, vt pyra siccant, seruântq; vasculis in hye-
 mem. Cum vti volunt, aqua feruente macerant,
 ac ita reuirescere cogunt, sapore sanequàm iu-
 cundo. Alij integra cum ramis dolio picato su-
 spendunt, illitis pice omnium furculis, exclu-
 sâque aura quacunque operculo ac gypso, dolia
 ab aqua & humiditate procul esse saragût. Qui- *Pulchra &*
 dâ, vt tradit Columella, in defruto illa commodè *netatu de-*
 seruant, addito spissamento aridi fœniculi, quo *gna pro sor-*
 deprimantur, ita vt ius supernatet: deinde picato *boris reposi-*
 operculo vas claudunt, & gypso illinunt, ne quis *tione.*
 possit intrare aut abire spiritus. Fit ex maturis sor- *Vinum, om-*
 bis, sicut ex malis & pyris vinum apud multos: *phaciū, &*
 adhæc, omphacium & acetum ex immaturis. *acetum ex*
sorbis.

Arboris Nucis, seu Iuglandis, eiusque fructus, cura,
auxilia, & secreta. Cap. XII.

Nv x, siue Iuglans, arbor est pueris ac senibus *Quibus lo-*
 notissima, quæ locis siccis & frigidis gaudet, *cis gaudeat*
 necnon lapidosis, quemadmodum post Plinium *nux.*
 scripsit Palladius. Columella agrum calidum, du-
 rum & siccum desiderare tradit. Potest tamen &

*Quomodo
serēda nux,
& ante sa-
tionem pra-
paranda.*

*Notāda pro
nucum po-
sitione &
plātatione.*

*Quomodo
& quando
transferen-
da nux.*

*Nucem de
omni us ar-
boribus citō
ac facili
prouenire.*

locis temperatis iuuante humore educari. Seren-
da est nucibus suis eo modo quo amygdalus, sed
prius ficcari debēt in Sole, vt exhaustiatur humo-
ris noxium virus. Idem Columella præcipit eas
macerandas esse in aqua mulsa, nec nimis dulci
ante depositionem: nam ita iucundioris saporis
fructum cū adoleuerit arbor præbebit: ac inter-
rim melius & celerius nascetur. quod de Auella-
na multi intelligēdum censent. Palladius admo-
net nuces eas transuersas ponendas esse, vt latus
ac commissura terræ infixæ sepeliatur, & cacumē
ad Aquilonis partem vergat. Columella ternas
in trigonum statuit, sed ita vt pars acutior sit in-
frā (quia inde radices mittit) & nux à nuce mini-
mè palmo absit, ancépſq; ad Fauonium spectet.
Vt vt fuerit, lapis vel testa subter apponi debet,
vt radicem nō simpliciter, sed repercussū disper-
gat. Hęc de iuglādibus obscurē tradita, ad amyg-
dalas cum Plinio libenter detorquerem: & si iu-
glandes nuces commissuris iacentibus porrectas
optimè feri præcipit. Quarum arbor quò sæpius
transferetur, eò lætior euadet. Quod fieri expe-
dit, dum bima est in locis frigidis: in calidis verò,
dum trima. Cuius radiculae rescari non debent,
vt fieri solet in aliis arboribus, quin potius bu-
bulo fimo tingi, vel quod melius erit, cinere in
scrobibus respergi, ne stercoris calore aduratur
arbuscula. Nulla est arborum (post cerasum) quæ
vel facilius, vel melius proueniat. Cuius rei testē
proferemus Ouidium, apud quem nux querula
hunc in modum loquitur:

Sponte

Sponte mea facilis contempto nascor in agro:

Parsque loci qua sto, publica penè via est.

Scrobibus altis admodum delectatur, vultque interualla magna, quia stillicidiis foliorum suorum, proximis vel sui generis arboribus nocet. Ita enim frondis proiectu diffunditur, ut per ipsam non defluant imbres, sæuâque scilla est, quem admodum scribit Plinius. Apud quem etiam longo umbram arboris huius, satis quibusque non nutricem esse, sed nouercam, unde quæcunque attigit haud dubiè venenat. Arbor hæc inferiore sui parte fertilior esse solet, neque cariem, neque vetustatem sentiens. Idque de multis singulare habet, quod se frangi sonitu prænunciat, ita ut præsentire homines possint. Quod in Antandro contigisse tradit Plinius, omneitque è balneis terrefactos aufugisse. Sed mirabilis esse solet illius cum quercu antipathia: tam enim pertinaci odio dissident, ut iuxta nucem iuglandè depacta quercus moriatur, imò verò altera in alterius scrobe posita elanguescit: & si nucem in quercum senio mutari nonnulli tradiderint. Damageron in suis Georgicis græcis scribit, nucem meliorem fieri, meliùsque adolescere, si vrina pueri impuberis, vel nondum Venerem experti, diebus quinque præmaceretur, antequàm terræ committatur, & ita plantetur. Quod etiam in amygdalis commendatur, ut sequenti capite scribemus. Si caudici, vel radicibus cinerem iugiter affuderis, corticis teneritudinem & nuclei fragiliorem carnem, fructuūque densitatem procurabis. Eadem lætior euadet, ac citò adolescet, si cupeum clauum,

Nucis arboris stillicidia nocere, adhac umbrâ.

Mira de noue arbore, et notanda.

Nucis & quercus summa antipathia.

Quomodo nux optime dolescat.

Quomodo cortex nucis fiat fragilis.

Quomodo nodosam duritiem exuat nux, & fructum non perdat. aut ligneum palum ad medullam vsque transfixeris. Nodosam duritiem exuat, ac nuces facile friabiles dabit, si truncum terebro per medullam traieceris, atque foramini parem vltimi cuneum adegeris. Si fructum amittit, & defluum habet, verbasci radicem, vel coccineum pannum detritum, & sterquilinio acceptum, amuleti vice suspende, aut illiga. Hæc Damageron. Ad Palladium redeo. Si senectæ vitio, inquit, excauetur iuglandis arbor, longus canalis à summo trunco ad imum excudi debet: sic enim Solis & venti beneficio difflantur ac durefcunt quæ in marcorem transibant. Arcebitur autem hiantis cauernæ vitium, frequenti arboris ablaqueatione. Si prædurum & lignosum fructum gignat, cortex in orbem vulnerandus erit, vt noxij humoris vitium deducatur. Alij radicum summa præcidunt. Plerique terebratæ radici buxum cuneum imponunt, aut cupreum, ferreumve clauum. Africanus

Ne vitio senectæ excanetur nux & interhiet.

Ne lignosum fructum nux progignat.

Quomodo gignantur nuces absque putaminibus

Notanda quia valde pulchra.

pollicetur in suis georgicis, iuglandes sine putaminibus nuces edituras, quas Tarentinas nuncupant, si fractis vtrinque carinis, integer nucleus illæsa prorsus carne, lana aut vitigineis foliis recentibus obuoluatur, quò minùs à formicis enucleatus arrodatur, dein terræ mandetur. Africanus subscribunt Florentinus Græcus, & Palladius Latinus, promittitq; ille, amygdalis idem euenturum, si trunco & radicibus assiduè cinis circumfundatur: imò verò & reliquis fructuum generibus, quæ testam forinsecus habent, si iuxta præcedentem modum eorum arbores plantentur. Quod nuciferæ arbori quæ ætatem tulit, si voles

les accommodare, lixiuio per annum continuum
 ter in mense rigabis. Caterum quia arbor hæc
 fata quæuis, ut diximus, sua umbra & præsentia
 lædit, atque hortis ob id inutilis esse censetur,
 (hanc nisi in extremo margine fundus alat) idcir-
 cò cuperèt plerique rationem inire, qua vel arc-
 sceret, vel annosa & grandis facilè extirparetur.
 His Democritus hunc in modum satisfacit. Ie-
 iunus (inquit) lentis grana aliquot mande seor-
 sum: quæ dum adhuc in ore versas, pubescentis
 flore iuglandis ramum quem volueris demorde,
 arbor paulatim distabescet. Id si non placet, fla-
 grans igni clauus (vel lentis granum, ut legit Ruel-
 lius) radicibus imprimatur. Aut in traiectam te-
 rebro arborem, puerile lotium, vel cuneus myr-
 teus immittatur: præsertim dum floret. Aut radi-
 ci ablaqueatæ dictamnus, faba, vel pannus men-
 struo muliebri imbutus, admoueatur: nam ita ar-
 bor tabida ariditate conficietur. Sunt qui in te-
 rebratam medullam viuum argentum iniiciant.
 De extirpatione quarumcunque arborum, quan-
 do huc incidimus, hæc apud Plinium reperi. Syl-
 uæ extirpandæ rationem Democritus prodidit,
 lupini flore in succo cicutæ vno die macerato, &
 radicibus ablaqueatis resperfo. Sunt qui sub die-
 bus Caniculæ illas ad medullam perforèt, & pe-
 troleum cum sulphure iniiciant. Ferè hîc præte-
 rieram quod à multis traditum & obseruatum
 audio, nimirum nucem arborem crebra vapula-
 tione emendari & fœcundari: vel fidem faciente
 hoc populari disticho,

*Quomodo
 nucifera ar-
 bori quæ æ-
 tatem tulit,
 succurratur*

*Quomodo
 facile extir-
 panda sit Et
 perdenda
 nux annosa*

*De extirpa-
 tione qua-
 rumcunque
 arborum.*

*Nux vapu-
 lando, ut
 mulier Et
 asinus, emē-
 datur.*

*Nux, aſinus, mulier, ſimili ſunt lege ligata,
Hæc tria nil rectè faciunt ſi verbera ceſſent.*

*Prognostico
fertilitatis
vel ſterilita-
tis à nuce.*

His utcumque poſitis non prætermittam pulcherrimum fertilitatis, vel ſterilitatis præſagium & prognosticon, quod ex nucis arbore Virgilius poſteritatem latere noluit, licet multi amygdalæ aſcribant:

*Contemplator item (inquit) cùm ſe nux plurima
ſylvis*

*Induet in florem, & ramos curuabit olenteis:
Si ſuperant fructus, pariter frumenta ſequentur,
Magnaque cum magno veniet tritura calore.
At ſi luxuria foliorum exuberat umbra,
Ne quicquam pinguis paleæ teret area culmos.*

Hic diſſimulandum non arbitror, quòd Iuglandis cortex lanis tingendis, & ruſandis capillis, Plinio autore, adhibetur. Quinetiam digitos & manus ſuo attritu inſuſcare ſolet. Quod nux que rula ſic apud Ouidium teſtatur,

*Noſtra notat fuſco digitos iniuria ſucco,
Cortice contactas inſiciente manus.*

Fructus nucis pulcherrima deſcriptio & pictura.

Sed omiſſa arbore, ad eius fructum, ſi placet, veniamus, quem duplici munimento & inuolucro tegi, nullus eſt qui non videat, puluinato primum calice, herbaceoque cortice: mox ligneo putamine, compactili carinarum loculo, & tenui tunica intus armato, quot modis fœtus in parente ſolet eſſe, ut ſcribit Plinius. Quæ cauſa nuptiis religioſas fecit nuces: olim à Regibus è Perſide tranſlatas, & ob id regias ac perſicas nominatas, ut autor eſt ille idem Plinius. Hic non

*Cur nuptiis
religioſe
ſint nuces.*

nō tacebo, quòd à capitis grauedine, quam foliorum odore in cerebrum penetrante, nux inducit: nec non à grauitate vmbrae, karyon Græcis dici solet: quibus kara, Attico idiomate, caput significatur. Sic à Latinis ob easdem causas, à nocendo nux (vt opinor) nomen habuit. Cæterum iuglandē nuncupari volunt, ac si diceres Iouis glādem, interlisis literis. Quo nomine primo mundi æuo ita appellatam fuisse plures tradunt. Quippe cū homines diu glandibus victitassent, inuenta tandem arbore quæ nuces ferebat, degustato nucleorum eius sapore, dulcedine illorum mirum in modum illecti, nuces, Iouis glandes ob præstantiam & excellentiam appellauerunt. Ad pensum redeo. Nucibus cortex sponte exutus maturitatis indicium præbet, ac tempestiuitatem fatetur, ex quo tunc excuti debent. Seruantur optimè vel paleis obrutæ, vel arena, vel foliis suis aridis, vel arca ex ligno suo facta, si in ea claudantur, vel si cepis remisceantur. Quibus hanc contubernalis hospitij vicissitudinem rependūt, vt eis acredinē tollant, & proinde suauiores reddāt, quemadmodum Palladius adnotauit. Apud quem Gargilius Martialis (cuius meminit Seruius in Georg. Virgil. vt antea monuimus) asserit se expertum nuces post annum virides inueniri, si liberæ putaminibus suis melle demergantur: additque, ipsum mel ita medicabile fieri, vt ex eo concinnata potio faucibus & arteriis medeatur. Sed hæc sequenti narrationi medicæ erant contextenda. Istud pro coronide erit. Si in aquæ situlam virentis iuglandium cortices tusos immise-

Notāda de nominibus nuxis & eorūdem etymo.

Vnde nuces iuglandes vocatæ.

Quādo naces mature indicandæ.

Quomodo optimè seruentur naces.

Quomodo nuces post annū virides inueniuntur.

Terrestres lūbrici à corticibus iu-

glandis excitantur. ris, & aqua illa terrā perfuderis, videbis lumbricorum ingentem copiam emergere. Quod piscatoribus scriptum sit.

Arboris Amygdali, eiúsque nucis, cura, auxilia, & secreta. Caput XIII.

Locus aptus amygdalis.

Quomodo plantanda amygdalis.

Notāda & aduertenda

Noua amygdala pangenda, & quomodo illis succurrendum.

AMYGDALVS agrum durum, siccum & cal-
culosum amat, adhæc cœlum calidissimum.
Quæ quia maturè florere consuevit, præcocique
partu, pro cœli & soli natura germinare, idcirco
Palladius ita statuendam præcepit, vt meridiem,
si fieri potest, semper spectet. Plantatur, Florēti-
no autore, à nuce, viuiradice, & auulsione, vel sto-
lone. Nuces quæ feri debent, pridie liquido fimo
macerantur. Sūt qui hydromelite, aut aqua mul-
sa madefaciant, & noctem vnā ibi esse sinant,
vt mellis mordacitas germen non extinguat, &
iucundioris saporis arbor fructum præbeat, cum
adoleuerit: meliúsque & celerius frondeat. quod
de amaris amygdalis multi intelligendū censent.
Vt vt fuerit, amygdali nux in terram recta figi de-
bet, ea parte quæ acuminata est, ita vt lignosior
pars sursum vergat. Sed quæ pangentur amygda-
la, noua sunt eligenda, ac vegeta & recentia. Qui-
bus si siccitas intercesserit, terna succurremus ri-
gatione in mense, herbis que nascentibus & no-
centibus, circumfodiendo, emergentem arbuscu-
lam sæpenumero liberabimus. Terra seminarij
Palladio adnotante, lætamen admistum habere
debet, spatiis inter arbores xx pedum distanti-
bus. Adollescentes arbusculæ & nouellæ diligen-
ter à

ter à pecore sunt seruandæ, quia si ab illis roduntur, amarescunt. Dum floret arbor, circûfodi non debet, quia inde flos excutitur : cuius ea est natura, vt in senio fœcundior sit, quàm iuuenta . Hoc loco minimè prætereundum duxi, quòd amygdalus sola minùs ferax censetur : associata, fructû dat celerius. Equinum finum, eiùsque vaporem summè odit : maximè circa germinationē & flores : Hinc nimirum plures amygdalinas arbores sterilefcere & siccescere obseruatum est . Theophrastus tradit, & post eû Plinius, ex amaris dulces fieri amygdalas, si stipite circûfosso, & ab ima parte perforato, defluens vndique pituita detergeatur . Quod Africanus in suis Georgicis græcis etiam monuisse videtur, hunc in modum scribens. Ex amaris dulces fient amygdalæ, si circumfossò stipite quatuor digitis à radice cauernula imprimatur, per quam lacryma quotannis effluat, donec dulcescat fructus . Idem fiet si circa radices ablaqueatas, vrina & suillum sterminus largius infundantur, deinde terra exaggeretur, & sepius id repetatur: aut truncus medius terebretur, & cuneus ligni, melle oblitus imprimatur, vt habet Pallad . Quin teneram & dulcem, ex dura & amara efficies, eodem Africano autore, si radicibus ante floré circumfossis, aqua calida frequenter ingeratur. Quod Gargilio Martiali, suo more, parum prudenter ascribit Pallad . Fructum facillimè amittit, nedum florem, si austrinum fiat cœlum atque nûbilum. Cæterùm, ex sterili fructiferam reddes, vt scripsit Democritus in suis de re agraria commentariolis, si radices hyeme nuda-

*Amygdali-
na arbuscu-
la à pecore
defendēda.*

*Quomodo
ex amaris
dulces fiant
amygdalæ.*

*Quomodo
fiant teneræ
& dulces
amygdalæ
ex duris &
amaris.*

*Quomodo
ex sterili*

*fiat fructife-
ra amygdala
lus.*

*Vt fructum
copiosum fe-
ret amygdala
lus.*

*Remedium
aduersus
pruinam.*

*Quomodo
in scripta
nascatur a
mygdala.*

*Pulcherri-
ma pictura
amygdala-
rum.*

*Quando
mature a
mygdala,
& quomo-
do seruantur.*

ueris : vel in perforatam arborem, vt vult Colu-
mella, lapidem adegeris. Quòd si perseverauerit
folia ferre, fructum verò nullū dare, partem trun-
ci iuxta terram forato, vel potius radicem, vt le-
git Palladius, & pinguis tedæ cuneū in foramen
transfigito, humanāque vrina affusa obruito: aut
filicē sic inferere, vt libro tegente claudatur. Theo-
phrastus copiosorem fructum dare promittit, si
ferreus palus arbori adigatur, impressioque fora-
mini querneus inseratur paxillus : quo modo in
arborem animaduertitur, ac si iniuria lasciui-
ret. Vbi à pruina metus erit, Gargilius Martialis hoc
remedio subueniri ait. Antequā floreat amygdala
radices nudentur, & albi lapides minutissimi
arenis remissi congerantur : atque vbi iam tem-
pus videbitur vt debeat germinare, effossi sub-
moueantur. Porro, in scripta nascentur amygdala,
vt Democritus in suis adnotauit Geoponicis,
& Palladius cōfirmavit, si aperta testa sanus tol-
latur nucleus ac integer, & in eo quod libuerit
scribatur: inuolutusque papyro, & luto intectus,
necnō suillo stercore diligenter circūlitus obrua-
tur. Itaque de arbore & eius secretis hætenus.
Cuius nucas, quas & amygdala & amygdalas
nuncupauimus, gemino operimento tegi nullus
est qui nō videat : puluinati primū calicis, mox
lignei putaminis multos scarificatus sustinētis, &
in rimulas varias dehiscētis, cui solidus subest
nucleus. Maturitatem fatentur omnes, vt tradit
Florentinus, cū spoliata fuerint corticibus. Quæ
si muria lauentur, candidæ fient, & longo tem-
pore incolumes perseverabunt : sed ante reposi-
tionem

tionem debent in Sole ficcari . Si collectæ difficulter corium exuant , paleis obrutæ illud facile relaxabunt ac deponent . Si illas ad magnitudinem mirandam prodire desideras , Persicorum caput consule . Quod ad longævam attinet custodiam , absque vlla hominis cura, vllôve externo auxilio, diu seruari possunt, modò locum natæ fuerint idoneum & opportunum, qui austris minimè pateat, & sitû ac marem nō admittat.

Arboris Punicæ, ac eius pomi, cura, auxilia, & secreta. Cap. XIIII.

NUNC demum agendum mihi restat de arboribus quarum fœtus admiramur , palpamus, & gustamus, sed parentes ignoramus , non videmus, & desideramus . De Punicis , inquam, Aurantiis , Citriis , Limonibus , Ficu & Olea. Quæ tametsi in septentrionalibus hortis nostris & agris non nascantur, nec foueantur, de his nihilominus hîc scribere non detrectabo , vt labor noster, opera & studium, omnibus ex æquo proficit . Sanè huiusmodi arbores climati nostro cum suis fructibus vsque adeo sunt implacabiles & infensæ, vt nullis blâditiis, nullis officiis, nullis obsequiis apud nos habitare velint , etiam si mitioribus locis hospitia illis designemus & offeramus : tantus est patriæ & natalium amor . Sed missa longiore præfandi mora, ad rem venio. Arbor Punica nostratibus Granata vulgò dici solet. à granorum seu acinorum multitudine. Cuius pomum vnà cum arbore nobilitauit Carthago:

*Mirus aut
ris cãdor et
modestia.*

*Quo cælo
& solo gau-
deat Puni-
ca.*

*Quomodo
serenda Pu-
ni.ca.*

*Ne findatur
Punica ma-
la.*

*Flos Puni-
ca qualis.*

*Ne florē &
fructū amit-
tat Punica.*

*Punicū ma-
lū unde Gra-
natū appel-
latur.*

*Punicorum
species.*

indéque nomen sibi adoptauit. Calido aëre gau-
det, & in locis minimè aquosis plātatur, testimo-
nio Florentini Græci, cui Palladius post Plinium
suffragatur: additque solum macilentum ac cre-
tosum amare, sed in pingui quoq; prouenire. Se-
ritur plantis de matrum radice auulsis. Sed me-
liùs procedet, si ponédus ramulus de gēmata as-
sumatur matre, & scilla radicibus immittatur:
nam ita lætior ac fœcundior fiet. Si tres lapilli in
radice constituentur, prouidebunt ne poma fin-
dantur, quemadmodum scripsit Palladius. Riga-
tum & purgationem desiderat: solaque hæc ar-
bor, cum vite & ficu, caudice fisso non emoritur,
breui alioquin viuens spatio. Flos illi puniceus
esse solet, oblongus & calathi effigiem repræsen-
tans, aspectu sanequàm iucūdo: balauustum vul-
gus nūcupat. Quanquam non sum nescius Dio-
scoridem satiuæ punicæ florem cytinum appel-
lare, syluestris verò balauustum: cui Plinius non
subscribit. Perdit facilè ante maturitatem fructū,
roribùsque nimis & pruinis florem: qua de cau-
sa ramos eius inflectunt coloni, ne subrecti hu-
morem infestum excipiant & contineant. Pro-
lem sursum versus procreat, quæ corio & mem-
brana tegitur, fœctis intus numerosis acinorum
granis, vnde Granati nomen. Qua voce vtuntur
antiquorum plerique cum Columella. Scio non
deesse qui pomum hoc ita nuncupatum velint à
Granata regione Hispaniæ, quòd inibi numero-
sa proueniant punica. Quæ triplici specie à Dio-
scoride distinguuntur: in dulcia, acida, & vinosa
seu mista. In quibus & fructus, & acinorum ma-
gnitu-

gnitudine, adhæc liquoris copia præcellūt vino-
lenta. Plinius species quinq; fecit, dulcia scilicet,
acria, mista, acida, & vinosa. Acida fieri credūtur,
si assidue rigentur, nam siccitas in his & suauita-
tem præstat & copiam: cuius tamen nimietati, vt
Palladiano vtar verbo, aliquid debet humoris
opponi. Si ex acidis dulcia facere voles, sterco-
re suillo & humano, vrinæque vetere radices irri-
gabis, Columella autore. Quin & nos, ait, etiam
exiguum admodum Laser Cyrenaicum vino di-
luimus, & ita cacumina arboris summa obleui-
mus: ea res emendauit acorem malorum, & apy-
renum, dulcémque fructum fecit. Paxamus Græ-
cæ agriculturæ professor. peritissimus, eam in
rem arboris radices circumfodi iubet, suillumque
stercus sublini, deinde terra superingesta, hu-
mano lotio rigari. Sed de hoc, inquit, in alio no-
stro Georgico opere perfectiùs à nobis dictum
reperies. Georgicum opus illud desiderari intel-
ligo, vt alia antiquorum pleraque, magna rei li-
terariæ iactura. Rursum ex acidis dulces facies,
si ablaqueatis radicibus tedæ clauum infigas.
Sunt qui algam marinam radicibus obruant, &
ei asininum stercus cum porcino remisceant. Ne
punica in sua rumpantur arbore, remedio sunt
lapides tres ad radicem collocati, dum feritur
arbor: quæ si iam sata est, scilla secundum ra-
dices plantanda venit. Aliter cùm matura fue-
rint punica, antequam rumpantur, petioli qui-
bus dependent sunt intorquendi. Quæ res etiam
præstat vt anno toto viridia seruari possint in
arbore, quemadmodum ex Columella Plinius

*Quomodo
punica fiat
a ida.*

*Quomodo
ex acidis
dulcia euan-
dant.*

*Modus Pa-
xami pul-
cherrimus.*

*Alius mo-
dus.*

*Ne findatur
punica in
arbore.*

*Quomodo
punica ser-
uabitur vi-
ridia in ar-
bore.*

& Palladius adnotarunt: vel potiùs ex Florentini & Africani Græcis Georgicis, & ij & ille transcripserunt. Sed præter iam dicta, idem Africanus in excauatos scrobes, dum pangitur arbor punica, cochleas iniicit, si quidem reperiri possint: vel scillæ bulbos vnà mittit, cæca quadam naturarum discordia. Tradunt in miram magnitudinem punica mala protuberare, si olla fictilis circa arborem obruatur, vel ita aptetur, vt ramus cum flore in illa claudatur, ad palum, ne resiliat, illigatus, ipsaque olla contra aquarum incurfus operta muniatur: nam suo tempore poma eiusdem magnitudinis qua fuerit, opportunè reddet: imò verò ad illius rei figuram efformata, quam ollæ aut vasculo imprefferis, quemadmodum tradit Gargilius Martialis apud Palladium. Qui etiam promittit Punicorum multitudinem, si tithymali & portulacæ succus æqualiter mistus, trūco arboris, antequam germinet, illinatur. Quod Democriti georgicis acceptū ferre debebat Palladius, non Gargilio Martiali. Si florem non continet arbor punica, vterem vrinam cum aquæ mensura pari temperabis, & per annum radicibus ter infundes, vni punicæ amphora ingesta sufficiet. Sunt qui algam radicibus iungant, vel florentis arboris trūcum, plumbeo circulo concludant: aut anguis corio circudent, vel bis in mense irrigent. Si vermibus laborāt tam poma quàm arbor, radices felle bubulo sunt tingēdæ, & cōtinuò morientur. Si clauo æneo, vt alibi scripsimus, illos purgaueris, nō facilè renascentur. Quibus etiam appositè obuiabis

*Quomodo
in mirā ma
gnitudinem
crescant pu
nica.*

*Quomodo
comparetur
punicorum
multitudo.*

*Quomodo
florem cōti
nebit arbor
punica.*

*Quomodo à
vermib⁹ de
fendatur pu
nica arbor
& eius po
ma.*

uiabis asini vrina suillo stercore admista & radicibus affusa, vt tradit Palladius. Caterum, in sua arbore viridia longo tempore permanebunt punica, vt scripsit Florétinus, si petiolos, vel potius ramulos, dum in vigore sunt poma, semel atque iterum contorseris, & cucurbitas aridas ac rapa singulis circundederis, ne humectentur, aut ab auiibus arrodantur. Si infœcunda fuerit punica arbor, fructuosam reddes cinere & lixiuio circa truncum frequenter infuso. Si ægrotabit & languida erit, curabitur, recreabiturque vbi caudicẽ iuxta radices, algis è mari proiectis contexeris, & assiduè rigaueris. Candidi fient punicorum acini, si argillæ & cretæ miscueris quartam gypsi partem: & toto triennio hoc genus terræ radicibus insperferis, de Gargilij Martialis consilio. Didymus in suis Georgicis testatum reliquit, punica rubicunda fieri, si cinis cum lixiuio circa arboris truncum crebrò immittatur, aut glandium cinere radices faturentur. Sine acinis nasci promittit Africanus si dempta medulla, vt in vite, surculus adobruatur, & dum cõprehenderit, quod emergit amputetur. Sed hoc loco prætereundum non arbitror, quòd ramis punicæ gestatis, venenatæ bestię procul arcètur: quapropter in stragulis & locis serpentibus obnoxiis illos securitatis ergo deponendos censent prisce rei agrariæ doctores, & interpretes, sicuti libro primo admonuimus. Punica arbor myrti coniugio apprimè lætatur, vt tradit Democritus, & ob id myrto insita fertilior euadit. Vtriusque radices & si aliquanto distent interuallo, nihilominus mutuo complexu

*Vt punica
diu seruen-
tur viridia
in arbore.*

*Remedium
infœcunda,
languida &
ægrotantis
punice.*

*Vt candidi
fiant puni-
corum aci-
ni.*

*Vt fiant ra-
bicunda pu-
nica, & abs-
que acinis.*

*Punica ra-
mos vene-
nata arcere*

*Punica cum
myrto sum-
ma amicitia.*

*Pulchrū in-
uentum de
diminatione
acinorum
Granati.*

*Quomodo
punica ad
hybernos
vltus seruari
debeant.*

*Vt longo tē-
pore feruen-
tur punica.*

exhilarantur. Quid amplius? Africanus in suis de agricultura Commentariis docet, quomodo punico decerpto ex sua arbore, dicere possis quot grana intus contineat. Pomū vnum, inquit, prius aperi, & quot acinos habeat dinumera, ac tibi in singulis tot esse persuade, etiā si magnitudo variet, modò ex eadem arbore legantur. Nam sola differentia erit non circa numerum, sed magnitudinem aut paruitatem acinorum. His vtrunque pro arbore & eius pomis expeditis, ad condituram, repositionem, & tutam custodiam commodū venio. Berytius in suis de agricultura præceptionibus græcis tradit, punica ad hybernos vltus reseruanda, leni manu decerpi oportere, ne tactu asperiore vitientur, aut vulnus sentiāt (quæ duo putrilaginis originem adferre solent) deinde pediculis in coctam & liquidam picem demer-
lis, refrigerata, ex ordine suspendi debere. Sunt qui tota in picem mergant, & vbi refrixerint, suspendant. Alij arentibus flocculis singillatim inuoluta, funiculis obstringūt, ne tumescētia dehiscent in rimas: postea gypso vnde quaque illinūt & vestiunt, eoque modo munita ac loricata, in parente arbore hædere patiuntur: sed maioribus ramis alligari debent, vt immota maneāt, & ventorum vim sustineant. Palladius, & ante illū Columella, ex Græcorum placitis, atque adeò vnius Berytij, tradit diu seruari posse punica, si integra vt diximus, collecta, & lino spartove colligata, in aqua marina, vel feruente muria, tandiu demergantur, vt liquorem combibant, & madescant: siue, vt legit Columella, tantisper demittantur
dum

dum decolorētur, deinde Sole triduum reficcen-
tur, sed ita vt nocte sub dio non maneant: postea
loco frigido suspenduntur: cū volueris vti, a-
qua dulci macerabis. Sunt qui in scobe querna
prius aceto suffusa ordinatim obruant. Alij ar-
gilla, vel figulari creta induūt, & ficcata, loco fri-
gido suspendunt, atque cū vsus exegerit, in a-
quam demittunt, & cretam resoluunt. Plerique
contactu illa inuicem separant, & paleis diligenter
operiunt. Columella pediculos pomorum sicuti
sunt in arbore contorquet, ne pluuiis rumpātur,
& hiantia dispereant: deinde ad maiores ramos
alligat, vt immota maneant: mox sparteis resti-
bus arborem cludit, ne à coruis aut cornicibus,
alī sive auibus, eius soboles laceretur. Sed ad Be-
rytium de punicorum custodia scribentē redeo.
Is singulis fictilibus ollulis punica singula ex ar-
bore pendentia collocat, & diligenter operata ita
munit ac stabilit, vt neque ad ramos aut truncos
offendant, vel mutuo collisu sese atterāt & con-
fringant. Cui Columella ad vnguem subscripsit
se mihi videtur his verbis: Nonnulli vascula fi-
ctilia dependentibus malis aptant, & illita luto
paleato arboribus hærere patiuntur. Alij fœno
vel culmo singula inuoluunt, & insuper luto pa-
leato crassè linunt, atque ita maioribus ramis al-
ligant, ne, vt dictum est, vento commoueantur.
Sed hæc omnia sereno cœlo administrari debent
absque rore: quæ tamen aut facienda non sunt,
quòd lædantur arbusculæ, aut certè non conti-
nuis annis vsurpanda, præsertim cū liceat de-
tracta mala ex arbore, modis multis innoxia cū-

Varij &
pulchri mo-
di custodiē-
dorum pumi-
corum.

Ne rumpā-
tur, aut in-
terhiant pu-
nica.

Pulchra &
notatu di-
gna pro ser-
uandis pu-
nicis.

*Modi alij
custodiēdo-
rum puni-
corum.*

*Artificium
pulchrum
et ingenio-
sum.*

*Inuentiones
miræ pro
seruandis
punicis.*

*Via alie cu-
stodiendorū
punicorum.*

stodire, sicuti antea ostendimus, & nunc demum
etiam ostensuri sumus. Palladius docet optimè
seruari, si seriola obruatur sub dio quæ habeat a-
renas ad medium vsque, & cum suis ramulis le-
cta mala imprimantur singula cannis singulis, vel
sambuci virgulis, & ita in dictis arenis separata
figantur, vt quatuor digitis emineant ab arena.
Hoc idem paulò aliter & apertius Columella sic
est prosecutus: Sub tecto, inquit, fossulæ fiūt tri-
pedaneæ loco siccissimo, eoque dum aliquantum
terræ minutæ repositum est, infiguntur sambuci
ramuli: deinde sereno cælo granata leguntur cū
suis pediculis, & sambuco inseruntur. Quoniam
sambucus tam apertam & laxam medullam ha-
bet, vt facilè malorum pediculos recipiat. Sed ca-
uere oportebit, ne minùs quatuor digitis à terra
absint, & ne se contingant poma. Tunc factæ
scrobi operculū imponetur, & paleato luto cir-
cumlinetur, ac ea humo quæ fuerat egesta ope-
rietur. Sunt qui in calidam aquā intincta, & sta-
tim exempta diutissimè incolumia seruant. Alij
in siccam arenam distincta & secreta deponunt,
aut in frumentario aceruo ad vmbra, donec
rugosa fiant, diligenter condunt. Plerique, vt Pal-
ladius adnotat, in seriola cui ad mediū aqua mit-
tatur, punica sic suspendunt, ne humorem tan-
gant, quæ postea diligenter clauditur, ne ventus
irrumpat. Alij in dolio hordei pleno ita collocāt
ne se inuicem contingant, illudque desuper ope-
riunt. Nō desunt qui illa cum ramulis arbori de-
trahant, & creta figulari perlita, vbi diligēter ma-
turuerunt, in Sole desiccāt: deinde si quā rimam
creta

creta fecit, luto linunt, & rursum assiccata frigidulo loco suspendunt, quemadmodum scribit Columella. Qui hanc rationem postremam custodiendorum granatorum à Græcis geoponicis tacite mutuata, sic nobis proponit. In vrceo fictili nouo (inquit) scobem populneam, vel iligneam substernere oportet, ac ita disponere ut scobs inter se calcari possit. Deinde facto primo tabulato, rursus scobem substernere, & similiter mala disponere, donec vrceus impleatur. Qui cum fuerit oppletus, licebit operculum imponere, & crasso luto diligenter oblinire. Omne autem pomum quod in vetustatem reponitur, cum pediculis suis legendum est: & si absque arboris nota fieri possit, etiam cum ramulis, nam ea res plurimum ad perennitatem confert. Hactenus de punicatorum repositione & custodia, in qua demonstranda & recensenda, si tibi prolixior sum visus, factum id puta, quod hæc ratio multa habeat communia cum reliquis pomorum generibus. Ceterum, hic non omitam quod ex punicis seu granatis vinum medicatum fieri solet tali arte ac methodo. Acini maturi diligenter ex suis membranis seclusi, prælo committuntur ac exprimuntur: mox vinum fassis ad id accommodatis percolatur, & in vasculis reponitur quousque fex residat, deinde clarum custoditur affuso desuper oleo ne corrumpatur, vel acefcat. Sunt qui absque oleo illud in cadis asseruent, sed per ætatem facile acefcit. Modi alij sunt requirendi à consultissimis agriculturæ & medicinæ professoribus, nam, ut dixit Poëta, *Non omnia possumus*

Notatu digna quia pulchra.

Quomodo legendum pomū quod vetustatem ferre debeat

Quomodo fiat vinum medicatum ex punicis.

Oleum ab acore vinctur.

omnes. Illud interim non dissimulabo quod apud Hieronymum Cardanum legi: nimirū corticem punici mali ferrum in chalybem mutare: sed modum subticuit.

Arborum citriæ, Aurantiæ, & Limoniæ, earum dēmq̃ue pomi, cura, auxilia, & secreta. Cap. XV.

CITRIA arbor, quia apud Medos & in Perside nata ac educata fuit, idcirco & Medica & Persica Theophrasto, & Assyria Plinio vocari solet. Hanc gentes plurimæ ob remedij præstantiam, frustra olim sudarunt ad se transferre fictilibus in vasis, dato per cauernulas radicibus spiramento. Plinij æuo in Italia non vigebat: primusque Neapolitanus Palladius cultu & diligentia è Medis in Latium transtulisse ac propagauisse dicitur. Quem solers imitata posteritas, meridionali Galliæ & Hispaniæ ceu per manus tandē cōmunicauit. Amat terrā rarioris naturæ, quemadmodum idem scribit Palladius, adhæc cœlum calidum & humorem continuum.

Arbor citri cur Medica & Persica dicatur.

Palladius arborem citri primus in Latium transtulit.

Quo solo & cœlo gaudeat malus citria.

Ipsa ingens arbor (inquit Virgilius) faciēmq̃ue simillima lauro:

*Et si non alium latè iactaret odorem,
Laurus erat: folia haud ullis labentia ventis:
Flos apprima tenax.*

Et Iouianus Pontanus,

*Ipsa quidem lauro foliisque, & cortice, & ipso
Stipite tum similis, tum frondescēte iuuenta:
At cono inferior, ramisque valentibus impar:
Nam florum longè candore, & odoribus antēit.*

Hæc arborū omnium sola ab austro opem sentit,

Pulchra arboris citri descriptio.

tit, & ab aquilone læditur, autore Florentino in suis de agricultura Græcis Rudimentis. Si quis in regione frigida illā nutrire & cicurare volet, loco ad meridianam partem conuerso debet disponere, & hybernis mensibus stramine, aut tegetibus operire, & maximè cucurbitarum sarmētis: nam sympathia quadam illam à frigore illēsam seruare dicuntur, vt idem scripsit Florētinus. Hinc factum videas, vt multi non ineptè prope citriam cucurbitas vbique serāt, nam ab his iuuari creditur. Vbi æstas refulserit, nuda arbor aëri tuto est reddenda ac exponēda. Gaudet assidua fossione, ex qua maiora proueniunt poma. Stirps ea suapte natura tenerior, si paucā glaciem experiatur, syderata contabescit. Quare diuites in concameratis fornicibus ad Solem spectantibus, illā prope parietes collocāt, copiosūque humore rigāt. Dum æstas aduentarit, apertis fornicibus, vt dictum est, Sole illustrari sinunt, & eius tepore vitalique spiraculo foueri ac recreari. Appetente rursum hyeme sub fornices reducunt. Seritur semine, talea, ramulo, & claua, vt in suis Georgicis græcis tradit Anatolius. Si semine vel granis serere satagis, hunc in modum de Palladij consilio incedere tibi licebit. Imprimis terrā ad duos pedes fodies, cinerēmq; miscebis ac in breues areas digeres, vt vtrinq; per canales aqua discurrat. In dictis arcis palmarem scrobiculū manibus aperies, & tria grana verso deorsum cacumine, iūcta cōstitues, ac obruta quotidiano imbre resperges, vt rigatione animata melius adolescant. Acreis medullas in dulcis mutabunt, si per triduū mul-

*Cucurbitas
citriam ser-
uare ac iu-
uare.*

*Arbor Ci-
tria frigoris
impatiens.*

*Quomodo
semine serē-
da sit arbor
citri.*

*Quomodo
acres medul-
las mutet in
dulcescitria*

sa maceraueris, citiùsq; procedent, si aquę tepētis beneficio utaris, vel ouillo lacte, quod præstat. Seruntur etiam fictilibus, dato radicibus spiramēto per cauernas. Natis germinibus proxima herba semper runcanda est, & planta trima trāsferenda. Quæ plurimū iuuari creditur circūsite cucurbitę flagellis: nā naturali & occulta quadā vi, illam, vt diximus, à frigorū iniuria vindicāt. Ex quo combustæ cucurbitarū vites, citri radicibus vtilissimū præbent cinerē. Si arborem increscēs fructus degrauiat, poma multa detrahare cōueniet, ita enim alenda, vegetiore proficient incremento. Calidis locis partum nunquā alternat, sed perpetua fertilitate pomificat, aliis pubescentibus, aliis adultis, aliis maturitate caducis. Vnde sic gradatim illius succedunt poma, vt maturis se substituāt acerba, acerborūmq; ætatē florentia consequātur: orbē quendam continuæ fœcunditatis sibi ministrāte natura, quæ hanc fœturam non interpellat, sicuti præclare adnotauit Plinius. Soli flores qui velut eiectā in medio colum gerunt, fœcūdi credūtur: qui verò ea carēt, sterilefcūt, infertilēsq; labūtur. Porro, hīc mihi dissimulādum non est, quod hæc arbor aliis annecti recusat. Cuius pomū citrium vulgò nuncupatū, effigie rugis caperata, oblōga, & interdū rotunda, aureo colore suppallido illustratur, comite gratissimo odore, & acidulo sapore. Non mādēbatur Theophrasti ætate, sed ne Plutarchi quidem auorū memoria, vt Athenæus scriptū reliquit. Parthorū procures huius grana dūtaxat incoquere solebāt esculētis, cōmendādi halitus gratia. Quod pleriq; ad folia detorquent

non

Remedium
arboris quæ
à suo degra-
uiatur fru-
ctu.

Mira arbo-
ris citri po-
mificatio et
fœcunditas.

Pulchra de-
scriptio et
pictura ci-
tri pomi.

Summè no-
tanda et
aduertenda
quia pul-
chra.

non minùs odorata quàm pomum ipsum . idcirco vestibus vtrunque peraptè interseri solet , vt eas suaui odore perfundat , & ab offensis vindicer: vnde Homerus & Neuius vestes citrofas cognominarūt . Si pubescens pomum, fìctili vel vitro claudatur , per incrementa non solùm formã vasis contrahet , sed tanta magnitudine , quanta fuerit vas, extuberabit. Quod si effigiatum fuerit, formæ & imaginis speciem inclusum pomũ præ se feret : sed vasi oportet perspirationem relinquere , vt antea monuimus, hoc est, foraminula addere, quibus aërem admittat, ex Florentini cõsilio . Est alia via & ratio effigiandi pomi à nobis superius tradita , quãdo malorum historiam percurrebamus . Cæterùm, si rubra citri poma voles efficere , surculum moro inferito, & rubrum pomum dabit . Medium pomi dulce fiet , vt tradit Palladius , si truncus obliquo foramine ab imo terebretur , vt altera parte non exeat : sic humor effluere permittetur donec poma formètur: mox foramen luto replendum erit. Idem fieri affirmat si semina priusquàm ponantur, ouillo lacte , aut mellita vel saccharata aqua maduerint, aut in recenti ficu dies aliquot sepulta fuerint, aut in aqua decoctionis ficuum quadragesimalium emaduerint . Sed pulchrum erit his de rebus audire Iouianum Pontanum, de Citriorum & Limoniorũ mutando sapore hunc in modum scribentem:

*Quò non ars penetrat? palmes cædatur, & ipse
Crassior: in palmũque cauetur, & vndique labris
In gyrum ductis, nec pollice crassius, illuc
Infer mella liquata, & grandi contege saxo,*

*Quomodo
citrium po-
mum nasca-
tur effigia-
tum.*

*Quomodo
rubra fiãt ci-
tria, & me-
dium illorũ
dulce.*

*Aliud vt ci-
tria fiant
dulcia.*

Ingeniosa,
pulchra &
notatu di-
gna.

Quod Solem auertat: postquam arida suxerit arbor
Inclusum humorem, & sitiens noua pocula gliscit.
Mella cauo immersans flauentibus imbue riuus.
Vel vacuam solers thymbræo nectare cellam
Distende, ac latices humano è corpore fusos
Mollibus irrota radicibus: interea ne
Neglige frondosum toto de stipite germen
Vellere: non dêerit sælix fortuna labori.

Iouiani Pō
tans laus.

Haftenus Iouianus Pontanus, poëta, orator, &
philosophus ad vnguem factus. Qui citriorum
historiam in suis Hesperidum hortis omnibus
partibus docto ac eleganti carmine absolutam
reddidit. Hunc si videbitur, leges & consules. Ve-
nio ad citriorum condituram & repositionem ab
antiquis acceptam. Itaq; si aptè voles citria colli-
gere & optimè seruare, nocte cum suis foliatis
ramulis, latète Luna carpere debes, & secreta dis-
ponere: autor G. Martialis. Sotion inter Græ-
cos geop. celebris, promittit citria nullo modo
putrescere, quæ aceruis hordei aut milij obruta
fuerint. Alij singula singulis fictilibus claudunt,
& opaco loco ordinata custodiunt. Plerique in
minutis straminibus seruant: vel paleis, aut scobe
ligna. Idem Sotion iubet pomum citrij subactō
gypso studiosè lini, vt toto anni curriculo inof-
fensa integritate, & omni vitio illæsum custodia-
tur. Sed ne, queso, obliuiscaris, quòd calido pani
si superponatur citria putrilaginem celerius cō-
cipient, & in corruptionem promptius agentur.

Quomodo
optimè colli-
genda & ser-
uanda citria.

Modi alij
valde no-
tandi.

Hæc de citriis: de Aurantiis nunc paucis dicē-
dum: quorum arbor citriæ plātam magnitudine
æquat, & folijs ab ea parum, aut nihil refragatur.

AVRANTIA poma cū auri colore pelluceāt, ab auro nomen meritō accepisse mihi videntur, ex quo aurea mala dici possunt. Quæ ex viridi in luteum languescunt, citreola & citrula nomināt. Quæ verò ouata specie turbinantur, si luteo nitent colore, citrangula, & priuatim citrea appellant. Si herbaceo colore virent, limonia dicunt. Si prægrandia sunt melonum modo & orbiculata, ouatæque facie turgent, ponceria & citromala vocitant. Quæ omnia specierum vernacula nomina, à citrio deflexa videntur. Cum quo cōmunia ferè omnia habere creduntur, tam auxilia quàm secreta. Quæ res me mouet vt de illis in præsentiarū nihil ampliùs scribam. Trāseo itaque ad Limonia, quorū cura, cultus & auxilia cum citriis conueniunt. Sūntque in triplici differentia.

Vnde dicta
Aurantia
poma.

Citreola, cit-
rangula, li-
monia, pon-
ceria, & ci-
tromala.

LIMONIA.

—altera fœtu

Exiguo, succos gustu meditantur acerbos:
Altera sunt fructu maiore, & rorida succo
Vberiore, sed oblongo tamen vtraque ductu:
Tertia prægrandi turgent ouata volemo,
Ac citrij referunt sinuosa ab imagine formam,
sed gustu ingrato, quēque ora offensa recusent.
Est idem cunctis cultusque, & cura, & iniquum
Cælum indignantur, frigusque, æstusque recusant.

Tres limo-
niorum dif-
ferentia.

Qui plura vult, consulat librum secundū Horti
Hesperidum Iouiani Pontani: illic reperiet quo
sibi abundè satisfactum dicat. Hic finem eram fa-
cturus, nisi mihi in mentem opportunè venisset,
quoddam succo limoniorum bis aut ter colato, si in-
tegras margaritas lauabis & immerges, Solique
expones, in quinque aut sex diebus ita colliqua-

Notanda de
succo limo-
niorū mar-
garitas col-
liquante.

bis, vt mellis consistentiam referant. Ex ea materia poteris formare quicquid tibi visum fuerit, & paucis diebus diues fieri. Autor Hieron. Cardanus: cui ingenteis debentur gratiæ, si vera sunt quæ tradit. Hic non omittam quod apud Leuinum Lemnium medicum doctiss. scriptum & ad-

*Succo limo-
moru' arro-
sum pōdus
eximere.*

notatum legi: nimirum limoniis tam acidum succum inesse, & vsqueadeo exedentis naturæ, vt si ei per horas aliquot aureum numisma inferas, acciso imminutoque pondere illud eximi deprehendes: nam penetrabile frigus adurit. Quanquā alia subest causa, quæ, vt aliis describendis suis detur locus, hic nobis non temerè relinquetur.

*Arboris Fici, ac eius pomi, cura, auxilia, &
secreta. Cap. XVI.*

*Quibus lo-
cis gaudat
ficus, &
que terra ei
quadret.*

*Vtra præstā
rior ficus,
in montanis
nascent, an
planis.*

*Ficum non
ferre glaciē,
ventos, nec
aquas.*

FICVM Columella tradit aprica loca, calculosa, glareosa, & interdum saxosa maximè amare. Quo in situ celeriter conualescit, modò scrobes amplos & idoneos feceris, & altos, vt vult Palladius. Qui genus terræ durum, gracile ac siccum, ei etiam quadrare scribit, pro vtili pomorum sapore. Quæ in montanis & frigidis locis nascitur, quia minus lactis habet, ad siccitatem durare nō potest: quare vsus illi in viridi est. Quæ in planis & calidis locis viget, pinguior est, & ob id, in siccitate durabilis. Sanè, cū delicatula sit planta, facillimè perit à glacie, ac citò à ventis dirumpitur. Quare ab his summè est tutanda, quemadmodum in suis Georgicis admonet Diodymus. Qui multitudinem aquæ, & crebram ri-

gationem

gationem, pomorum arboris huius naturalem pulchritudinem corrumpere, iisq; putrilaginem conciliare tradit. Nec omittit arborem hanc semine prouenire posse, si quis maceratas ficos resti obducatur, & cum eadem obrutas frequenti imbre irroret: sic enim complures emergent arbusculæ, quas oportebit transferre in scrobes. Si quis viuiradicem pāgat, scillæ bulbos interiiciat, aut muria madefactam collocet. Præstabilius tamen fuerit, siue plātulam, siue ramulos seras, bubulo fimo madefacere. Sunt qui calcem viuam cum plāta adobruant, vt idem prodit Didymus; arbitantes sic fatam suo domino nequaquā decoquere. Alij rubricam ablaqueatis radicibus adiciunt, alij verò cinerem. Iuxta scillā sata Plinio lætior euadit: imò verò ocysus augetur, minúsque vermibus infestatur: quæ senescens fertilior esse solet, quàm adolescens: excitato puluere non solum virefcit, sed etiā increfcit ac proficit: ad quē vsum ficos solent suffodere coloni, cū puluere opus fuerit. Non desunt qui radices amputandas contendāt, & cinere obstruendas, caudice passim vulnerato: copiosiores fructum inde sperantes. Recidenda sunt in ea arbore, quæ aut putria aut malè nata reperientur: alioquin locis humectis pomum dabit saporis obtusi: circuncisis contra hoc radicibus, aliquātus cinis debet apponi. Hæc ex fructiferis vna est quæ nunquā floret, ac breui tempore in ficeto viuit. Cui caprificus permiscetur, ne ante maturitatem fructus amittat ac vermes creet, quibus alioquin summè est obnoxia: adhæc, vt non sit necesse per singulas arbores fi-

*Quomodo
semine pro-
ueniat fi-
cus.*

*Ficus sene-
scens fertilior
quàm ado-
lescens.*

*Ficus solā
ex fructife-
ris nūquam
floret, ver-
mibus sum-
mè obnox-
ia.*

culneas, caprifici poma in remedium suspendere. Si hoc desit, abrotoni virga, vt docet Palladius, suspenditur: aut callum quod in vlmeis foliis inuenitur. Si id rursus non fuerit in manu, arietis cornua circa radices obruentur. Vel trucus ipsius arboris, qua parte turget, scarificabitur, vt possit humor effluere. Si vermibus laborauerit, ramum terebinthi, vel lentisci taleam cum plantis fici, cacumine inuerso ponemus. Perdentur verò calce viua radicibus inspersa, vel in cauas trunci parteis missa. Sunt qui æreis vncinis illos tollant. Alij amurcam, alij veterem vrinam ablaqueatis radicibus miscent: adhæc bitumen & oleum. Si voles vt ficus sua poma serò proferat, hoc est, si maturam ficum cupis serotinâ facere, secretum id docentem Columellam ausculta. Cùm grossuli, inquit, minuti erunt, id est, cùm fabæ magnitudo illis fuerit (vt interpretatur Palladius) ex arbore decutito: hoc faciens coges vt alterum fructum edat iterum, cuius maturitatem in hyemem serâ differet. Summè prodest simul atque folia agere cœperit, rubricam amurca diluere, & cum stercore humano ad radices profundere: nã res ea vberiore fructum, & pomi farctum speciosius ac plenius efficit. Prodest insuper cum frondere incœperit, acutissimo ferramento summa cacumina nonnunquam amputare: sic enim firmior fit arbor ac feracior. Democritus in suis Georgicis asserit, ficum pomorum iacturam non facere, si caudex mororum succo fuerit illitus. Adhæc fructum non abiicere ægrotantis modo, si radices sale ac marina alga, aut fuco marino, vt legit Ruellius

Ne ficus fructus amittat.

Remedium aduersus vermes.

Vt ficus serotina ferat poma.

Vt fructum vberiore ferat ficus.

Quomodo ficus fructum non abiiciat.

Ruellius obducantur. Vel si quadrantibus Lunæ caudices rubrica oblinantur : aut caprifici grossuli, vel intorta ex his ferta arbori suspendantur. Addit ille idem Democritus, quòd si Pleiadum emerfu quis in excauatum scrobem pares aquæ & amurcæ portiones mistas, circa truncum infundat, arbor sui fœtus tenax, pomum nequam abiiciet. Ad quam rem Palladius cancrum fluuialem cum rutæ ramo eidem arbori suspendit, aut fascem lupinorum : præcipitque terebratæ arbori nonnunquam cuneum defigendum, vel securi corium illius sæpè proscindendum. Si syluestrem māsuefacere volueris, amputatos ramos vino & oleo per septem dies irriga, & optato potieris, quemadmodum scripsit Africanus. Si scabie laborauerit, curabis ex Leontij præscripto, scilla iuxta radices plantata : aut rubrica aqua diluta, & circa truncum affusa. Si arbori molestæ fuerint formicæ, rubricam butyro & pice liquida mistam circa truncum induci iubet Palladius. Sunt qui pro amuleto coracinum piscem arbori suspendant : de quo & auxiliis aliis, libro primo abundè scripsimus, ad quem si videbitur recurre. Democritus promittit ficus præcoces, si columbinum simū, piper item ac oleum radicibus indideris. Idem etiam continget de Palladij consilio, si succo longioris cepæ cum oleo & pipere misto, poma inunxeris, quādo grossi rubere incipiunt. Cæterum vt fructum varium ficus exhibeat, ita vt pomum altera parte nigrescat, altera verò candicet, sic coitum eum agredieris. Duorum ficorum diuersorum semi-

*Vt ficus sui
fœtus sit tenax.*

*Vt syluestris
ficus māsue-
sciat & sca-
bie libere-
tur.*

*Ne moleste
sint formicæ*

*Quomodo
fiant præco-
ces ficus.*

*Vt fructum
varium exhi-
beat ficus.*

na siue grana linteolo deligata, fere : & cùm res postulauerit arbusculam transfer adultam . Si ficus inscriptas vel figuratas tibi comparare uoles , ficulneum oculum ea quam cupies figura inscribito , & poma hac specie insignita habebis , si non mentiuntur Democriti græca Geor- gica . In quibus etiam tradit , quòd si quis fici esu alui deiectionem moliri cupiat, veratrum ni- grum cum lactuca marina seu tithymalo tri- tum , radicibus arboris eius quæ deponetur , de- bet inferere : hinc quæ nascentur poma ventrem mouebunt. Res eadem fiet, si purgantia alia sim- plicia, ut loquuntur, addideris . Cuius rei experi- mentum etiã in aliarum arborum pomis, ut antea di- ximus, tibi facile erit. Illud ex Columella hinc ne- quaquam prætereundum duxi , quòd decocta caprificus & cum cibo alitibus atque gallinaceis exhibita, ficorum fastidium illis creat, quorum alioquin sunt appetentissimi . Addo quòd suc- co ficuum satiuarum lac à plerisque cogi so- let , syluestrium uero nequaquam. Quod unum, si ad ignem tepesciat , ficique ramulo moueatur, idem , restante Africano , præstabitur . Imò uero & succo ex vulnerato fici cortice stillate . Si ficus celeriter maturescere uoles, ubi ad iustam magni- tudinem creuerint acu perforabis, oleoq; illines, deinde oliuæ foliis circunteges, ac ligabis . Autor Petrus de Abano. Sed nec istud hoc loco mihi est dissimulandum, quòd tam passæ, quàm recentes fi- cus, panis ac obsonij vicem olim habuerunt, eoque cibo prisci athletæ vires aluerunt priusquam Py- thagoras exercitator eos ad carnes transulisset.

Sale

*Ut ficus na-
scantur in-
scriptæ.*

*Ut ficus sint
deiectionis
alui.*

*Ut alites fi-
cus non at-
tingant.*

*Quomodo
lac cogatur
absque coa-
gulo.*

*Ut ficus ce-
lenter ma-
turescant.*

*Pulchra &
notata dis-
gna.*

Sale inueteratis etiam casei loco vefci excogitatum est, Plinio autore. Hic duo prodigiosa naturæ miracula mihi in mentem veniunt. Vnum tauros quamlibet indomitos & feroces, fico alligatos cicurari, & immobiles conquiescere. Quod & caprifico illorum collis circumdata, Plinius ascripisse mihi videtur. Alterum, victimas, cæsumque animalium carnes perquam celeriter tenerescere & fragiles effici quæ in fico pependunt. Postremi rationem in Sympotiacis Plutarchus petiuit. Cum inter obsonia Aristionis, inquit, coquus immolatum Herculi gallinaceum gallum recentem, tenerum ac penè friabilem obtulisset: tam citam teneritudinem fico referebat Aristion, contendens iugulatas aues etiam præduras teneritatem contrahere, quæ pensiles fico adhæserunt. Causam adfert, quod auram, halitumque vehementem ac digerentem expiret ficus, quo carnes desiccantur & concoquuntur. Idem etiam continget, ut id obiter admoneam, si tritici aceruo obruantur, aut penitus demergantur. Hæc de parente arbore satis: venio ad sobolem, & eius custodiam. Ficus seruari possunt virides, ut scribit Africanus, & confirmat Palladius, si in melle ita disponantur, ut neque se inuicem, neque vas contingant, quod operculo diligenter tegi debet. Idem continget si singulæ intra viridem cucurbitam claudantur, loculis unicuique cauatis, & suspensa in vmbroso loco cucurbita, ubi nec ignis, nec fumus inspiret. Verum cum petiolis legi debent, nam sic diutius integre durant. Alij calicem vitreum, aut aliud quoduis perspi-

Tauros feroces à fico cicurati.

Carnes ad ficum suspensas tenerescere.

Cur iugulatae aues tenerescant in fico pensiles.

Quomodo seruentur ficus virides

*Quomodo
dulces serue-
ntur ficus ac
si essent in
arbore.*

*Quomodo
arida ficus
à putrilagi-
ne vindue-
tur.*

*Varij modi
custodienda-
rum ficuum*

*Modus po-
pularis.*

cum poculum super ficos leuiter inuertunt, & obducto cera spiramento ita relinquunt, ac immarcessibiles seruant. Scribit ille idem Africanus musteas, ac si in parente essent, hunc in modum custodiri. Cùm vinaria dolia operculantur, in nouum fictile non rotundum, sed potius ex arbitrio quadratum, fundoque fultum, recentes ficus minus maturas, cum suis pediculis lectas, immitte: & ita secerne, vt spatium intercedat, vbi diligenter fictile illud clausuris, in dolio vini pleno, ad vnguem operto, natare permitte: nisi acore contraxerit, tali habitu ficus mansisse comperies, quali constabant dum iniectæ fuerunt. Quod ad aridas attinet, quas Ischadas vocant, Paxamus in Græcorum agricultura exercitatissimus, scribit à putrilagine vindicari posse hunc in modum. Passæ ficus, inquit, sine vlla cariosæ labis nota integræ manebunt, si tres liquida pice imbutæ ita collocentur, vt vna fictilis fundum obtineat, altera referto ficubus ad medium vase, ibidem resideat, & tertia eodem ad fauces vsque cõpleto, superficiem teneat. Durabunt insuper, vt ille idem tradit, si in tegete, qualo, sporta, vel cratibus inditæ, calfacto furno, post panem exemptum, propendeant, & in noua, ac bene picata fidelia condantur. Sunt qui cū pediculo lectas, feruefacta muria cum oleo, in Sole rigent: & in vas, luto, vt decet, oblitum, immittant. Alij, cratibus exponunt, toto Sole siccandas, & nocte sub tecta reportant. Modos alios cùm ex Columella, tum Palladio requires. Sed in hac ficuum historia tacendum non est memorabile Catonis ingenium. Is dum perniciali

perniciāli odio Carthaginis flagraret, & nepotū
 ſecuritatis anxius eſſet, clamarētque omni Sena-
 tu Carthaginem delendam, attulit quodam die
 in curiam præcocem ex ea prouincia ficum. Quē
 vt ſcribit Plinius Patribus oſtendens: Interrogo
 vos, inquit, quando hoc pomum demptum pu-
 tetis ex arbore? Cū inter omnes recentem eſſe
 conſtaret. Atqui tertium, inquit, ante diem ſcito-
 te decerptum Carthagine, tam propè à muris ha-
 bemus hoſtem: ſtatimq; ſumptum eſt Punicum
 tertium bellum, quo Carthago deleta eſt, & ſe-
 quente anno raptus Cato. Qui vnus fici argu-
 mento, res mira, tantam urbem, & de terrarū or-
 be vnā per cxx. annos Romanæ gloriæ æmul-
 lam, funditus euertendam ſuaſit, & tandem im-
 petrauit. De ficu hæc ſatis ſint. Sed ô me obliuio-
 ſum! priuſquā hinc abeam, illud ſilētio nequa-
 quam inuoluam, quod Plutarchus tacitum no-
 luit. Quid illud, inquires? equos & aſinos linqui a-
 nimo, qui ficos dorſuarij comportarint: ſed ma-
 iore miraculo dignū eſt remedium, quo & iſtis,
 & hominibus quoq; ſuccurritur. Exanimata fe-
 rè iumenta, extinctōſque penè deliquio virium
 homines, obiectus panis reuocat: namque ſi pau-
 xillum huius vorauerint, protinus cibo ſeſe re-
 colligentes roborantur, & priſtinum iter proſe-
 quuntur. Nec ſecus in hominibus eueniſſe, idem
 prodidit Plutarchus. Brutum, inquit, per altas ni-
 ueis in Apolloniam proficiſcentem cū animus
 defeciſſet, panis ab hoſte muros urbis defenden-
 te proiectus, extrépore recreauit. Potitus tandem
 rerum Brutus, de hoſte bene meritus eſt. Sed hæc

*Pulchra hi-
 ſtoria eſt no-
 tatu digniſ-
 ſima.*

*Mira de e-
 quis & aſi-
 nis dorſo fi-
 cos portau-
 tibus.*

*Magna pa-
 nis eſſicacia
 ad animum
 ſtatum reſi-
 ciendum.*

nihil ad ficum, cuius præsidia, cultum, & secreta
duntaxat hîc persequimur.

*Oleæ sativæ, ac eius baccarum, cura, auxilia, &
secreta.* Caput XV II.

FL O R E N T I N V S Græcæ agriculturæ profes-
sor consultissimus, de plantatione & cura
Olearû in suis Georgicis disserês, scribit oportere eû qui rei rusticæ studio tenetur, plurimû providentiæ ac diligentiæ circa oleâ adhibere. Vel ob id quòd magnos habeat redditus & certos, hominémq; citò ac facilè ditare possit: sicuti de historia Pliniani Democriti, vel Aristotelici Thale-
tis cõstat, quâ tibi & fusè & plenè exponemus in nostro sterilitatis & vbertatis Opusculo. Sed ô dolor! nobis non tã licet esse beatis, ut oleâ arborum verè diuinâ, septêtrionalibus hortis & agris nostris aliarum more videamus, colamus, & ex ea fructus vberes ac dites percipiamus: inscrutabili Dei opt. max. consilio, qui omnibus omnia non dat, sed quod bonum atque vtile novit. Neque tamen ob id laborem detrectabo, ut quæ de illa, & eius baccis, necnon oleo scitu digna legi, vel audiui, candidè & ingenuè, ut omnia, in medium proferam. Venio itaque à verbis (quod dicunt) ad rem. Olea, quam Gallicum vulgus oliuerum nuncupat, siccis collibus & argillosis maximè gaudet, feruidumque & squalidum cœli statum libenter amplectitur. In humidis campis & pinguibus frondes quidem lætas, sed plerunque steriles profert, rubricosum solû prorsus repudiâs, quòd

Plurimû diligentiæ circa oleâ adhibendum.

Oleam septentrionalibus hortis & agris de siderari.

Quibus locis quo cœlo gaudeat olea.

quòd suo æstu stirpes eius exurat. Sed longè magis salebrosum ac scaturiginosum odit, in quo semper vligo consistit: ibi enim strigosas & minimè atiles baccas, facilèque marcescentes, procreat. Itaq; arduis locis & accliuibus summè oblectari solet: quòd propitium illic nacta ventū, suę nihil expiret saluæ. In his enim excellens Solis æstus, ventorum afflatu mitescit, quare ibi oliueta generosam suis oliuantibus oleam, ac præstantissimum præbent oleum. In planis & campestribus, quia non diffilatur, sed aduruntur, crassius & sæculentius oleum exstillant. Nec temerè, mea sententia, nam cùm stirpes omnes, tum maximè oleę, aduerso flatu robòratæ, summè vigēt. Vel eo argumēto & indicio, quòd lætiores & virentiores his partibus semper offendes, quę ventis patent, tristiores verò & languidiores, quę à flatu silent. Recreantur itaque spiritus nouitate, modò id spatij intercedat, quo liberè peruagetur aura. Autores sunt horum omnium post Pænos & Græcos rerum agri scriptores, agriculturæ nostræ, Latinæ inquam, parentes & doctores eximij, M. Cato, Varro, Columella, Plinius, Palladius, & recentiores alij plerique. Apud quos etiā lego oleam fici societate imprimis gaudere, vnde iuxta illam feri præcipiunt, non ampliore intervallo, quàm vt contingi largè possit, ramo oleæ maximè sequaci atque obedituro. Huius stolonnes qui seminio destinabuntur, caudicibus adnati legi non debēt, sed decerpti ramis furculi longitudine cubitali, dandæque est opera, vt stylus parte ima bubulo fimo cū cinere illinatur, & se-

Quod nā soli repudiet olea.

Vbi generose nascatur olea.

Oleas recreari auræ est spiritus nouitate.

Oleas fici societate gaudere.

Quomodo serēda olea.

ctione cortex nō violetur nec collidatur, scrōbs-
que sinu concamerato excauetur, vt imbrium
sit capax. Nō defunt qui sectas ab imis radicibus
soboles deponant, postea cūm prehensisse vi-
dent, vt mutationi locus esse possit, transferunt.
Sed maximum fuerit beneficium vt incremento
proficiant, ante quā transferantur, & rubrica
partes cæli notetur, vt tradit Columella, quibus
obuersæ stant, vt simili ratione ponantur, ac trans-
plantentur, eosdēque ventos excipiant, ac si-
miles parteis intueantur. Scrobes ante sationem
fodiendi sunt, vt Sole, ventis, & imbribus, terra
fragilior reddatur, ac stirpes vltro citroque radi-
ces liberè agant, quæ iugi rigatu gaudēt: nam ita
celeriores edūt germinatum, faciliusq; transpo-
nuntur. Cæterum, locus quem oleis destinaueris,
diligenter runcādus est, omniq; alterius gene-
ris frutice extirpandus, adhæc maceris aut sepi-
bus viuis cingendus, vt Didymus Græcus in suis
admonet georgicis, ne pecori facilis pateat adi-
tus. Fimi aggere impensè lætatur oleæ, vt scripsit
Sorion, sed locis vliginosis parcus debet iniici,
aliis largius, quod fimo saturatæ lætius frondent
ac fœcundantur. Cæterum, opportunè refecare
licebit quæ marcida & sicca erunt, vt liberalius
diffentur reliqua: adhæc ramulos detrahare qui
inuicem incumbūt, inflexosque & recuruos am-
putare, præsertim cūm in nimiam longitudinem
exeunt, & in deformem proceritatem luxuriant.
Nam inter omnes rei rusticæ prudētes conuenit
incommodam ac ineptā esse longitudinē olearū,
quæ denos cubitos excedit. Addo quod incremē-
tum

*Pulchra &
notatu di-
gna pro
transfere-
nda olea.*

*Preparatio
solis oleas re-
cepturi, vbi
de stercora-
tione.*

*Quomodo
purganda &
curanda olea*

*Quanta de-
beat esse o-
learum lon-
gitudine.*

tum noxis omnibus patere solet: franguntur enim rami ventorum impetu, & flores aut fructus succus si, interpestiue procidunt. Ideo multi ramos terram versus retrahunt, ut arborem in solum procumbere cogant. Sed ante omnia meminisse oportet, quod compluribus interpositis annis oliuetum putandum est: convenitque veteris proverbij meminisse, Eum qui arat oliuetum rogare fructus: qui stercoret, exorare: qui cedit, cogere. Itaque octavo anno id fecisse satis erit, ne fructuarij rami subinde amputentur. Verum stolones adnati; caudicibus nepotes adhuc molles & teneri, quotannis eximedi erunt, ne his onustus caudex fatigetur. Porro, summè curandum admoneo, ne cum estibus habitet terra, Sol per rimulas ad radices olearum penetret. Quas, ubi oliuario suos reddiderint fructus, colucandas suadet Africanus Græcus. Nam submotis petulantibus ramis, minus decoquent domino, maioremque frugē ac liberaliorem novelli rami impertiēt, ut nunc nuper dictum fuit: est enim nepotum procreatione & stirpe felix olea, ducetos viues annos, ut tradit Theophrastus. Cui Plinius hunc in modum subscribit: Firmissimæ ad viuendum sunt oleæ, ut quas durare annis c. c. inter autores conveniat. Hinc Argis olea, inquit, nunc etiā durare dicitur, ad quam Argus Io alligauerat in vaccā mutatam: adhæc, illa quoque Athenis, quam in certamine Minerva edidit. Sed hæc quia poetica olent vanitatem missa facimus, qui oleæ synceram narrationem prosequimur, monemusque unā omnium esse, quæ in opere solet regerminare. Nam oleaginea eius materies tam rudis, quam elaborata, si humorem

Quando potandum oliuetum.

Radices olearum à sole defendenda, & petulantes rami submovendi.

Oleam annos ducetos vinere.

Oleam in opere regerminare, & tinea ac teredinibus non subici.

naſta fuerit, aut locū adepta humectū, germē citare cōſuevit. Cuius rei teſtē producā Phiniū, qui & cardinē valuæ oleaceū, & poculū limo immerſum regermināſſe tradit, ſubditq; à tineā nuſquā rodi, nec à teredine terebrari. Ex quo factū puto, vt priſci ex olcarū radicibus minorū deorū ſimulachra inſculpi voluerint. Caterū, ne quid in hac hiſtoria ſciens omittā, quod vel legerim, vel obſeruauerim, vel audiuerim, nō tacebo, quòd ſturni oleis maximè ſolēt eſſe infeſti. Quia turmatim volantes, illarum baccas cumularim deiiciunt, perdūt ac diripiunt. Quare ab oliuetis longè ſunt arcendi, ne oliuis negotium faciant, quarum ſunt appetentiſſimi ob nucleū, qui in illis ſuauiſſimus eſt. Quod prouida natura præuidens, muro fortiſſimo illum circumuallauit, adhæc carne & cute præmuniuit, nec id in aliis fructibus etiam neglexit, quorum nucleus veluti anima quædā eſt, propagationis mater & formatrix. Sed hæc alterius ſunt inſtituti. Oliuā in profanis vſibus poluere olim nefas erat: imò ne propiciandis quidē numinibus ex ea altaria accendebantur. Illa eſt quæ equitum turmas coronauit, & minoribus triumphis ouantes illuſtrauit. Cuius rami portati indiciū pacis fuerunt, ex quo olea à poëtis pacifera rectè nuncupatur:

*Sturni oleis
ſummè infeſti,
eſt quam
obrem.*

*Natura ſumma
ſagacitas
circa nucleos
fructuum.*

*Oliuæ apud
priſcos mira
dignitas
& maiestas*

*Oliuæ pacis
nuntia.*

Paciferæq; manu ramū prætedit oliuæ (inquit Maro)
Quid illud, quòd Columba ex arca Noë emiſſa, oliuæ ramū rediens potius attulit, quàm arboris alterius? Num vt ſignificaret Deum optimū maximum, tam prodigioſæ illuuiōis autorem, pacatum fuiſſe ac reconciliatum? Verūm hæc quia
theo-

theologica, theologis relinquo, & rusticam meæ
 oliuę narrationē repeto: quā vtiliter ac probè de-
 floruisse dicūt, dū caduci eius flores perforati re-
 periūtur. Illa ex arboribus vna est quæ folia post
 æstiuū Solstitiū statim conuertūt (cuius rei fidē
 faciet experientia, rerū dubiarū & incertarū ma-
 gistra certissima) vnde inuersa, illud præteruisse in-
 dicant. Sed hīc tria non minus admiranda quàm
 celebrāda, mihi peropportunè in mentē veniunt.
 Vnum, quòd olea quercū valde odit, sicuti post
 Theophrastū diligenter adnotauit Plinius. Nā si
 quercetū in confinio habuerit, non solūm illud
 nō feret, sed etiā refugiet, seq; introrsum abiiciet
 in fundum. Quinetiam aiūt excisam quercū suas
 radices propinquo oliueto noxias relinquere.
 Adhæc oleam eo loco positam vnde quercus ef-
 fossa fuit, mori aut tabescere, si vera tradit Co-
 lumella: vsque adeò mirabilis est harum arbo-
 rum antipathia, & naturalis discordia: cuius cau-
 sam natura nos potius mirari, quàm scire voluit.
 Alterum, non solūm contemplatione, sed admi-
 ratione summa dignum, quòd à mundis pueris &
 virginibus olea plantari, coli, ac vindemiari dili-
 git: aut ab his qui iureiurando affirmant, alienum
 torum vel cubile non violasse, licet vxores duxe-
 rint: nam ita lætior, fertilior, ac fructuosior eua-
 dere creditur, sicuti scripsit Florentinus Græcus
 in suis Georgicis. Cui suffragatur Palladius, cau-
 sam addens, quòd hæc arbor præsidem habeat.
 castitatem, ob Mineruam eius tutricem & patro-
 nam. Tertium in olea mirabile est, quòd opem
 quandoque senserunt, & à capitis dolore absque

*Olea folia
 æstiuo Solsti-
 tio cōuertit.*

*Olea &
 quercus su-
 me inimici-
 tia.*

*Oleā à mū-
 dis pueris
 & virgini-
 bus coli de-
 siderare.*

*Folia oleæ
 quomodo ca-
 pitis dolores
 fiant.*

vllis medicamentis leuati sunt, qui folio eius hoc nomen (Athena) scripserunt, ipsūque folium capiti circunligarūt: quemadmodum tradit Zoroastres in suis de agricultura Commentariolis. Quod vnum quia vanam superstitionem redolet, tibi æstimandum relinquo: & oleæ meæ curam ac secreta repeto: cui malè esse creditur, cum deflorescentem imber comitatur, aut dum circa Vergilias pluit, quoniam illius coitus tunc esse solet: & hoc illud est quatrīdū, vt admonet Plinius, oleis ac vitibus decretorium: hic articulus austrinus spurci nubili. Non omitam quòd vardini post ficum olea de omnibus arboribus summè est obnoxia: cui etiam impetigo peculiaris morbus esse solet, vti scabies fico, & vitibus fluor. Vermiculis prætereà ab erucis non admodum differentibus valdè infestatur: qui per flatus austrinos, vt ipes in vitibus, maximè gigni solent. Morbos alios quibus priuatim patet, prudens omitto, ne dicendis suum præripiam locum. Oleæ flores ab apibus non degustari, nec attingi autor est Plinius: adhæc cicadas vmbra oleæ de omnibus arboribus summè diligere: traditque M. Varro oleam sterilescere, quam capra primo germinatu depauerit, aut lingua perlustrarit. Ex quo factum arbitror, vt Mineruæ olearum antistiti, caprini generis nihil immolarint prisce, vt tradit idem Varro: licet aliter sentiat Plinius. Diligenter itaque munienda sunt oliueta, ne ab his & reliquo pecore lædantur, sicuti antea adnotatum est. Oleæ fertilitas summa indicatur, vt Florentinus Græcus testatum reliquit, si non in obliquo & à late.

*Que sepe-
stas oleis in-
festa Et in-
imica.*

*Olea pecu-
liaris mor-
bus impeti-
go Et ver-
mes.*

*Diligenter
munienda
esse oliueta
contra ca-
pras.*

lateribus, sed in summo ramo fructū gestet. Quæ si veluti ociosa, aut aliunde præpedita cessauerit, *Quomodo cessans olea fecunda fiat.* fœcundam reddes, vt scripsit Africanus, si in excavatum & terebratum truncum, duos feracioris & fructuosæ oleæ ramulos ita adegeris, vt traiectim penetrēt: eósq; manibus prehenso tam fortiter ac validè traxeris, dum strictim adhæreāt, quo facto extantes foramini stilos sic resecabis, vt impacti cuneoli faciem præ se ferant: deinde luto paleato oras terebrati loci, ac hiātem sinum diligenter lines. Hoc veluti initu grauida arbor, vberiore partū enitetur. Sed meminisse oportet, quòd etiam valentibus & generosis oleis, *Methodus ad vnguem expressa.* amurca, ex Columellæ consilio, infundenda est. Nam per hyemem si vermes atque alia suberunt animalcula, hoc medicamento necabūtur. Quod ex græca Quintilliorum agricultura, vt pleraque alia, sibi ascripsisse mihi videtur Columella: in quibus notatum reperio generosiores ac lætiores euadere oleas, fructūque plurimum adferre, si circum ablaqueatas illarum radices, insulsa amurca aquæ remissa affundatur, vtriusque sextarius vnus. Paleas quoque fabaceas sufficiet indidisse, plus minus pro arboris modulo. Urinæ etiam humanæ quantum fuerit visum instillari poterit, aut argilla bubulo stercore permixta, algæ aut marinus fucus. Sed confestim terra circum est exaggeranda dodrantali altitudine: sinu prius in orbem fornicato, vt imbres pluuij retineātur. Qui cum se insinuarint, breuissimis ac frequentissimis fossionibus sunt sollicitandi. Quod auxilium per torrida Caniculæ incendia adhibē-

Amurca oleis valde medicamentosa et utilis.

Notanda pro olearum irrigatione.

*Oleas ab
infestante
musco libe-
randas.*

*Remedium
ad oleā quæ
soli vitio
nullū pro-
fert fructū.*

*Quomodo
sterilis olea
fœcunda fiat.*

*Remedium
pro oleis fo-
lia, & non
fructum fe-
rentibus.*

dum censent. Sed præstabilius esse putant multi,
rigatione uti, præsertim si validi squalores inces-
ferint. Cæterū, quia tam in siccis quàm humidis
locis oliuariæ arbores musco plerunque oneran-
tur, & adeò infestantur, ut nec fructum, nec læ-
tam frondem producant, ferramento leniter de-
radetur, ut emergentes oleæ vberius alantur, &
fœlicius procedant. Soli vitio fructum negare,
vel (ut quidam volunt) necare, si perrexerint, do-
cente Columella, sic mederi solemus. Altis gyris
arbores ablaqueamus: deinde pro magnitudine
cuiusque, calcis quantum licet circundamus, ita
ut minima arbor modicum, maxima verò pluri-
mum excipiat. Hoc remedio si nihil fuerit effe-
ctum, ad insitionis præsidium confugimus. Ste-
rilem oleam Quintillij agriculturæ peritis. hac
ratione fœcundam fieri posse tradūt. Caudici ab
radice spatiolo cubitali, ea maximè parte qua au-
strum spectat, terebra foramen utrinque impri-
mito digiti maioris amplitudine: quo factò duos
frugiferæ oleæ ramulos ab australi parte subla-
tos, crassitie qua foraminis hiatum possit exple-
re, strictè in illud coniicito: distractisque vehe-
menter cacuminibus, eminentes ac extantes un-
diq; particulas scindito, & paleato luto forami-
na obducito. Hoc veluti coitu sterilem arborem
fœcundabis. Quod præceptum cum Africani cō-
silio paulo antè proposito, planè consentire mi-
hi videtur. Porro, quæ nimia foliorum & ramo-
rum petulantia syluescunt, & absque vlla fruge
luxuriāt, Græcis hylomānes nuncupatæ, hoc est,
insanæ (quòd folia quidem ferāt multa, fructum
verò

verò paucum, vel nullum) coërceri poterunt ex Quintilliorum obseruatione, & præcepto, si in radice foramen quod terebra excauauit, viridem oleastri taleam, aut pini, vel quercus paxillum, lapidémve immiseris. Quintilliis ea in resuum addit calculum Columella. Solent, inquit, quantumuis lætæ arbores fructum quandoque non adferre, eas terebrari Gallica terebra conuenit, atque ita in foramen, oleastri viridem taleam demitti: sic arbor fecundo semine fertilior euadet. Potest eadem sine ablaqueatione adiuuari amurca insulsa, cum suilla, vel nostra veteri vrina. Cuius vtriusque modus seruatur: nam maximæ arbori, ni tantundem aquæ misceatur, vrina abundè erit. hætenus Columella de sterili olea fecundanda. Quæ si fructum multum præseferet, quem ad maturitatem non perducatur: volo dicere, si florem multum induat, & perperam illum exuat, nec sinat in baccas efformari & adolescere, faciliè medeberis si ablaqueata arbore, algæ seu marini fuci corbes duos ad radices obduxeris, si maior fuerit olea: si minor, vnū. Quod si algæ, vel fuci copia negetur, solius amurcæ vsu contentus eris, aqua potabili permistæ: ita vt singulis trūcis iuxta radices congios quatuor affundas, plūs, minūs, pro arborei corporis ratione. Nonnunquam in olea ramus vnus cæteris aliquantò lætior esse solet: quem nisi recideris, tota arbor contristabitur. Solent & radices velut morbo languentes perunque arescere, arborémque ipsam facie veluti moribunda, videndam exhibere: quod soboli vermium interno sinu delitescentium acceptum

*Remedium
eam in rem
aliud, &
paratu sa-
cilius.*

*Quomodo
olea probè
floreſcens,
ſed nihil gē-
gnens emē-
detur.*

*Quomodo
curetur olea
veluti mo-
ribūda elā-
gueſcens.*

*Remedium
ne olearum
bacca de-
fluant.*

*Quomodo
viti infera-
tur olea, &
qualis inde
fructus e-
mergat.*

*Quomodo
olearii bac-
ca cõditæ si-
mulari pos-
sint.*

ferre licet. Quos multis modis disperdēdos, cū
hoc libro passim, tum primo fusissimè ostendi-
mus. Si efformatæ olearum bacca defluant, sum-
mum adhibebitur præsidium, vt in suis Georgi-
cis testatur Democritus, si faba quæ vermiculum,
aut pediculum cõtinet, obstructo cera foramine,
in gleba radicibus hærente condatur, & ita ob-
ruatur. Hic silentio nequaquam inuoluendum
arbitror, quod de vite & olea Africanus Græcus
Florentini testimonio fretus, in suorum Geor-
gicōn libris, memoriæ posteritatis mandauit: Si
olea, inquit, viti inferatur, non vuas modò, sed &
oliuas quoque proferet: cui perticæ subiiciundæ
sunt, vt brachiorum onus fulciant. Fit autem hoc
artificio. Prope terram vitem terebramus, & fœ-
cundæ oleæ ramulum foramini imponimus: vt
à vite dulcedinem, & ab humo vernaculum nu-
trimētum fugat & alliciat. Vbi adoleuerit, & fru-
ctum ferre nondū assueuerit, si viticulæ eius sar-
menta fructuaria trāsferantur, misturam proge-
nitorum seruabunt, fructūque producent, qui
à promiscua parentum conditione nomen ado-
ptabit dicetūque Græcè elæostaphylos, Latinè
verò vuolea, aut olevua. De arbore, eiūque cura,
auxiliis & secretis hætenus. Cuius fructus, quem
baccam vbique cum priscis nuncupauimus, oliua
vulgo dici solet, carne constans & nucleo. Quam
(immaturā præsertim) pleriq; virescentibus pru-
nis albis aqua falsa cõditis, dissimulare ac mentiri
solent. Quæ impostura me, & alios multos, in ce-
lebri conuiuio hyemali, quandoque cepit ac de-
lusit. Oliuarum bacca muria exceptæ, Græcis
halma-

halmades nuncupantur: quæ verò oleo suo puræ, & sine accersita commendatione innatant, ac velut vrinabundæ fluitant, colymbades nuncupantur. Quod ad oleum attinet ex his conficiendum, hæc à me pauca admodum expectabis: ne dicar instituti mei fines transiisse. Itaque monuisse satis erit, tempus legendæ & vindemiæ oleæ commodum esse, quâdo maior pars dimidij fructus nigrescere apparuerit: quemadmodum in suis Georgicis adnotauit Paxamus. Quæ res, si minùs cælum aspirauerit, non semper erit expectanda. Vnde olearum vindemia quandoque præuenienda est, ne à gelicidiis & frigoribus intercipiatur. Cæterum, sereno die, & minimè pluuio, ab oliuantibus aggredi debet: nec licet vel minutis imbrum guttulis labentibus ramos oliuarios mouere, aut decutere, donec humiditas omnis exhausta sit. Nō defunt qui manibus sensim ac leniter ramos quatiant, vt ex iis fructus excutiant. Sed diligenter cauendum erit ne virga oliuaria baccae deiciantur, aut contingantur: nam hinc arbor minùs fecunda in posterum euadet: si vera sunt quæ scripsit Paxamus, inter Græcos geponicos non postremus. Qui etiam admonet tantum oliuæ legendum esse, quantum nocte veniente possis exprimere: adhæc molam primo oleo leniter suspendi debere, ne ossibus defractis sordescat. De omnibus nobilius esse solet, quod sponte defluxit: virginæum vocant multi. Nouo ac recenti sal & nitrum misceri debent, vt illius spissitudinem absoluant, & à labe vindicent, si quidem durare debebit: exactis diebus x x x. (vbi amurca subsederit) in vitrea va-

Olee halmades Et colymbades.

Quodnam tempus oleæ colligendæ aptum.

Serenitas vindemianda oleæ opportuna.

Summè notandum & aduertendū.

Quid virginæum oleum.

Oleū secundarium.

sa trāsferendū est, aut alia opportuna, vt mox dicemus. De secūdo similis erit disciplina: nisi quòd mola fortiore quassari debebunt oleę. His vtcūque expeditis, ad ipsius olei custodiam & auxilia calamum conuerto: quando nobis in vsu cūm cibario, tum medico frequens esse solet. Apuleius Græcę agriculturę professor eximius, tradit oleū vitreis vasis tutissimè conseruari, quòd frigore summè oblectetur. Si tamen vitrea defuerint repositoria, terreis doliolis optimè custodietur: aut aliis cribrato gypso intus perlitis, omniū verò pręstātissimè plumbeatis aut vitreatis: vel perfectè excoctis terreis, qualia sunt Bellouacorum fictilia, quorum vsus apud nos frequens esse solet. Verumenimuerò præsens locus admonet vt de olearia cella paucis agam: quæ ad eam cœli regionem constituenda est, quę à calidis ventis maximè auersa fuerit. Quare, vt septentrionem spectet summè expedit: nam siccum & frigidum locum diligit oleum, calores & humores tanquam inimicos perniciali odio habēs. Fumo valde infestatur: quapropter olearij doctores in totū præcipiunt, vt neque fumus, neque fuligo, quandiu oleum conficitur, in torcular aut cellā oleariam irrumpat, admittaturve: imò ne lucernā quidem. Oleū quod gelatur, plerunque fracescit: pręsidiū est salem vel nitrum opponere. Rancidum Tarētinus sic posse curari asserit, & post illum Palladius. Albam ceram mundo & optimo oleo resolutā, & adhuc coctura cum eo liquentem, in oleū profundere oportet, deinde calentes sales defrictos addere: ita oleum sapore, & odore mutato, optimè

Quib⁹ vasis optimè seruetur oleum.

De loco & situ olearie cellæ.

Fumus oleo esse infestus.

Rancidi olei curatio ac saporis & odoris restitutio.

optimè purgabitur. Si verò misturam eam anticipaueris iniicere, nūquam rancescet. Medetur & rancori anisum oleo demersum. Si *fæculentum* fuerit & impurum, purificabitur Sole, vel igne, vel aqua feruenti, si in illam vase minimè fragili imponatur. Si sordet, sic purū facies ex eiusdem Tarentini consilio. Salem ad ignem frige, & dum adhuc calet in oleum demitte, ac diligenter receptaculum operi. Idem præstabit pinea nux, modo candens oleo restinguatur. Emundabit & citri radix in oleum demersa, adhæc sēx olei torrefacta, & immissa, nam ita lymphidius euadet. Si fuerit fætidum, & odoris horrēdi, præcipit idem autor virides oleas sine ossibus tundi, & in vasa olearia sub solis calore demitti. Si bacçę oliuariæ defuerint, teneris oleæ cauliculis tuis idem efficies. Nonnulli vtraque linteolo clausa, remisto sale tuso, in vas olearium demergunt, & exacto triduo adimunt, oleū agitātes ac commouentes, quod vbi conquieuerit, in aliud conceptaculum transuasant. Sunt qui vetustos lateres ignitos in illud extinguant. Plerique hordeaceos panes minutim friatos, & raro linteolo obuolutos immitunt, quod vbi secūdò & tertiò repetiuerint, nouos permutando & iniiciendo, salis miculas & granula indunt, & in alia vasa translatum paucos dies subsidere patiuntur. Alij sertulam campanā, seu meliloton oleo delibutū, per diem noctēmq; infundunt. Si aliquod animal in oleum fortè inciderit, & putri nidore illud vitiauerit, iubet Democritus in suis Georgicis, coriandri manulem fasciculum in oleario vase suspēdi, atque ita pau-

*Fæculentio-
les expur-
gatio.*

*Sordidi olei
purificatio.*

*Remedium
fætidæ olei,
& odoris
malæ.*

*Varij modi
curationis
fætidæ olei.*

*Vitiati olei
& putris
remedium.*

cis diebus permanere. Si hinc de nidore nihil de-
 cesserit, mutandum erit coriandrū, donec vitium
 superetur. Sed maximè proderit, serenis diebus
 in vasa munda decapulare, quæ optima erunt, si
 prius acetum continuerint. Quidam semen fœni
 græci, aut coriandri siccum, tritūque oleo re-
 miscent, vel incensos oleagineos carbones in illo
 frequenter extinguit. Non desunt qui vuas pas-
 sas, vinaceis exemptis, tritas & in offas aut pastil-
 los redactas, oleo mergent, & elapsis decem die-
 bus detractas exprimant, agitatūque oleum in
 aliud vas transfundant. Alij vtrumque, hoc est v-
 uas & vinacea, simul tundunt, ac in oleum mit-
 tunt. Si turbidum fuerit, Tarentinus suadet illud
 in fidelia oris ampli feruescere, & vbi ebullierit,
 tenuissimum sale frictum ac torrefactum in-
 spergere, atque vbi substiterit, aliò transfundere.
 Pellucidum facies si corticem & ramulos oleagi-
 neos cum sale detritos, & linteolo conclusos in
 vase oleario suspēdas. Odoratum sic compones:
 Oleo recenti primo, sincero, & ab omni amurcæ
 spurcitia immuni (quod antea virgineum nun-
 cupari diximus) inulam herbam siccam, lauri fo-
 lia, cyperum, radicē iridis, & alia quæ voles odo-
 rata in pollinem tenuissimum trita & excreta in
 oleum vitreo vase receptum iniice, & diu mul-
 tūque agita: deinde sale torrefactum & in fa-
 rinam detritū immitte, ac rursus agita, diebū-
 que xv, plus minus, vas ipsum cum oleo soli ex-
 pone, aut in duplici vase calidam aquam excipie-
 te merge: sed ita ne quid expiret, vel diffugiat: tā-
 tis perque ibi esse permitte, donec horas treis len-

*Sylva reme-
 diorum pro
 curandis e-
 leis vitatis.*

*Olei turbi-
 di curatio.*

*Vt oleū fiat
 pellucidum.*

*Quomodo
 comparitur
 oleum odo-
 ratum.*

to igni ebullierit, exemptum patere spatio quodam conquiescere, vsquedum concorporari, & in vnum coire perceperis. Dein percolato, & in tuum vsu loco ac vasculo idoneo optimè seruato, & diligenter prospicito, ne qua illabatur aura.

HACTENVS scribendo & meditando fatigatus, hisce Hortorum & hortensiũ rebus colorum sum impositurus, & ab iis qui legent, & fructum cum voluptate aliquem inde sibi comparabunt, sollicitè postulaturus, vt suis apud Deum precibus conatus nostros adiutare dignetur: vt quæ præ manibus habemus alia quàm plurima, & quotidie pro nostræ Mineruæ modulo, discendi cupidis meditamur, lucem optatam aliquando videre possint.

FINIS TRIVM LIBRORVM DE
cultu, cura, auxiliis, & secretis Hor-
torum, Autore ANTONIO
MIZALDO, Medico &
Mathematico Lutetiæ.

1574.

P iij





DE HORTENSIVM
ARBORVM INSITIONE
Opusculum,
ANTONII MIZALDI MON-
LVCIENTIS, MEDICI, STUDIO
& diligentia ex variis Auctoris
Græcis & Latinis accuratè
congestum.

PRAEFATIVNCVLA.



ROPOSITIS publicæ v-
tilitati Auxiliis, cura, & se-
cretis Hortorum, precium
operæ nunc demùm factu-
rū me cogitavi, si libellum
De arborum Insitione co-
mitem illis darem, vt no-
stra Hortensiū historia suis

vndique partibus absoluta foras prodeat. Vt ita-
que à verbis ad rem transeam, Arbores quæ ho-
minum cura & arte prouenire solent, vel semine
emergunt, vel radicum plantulis, vel propagine,
vel auulsione, vel furculo, vel insitione. Relictis
primis & mediis, ceu notissimis, postremum lon-
gè ac latè, si diuina fauerint, ex priscis & recetio-
ribus rerum agri professoribus Græcis & Latinis

explicare fatagam, vt fœcundissimam illam pulcherrimorum fœtuum arboreorum matrem Insitionem, meritis honoribus exornem, & omnibus suis numeris, pro mea tenuitate, illustrem.

De insitione quæ fit sub cortice, & in trunco, ex Græcis Florentini Georgicis. Caput I.

FLORENTINVS inter Græcos rerû agri doctores priscos clarus, tria inferendi genera esse tradit. Vnum sub cortice, alterum in trunco, & tertium quod emplastro fit, seu inoculatione. Omissio vltimo, sic primum & secundum persequitur. Arbores quæ de flore libro & cortice vestiuntur, & ex terra copiosum humorem sugunt, quales esse noscuntur ficus, olea, cerasus, & similes, sub cortice inferi desiderant. Sed ante cuneus tenuis valido ligno constructus (quo facilius imprimatur) inter corticem & lignum paulatim adigi debet, tam diligenti & accurato manus libramento, ne corticis fascia disrumpatur, quo leniter subducto, furculus mergitur, & blâdè imponitur. Hanc inferendi rationem emphyllismon & infoliationem appellant. Quæ autem cortice tenui cinguntur arbores, suntq; pauciori humore contētæ, & foris exuccæ (quod humor relicto cortice in medullam interiorem se recipiat (qualis esse solet citrea malus, & arbores alię complures, fisso ligni medio, furculi infiguntur, quæ modum propriè Insitionem vocant, & Encentrismon. In utroque genere confestim inferendû furculum præcipiunt, & compediariam insitionem faciendam

dam, ne diuturniore mora natiuus humor exhauriatur, & furculus reficcetur. Porro, qui inferuntur furculi, nitidi esse debent, & ex fertili arbore selecti, ab ea parte quæ Aquilonem spectat: adhæc acutis falcibus decisi, de nouo nati, leues, frequentibus gemmis prægnâtes, bifurci, vel trifurci, ab imo crure simplices, crassitudine digiti minoris, & bimi, nam anniculorû salua sursum recurrens auocatur, ex quo infructuosi fiunt. Falcis mucrone ab vna parte instar scriptorij calami salua medulla scinduntur, sic vt lignum ligno, & cortex cortici possit committi & adhærere. Surculi dera sum acumen, cum fissura & hiatu in quẽ debet imponi, æquali constabit magnitudine: ita vt exacutio & fissura stylum excipiens, binos digitos non excedant, quibus iustè coëuntibus nihil adimendum volunt. Argilla duntaxat vulnus muniendum erit, propterea quòd flaua terra cauliculos exurat, & ob id inepta sit. Surculos finiẽte Luna, vel silente, decem aut paulò plures dies ante insitionem accipiendos iubent, & operto vase ita muniendos, ne qua expiret aura, quos oportebit, dum eliguntur, adhuc oclusos nõ dehiscere, insitòsq; ad germinationem properare, quare decẽ antè diebus, aut plusculis, vt diximus, qui insitioni destinabuntur, vellendi erunt. Sed edocenda est ratio cur statim eruti non sint inferendi, quippe si feruẽs adhuc, turgẽsque furculus in capacem & destinatam rimam immittatur, necessum est quippiã eius emarcescere, antequã in vnũ coalescat corpus, fungosãmq; laxitatem inter lignũ excipiens, & hospitem furculũ inter-

cedere: aut, si mauis, laxationem fieri inter immis-
sum & suscipiens lignum, in cuius rimas hiantes
subiens aër, prorsus in vnitatem coïre non pati-
tur. Quòd si dies aliquot vase prius includantur,
faceffet omnis iniuriæ suspicio, neque vinculorū
laxans mollities infestabit, neque inspirās aër of-
ficiet, sed breui tempore comprehendent. Surcu-
li aquilonio flatu ruēte non sunt inferendi, quin
potius Austro spirante: quoniam vt imber insi-
tionibus in trunco prodest, ita his quæ sub cor-
tice fiunt nocet. In trunco ad æquinoctiū vsque
Autumni optimè fieri potest. In cortice vsque ad
Brumam, & post Fauonij flatus (qui septima Fe-
bruarij die spirare incipiunt) vsque ad solstitium.
Sunt qui insitionem optimam in trunco prædi-
cent post Canis ortum, rursūque æstate post
extinctos Caniculæ feruores. Si surculi à longin-
quis tractibus deferantur, infixi luto, vase diligē-
ter oblito, ne ventum sentiant optimè asportan-
tur. Hactenus Florentinus in suis Georgicis.
Sed in his omnibus distingue loca & tempora.

*De insitione quæ fit per inoculationem, seu empla-
strationem, ex Græcis Didymi Georgicis.*

Caput II.

DIDYMVS inoculationem, quæ enophthal-
mismus dici solet, ante solstitium æstiuum
opportunè fieri tradit, quāuis circiter vernali
æquinoctiū, cūm germinatione turgēt arbores,
& gēmis grauidę gestiunt, die trāquillo, & silen-
te cœlo à se cōmodè auspicatam fuisse memorat.
Verūm,

Verùm, quæ inoculatur arbor, nodis & agnascēti
 sobole, comāque debet purgari, relictis vberio-
 ribus, nitidioribúsq; furculis qui huic insitioni
 destinantur. Fœcundæ arboris ex anniculo ger-
 mine immaculatum & selectum oculû, seu gem-
 mam, asciscere conuenit: & circumraso acie scal-
 pri diligenter cortice, eum caudici in alterius ve-
 stigium imprimere. Purum autem corticē, eruga-
 tum, nec vlla sui parte cicatricosum secare exactè
 decet, ac lignû integrum & inuiolatum seruari:
 hoc enim perquam necessarium habetur. Fœlici-
 ter cedit, si recepta hoc hospitio gemma, in alte-
 rius sedem incidat: nam ita dubio procul cõpre-
 hendit. Citra quoque gemmam vel oculum in
 pullulatione, altera caudicis parte insitionē mo-
 liri nihil vetat. Cæterùm cortices crassitudine
 pares esse debent: & vbi coaluerunt, amputandû
 quod supra compagem prominet, ne eo loci fe-
 ratur alimentum, & à coalitu succus auocetur.
 Dum furculi tria monstrabûnt folia, vincula sunt
 resoluenda. Ego verò, inquit Didymus, sæpenu-
 mero non ipsum oculum ex anniculo germine
 acceptum, per seipsum inseui, sed relicto oculo
 in germine illæso, à tergo gemmæ corticem de-
 libraui: & lignum instar scriptorij calami scalpēs,
 cum ligno quod remansit, in vestigium vel lacu-
 nam impressi, generosiorésque arbores mihi cõ-
 paraui. Porro, si sinistrae ramorum partes inocu-
 lationem susceperint, suos partus cum fœnore
 liberaliter refundent. Hactenus Didymus in suis
 Georgicæ disciplinæ Institutionibus græcis, ex
 quibus hæc accepta & translata sunt. Sed in his

semper tibi habenda erit ratio tui cœli, soli, & cōsuetudinis. Quod pro reliquis scriptum puta.

Particularia de Infitione ex Diophane Græcorum agri interprete. Cap. III.

FICUS moro & platano rectè inferitur: Morus castaneæ, fago, malo, pyro syluestri, terebintho, vlmo & albæ populo: quo coniugio cãdida nascuntur mora. Pyrus inferitur punicę malo, cotoneæ, moro, amygdalo & terebintho. Si pyri furculi moro figantur, rubra creabunt pyra. Malus inferitur omni pyrastri generi: eadem cotonei fœcundata coitu, poma dabit, quæ Græci melimela nominant: similiter & pruno sociatur: sed inito platani consortio, rubra mala proueniunt. Nux in arbutum solam inferi voluit, cæterarum ferè societatem horrens. Punica falici inferuntur, Laurus malo, Persica damasceno & amygdalo. Damascena syluestri pyro cuiuscûque generis: adhæc cotoneæ, & malo. Castanea variis arborû adulteriis gaudet, vt fagi & roboris. Cerasus nec persici nec terebinthi respuit hospitium: nec contrà, cerasi terebinthus & persicus. Cotonea oxyacanthę consortiû non aspernatur. Myrtus falici inferitur, Præcocium damasceno & amygdalo. Citria malus cùm tenui libro vestiatur, vix subtercutem recipit aduenam furculo: quin potius in nutritio parentis sinu alitur: post coalitû emarcescit. Loquor autem de fructu, inquit Diophanes, qui vbi arbor comprehenderit, citromalum appellatur. Si tamen quis citrium moro

infeue-

inseuerit, rubra feret poma. Cotonea & caprificus, arboris cuiusque consortium ineunt, nec ulli furculo denegant hospitium. Citriam malum in punicæ trunco fixam ali, Didymus in Georgicis scriptum reliquit. Florentinus insitam ceraso vitem vuas vere promittit ferre: eadēmq; oleæ impactam fructum promere, qui de vtriusque parentis adoptione, elæostaphylus dicitur. Odorata pyra, myrapiā nuncupata, quam optimè in malis comprehendunt. quod vnum, inquit Diophanes, experientia magistra didici. Hactenus Græci rerum agri interpretes de insitione. Venio ad Latinos qui de ea post illos scripserunt, vt sua vnūquemque tulit ætas & ordo.

De arborum generatione & insitione ex lib. 2.

Georgicōn Virgilij. Cap. IIII.

Pincipiō arboribus varia est natura creandis.
 Namque aliæ nullis hominum cogentibus, ipsa
 Sponte sua veniunt, campōsque, & flumina latè
 Curua tenent: vt molle siler, leniæque genistiæ,
 Populus, & glauca canentia fronde salicta.
 Pars autem posito surgunt de semine, vt altæ
 Castineæ, nemorūque loui quæ maxima frondet
 Esculus, atque habitæ Grauis oracula quercus.
 Pullulat ab radice altis densissima sylua
 Vt cerasi, & elmīque: etiam Parnassia laurus
 Parua sub ingenti matris se subiicit vmbra.
 Hos natura modos primū dedit: his genus omne
 Sylvarum, fruticūque viret, nemorūque sacrorum.
 Sunt alij quos ipse via sibi repperit vsus:

Hic plantas tenero abscindens de corpore matrum
 Deposuit sulcis: hic stirpes obruit aruo,
 Quadrifidâsque sudas, & acuto robore vallos.
 Sylvarumque aliæ pressos propaginis arcus
 Expectant: & viua sua plantaria terra.
 Nil radicis egent aliæ, summumque putator
 Haud dubitat terræ referens mandare cacumen.
 Quin & caudicibus sectis (mirabile dictu)
 Traditur è sicco radix oleagina ligno.
 Et sæpè alterius ramos impunè videmus
 Vertere in alterius: mutatamque insita mala
 Ferre pyrum: & prunis lapidosa rubescere corna.
 Quare agite, ô proprios generatim discite cultus
 Agricolaë, fructusque feros mollite colendo.

Deinde subdit,

Sponte sua quæ se tollunt in luminis auras,
 Infœcunda quidem, sed læta & fortia surgunt:
 Quippe solo natura subest: tamen hæc quoque si quis
 Inferat, aut scrobibus mandet mutata subactis,
 Exuerint sylvestrem animum, cultusque frequenti
 In quascunque uoces arteis, haud tarda sequentur.
 Necnon & sterilis quæ stirpibus exit ab imis
 Hoc faciet, vacuos si sit digesta per agros.
 Nunc altæ frondes, & rami matris opacant,
 Crescensque adimunt fœtus, vruntque ferentem.
 Iam quæ seminibus iactis se susulit arbor
 Tarda venit, seris factura nepotibus umbram:
 Pomæque degenerant succos oblita priores:
 Et turpes auibus prædam fert vna racemos:
 Scilicet omnibus est labor impendendus, & omneis
 Cogendæ in sulcum, ac multa mercede domandæ,
 Sed truncis oleæ melius, propagine vites

Respondent : solido raphiæ de robore myrtus :
 Plantis & duræ corylinascuntur, & ingens
 Fraxinus, Herculeæque arbor umbrosa coronæ,
 Chaonique patris glandes: etiam ardua palma
 Nascitur, & casus abies visura marinos.
 Inferitur verò ex fœtu nucis arbutus horrida.
 Et steriles platani malos gessere valenteis:
 Castaneæ fagos: ornûsque incanuit albo
 Flore pyri: glandémque sues fregere sub vlmis.
 Nec modus inferere, atque oculos imponere simplex:
 Nam quæ se medio trudent de cortice gemmæ,
 Et tennes rumpunt tunicas: angustus in ipso
 Fit nodo sinus: huc aliena ex arbore germen
 Includunt, vdoque docent inolescere libro.
 Aut rursus enodes trunci refecantur, & altè
 Finditur in solidum cuneis via: deinde feraces
 Plantæ immittuntur: nec longum tempus, & ingens
 Exiit ad cælum ramis fœlicibus arbor:
 Miraturque novas frondeis, & non sua poma.

Haftenus diuinus poëta Virgilius de arborum
 diuisione, in eas quæ natura gignuntur, & quæ
 artificio. Priorẽ modum perspicuè explicat: po-
 steriorem, obscurè. Nos ex Plinio utrûque paulò
 post facilem ac familiarem tibi reddemus. Postre-
 mò insitionem exemplis aliquot persequitur &
 illustrat, cum duabus eius sororibus quæ infolia-
 tio seu emphyllismus, & emplastratio vel inocu-
 latio seu enophthalmismus tam Latinis quàm
 Græcis agricolis dici solent, & cortice nituntur.
 Sed hîc Virgilij interpretem non agimus. Pergo
 itaque ad reliquos qui de insitione plenius ac cla-
 rius post Virgilium scripserunt.

OMNIS furculus omni arbori inferi potest, si non est ei, cui inferitur, cortice dissimilis. Si verò etiam similem fructum, & eodem tempore adfert, sine scrupulo egregiè inferitur. Tria genera porrò insitionum antiqui tradiderunt. Vnum, quo resecta & fissà arbor, resectos furculos accipit. Alterù, quo resecta inter librum & materiã, semina admittit, quæ vtraque genera verni temporis sunt. Tertium, quo ipsas gemmas cum exiguo cortice, in partem sui delibratã recipit: agricolæ emplastrationem vocât: vel, vt quidam, inoculationem: hoc genus insitionis æstiuo tempore optimè vsurpatur: quarum insitionum rationem cum tradiderimus, à nobis quoq; reperitam aliã docebimus. Omnes arbores simul atque gemmas agere cœperint, Luna crescente inferito: oliuam autem circa æquinoctium vernum, vsque in idus Aprilis. Ex qua arbore inferere voles, & furculos ad insitionẽ sumpturus es, videto vt sit tenera & ferax, nodisq; crebris: & cum primùm germina tumbunt, de ramulis anniculis, qui Solis ortum spectabunt, & integri erunt, eos legito, crassitudine digiti minimi: furculi sint bifurci vel trifurci. Arborem quam inferere voles, ferra diligenter exsecato, ea parte qua maximè nitida & sine cicatrice est: dabísque operam ne librum lædas. Cum deinde truncum recideris, acuto ferramento plagam leuato: mox cuneum tenuem ferreum vel osseum, inter corticem & materiam nec minùs digitos tres, sed consideratè demittito, ne lædas

lædas aut rumpas corticem. Postea furculos quos inferere voles, falce acuta ex vna parte deradito tantum, quantum spatij cuneus demissus dabit: atque ita ne medullas, néve alterius partis corticem lædas. Vbi furculos paratos habueris, cuneū vellito, statimque furculos in ea foramina, quæ cunco adacto inter corticem & materiam feceris, demittito. Ea autem sine qua adraferis, furculos sic inserito, vt semipede nec amplius de arbore extent: deinde muscum supra imposito, & ita ligato ne pluuia dilabatur. Quosdam tamē magis delectat in trunco arboris locum seminibus serra facere, insectasque parteis tenui scalpello leuare, atque ita furculos aptare. In vna arbore duos aut tres ramulos figito, dum ne minus quaternū digitorū inter eos sit spatiū. Pro arboris magnitudine, & corticis bonitate hæc facito. Cum omnes furculos quos arbor patietur demiseris, libro vlimi, vel vimine arborē astringito: postea paleato luto bene subacto oblinito totā plagam & spatiū quod est inter furculos, vsq; eò vt duobus digitis insita extet. Supra locū muscum imposito, & ita alligato ne pluuia dilabatur. Si pusillam arborem inferere voles, imam abscindito, ita vt sesquipede è terra extet: & cum deinde præcideris, plagā diligenter leuato, & mediū truncum acuto scalpello permodicè findito: ita vt fissura digitorum triū sit in ea: postea cuneum, quò diducatur, inserito: & furculos ex vtraque parte derafos demittito: sic vt librū seminis, libro arboris æqualē facias. Cum furculos diligenter aptaueris, cuneū eximito, & arborē, vt supra dixi, alligato: deinde

terram circa arborē adaggerato, vsque ad ipsum
 insitum: ea res à vëto & calore maximè tuebitur.
 Hoc tertiū genus insitionis cū sit subtilissimū,
 nō omni generi arborum idoneū est: sed ferè re-
 cipiunt talem insitionē quę humidū, succosūq;
 & validum librū habēt, sicut ficus. Nam & lactis
 plurimum mittit, & corticem robustum habet:
 optimè itaq; ea inseritur tali rationē. Ex qua ar-
 bore inferere voles, in ea nouellos & nitidos ra-
 mos eligito, in iisdēmq; obseruato gemmam quę
 bene apparebit, certāmq; spē germinis habebit:
 eam duobus digitis quadratis circūsignato, vt gē-
 ma media sit: & ita acuto scalpello circuncidito,
 delibratōque diligenter ne gēmam lædas. Postea
 item alterius arboris quā emplastraturus es, niti-
 dissimum ramum eligito, & eiusdem spatij corti-
 cem circuncidito, & mäteriam delibrato: deinde
 in eam partē quam nudaueris, præparatum em-
 plastrum, seu gemmam, aptato: ita vt alteri deli-
 bratæ parti conueniat. Vbi ita hæc feceris, cir-
 cā, gemmam bene alligato, cauetōque ne lædas
 ipsum germen: mox commissuras & vincula lu-
 to oblinito, spatio relicto, vt gemma libera vin-
 culo nō vrgeatur & liberè germinet. Arboris au-
 tem insitæ sobolē & ramos superiores præcidito:
 nequid sit quò possit succus euocari, aut ne cui
 magis quàm insito seruiat: post x x i. diē soluito
 emplastrū: & hoc genere etiam optimè inseritur
 olea. Quartum illud genus insitionis iam docui-
 mus cū de vitibus disputauimus: itaque super-
 uacuū est hoc loco repetere traditā rationē tere-
 brationis. Sed cū antiqui negauerint posse om-
 ne ge-

ne genus furculorum in omnem arborē inferi, & illam quasi finitionem qua nos paulò ante vſi ſumus, veluti quandam quaſi legem ſanxerint, eos tantum furculos poſſe coaleſcere qui ſint cortice ac libro & fructu cōſimiles iis arboribus quibus inferuntur, exiſtimauimus errorem huius opinionis diſcutiendum, tradendamque poſteris rationem qua poſſit omne genus furculi omni generi arboris inferi. Quod ne longiore exordio legentem fatigemus, vnum quaſi exemplū ſubiiciemus, quo poſſit omne genus furculi, omnibus arboribus inferi. Scrobē quoque verſus pedum quatuor ab arbore oliuæ tam longè fodito, vt extremi rami oleæ poſſint eam contingere, in scrobem deinde fici arbuſculam deponito, diligentiamque adhibeto vt robuſta & nitida fiat. Poſt triennium aut quinquēnium, cū iam ſatis amplum incrementum ceperit, ramum oliuæ, qui videbitur nitidiſſimus, deſpecte, & ad crus arboris ficulneæ religa: atq; ita amputatis cæteris ramulis, ea tantum cacumina quę inferere voles, relinquito. tum arborem fici detruncato, plagamque leuato, & mediam cuneo findito: cacumina deinde oliuæ ſicuti matri cohærent, ex vtraque parte abradito, & ita fiſſuræ fici aptato, cuneumque eximito, & diligenter ramulos colligato, ne qua vi reuellantur. Sic interpoſito triennio coaleſcet ficus cū olea, & tū demū quarto anno cū bene eoierint, velut propagines, ramulos oliuæ à matre reſecabis. Hoc modo omne genus in omnem arborem inferitur. Haſtenus Columella rerum agri interpres æquè facundus ac diligens.

SEMI NE inferere natura docuit raptim auium
 Sfame deuorato, solidoque, & alui tepore ma-
 dido, cum fœcūdo stercoris medicamine in mol-
 libus arborū lecticis abiectō, & ventis sæpè trās-
 lato in aliquas corticum rimas. Vnde vidimus e-
 natam cerasum in falice, platanum in lauro, lau-
 rum in ceraso, & baccas simul discolorēs. Tradūt
 & monedulam semina in cauernarum thesauros
 condentem, eius rei præbuisse causas. Hinc nata
 inoculario sutoriæ simili fistula aperiendi in ar-
 bore oculum cortice exciso, seménq; includendi
 eadem fistula sublatum ex alia. In ficis autem &
 malis hæc fuit inoculatio antiqua. Virgiliana
 quærit sinum in nodo gemmæ expulsi corticis,
 gemmámque ex alia arbore includit, & hætenus
 natura ipsa docuit. Insitionem autem casus ma-
 gister alius, & penè numerosior, ad hūc modum
 exposuit. Agricola sedulus casam sepiis munimē-
 to cingens, quò minùs putrescerent sudes, limen
 ex hēdera subdidit, at illæ viuaci morsu appre-
 hensæ, suam ex alieno fecere vitam, apparuitque
 truncū esse pro terra. Aufertur ergo serra æqua-
 liter superficies, læuigatur falce truncus. Ratio
 postea duplex. Prima inter corticē & lignum in-
 ferendi; timebant enim prisci truncum findere,
 mox inforare ausi medio, ipsique medullæ cala-
 mum imprimebant, vnum inserētes, neque enim
 plures capiebat medulla. Subtilior postea ratio
 vel senos adiecit, mortalitati eorum & numero
 succurrere persuasa, trunco per media leniter fis-
 so,

fo, cuneoque tenui fissuram custodiente, donec cuspidatim decifus descendat in rimam calamus. Multa in hoc seruanda. Primùm omnium quænam arbor patiatur coitum talem, & cuius arboris calamus. Variè quoque, & non iisdem in partibus succus omnibus subest. Vitibus, ficisq; media sicciora, & è summa parte conceptus, ideò illinc furculi petuntur. Olei circa medias succus, inde & furculi, cacumina sitiunt. Facillimè coalescunt quibus eadem corticis natura, quæq; pariter florétia eiusdem horæ germinationem, succorúmque societatem habent. Reliqua obseruatio ne fissura in nodo fiat (repudiat quippe aduenam inhospitalis duritia) vt in parte nitidissima, ne longior multò tribus digitis, ne obliqua, ne translucens. Virgilius ex cacumine inferi vetat, certúmque est ab humeris arborum orientè æstiuum spectantibus furculos petendos, & è feracibus, & è germine nouello, nisi vetustæ arbori inserantur, ij enim robustiores esse debent. Præterea vt prægnantes, hoc est geminatione turgentes, & qui parere illo sperauerint anno. Bimi vtri-que nec tenuiores digito medio. Inseruntur autè & inuersi, cùm id agitur vt minor altitudo in latitudinem se fundat. Ante omnia gemmantes nitere conueniet, nihil vsquam vlcerosum esse, cicatricosum aut retorrídum: spei fauet medulla calami cõmissuræ, si in matre ligni, corticisq; iungatur, id enim satiùs quàm foris cortici æquari. Calami exacutio medullam ne nudet tenui tamè fistula detegat, vt fastigiatio laui descēdat cuneo tribus non ampliore digitis, quod facillimè con-

tingit, tinctum aqua radētibus. Calamus ad corticem vsque suum deprimatur. Ne luxetur dum deprimitur, néve cortex replicetur in rugas. Ideò lacrymantes calamos inferi non oportet, non, herculè, magis quàm aridos, quia illo modo labat humore nimio cortex, hoc vitali defectu nō humescit, neque cōcorporatur. Id etiam religionis feruant, vt Luna crescente calamus vtraq; deprimatur manu: alioquin in hoc opere duæ simul manus minus nituntur, necessàrio temperamento: validiùs enim demissi, tardiùs ferunt, fortiùs durant, contraria ex diuerso. Ne hiscat nimiù rima, laxèque capiat, aut ne parum, & exprimat, aut compressum necet. Hoc maximè præcauendum, vt præualidè accipiētis trunco in media fissura relinquatur. Quidam vestigio fissuræ falce in truncis factò, falce præligant marginē ipsum, postea cuneos figunt continente vinculo libertatem dehiscendi. Quædam in plantario insita, eodem die transferuntur. Si crassior truncus inferatur, inter corticē & lignum inferi meliùs est, cuneo optimè osseo, ne cortice rumpatur laxato. Cerasi libro dempto finduntur, hæ solæ & post brumam inferuntur: dempto libro habent veluti lanuginem, quæ si comprehendit insitum, putrefacit: incolumi cuneo adaectum vtilissimè adstringitur. Inferere aptissimum quàm proximum terræ, si patiatur nodorum trunciq; ratio. Eminere calami sex digitorum longitudine non ampliùs debent. Cato argillæ, vel cretæ arcnam, fimumque bubulum admisceri, atque ita vsque ad lentorē subigi iubet, idq; interponi & circumlini.

lini . Ex iis quæ commentatus est, facilè apparet illa ætate inter lignum & corticem, nec alio modo inferere solitos : aut vltra latitudinem duûm digitorum calamos demittere. Inferi autem præcipit pyra ac mala per ver, & post solstitium diebus L. post vindemiam. Oleas autem & ficos per ver tantum, Luna sitiente, hoc est sicca. Præterea post meridiè, ac sine vento Austro. Mirum quòd non contentus insitum munisse, vt dictum est, & cespitem ab imbre frigoribusq; protexisse, ac molibus bifidorum viminum fascibus, lingua bubula (herbæ id genus est) insuper obtegi iubet, eamque illigari opertam stramētis. Nunc abundè arbitrantur paleato luto libros farcire, duos digitos insito extante . Verno inserentes tempus vrget incitantibus se geminis, præterquàm in olea, cuius diutissimè oculi parturiunt, minimùmque succi habent sub cortice, qui nimius insitis nocet. Punicam verò & ficum, quanquam aliàs sicca sint, recraftinare minimè vtile . Pyrum vel florentem inferere licet, & in Maium quoque mensem protendere insitionem. Quòd si longiùs afferantur pomorum calami, rapo infixos optimè custodire succum arbitrantur : seruari inter duos imbrices iuxta riuos, vel piscinas, vtrinque terra obstructos. Emplastri ratio & ipsa ex inoculatione nata videri potest, crasso autem maximè cortici conuenit, sicut & ficis. Ergo amputatis omnibus ramis, ne succum auocent, nitidissima in parte quaque præcipua cernatur hilaritas, exempta scutula (ita ne descendat vltra ferrum) cortici, imprimitur ex alia cortex par cū sui ger-

minis mamma, sic compage densata vt cicatrici locus non sit, & statim fiat, vnitas, nō humorem, non afflatum recipiens, nihilominus tamē & luto munire, & vinculo melius. Hoc genus nō pridem repertum volunt qui nouis moribus fauēt. Sed id etiam apud veteres Græcos inuenitur, & apud Catonem, qui oleam ficūmque sic inferi iussit, mensura etiam præfinita, secundum reliquam diligentiam suam, cortices scalpro excidi quatuor digitorum longitudine & trium latitudine, atque ita coagmentari, & illa sua intrita oblini eadem ratione & in malo. Quidam huic generi miscuere fissuram in vitibus, exempta cortice tessella, furculo à latere plano adigendo. Tot modis insitam arborem vidimus iuxta Tiburtes Tullias, omni genere pomorū onustam, alio ramo nucibus, alio baccis, aliunde vite, ficis, pyris, punicis, malorūmque generibus, sed huic brevis fuit vita. Nec tamen omnem experimentis assequi naturam possumus. Capacissima insitorum omnium dicitur platanus, postea robur, verūm vtraque sapes corrumpunt. Quædam omni genere inferuntur, vt ficus & punicæ. Vitis non recipit emplastra, nec quibus tenuis ac caducus, rimosusque cortex, neque inoculationem siccae ac humoris exigui. Fertilissima omnium inoculatio, postea emplastratio, sed vtraque infirmissima. Quæ cortice nituntur tantūm, vel leni aura ocyssimè deplantantur. Inferere firmissimum & fœcundius quàm serere. Hactenus Plinius.

De insi-

*De insitione, ex Palladio, maximè earum arborum
quas libro tertio Horti nostri descripsimus.*

Caput VII.

Incipiam quicquid veteres scripsere coloni,
Sacræque priscorum verba labore sequar.
Principiò multas species industria solers
Protulit, & doctam iussit inire manum.
Nam quæcunque virens alienis frondibus arbos
Comitur, his discit credita ferre modis.
Aut noua discreto figuntur germina libro,
Aut aliud summo robore fissa capit.
Aut virides oculos, extremi gemma tumoris
Accipit, & lento stringitur vda sinu.

DE .M A L O.

Insita proceris pergit concreescere ramis,
Et sociam mutat malus amica pyrum.
Sæque feros syluis hortatur linquere mores:
Et partu gaudet nobiliore frui.
Spiniferas prunos, armatæque robora sentes
Læuigat, & pulchris vestit adulta comis.
Exiguam sorbum dulci distendere succo
Nouit, & ad cupidas flectere poma manus.
Robora thyrsigero platani concordia Baccho,
Fætibus instituit plena rubore nouis.
Illius insolitas miratur persicus umbras,
Populeæque ferunt candida dona comæ.
Mespilus huic paret, lapidosæque viscera mutans
Tenditur, & niueo plena liquore rubet.
Pro sudibus fætis, & pro prægnantibus armis
Castaneæ fuluum dant noua mala decus.

ANT. MIZALDI OPUSCULVM
DE PYRO.

Germine cana Pyrus, niueos haud inuida flores
Commodat, & varium nequit amore nemus.
Nunc rapit hirsutis horrenda sororibus arma,
Et docet indomitas ponere tela pyros.
Nunc teretem pingui producit acumine malum:
Fraxineasque nouo flectit honore manus.
Phyllida quinetiam grandi mitescere fructu
Instituens, duræ dat sua membra cuti.
Et steriles pinos, & inertem fætibus ornum
Dotat, & ignotum cogit amare decus.
Huius & immissi vertère cydonia rami,
Pomæque confusus blanda creauit odor.
Castaneæ septos aspro velamine fœtus
Exuit, & placido pondere mutat onus.
Mespilæque exarmat, pugnacibus horrida membris,
Et mala tranquillo cortice vota premit.
Creditur in Libycis sua germina nequere ramis,
Lætæque puniceo posse decore frui.

DE COTONEA.

Cùm præstet cunctis se fulua cydonia pomis,
Alterius nullo creditur hospitio.
Roboris externi librum aspernata superbit,
Scit tantum nullo crescere posse decus.
Sed propriis pandens cognata cubilia ramis
Stat, contenta suum nobilitare bonum.

DE PRVNO.

Pruna suis addunt felicia germina membris:
Donæque cognato corpore læta ferunt.

Exarmat

*Exarmat fœtus, sed brachia roboris armat
Castaneæ prunus iussa tenere larem.*

DE CERASO.

*Inferitur lauro Cerasus, partuque coactō
Tingit adoptiuus virginis ora pudor.
Vmbantes platanos & iniquam robore prunum
Compellit gemmis pingere membra suis.
Populeasque nouo distinguit munere frondes:
Sic blandus spargit brachia cana rubor.*

DE MORO.

*Mutua quinetiam moris commercia ficus
Præstat, & oblatum robore germen alit.
Fraxinus huic auidæ confert sua membra soror:
Et metuit fœtus sparsa cruore novos.
Proceras fagos, & poma hirsuta virentis
Castaneæ, duris aspera mala comis
Inficiens, monstrat piceo nigrescere partu:
Et succo pascit turgida poma nouo.
Obsequitur moris blando terebinthus odore:
Et geminis veniunt munera mista bonis.*

DE PERSICO.

*Ipsa suos onerat melliori germine ramos
Persicus, & pruno scit sociare genus.
Imponitque leues in stipite phyllidis umbras,
Et tali discit fortior esse gradus.*

ANT. MIZALDI OPUSCULVM
DE MESPILO.

*Æmula dura pyri despecti mala saporis
Mespilus admissio germine tuta subit.
Et geminis sese violentior inserit armis:
Atque audas terrent robora saeva manus.*

DE SORBO.

*Sorba suos partus meritò maioris honestant
seminis, & pulchro curua labore nitent.
Hæc arbos spinæ duros mucronibus artus
Exuit, ac libris mitibus arma tegit.
Auræque annexo miscere cydonia factu
Gaudet, & externi dona coloris amat.*

DE NUCE.

*Arbutæ frondeis vastæ nucis occupat umbra:
Pomæque sub duplici cortice tuta refert.*

DE AMYGDALO.

*Phyllis odoratos primævis floribus artus
Discissi pruni cortice fixa tegit.
Pomæque permutat velamine persica musto:
Duritiemque docet tegminis esse loco.
In modicam tornat siliqua tendente figuram:
Et frondes pulchro ditat odore feras.
Castaneamque trucem depulsis cogit echinis
Mirari fructus lævia poma sui.*

DE FICV.

*Persuadet moris tetrum mutare colorem
Ficus, & inuasis dat sua iura pomis.
Se quoque miratur pingui grandescere succo,
Et solitum gaudet vincere poma modum.
Insignes foliis platanos, fœlicia mensis
Brachia, gaudentes vitis honore comas.
Ingrediens pingui se cortice maxima ficus
Seruat, & optatos implet adepta sinus.*

DE PVNICA.

*Punica non alios vnquam dignata sapes
Mala, nec externis associata comis:
Ipsa suas augent mutato semine gemmas,
Et sibi cognato picta rubore placent.*

DE CITRIO.

*Necnon & citrii patiuntur mutua rami
Pignora, quæ grauido cortice morus alit.
Pomâque pasturi blando redolentia succo
Armatis mutant spicula nota pyris.*

DE OLEA.

*Robora Palladij decorant syluestria rami:
Nobilitat partus bacca superba feros.
Fœcundat sterilis pinguis oleaster oliuas,
Et quæ non nouit munera, ferre docet.*

OPORTET scire quòd infitionú multi sunt modi. Primus quidem est quòd fraga eiusdem arboris omnia vltra medium medullæ extransuerso incidantur, & tunc alligetur quod incisum est, sicut vulnera ligari consueuerunt: & circumponatur cera vel lutum ad pluuiæ & extrinsecorum nocumētorum defensionem, & ne rumpi aut eorum plagæ aperiri agitatione ventorum possint, conuenientibus perticis muniantur: statim enim consolidato vulnere superior pars emundatum in sapore profert fructum propter digestionem succi in nodo factam, & hoc propriè dicitur Infutio: quæ quidem plantam in alteram non transmutat speciem seu genus, sed eam de syluestri domesticam facit. Secundus modus est quòd vna & eadem arbor abscindatur in trunco, & fragum superius in eadem arbore acceptum, trunco suo inferatur, tunc enim conualescens infita, profert fructum alterius generis in sapore, & quantitate & figura quam prius protulerat: & iste modus fecit diuersitatē omnem quæ est in malis & pyris, & cæteris fructibus. Tanta enim est vis nodi & conuersionis pororum qui prius ascenderunt, quòd succum ex nodis retentum dirigunt ad aliam formam plantalem, quæ monstratur in quātitate & sapore fructus. Tertius modus inuētus est in vite & quibusdam aliis quæ ex medulla crescunt: videlicet quòd gemma vnus vitis excidatur vsq; ad medullam profundè,

dè, vulnere transfuerso & obliquo : & tantundè de gemma vitis alterius eruitur, & loco alterius ponitur, & fit colligatio sicut in aliis, & tunc conualescit & fructificat. Fieret fortè in aliis arboribus, sed in vite expertum est. Quartus insitionis modus est, quo fragum arboris vnus in aliam inseritur arborè, conualescitque & fructificat in ea per modum qui sæpè dictus est. Et iste modus regulariter cum fuerit magis similius, erit melior & citius conualescens: & fit propriè in illis arboribus quæ rectos habent poros, & per tunicas ligatas, à radice accipiunt nutrimentum. Sed iste modus, & similiter secundus, in plures subdiuiduntur modos. Vnus quidem est, quo furculus inferendus inter corticem & lignum nouæ matris imprimitur. Secundus, cum furculus scisso ligno infigitur. Tertius fit more emplastri. Quartus dicitur ad buccellum. Quintus verò falicis pertica perforata. De omnibus per ordinem dicendum est. Primus quidè modus, quo furculus inter corticem lignumque deponitur, fit hoc modo. Truncum serra acuta recidimus in loco nitido & succoso: ipsumque cum fascia corticis desuper posuimus: deinde vimine falicis, aut vlmis ligamus: ibique inter corticem & lignum cuneum ferreum, vel osseum, in acutum tendentem, ab vna parte latum, & ab alia quasi rotundum, tribus propè digitis deponimus, considerando ne corticis fascia scindatur: & in eum locum subducto cuneo statim furculum mergimus ab vna parte decusum, salua medulla & cortice partis alterius, pellicula exteriori remota, ita quod optimè trun-

co adhæreat furculi incisura : qui super truncum quatuor aut sex digitis emineat, vel vsq; ad octo. Duos vel tres, vel plures furculos pro trunci qualitate constituimus, quaternis digitis vel amplius ad minus inter eos spatium relinquentes, & lutum desuper conuenienter ponētes, & peciam disponentes, vel ligātes. Hic autem modus optimè comprehendit & conualefcit : sed fieri non potest nisi mense Martio vel Aprili, cū iam potest lignum à cortice separari. Sed nec fieri potest nisi in crasso trunco vel mediocri : & in his arboribus quæ crassum habent corticem & pinguem : vt ficus, pyrus, malus, & similes. Conualefcit autem optimè iuxta terram huiusmodi facta incisio, & etiam in quacūque parte stipitis & crassorum ramorum satis congruè prouenit : sed omnis furculus duobus adminiculis ad minus, propter ventorum rabiem indiget. Modus autem secundus qui scisso fit stipite hoc modo aggrediendus est. Resecetur truncus & desuper poliatur, vt dictum est superius : deinde scindatur in ea parte quæ magis succosa videtur, & quæ corticem ibidem planum & adæquationi furculi congruum cernatur habere, quod maximè inuenis vbi maius est spatium inter corticem & medullam propter abundantiam nutrimenti quod ad partem illam accessit. Si antequā scindas, vinculum prope summum truncum stipitis ligaueris, cum minima scissura longitudinis defendet : deinde cuneum duobus digitis vel quid minus, lōgum formabis : & aperta scissura eo, sublatāque omni lanugine de ipsius scissuræ labiis, furculum ab vtraque

que parte decifum immerges: taliter quòd cortex cortici adæquetur in parte exteriori, & lignum ligno interius, vt succus inter cortices & ligna poffit liberiùs pertráfire. In fciffura etiá furculus optimè trunco nouæ matris adhæreat: deinde fubducto cuneo, furculus in trunco fpontè immiffus constringatur. Super rimulas cóniungendas & cortices, aliquid corticis huius arboris vel panni linei cërati ponatur, & cum iunco ftrictè ligetur. Deinde (vt ait Cato) subtili puluere in fuperiorem fciffurá immiffò, creta plurimùm comprehenfa cum pãuca arena & fimo bubulo, vel cum cera, fuper truncum & ligaturam ad defenfionem caloris, venti & pluuiæ congruè difponatur, & pecia fascietur. Ego autem plusquã millesies probaui & femper inueni fufficere folam cretam bene compreffam fine fimo & arena, vel cera & puluere. Hæc etiam in fciffura proderunt, fi vapor à radice afcendens ad nouum alendum furculum foras egrediens denegetur. Notandum tamen quòd iftiusmodi & actus & operatio diuerfificatur fecundum diuerfitatem craffitutinis & tenuitatis ftipitis inferendi, & cunei furculi incidendi. Nam inferendus ftipes, furculo craffior eft paulò, aut multò. Si multò, duobus poteft fcindi modis. Vno, vt ab vna parte ftipitis vſque ad medullam tãtùm cum cõgruo ad hoc ſcalpro ſcindatur, vbi vnus tantùm furculus infigatur. Altero, vt ab vna parte ftipitis ad aliam fciffuram pertranſeat: ibique duo furculi, ſcilicet vnus à qualibet parte ponatur, vel vnus tantũ ſi placuerit ab vna parte, altera vacua remanente. Si verò

stipes est paulò crassior furculo, necessariò per mediũ scinditur, & vnum solum recipit furculũ. Vbicunque autem vnus tantummodo furculus ponẽdus est, debet cuneus eius formari vt in scissura ex vtraq; parte facta, tertia cum cortice conuenienti remaneat: in quarta verò quæ intra stipitem stare debet, nihil corticis & latitudinis videatur, aut modicũ eo modo melius quo furculus in cortice, quàm in ligni stipite exterius & interius adæquetur. Vbi autẽ duo furculi sunt ponẽdi, fit scissura cunei à duabus partibus propè medullã: quæ etiam ad medullã & acumen accedat: ab aliis duabus partibus fit quasi eiusdem latitudinis: ita quòd pars paulò latior cum omni cortice permanẽs, extra cum cortice matris æquetur: pars verò strictior, remota exteriori corticula versus medullã stipitis interius disponatur. Si autẽ stipes est æqualis furculo qui inseritur, formetur cuneus, vt ab vtraq; parte sit cortex, & vtrarũq; fiat æquatio, & cortice & peciola super riuulas posita, subtili vinculo scisso, vel cordula cũ modica strictura ligetur: & postmodum cum creta, seu terra & peciola fascietur. Et hic modus iuxta terrã & in altum, & in summitatibus optimè conualefcit: ac omnes istæ formæ quæ fiũt scisso trunco, possunt fieri cõuenienter mense Februario & Martio, etiã mense Aprili si furculus omni terra priuetur: & melius si colligantur antè quàm pullulẽt, & diu sub terra in loco frigido vmbroso seruẽtur, summitatibus non subuersis. Et etiam mense Ianuario cum calefactione ignis facta insitio comprehendit, cùm eius auxilio agglutinans concurrat succus:

succus: sed tunc temporis erit insitio cæteris melior, & melius conualescens cum iam cortici se viridis succus intulerit, & gemmæ incipiunt esse suspectæ. Ego etiam malorum insitiones feci circa principium Augusti de furculis illa æstate maturatis, & satis congruè prouenerunt. Veruntamen talis insitio facienda est sub terra, vel modicum supra eam, vt tumulatione terræ à tanto æstu insita defensetur: vel supra eam vas aliquod stillans suspendatur, & eo auxilio poterit hoc tempore etiam in altum fieri. Fit etiam, vt ait Varro, hæc insitio commodè in solstitio æstiuo & Caniculæ signo, ac præcipuè in fico. Potest etiã prædicta insitio fieri sub terra & circa terrâ, seu modicum supra terram, vbi sine dubio insiti ramusculi proueniunt omnibus aliis locis ad incrementa maiora, quia ibi lignum & cortex maximè beneficio soli adhærētis humescit, quæ insitio propriè arbusculis conuenit. Si verò arbor mediocriter magna fuerit, commodiùs erit eandem locis altioribus inferere, vbi cortex sit viridis & succosus, quàm ipsam circa terram inferere, quia sic fructus ex ea pluribus annis tardius haberetur: veruntamen quantò magis inferiùs fiet, tantò magis domesticabitur fructus. Si verò fuerit arbor magna plurimos habens ramos, nihil erit vtilius quàm ramos in locis nitidis refecare, ibiq; quocunque volueris furculos inferere. Quòd si adeò vetusta est arbor vt ramorum cortices nimium sint rugosi ac humore consumpti, arbor eadem incidatur, & relinquatur incisa vsque ad annum sequentem, & tunc inserátur furculi qui

in ea nati fuerint lætiores, & in cōmodiore parte locati, circumcisis cæteris & abiectis, qui tot numero esse poterunt, quot inferenti placebit: quia omnem numerum furculorum sufficienter nutriet talis arbor. Modus quidem inferendi quem Palladius emplastrationem vocat, sic ab eodem fieri affirmatur. Ex nouellis ramis incisis & feracibus gēma quæ bene apparebit sine dubio processura, duobus digitis quadratis circumsignetur vt ipsa statuatur in medio, & ita subtiliter cortex leuetur acutissimo scalprio, ne gemma lædatur. Item ex ea arbore cui gestimus inferere, similiter cum gemma tollatur emplastrum, nitido tamen atque vbere loco, tunc ibi conuenienter impressum circa gemmam vinculis cogitur cohærere sine læsione germinis, tunc luto superlinis & liberam gemmam relinquis. Cui multum proderit si peciola cum cera super iuncturam & rimulas corticum apponatur, ad extrinsecorum nocu mentorum defensionem, & nutrientis succi ac vaporis viuifici retentionem. Ramos deinde superiores huius arboris resecabis, ne mater proprios volens nutrire ramos, alienum filium sibi propter vtilitatem radicū per eundem relinquatur. Deinde verò viginti diebus exactis aut pluribus, resolutis vinculis reperies externi seminis gemmam mirè in arboris alienæ membra transfixam. Hic autem modus mense Iunio fieri posse asseritur, licet & antè, & post modicum comprehendat, dummodò gemma conueniens habeatur. Est modus vulgariter ad buccellū dictus, qui huic proximo est plurimum affinis, sit hoc modo:

do: Buccellus parvus crassitudine pollicis lōgus, cum gemma in medio, de nouo furculo eleuetur eiusdem crassitudinis, suo cortice in tres vel quatuor partes scisso & denudato ponatur, & tantum inferius consideratè comprimatur, quòd ligno stipitis mediocriter strictè adhæreat: & cortex apppositi furculi non scindatur, & siue gemma posita super locum gemmæ sublatae ponatur, siue nō, nihilominus sine aliquo ligaturæ vel alterius rei auxilio conualefcit. Abscindēda tamen est omnis circundans soboles furculorum, ne insitæ surripiat nutrimentum, ei tamen magnum adminiculum præstabit, si cortex pendens taliter rescindatur, quòd remanēti appositus buccellus subtiliter adæquetur: & propter dictam causam peciola, deinde creta super iuncturam & totum buccellum ponatur, libera gemma relicta, postea ne cera cadat, linea pecia fascietur. Fiat autem hic modus mense Martio, dum cortex separatur à ligno, & mense Aprili & Maio. Surculi antequam gemment collecti seruantur in loco frigido & umbroso ne pullulent, sub terra pro parte submersi. Item expertum est in mense Iunio circa finem, & Iulio, buccellum paruum cum gemma de nouissimo furculo eleuatam, & in nouissimo furculo positam eiusdem crassitudinis, siue gemmæ adæquentur, siue non, sine aliquo auxilio ligaturæ vel alterius rei, optimè conualere. Et tam hic modus, quàm superior qui emplastratio dicitur, locum habet in his solis arboribus quibus succus pinguis est in cortice, vt ficis, oleis, castaneis, & similibus. Potest etiam sine abscissione

inferendi furculi eleuari buccellus, & domesticus eiusdem crassitudinis ab vna parte scissus ibidem apponi, & cum filo ligari ac præparari, vt dictum est supra: & vbi comprehendisse videbitur supra buccellum abscinde, relicta enim summitas furculi ad buccellum fortiùs attrahit quàm abscissa, & hoc modo possunt plures eiusdem speciei & diuersarum in vna virga formari. Modus qui fit in salicis pertica fit hoc modo: Pertica vel baculus dictorum lignorum perforetur subtili terebra & acuta, ita quòd inter vnum foramen & alterum sit spatium semipedis, & furculus modicum raso cortice intromissus iungatur in scrobe furculis eleuatis, ita tamen quòd perticæ saltem salicis, summitas remaneat supra terram: hinc verò post annum materia totaliter eleuata, & inter furculos incisa, plátam quamlibet radicibus plurimis decoratam in ordinata scrobe depone, cui forsan proderit si creta, vel cera, foramina & eorum scissuræ vndique optimè obturentur. Quidam autem mihi asseruit se expertum fuisse hanc inquisitionem in palo salicis viridi perforato vsque ad medullam solummodò, & infixisse furculos æqualis crassitudinis remoto cortice, quatenus intrarent in foramen, vt cortex furculi æquaretur cortici pali, & cum cera omnem rimulam obturasse, & posuisse palum sub terra, quatuor digitis iacentem in loco aquoso, ita quòd de palo nihil apparuit, sed solùm furculi supra terrâ, & comprehendisse optimè omnes, & rescato inter furculos trunco plantasse & bene cõualuisse. Alium modum inferendi retulit Columella, dicens, Gallica

lica terebra vsque ad medullam arborem perforandā, plaga interiùs leniter inclinata, vbi deducto omni fragmine, vitem, vel ramū ad modum foraminis delibratum, succidum ramen & humidū strictim imprimi iubet, vna vel duabus gemmis foris relictis, & tunc argilla & musco locum diligenter operiri, & ita vites in vlmo inferi posse dicit. Prædicti autem duo modi fieri possunt in mense Martio, vel principio Aprilis: aut cū viridis & nouus succus calore aëris dissolutus mouetur in cortice. Item scribit Varro aliū modum inferendi suo tempore inuētum in propinquis arboribus, hoc modo: De arbore ex qua vult habere surculum in eam quam inserere vult ramulum traducit: & in eius ramo præciso ac defixo implicat in locum, quod contingit ex vtraque parte quod intus est falce extenuatum, ita quod ex vna parte qua cælum visurum est, corticem cum cortice æquatum habeat eius ramuli quem inseret, cacumen vt directum sit ad cælum postero curet anno: dum comprehēderit, vnum propagatum ab altera arbore procedit. Ex prædictis igitur patet, quod licet insitio in similia sit melior, tamen in dissimilia plurimū cōualescit, & infinita mirabilia facit, quæ apparent his qui experiri desiderant, & in talibus exercitantur.

HACTENVS Petrus Crescentius, qui insitionum historiam confusam & impeditam nobis reliquit, vt legenti facilè erit iudicare. In qua nihil immutare visum fuit, siue sententiam spectes, siue dictionem, quæ multis locis inepta est ac ridicula, sed ornari res ista negat, contenta do-

cêri. Multa sanè occurrent, quæ non Dauum, sed
Oedipum desyderabunt, quod corruptissimo
exemplari, ex quo hæc verbum è verbo transcrip-
simus, acceptum ferre licebit.

*De insitione, ex libro Iouiani Pontani de hortis He-
speridum. Caput IX.*

IAM reliqua insitio est, hominûmque industria:
nunc tu

Huc aduerte animum, & veterum cape dicta viro-
rum.

Imprimis ramos libro demitte sub vdo
Artifici dextra, fisso nunc iniice ligno,
Atque altè impaëto cuneo inserto: alteriûsve
Corticibus iunge, & cera mox illinc adaëta,
Vlmeaque obseptis constringito vincula plagis:
Ac pluuiam arceto coniecti cespitis herba.
Nunc & crescentem vicino è margine virgam
Admoue, & inciso leui sub vulnere libro
Sic fige, vt lento non desint cingula nodo.
Aut & eam trans mitte forato ad viscera trunco:
Mirantem latebrâsque cauas, & operta viarum,
Néve excide illam: finito de matre propinqua
Hauriat vt succos solitos, solita vbera lactet:
Donec eam grandem natu, longéque valentem,
Atque nouercales stringentem enixiûs vlnas
Videris & proprio meditantem viuere succo:
Tunc abrumpe manu, materna & stirpe reuelle:
Crescet, & immensum ducet latè aucta cacumen.
Interea læto surgit dum surculus auctu,
Sæpè riga, sæpè eductas de stipite gemmas

euelle,

Euellere, & duris inuerte ligonibus arua,
Ac matris blandire sua dum prole repulsa
Cogitur indignans alienos pascere fœtus.
Quin & surgentem sobolem defende sub vmbra
Frondentis rami, dum Sol furit, & furit æstas
Victa siti: idem ipse in glacie tege, tecta supernè
Insternens crassa è stipula, cannâ ve palustri,
Vrat ne teneras rabies aquilonia thyrsos
Cum primis valida nitatur surculus hasta,
A vento tutus, longèque vrgente procella:
Et nunc scalpello tenui, nunc molliter vngui
Detondens, prima luxum compesce iuuenta.
Utendum parcè ferro, sed nec tamen ipsa
Luxuries toleranda venit, quæ fœtibus obstat.
Atque equidem memini (tantùm se industria prompsit)
Qui diuersa quidem, parua sed semina in vrna
Condat: & educens collo breuiore stolones
Subducâtque, arctètque manu, ac sub vincula cogat
Crescentes, hi tandem vno se stipite miscent,
Atque vno obducunt se cortice, nè ve flagella
Dilabi finito: neu summa cacumina ventus
Diuellat, cera linito, aut diducat adulta,
Vngvine dum proprio corpus iunguntur in vnum:
Atque operi lentum sub eodem codice gluten.
Postquam alta steterit radice infossa, & opimum
Raptarit stirpes succum, mirabere poma
Plenâque gratâque: non vno tamen vna sapore.
Sunt qui diuersos ramos, sed cortice raso
Coniungant, stringântque simul quo glutine misto
Increpant æquè, & fisso mox stipite iunctos
Infigant pariter, tum vulnus ritè coronent,
Et fallax opus admota tueantur ab arte,

Quò ramo ex vno. atque vno de palmitè fructus
 Non vni veniant. sit honos & gloria ruri:
 Gaudet enim insolito natura adiuta fauore.
 Porrò non desunt, qui scisso codice, adaçto
 Dilatent vulnus cuneo: mox vulnere crudo
 Includunt gemmas alienæ stirpis alumnas:
 Ac tenui obstringunt vitta: non fit mora, longos
 Emittunt ramos, & latè brachia fundunt:
 Sic dorso alterius (mirum) noua pullulat arbor.
 Quinetiam alterius nudato cortice, plantam
 Vidimus alterius, frondente cacumine, ramos
 Erigere: ingentem & tunica sobolescere syluam,
 Et stirpem informem nemora in generosa nouari.
 Ergo castanea è molli, è præstante sagitta
 Laudatæ genitricis, adulto & germine, virgam
 Exuito, exuias gemmisque, oculisque nitentis
 Seligito, his sterili spoliatum cortice truncum
 Degenerem induito, vincloque urgente ligato:
 Quo sese & pluuiæ, & solis tueatur ab æstu:
 Nec te blanda manus finito frustretur inertem,
 Aut ludat tunica vitiosum arente flagellum.
 Iam videas docili è planta pubescere prolem
 Frugiferam tunc carpe manu, tunc erue ferro
 Quod superat matre è sterili, & blandire nouellis,
 Mira fides nitidis palmes se tollet alumnis.
 Sic quæ olim sterilis fuit arbor & horrida cultu,
 Sponte sua, nullisque hominum ante obnoxia curis,
 Mutabit genium, vertetque ad munera frugum.

Ex eodem.

Quando & inexpertum nihil ars sinit, hoc quoque &
 hortis
 Accedat, vel dictu etiam mirabile: de quo

Quamuis

Quamuis longè audax, quanquam sibi conscius vsus
 Addubitet. Ramum fœcunda è matre reuulsum
 Decutiens capito: cœsum mox vndique librum
 Equatîs ferro spatiis, dextrâque volentem
 Exuito: inde pari confossum vulnere dorsum
 Stripitis alterius nudato, & veste recenti
 Induito: vt coëant extremis partibus oræ
 Vestis, & è lento mollescant vulnera limbo.
 Vlmea dein teneris indantur cingula plagis:
 Vincula quæ ingentis committunt vulneris ora,
 Vestiat & frondens truncum toga: pellat vt imbres,
 Arceat vt Soles, & sæuæ vredinis iram.
 Dî facinus mirandum! hærenti è cortice, cortex
 Ipse nouus victum medius rapit: atque supernis
 Instillat ramis: quæque in sua pabula traxit
 Esuriens alimenta, suo & de fonte refusa
 Ipse suis infundit alumnis, ipse & amicum
 Irrorat lac, vt sensim in sua nomina vertat:
 Ramosque frondésque, & eodem semina fœtu:
 Antè quater nidum in tignis quàm figat hirundo,
 Et quater extincti renouet quàm funera nati,
 Tantùm ars ipsa valet, tantùmque industria pollet:
 Et tantùm insitio fœcundos adiuvat hortos:
 Cui fauet impatiens ocij languentis egestas.

Hactenus Iouianus Pontanus; qui sub citrio-
 rum & limoniorum insitione, quasuis alias do-
 cto & erudito carmine per occasionem comple-
 xus est. Vir sanè admirabilis & summa laude di-
 gnus: qui rem tam impeditam & difficilem, tam
 eleganti carmine facilem ac familiarē reddiderit.

*Insitionis ope & artificio multa ad stuporem vsque
miranda fieri. Cap. X.*

MULTA sunt in numeroſo illo rerum mūdi
theatro, miraculi loco habita, quæ vel for-
tuitus edidit caſus, vel ingenioſa hominum effin-
xit induſtria, comite labore, & experientia duce.
Ex quo rectè ſcripſiſſe mihi videtur poëta,
*ipſa nouas artes, varia experientia rerum,
Et labor oſtendit miſerus, vſusque magiſter.*
Cauſa cūm pleroſque lateat, illis tātūm miraculi
& ſtuporis ingerit, vt præter naturā, talia euenire
censeant. Res ea cūm in aliis multis, tum in arbo-
rū inſitionibus locū habere maximè ſolet. Qua-
rum ope & ingenioſo artificio, fieri plerūque vi-
demus, vt vna arbor adeò prodigioſo ſpectacu-
lo, diuerſi generis variique guſtus, odoris, colo-
ris, & facultatis poma, nuceſ, vuas, flores, & alia
ab vno & eodem trunco emergentia, proferat: vt
oculis intuentium nihil admirabilius occurrere
poſſit. Quod vt demonſtrē, & exemplis, cūm ve-
terum, tum recentiorū confirmem, producā ocu-
latoſ teſtes duos: Pliniū imprimis, virū omni ex-
ceptione maiorē. Vidimus, inquit, inſitā arborem
iuxta Tiburtes Tullias, omni genere pomorum
onuſtam: alio ramo nucibus, alio baccis, aliunde
vite, ficis, pyris, punicis, malorūque generibus.
ſed huic breuiſ fuit vita. Producā prætereā Ioan-
nem Baptiſtam à porta Neapolitanum, lib. 2. ſuæ
Magiæ naturalis hunc in modum ſcribentem:
Vnam nouimus arborem, delitias horti nuncu-
patam, craſſitudinis & proceritatis non ingrata:
quæ

quæ præpingui, riguo & superfoetante solo confita erat: vt tum vigore, tum humi vbertate, infitis alimentum suppeditaret. Erat tritunca: in vno ramo vnam vnâ, & item alteram vinaceis vacuam, difcolorem & medicatam gerens: quarum altera soporem, altera alui deiectionem moliebatur. Secundus ramus persicum adferebat, ex persico & nuci-persico interuallis pluribus æquè distinctum, abiq; vilo offe. Quod si cui inerat, nucleum dulcè vti amygdala dabat: & nunc hominum, nunc animalium faciem emētiebatur pōmū, diuersaq; lineamenta demonstrabat. Tertius cerassia exossa, acida, ac dulcia emittebat: adhuc mala aurea. Cortex floribus rosisque cōsitus erat: fructusque ipsi debitam magnitudinem superabāt, & aliis dulciores ac odoratiores erant. Verno tempore efflorescebat arbor, & ultra debitum tempus suos foetus producebat, qui diu in arbore morabantur, & continuæ fecunditatis orbem toto anno ministrabant. Nam per quosdā gradus poma sibi succedebant, & foetura interpolabatur. Brachia ponderibus inclinata procumbebāt: denique sic cœlum fauebat, vt pulchriorem arborem non conspexerim. Haecenus ille, ex quo historiam tam raræ & pulchræ arboris huc proferre volumus, vt intelligeres,

*Quantum ars ipsa valet, quantumque industria pollet:
Et quantum insitio fecundos adiuvat hortos:
Cui fauet impatiens oculi labor, optimus artis
Cuiuscunque dator.*

Hæc sunt quæ de insitionibus ex Græcis & Latinis rerum agri doctoribus eximiis in præsen-

tiarum adferre possum. Quæ si parùm accuratè curata quis dicet, curiosiùs si curabit, curam sibi procurabit, & amicitiam nostram conciliabit.

FÍNIS OPVSCVLI INSITIO-
num ANT. MIZALDI *studio &*
diligentia concinnati.



ANTONII MIZALDI

MONLVCIENSIS, MEDICI,

*Dendranatome: seu, Exploratio & dissectio
corporis arboris in sua sigillatim membra &
parteis. Vbi de earũ officus, nutritione, succis,
humoribus, & aliis.*



P V D omneis omnium gentium
& linguarum Philosophos pro
concesso & confesso habetur,
Deum Opt. Max. ancillatẽque
ei Naturam, nihil vnquam frustra
fecisse: dedisseque rebus omnibus parteis & mẽ-
bra, quæ illis ad vsum essent necessaria. Hinc
stirpium generi vniuerso radices, velut funda-
menta quædam, iecit: vt ijs quasi pedibus (sic
enim loquitur Plinius) subsisterent ac firmaren-
tur. Quibus caudicem, vel, si mauis, truncum su-
perposuit: ramisque quasi brachiis rursus illum
diffudit: & ex his caules ac surculos elicuit, velu-
ti manus & digitos: eorũque alios fructu do-
nauit, alios fronde sola & foliis vestiuit: quibus-
dam genitalia membra dedit conceptũ & fœtu
suo tempore grauida: plerisque verò aliis, vm-
bracula duntaxat & tegmina præscripsit ad tu-
randos, protegendosque partus: & ob id fructi-

*Arboribus
datas esse
radices pro
pedibus.*

*Truncus.
Rami.
Surculi.*

bus priuauit. Arboreis itaque furculis & cauliculis genitalis sedes assignatur. Quòd si nō nunquam à partu cessent, non tamen vt orbi & steriles à fertilium choro sunt explodendi. His omnibus corticem, ceu cutem quandam appōsuit: cui humor subest, qui sanguis intelligi debet, omnia alens, vegetans & sustinens, vnde etiam arboris caro coalescit, cortici proxima: cui venæ insunt per caules & furculos ad folia vsque perreptantes. Subest itaque humor quidam nutritius, ceu sanguis quispiam & saliuā, non solū arborum cortici, verum etiam partibus reliquis: sed non idem omnibus: lacteus etenim fici inest, ad coagulandos caseos non inutilis: cerasis gummosus: vlmis saliuosus: malis lentus ac pinguis: vitibus, pyris, aquosus: & ita de aliis: sed viuaciores sunt arbores quibus lentior subest humor. Insunt & succis arborum quarundam adipēs: qui à colore albo, Alburnum vocantur: mollis ac pessima pars arboreæ carnis: nam facile putrescit, & teredinibus obnoxia esse solet. Ex quo, velut marcori patens, in lignis ad ædificādum repositis excludi & rescari debet, ne pars sincera trahatur in vitium & corruptelam. Arboribus nonnullis pulpa tenui constat stamine, absq; venis: & huiusmodi arbores fissiles maxime traduntur: quibus non adest, frangi, quā scindi aptiores sunt: vt in olea & vite experimur. Quæ recto neruorū stamine seu filamento coaluerunt, quòd frangentē præ cæteris violentiam respuant, vinculis fascium dicari solent. Hinc nimirum,

Cortex.
Humor.

Caro.
Vena.

Arborum
humores
vari.

Alburnum,
velut adeps.

Pulpa.

Nervi.

mirum, genistæ, coryli, vlni, betulæ, & populi rami, aliarúmque arborum quarundam, ad id præcipua dos. Subtument & glandia, nonnullarum arborum carni, perinde atque in corporibus humanis, quodam callo carnis in se conuoluto.

Glandia.

Nunc de medulla paucis agendum, quæ latet in singularum arboris partium meditullio, vt in solidis animantium partibus. Sed inter se discrepât arbores in hac medulla: quibusdam enim carnosæ subest, vt fico, sambuco, & aliis: quæ ob id fungosi generis existimantur: Aliis, lignosa sentitur, vt larici, abieti, pino, & similibus. His vtcumque elucidatis, nunc demum ad nutritionem calamum in hunc conuerto modû. Si omne quod adolescit, augetúrque, alimentum capit, & illud caloris attrahentis & concoquentis beneficio sibi comparat, necessum est, arbores caloris principium aliquod habere: quo suis radicibus alimentum ex nutritio terræ sinu, ceu ab altricis vberibus cõfectum, sugant & hauriant. Nam terra perinde atque vberē vtuntur: vnde succus alendis partibus dispensatur, qui feminibus ad educandam nouam sobolem conspirat. Sic autem procedit educatio. Radices maiores & crassiores proximo & illibato terræ succo primùm aluntur: tum demû minores, ceu capillares quædam venæ ex maioribus obortæ: dein, residuum ad truncum & illius parteis excurrit ac transmittitur, donec ad summum & vltimum vsque surculum ac folium iugi transmeatione & ministratone peruentû sit. Naturali enim vi ac facultate

Medulla.

*Arborû calor ingeni-
tus.*

*Modus edu-
cationis ar-
borum.*

nutrimentum per trunci medullam, ceu per canalem & syphunculum, cæcis quibusdam meatibus, ad summum vsque & extremum germen, flosculum, fructum, ramulum & foliolum vndique distribuitur. Quò cum peruenerit, ibi consistit & absumitur: vnde tam multa in ramorum capitibus germina. Quòd si veluti redundas ad crura radicibus vicina reflectatur & remigret alimentum ipsum, multos ibidem stolones edit: humore nutritio illuc conuerso, & à partibus superioribus remisso. In his paucis, præcipua consistit arborei corporis anatome, & explicata in suas partes dissectio à capite ad calcem: vel, si mauis, à cacumine summo, ad imas radices, tam maiores quàm minores. Quarum statum & implantationem quoties de aspectu, vel cogitatione mihi propono, toties beneficentissimi Dei bonitatem inenarrabilem, & sapientiam incomparabilem demiror ac suspicio: qui tantam radicibus illis, & his infixis capillamentis ac fibris facultatem elargitur, vt citra vllum auxilium, prodigiosam lignorum molem (cui vehendæ vel cectum quandoque instructissima plaustra vix sufficiat) tamque numerosam fructuum multitudinem (quæ vel nauculam alicubi onerare possit) non dicam sustineat, sed assidua alimenti subministratiōe, etiam in arido plerūque cælo & solo, pluribus seculis atque ætatibus alant: ac tam vberem, vt diximus, ligni & fructuum copiam suppeditent, vt, non solum ad hominum vsum multiplicem, vel annis quamplurimis sufficiat: quin-

Germina.

Stolones.

Dei sapientiam & bonitatem in rebus omnibus elucere.

Pulchra philosophia.

quínimò multorum quoque animalium & volucrum pabulum etiam proferat. In quam rem, ne per varias arborum classeis insolenter nostra vagetur oratio, Nucem arborem, vel Quercum de multis pro exemplo adferam. Quæ in tantam altitudinem, & vsque adeo vastam, umbriferamque amplitudinem, quandoque spaciatur, excrescit, & dilatatur, ut sub ea, vel Alexander ille Magnus, gentium terror quondam nuncupatus, cum numerofo exercitu suo, facile castrametari possit. Quam vastitatem & summè admirandam molem, fructuúmque inexplicabilé copiam, quis alit? quis immensum illud corpus sustinet? quis radices fulcit ac firmat aduersus violentissimam ventorum rabiem & horrida fulmina, quæ vel prodigiosas turres funditus euertunt, & solo ad-

De Nuce
Et Quercu
notanda.

Deum omnia
firmare
et sustine-
re.

æquant? vnus sanè est Deus Optimus Maximus, qui mirabilia facit solus, quæ-
cúq; sunt in cælo, aëre, terra,
mari, & profundis abyssi;
cui honor, & gloria in omne
æuum.

* *
*



DE HOMINIS SYMMETRIA,
PROPORTIONE ET COM-
mensuratione.

ANTONIVS MIZALDVS
LECTORI.



E hîc paginas aliquot inanes & suo fru-
ctu viduas ac steriles, ceu Prætoris al-
bum, videres, pretium operæ facturum
me putavi, si eas, absolutis Hortēsis,
alia memorabili doctrina quapiam re-
plerem, & in tuam gratiam illustrarem.
Ea itaque esto de Hominis symmetria
& mensura admirabili: vt noscat vnusquisque suum cor-
pus aliud nihil esse, quàm harmonicum quoddam instru-
mentum omnibus suis numeris absolutissimum.

*Facies di-
mensiones
ores.*

Imprimis itaque cogitandum tibi proponimus, quòd
solers Natura ita hominem formauit, vt eius faciem sum-
mo loco spectandam proponeret, quò cæteræ totius cor-
poris partes suum còmensum & dimensionem inde susci-
perent. Constat autem ea tribus dimensionibus. Vna, à
summo frontis qua capilli nascuntur ad intercilia: Altera,
hinc ad imas nareis. Vltima, à naribus ad mentum. Hæ
autem per se multiplicatæ, vt volunt, integram, quâta erit,
humani corporis staturam reddent in nouem portiones
distributam.

*Statura hu-
mane por-
tiones no-
uem.*

Prima erit facies ipsa: Secundam constituet pectus, à
clauiculis ad sternū, seu summum stomachum. Tertia erit
ab hoc ad vmbilicum. Quarta, ab vmbilico ad femur sum-
mum. Quintam & sextam, coxendices ad poplitem com-
plebunt. Septimā & octauam, à poplite ad talos. Nonam,
ab

ab his ad extremos pedum articulos. Cōstabit itaque humani corporis longitudo, vt dictum est, partibus nouem: quanquam alij octo, alij, quod rarius est, septem fecerint. Quod de adulto viro hīc intelligendum censemus: non de infantibus: quorum in longitudinem mensura omnis, quatuor constare faciebus perhibetur.

Consideranda & ipsa inter se partiū ἀναλογία, quam alibi proportionē, hīc, ni fallor, cōmensum propriē dixerimus.

Quanta est longitudo ab interciliis ad summas nares, tanta erit productio menti à iugulo. Quanta à summis naribus ad mentum, tanta à iugulo ad imam gulam: hoc est, semiportione. Quantum est superioris labri interual- lum ab ore hinc ad nareis imas, tantūdem erit summarum narium prominentia à labro: tantūdemque & oculorum ab interciliis concauitas ad interiores angulos. Præterea in manibus quod est extrinsecus à summo vngue indicis, ad iuncturam hinc imam, continebitur semiportione. Ac rursus hinc ad eam quæ brachio colligatur manus, alia. Sic & intrinsecus à summo vngue medio. Primus autem indicis articulus maior, fronti correspondebit. Secundus ad extremum vnguis, naso. Primus item medij, huic quod est à naribus ad mentum. Eiusdem secundus, huic quod est ab imo mento ad inferioris labij supremum: & rursus vngularis eiusdem articulus, huic quod est ab ore ad infe- riora nariū. Et indicis eodem, à supremo labri superioris. Maior pollicis articulus cœquabitur huic quod est à mē- to ad summum labij inferioris. Minor huic quod est à na- re, ad idem. Vnguium autem articulorum omnium, di- midiatam sibi partem occupabunt vngues ipsi.

Frons in latitudinem à media linea quam discriminatri- cem appellant, hinc inde ad prima tempora sua bis defi- niatur longitudine. Ab interciliis ad extremos oculorum angulos, atque hinc ad primas aureis, harūque longitu- do tantundem. Id verò spatium quod est inter vtramque extremitatem oculorum, ex duabus iisdem dimensionibus in tres partes distinctum, duas oculi, vnam sibi interme- dius nasus vendicabit. Oris latitudo, si per summum la- bij metiatur, respondebit fronti, nasove: sin circino, illi

*Analogia
singulorum
mēbrorum
corporis in
longitudi-
nem.*

*Commē-
suratio sin-
gularum
mēbrorum
corporis in
latitudinē.*

DE PROPORTIONE HOMINIS.

spatio quod est pollicis articulo maiore definitum, à labro superiore ad mentum. Pectoris latitudo faciebus continetur duabus: Palmaris autem, plantarísque latitudo, definiri semper inuenietur semipositione. Spacium inter vtramque mammillam vna facie continetur: earúmque certus situs ab inferiore gula, eodem dimensus circino deprehenderetur.

*Mensura
singularum
corporis par-
tium in al-
titudinem.*

In altitudinem verò mensura quæ solacircunlatione cõprehenditur, ex supra dictis hoc modo capietur. Capitis per mediam frontem altitudo, portionũ est trium: item & summæ coxendicis. Per occipitium à summa fronte ad ceruicem, duarum: itémque & infimæ coxendicis. Colli duarum: Pectoris per alas ad tergum, quinque: Ventris per medium, quatuor. Lacertorum, coxarum, crurum, pollicis, cæterorúmque articulorum summa circunferentia, nunquam plus longitudine eorundem membrorum continet. Extremum brachij propter iuncturas manuum, portione, propter nodum tibiar, etiam quarta. Altitudo autem hæc quæ est ab imo talorum ad summum pedis, respondebit longitudini, quæ est isthinc à summo pedis ad extremũ vnguem. Colli circulatio ei parti respondet portione, quæ est à summo pede ad vmbilicum. Sed de his satis. Quæ ex Pomponio Gaurico, ferè ad verbũ tibi transcripsi mus: obscura sic satis: fructu, si potes, & fœliciter vale.

E I N I S.

